

CIMELIA

0

733

1585. May 4



XI, VII, 20.

XI VII 20

Hist. 776.

Hofii 26a

IV. a. 4.

4.

D.
STANISLAI
HOSII S. R. E
CARDINALIS

MAIORIS. POENITEN.
& Episcopi Varmienſis
Vita .

AUCTORE
STANISLAO RESCIO
Prothonotario & Referendario
Apoſtolico.



M. Andrea
Hecce Rouski
H

ROMAE,
Impensis Iacobi Tornerij.

Apud Zannettum, & Ruffinellum,

M. D. LXXXVII,

Rmo dno Epi Plocen.
Auct. Bor.

STANISLA

HOS

CARD

MAJORIS

& Holborn

VIR

ANCTO R E
STANISLA RESCIO

Cim. O. 793,

ROMA

Impressa in

Apud Xanderum & Rodericum

M. D. LXXXVII

SIXTO V.

PONT. MAX.

STANISLAUS RESCIVS

beatos pedes exosculatur.

HOSII Cardinalis
vitam in lucem ho-
minum prodeuntē,
tua, Beatissime Pa-
ter, protectione &
patrocinio ornan-
dam, muniendam-
que putavi: tū quòd
me non ita pridem, ad illius editionem
(quæ tua semper fuit in Hosij memoriā
benivolentia) benigne adhortatus es;
tū quòd illius lectionem orbi Christia-
no vniuerso, & nostris præcipue homini-
bus cuperem reddere commendatiore,

ijjs præsertim, qui in Partem tuæ sollicitu-
dinis vocati sunt, vt rapaces lupos ab
ouili Christi (quod tu prudenter, iustè,
fortiter, & temperatè moderaris) omni
suo studio, conatuque repellant. Spero
etiam fore, vt ista rerum ab Hosio gesta-
rum commemoratio, nōnullam tuæ Bea-
adferat voluptatem: quæ in Istiusmodi
pietatis studijs, in defendendis verbo &
opere Ecclesiæ Dei rationibus, inque re-
rum omnium, quas iste sol aspicit con-
temptu, ætatem tuam a teneris vsque an-
nis, magna cum laude pietatis contriui-
sti: & hoc tempore campum adeptus es
maximum, Orbem vniuersum Christo lu-
crificandi. Languent Hæretici. Timent
Scismatici. Machometanorum feritas re-
pressa quoque dicitur. Laus ea tuæ in
Deum pietati proculdubio reseruatur, vt
extremam mortiferam plagam, pestibus
istis imponas, & Orbi Christiano pacē,
Christo hæreditatem, vrbi voluptatem,
nobis omnibus aurea sæcula repræsen-
tes, tibi vero cælestes illas coronas com-
pares, quæ preparatæ sunt his, qui in mo-
derandis vitæ vocationisque suæ ratio-
nibus, nil timuerunt nisi Deum, nil spe-
raue-



STANISLAUS . HOSIUS .
CARD . VARMIE . M . P .

IN. EFFIGIEM. ET
VITAM. D. HOSII
VARMIIEN.

Ad Lectorem.

THOMAE TRETERI.

Talis erit facies HOSII. Sic ora ferebat
PRAEKO DEI PATRIAS SPLENDOR
ET ORBIS AMOR,
Hoc docti clarique viri, Regesque Ducesque
Declarant: illud terra Polona probat.
Tota, Dei studium seruens, ECCLESIA nouit;
Cui lingua, exemplo, profuit & calamo.
Singula si cognosse velis, euolue libellum,
Quem docta scripsit RESCRIPTI ipse manu.
Nene legas frustra haec: imitari lecta studeto.
Sic Auctor meritum, commoda tu referes.

In Obiitum eiusdem Carmen
annum & diem mor-
tis indicans.

AVGVSTI LVX qVInta Labat
nonaVe reCVirtVnt
HosIVs oCCVbVIt MVIs saCrata tVVIs.

DANIEL. XII.

Qui docti fuerint, fulgebunt quasi splendor firmamenti: & qui ad iustitiam erudiunt multos, quasi stellæ in perpetuas æternitates.

ECCL. XXXIX.

Collaudabunt multi sapientiam eius, & usque in sæculum non delebitur. Non recedet memoria eius, & nomen eius requiretur a generatione in generationem. Sapientiam eius enarrabunt gentes, & laudem eius enuntiabit Ecclesia.

D. STANISLAI HOSII

CARDINALIS

VITA.

LIBER PRIMVS.

CAPVT. I.



MAGNVS est Magnus veritatis præ-
dicator, STANISLAUS HOSIVS.
in ea quæ Regni Poloniae caput
est Ciuitate Cracouieñ. Anno
Domini 1504. regente Eccle-
siam Dei, Iulio II. Pont. Romano, Impera-
tore Maximiliano I. Regè Polonię Alexandro.
Patrem habuit Vlricum Hosium, matrem ve-
rò Annam, de quorum vita & conuersatione
rectè dici poterat, quòd erant iusti ambo ante
Deum, intendentes in omnibus mandatis & iu-
stificationibus Domini sine querela, timebant-
que Dominum valdè, nec erat qui loqueretur
de illis verbum malum. Erat autem Vlricus
laudatissimo, & omnium sæculorum memoria
& prædicatione dignissimo, Regi Sigismundo
I. charissimus; tum quòd in omnibus vitæ stu-
dijs pietatem coleret; tum quòd illi fidem, indu-
striam, diligentiamque suam, in obeundis &
administrandis publicis officijs, & muneribus,
in Ciuitate Vilenfi, quæ Magni Ducatus Li-
tuaniae

tuantiæ caput est, quorum illi procurationem
 commiserat, ita probauit, vt amorem sibi tum
 Regis, tum reliquorum omnium compararet
 in eo officio, in quo odium vitare valde difficile
 videbatur. Regias enim rationes omnes tam
 abstinenter administrabat, quàm alienas; tam
 diligenter, quàm suas, tam religiose, quàm pu-
 blicas; quò factum est vt rem quoque suam fa-
 miliarem ita auxerit quasi pietatem colere ne-
 sciret, & ita vicissim pietatis officia persecutus
 sit, sicut de patre quoq; suo scriptum reliquit,
 Magnus ille Theologus, vt rerum domesticarum
 curam in omne tempus abiecisse videretur, ita
 vt nouus quidã Abraham, & secundus Ioseph
 reputari mereretur, cum in augenda re sua non
 auaritiæ prædam, sed instrumentum bonitati
 quæsiuisse videretur. Ædificauit enim in eadẽ
 Ciuitate Vilnẽ Xenodochiũ recipiẽdis fouẽ-
 disque pauperibus accommodatum, quos om-
 nibus Christianæ pietatis officijs, vitæque præ-
 sidijs tanta charitate subleuabat, vt pater pau-
 perum, pes claudorum, cæcorum oculus, pu-
 pillorum adiutor, viduarum consolatio, re &
 veritate probaretur. Aliud quoq; extruxit Mo-
 nasterium in quo fratres suo Regula S. Patris
 Dominici Christo, seruientes collocauit, quos
 præcipuo quodam cultu & studio prosequeba-
 tur, eorumque domestica consuetudine fami-
 liarissime utebatur semper. Ecclesiam ipsam, &
 omne orationis tempus sollicitissima cura, &
 pieta-

pietate tanta frequentabat, nullam, vt publicis muneribus curam, nullam domesticis rationibus operam impendere videretur. Vicissim autem afflictorum iniurias, oppressorum calamitates, viduarum lachrymas, orphanorum angustias, & omnium miseras tanta pietate, benignitate, celeritate subleuabat, vt nec orationibus, nec publicis muneribus distractum occupatumq. crederes, in eoque studio cum cæteris omnibus antecelleret, adeo vt publicus quidam virtutis & morum, & vitæ etiam paulo politioris in illa ciuitate auctor & magister haberetur; à solo tamen filio, quod sequens indicabit oratio, primas ferre partes prohibebatur, quem etiam post multos deinum annos de hoc ipso patre suo ad optimum illum & intelligentem virum Augustinum Rotundum Aduocatū Vilneñ sic icripisse legimus; Patrem meum scio te vidisse nunquam, sed fama illius obscura tamen apud vos non est. Nam quantā operam nauauerit in ornanda, & quibuscunque modis potuit, augenda & illustranda Ciuitate Vilnensi, & castro Regio; tum in Monasterio & Hospitali exædificando, quas impensas fecerit, non ignoras. Quod opus ab illo ceptum fuit, id per filium eius fratrem meū Ioannem est absolutum: nec etiam queri possum de Sigismundi. I. Regis liberalitate, qua fuit meū patrem profecutus, quam nec filius eius Sigismundus Augustus in se requiri passus est, etc.

ANNA quoque mater, quam laudem mulieri forti in scripturis atributam cognouerat, eam in omnibus pietatis officijs explere cumulatè cōtendebat. Manum enim suā aperuit inopi, & palmas suas extendit ad pauperē. Cōsiderauit semitas domus suę, & panē ociosa non comedit, imo vero tantum ipsa quoque Deo placere conabatur, tantum ad salutē pręsidium, in iuuandis pauperibus, ac in sacerdotū ac religiosorum hominum orationibus collocabat, vt nil magis expeteret, quàm filium suum Scanislaum in sacrum sacerdotum ordinem cooptatum aspicere, à quo possit in altari (sicut vetus patrię nostrę verbū habet) Sub calicem poni; hoc est, eius potissimum precibus & sacrificijs diuinę misericordię commendari. Quamobrem etiam & calicem & cruces, & reliqua sacerdotis ornamenta gemmis auroq; distincta ad vsum triennalis adhuc filij pręparauit, quibus etiam cum & Sacerdos, & Episcopus & Cardinalis factus esset, in sacrificio Misę vsum vidimus, ac tantam istam pię matronę fidem, rerumque futurarum quandam quasi præsensionem admirati sumus. Atque hæc breuiter de parentibus Hosij commemorare visum est, propterea quod, vt dicit Ecclesiasticus: Gloria hominis ex honore patris ipsius, atque

ut etiam lector intelligat, quod probatu viri,
genus virtutis profapia est, & sicut hominum
genus homines, sic virtutū genus virtutes sunt.
Hæc autem Hofiorum familia ex Marchione
tu Badensi videtur initium accepisse.

C A P V T III.

H I s ergo parentibus procreatus Hofius,
cum in domestica virtutis, & pietatis
exempla incidisset, ab ineunte statim ætate op-
timus esse cœpit, nō aliter quam si pietatis stu-
dium ex maternis vberibus accepisset. Et quo-
niam ad docendum, & ad viam veritatis & vni-
tatis cathedram errantibus ostendendam, na-
tus erat, statim eius quoque rei igniculi à natu-
ra dati, eluxerunt. Nam cum adhuc per ætatem
gradiendo non valeret, serpendo ad magistrū
liberalium artium properabat, ut quantum pos-
set pueriles disciplinas primo quoque tempo-
re capefferet, atque se se ad futuram frugem
præpararet. In reliquis etiam infantie studiis
maxima futuræ maturitatis signa, & acerrimi
ingenij argumenta apparebant. Nam & arbu-
sculæ quædam ex nobili atque fructifera stir-
pe venientes, citius fructum facere, quàm cre-
scere consueverunt, & quanto minor ætas ran-
to est earū vbertas gratior. Tres simul linguas,
quibus olim in Ecclesia verbum veritatis lo-
queretur, ex parentum & præceptorum con-

*Juuenis
Prosopo
graphia*

D. Stanislai Hosij

fuetudine, & disciplina, eodem tempore eademque opera perdidicit, Latinam Germanicam, & Polonam. Omnes infantum ineptias æque respuebat, parêtes reuerebatur, præceptores honorabat, maioribus assurgebat, nil contentiose, nil per iracundiam exorabat. Tenui victu, minime preciosa veste, & simili cū æqualibus cultu utebatur, diuitias parentum in conspectu, non in vsu habebat, hæredem se esse audiebat, non sentiebat; in ludis puerilibus vincere non nocere cupiebat, victor lætabatur nõ gestiebat; victus patiebatur, nõ irascebatur, delicias & blanditias nunquam appetebat: admonitiones in animum non in aurem tantum recipiebat. Vt primum autem per ætatis beneficiũ ad studium Grammatices accessit, discẽdi proficiendiq; cupiditate, non æquales tantũ suos, verũ etiã parentũ præceptorumq; expectatiõnẽ antecedeat. Neq; enim Ecclesię Dei rationibus expedire videbatur, vt sermonũ elemẽtis tamquã lacte diũtius pasceretur, sed, vt elementa, sicut ait Apostolus, exordij sermonũ Dei caperet, quibus olim esset omniũ gentiũ ac nationũ animos nutriturus. Postquã autẽ legendi artificium sine præceptore exercere poterat, ante omnia ad euoluendas sanctorum patrum vitas, & res ab illis pro fide Christi gestas, cognoscendas studium suum conuertit (huius enim generis libros Germanica lingua conscriptos ad fallendum familiæ suæ otium, non aleas nõ

fritil-

fratillum, non talos, non tesseram, Hosij nostri pater domi suæ tenebat expositos) idque non cursum & remisit, aut fallendi temporis gratia, quæ res solet habere in iuuenibus maximam repræhensionem, verum animo proficiendi cupidissimo, & ad imitandas sanctorum virtutes valde inflammata voluntate. Memoriter etiam singulorum historias ita complectebatur, ut præclarissima quæque dicta & facta, & inferendis æquanimiter acerbitatibus, admirabilem constantiam, mortisque generarentibus, & præceptoribus suis, ac etiam vniuersæ familiæ recenseret, ac remissos etiam & negligentes ad studium audiendi inflammaret. Ante omnia vero, obseruare solitus est, ex qua quisque virtute saluatori suo Christo placuisset, idque potissimum & publicis votis ac suspirijs, & priuatis orationibus sibi quoque a Domino contingere contendebat: quo factum est, ut dum meliores quotidie imitatur, ipse quoque singularibus exemplis ad imitandum abundare mereretur. Historiâ quoque Titi Liuij, Germanica lingua scriptam, cum tantis, & rerum & sententiarum ponderibus abundare perspiceret, & authorem Latino sermone scripsisse per ætatis immaturitatem ignoraret, in Latinam linguam transferre, ceterisque populis & nationibus tam præclarum thesaurum impertiendum esse, proponebat. Erat in templo assiduus, orationum pensum & liben-

ter & studiose quotidie persoluebat. Et cū
cæteris in rebus ac in tota familia postremus
haberi, minimusque reputari cuperet, in elee-
mosynis pauperibus erogandis inter omnes
fratres, & domesticos & vernas principatū obti-
nere contendebat. Et quidquid à parentibus as-
signatum extitisset, id manibus ipse suis in ege-
nos partiri, & vota benedictionesque singulo-
rum colligere cupiebat, in quibus summum vi-
tæ actionumq; suarum præsidium, statuebat;
ita vt vrgentium prementiumque turba, & im-
portunitate, pene quandoque obrueretur, ac
ad parentum pedes iterum & tertio proiectus,
tanquam ipse indigeret causam indigentis lo-
queretur, nec finem fecit exigendi, quàm singu-
lis plene satisfactum cognouisset. Siue lectioni
siue orationi vacabat, dimissis occupationibus
ad ferendas pauperi vociferanti suppetias accu-
rebat. Ieiuniorum dies magno studio ac dili-
gentia cauit, ne vel cibo, lege vel consuetudine
prohibito, vel intempestiuo tempore sumpto
violaret, vt impetus adolescentiæ abstinentiæ
beneficio frangeret, & asellum carnis suæ, ci-
bum potius quam lasciuiam cogitare compel-
leret: præcipue vero diē, quā feriam sextā voca-
mus, in qua Dominicę passionis memoria per-
agitur, in summa cibi potusq; abstinentia transi-
gendū putabat: & nihilominus Quadragesimę
tempore abstinentiæ rigorem augebat, ac fe-
ria secunda & quarta & sexta ita parce cibo ac
potu

poti vtebatur, vt extremam tantum partem deficientis spiritus conseruare voluisse videretur, nec vllis vel parentum vel nutricum precibus cōcedere consueuerat, vt aliquid de seueritate ieiunij relaxaret, adeo, vt pater coactus aliquādo fuerit, ab hoc tam accurato ieiunandi studio, interposita confessoris auctoritate filium auertere, ac pœnitentiæ etiam loco præcipere, vt paulo liberalius alimentis necessarijs vteretur, ne quod vitium stomachus in posterum traheret, cui medendo & rem & tempus, & omnes Medicorum artes & operas impendere, perdereque cogeretur, quod tamen ægrè quandoque impetrabat.

CAPVT IIII.

SED & hoc magnum illum puerulum spiritus Sancti gratia, quæ sibi in eo domiciliū & Ecclesiæ Dei præsidium præparabat, docuerat, quod corrumpunt bonos mores colloquia praua; quodque sicut libidines adulterorum sodalitia, sicut sæuitiam homicidarum contubernia, sicut auaritiam sordidorum consuetudo, ita vicissim piorum hominum conuersatio, pietatem & cæterarum virtutum amorem ac desiderium in animis recte institutis excitaret, & quod etiam Ecclesiasticus præcipit, Cū viro sancto assiduus esto, quemcunque cognoueris obseruantem timorem Domini. Quamobrem cum sciret se non posse inter exempla deficere, opti-

optimis se se statim initio cœpit adiungere, ex quorum consuetudine melior indies, atq; perfectior euadebat; illius quoque memor, quod qui in sole ambulat etiamsi ob aliam causam ambulet, fieri natura tamē vt coloretur, & qui in taberna vnguentarij hæserit, odorem loci vel nolens asportat. Erat igitur in Ecclesia & in Monasterio assiduus. Religiosos S. Domini, tamquam Angelos Dei vnicè colebat, & in intimam eorum familiaritatem immersus, vitæ instituta, & eius regulæ obseruationes curiosius inuestigabat, quorum Angelica conuersatione, tantum fuit ad amorem vitæ solitariæ inflammatus, vt ipse quoque sæculo renunciare, seque ad illius regulæ societatem adiungere voluisse videretur: nec obscure vim istius desiderij præferebat. Ipsi quoque religiosi viri cū Hosium in animo prudentiam, in lingua silentium, in vultu pudorem, in moribus ferre sacerdotium, & magnam olim ad religionis amplitudinem accessionem futuram ex illius societate anima duerterent, singulari voluntatis suę inclinatione in Hosium propendebant: & profecto vtriusque partis desiderium consentientes exitus accepisset, nisi quod sicut ait scriptura, non erat in homine via eius. Ille volebat latere, sed Dominus volebat super candelabrum ponere. Ille se humiliabat, sed Dominus in oculis omnium gentium ac nationum exaltandum reseruabat. Ille mundum fugere, sed Dominus cogitauit

Antithe

vis

Cardinalis. vita.

II

tauit per os eius mala mundi corripere. Quamobrem etiam Hosij pater suam voluntatem diuinæ voluntati adiungens, cum ipse quoque iudicaret minime hoc magno & excelso animo conuenire, mundi fugam persequi, & adipiscendæ virtutis gratia adiutrice, sicut ille ait, vti solitudine (cum nec in tranquillo mari navigationis peritus, nec in summa quiete & ocio miles expeditus probari cōsueuerit) cœpit ipse quoque filium charissimum ab illa cogitatione de ingressu religionis suscepta, modis omnibus auertere, idque vnum omni cura prouidere, sicut olim D. Gregorij Nazianzeni parētes prouidisse memorantur ne vel inuito sibi & reluctanti religionis habitū filius assumeret: conatusq. ad extremū, est homo pietatis & religionis studiosissimus, auersionem animi sui, deferrendique Monasterij periculum religionis superioribus denunciare, si filio suo religionis habitum imponerent: quod certè fecisse non impetu voluntatis aut cupiditate victus existimandus est, sed quòd, id quod deinceps euenit, in luce hominum collocandū esse filium suū, in spiritu cui seruiebat in timore, præuidebat. Vnus autem est Hosius per nouem continuos annos vnius præceptoris opera, maioresque in literis progressus, vel quam ipse præceptor fecerat, vel ætatis imbecillitas fere & sustinere posse videbatur, sponteque sua ad graviora studia contendebat, quæ captum magistri homi-

nis

nis non omnium eruditissimi, excedebant qui etiam parentibus denunciauit ut alios preceptores ingenio pueri, & proficiendi cupiditati contentaneos inquirerent. Jam enim hoc quoque Hosius intelligere coeperat, quam esset periculosum ocium, & quam sit omnibus quod aiunt, neruis fugienda ignauia; quoque nullum esset frenum ad frangendos adolescentiae impetus, & auertenda carnis vitia remedium efficacius, perpetua & honesta occupatione, ut ne vnumquam ut ait Hieronymus: Diabolus inueniat ociosos. Numquam igitur libros de manu, oculos a libro lectioneque demittebat, etiam dum cibum summeret, altera manu alimenta capiebat, altera librum oculis offerebat, ita ut ex ea quoque contentione, sicut ante ex ieiunij studio, nequid incommodi filio crearetur, pater amantissimus dubitare cogeretur. Ac sicut olim vestes Origenis, ne ad Martyrium curreret, mater eius abscondebat; sic Hosij quoque nostri pater libros subtrahebat, ne nimis assiduo studio filius vitam suam in discrimen adduceret. Ceterum ille nec de contentione quicquam remittebat, & in alios atque alios libros, novos subinde sumptus impensasque faciebat; non ut eos faceret cœnaculorum ornamenta, sed ut ad manum haberet studiorum instrumenta: ita ut pater admiraretur cum & cibi & potus & somni, & temporis magna esset in filio parsimonia, in conquirenda tamen atque concu-
men-

menda librorum supellectile profusior videretur. Accidit autem ut pater non paucorum millium sumptus, & in Ecclesiam & Monasterium, & in Hospitale S. Spiritus extruendum factos, & istas quoque in libros immoderatas filij impensas comemoraret. Cui Hosius noster, modestissima, ut par erat, oratione usus respondit; Si pietatis suae meritum nollet apud Deum amittere, ne sumptus ad honorem Dei factos cum dolore memoraret: habere istam commemorationem exprobatōis, & abiecti pœnitentisque animi significationem. Longe plures adhuc opes in thesauris Dei repositas, asseruari, unde possit impensas factas copiose refundere. Quo filij respōso pius pater delectatus, tantum nō exosculatus est filij sui pectus, sicut olim Origenis dormientis pater eius osculatus esse perhibetur, tamquam Spiritus Sancti domicilium.

C A P V T V.

MISSVS est postea Vilna Cracoviam ut in Academia celeberrima (quæ semper in patria nostra habita est altrix doctissimorum virorum, & quasi quodā optimarum artium domicilium) pijs & eruditissimis præceptoribus vteretur, ac sitim illam proficiendi cumulate satiaret. Agebat interim annū ætatis suæ duodecimum, cum Martinus Lutherus ignobilissimus

Academia
Crac. laus

mus

Lutheri
Prosopo-
graphia

mus Apostata, Christique perduellis, bustum illud legum ac religionum, omnium ira & odio, pessimis consultoribus audaciam ministrante, eam fidem & doctrinam cœpit, oppugnare, quam vna, Sancta, Catholica Apostolica Romana profitetur Ecclesia, ac aliam vicissim novam, Apostolis & Apostolicis viris, maioribus, & patribus nostris incognitam, quam auctore & præceptore suo Sathana, cum quo non vnũ falsis modum se comedisse gloriatur, sub scamno erutã, vel ex aliqua tenebricosa popina extractam, pro puro puto verbo Dei venditabat, cœpit in vulgus spargere, ac vniuersam ventositatem, patres, concilia, pontifices, vniuersitatem, consensionẽ, valde cæco impetu erroris & impietatis cõdemnare. Cuius rei fama, cum ex vicina Germania in patriã quoque nostram initio peruasisset, omniũ pariter calculis & sententijs, impudentissimi hominis audacia dãnabatur, nec quidquam aures hominum minus ferre poterãt, quam vt vna, Sancta, Catholica, Apostolica, Romana, fides & religio, vnius Apostolate, heri, quod aiunt, & nudius tertius nati somnijs, & incredibili deliratione atq. stultitia labefactaretur, & cõuelleretur. Atque utinam ne nunc quidem eiusmodi blasphemijs aures hominum asucuisent. Sed Hosius præcipue cū ad viã veritatis errãtibus ostendẽdam natus esset, conseruandæ religionis studio ac diuini nominis zelo maiori, quam pro ætatis tyrocinio

nio inflammatus, in illis nascentis mali quasi crepundijs, arma quæ poterat in noua Lutheri dogmata cœpit expedire: cōscriptisque carminibus, impurissimæ doctrinæ fœditatem, & Catholicæ & Apostolicæ doctrinæ veritatem, nudatis fraudibus ob oculos hominum ponere, & ex intimo fallentium artificio depromptas artes, vt ætas adhuc tenera & carminis leges ferre poterant, aggressus est magno prorsus & inuictō animo omnibus ostendere: ac si quos pestilētes eius generis libros, qui per Lutheranæ factionis administratos, ad perniciem hominum comparandam spargebantur, conquirere & habere poterat, omnes illico Vulcano corrigendos offerebat. Quo tempore illud quoque memoria dignum accidit, quod cum in eadem Academia bonis litteris operam daret, Fabianus Cema, iuuenis nobili loco & familia in Prussia natus, & Hosio nostro domestica familiaritate coniunctissimus, nisi quod non æquē vt ille, à rebus nouis abhorrebat, & blaphemos Lutheranæ factionis libellos, Germanica præsertim lingua scriptos, non grauatim lectitabat, in acutā aliquando febrem incidit. Cuius vicem cum Hosius doleret, officia consolantium & libenter & studiosè præstabat, ac sæpe ad lectulum decumbentis assidebat. Quodam ergo die, sup̄ capite iacentis quendam libellum aspicit, quem cum in manus accepisset, & hæreticum esse cognouisset; Hæc est, inquit,

ista

m

ista febris, quæ te adeo grauitè exerceat. Tu malū hoc ipse tibi sciens & volens acceris, dū istas pestes non solū in animū, sed & in lectulū tuum recipis. Quamobrem si febrim à corpore tuo cupis propulsatam, prius ab animo tuo blasphemiarum studium, & omnem hæreticorum librorum colluuiem à tua consuetudine quam citissimè remoue, nec dubites quin te statim febris acerbitas deferat, & corporis sanitas remota peste consequatur; ac ita libellum flammis vtricibus obiecit. Postridie vero cum ad visitandum amicum reuersus esset, à febre relicto illo ipso tempore inuenit, quo libellum ignibus exurendum tradiderat: & magnam est vterque ex ea re consolationem affecutus, alterum illum Macharium Ægyptium adolescentem plane *πυδαρίε γέγοντα* diceret.

CAP. VI.

QUAMVIS autem in illa ipsa ciuitate Cræcouien. natus esset Hosius, nō plures tamen in ea quàm duas vias nouerat; vnam, quæ ex domo paterna ducebat ad Ecclesiam, alteram quæ ducebat ad Academiam: quam sibi quoque laudem & Basilio suo Gregorius Nazianzenus tribuit, cum à Platone rē eā bonæ indolis, & futuræ frugis specimen habere didicisset. Et quoniam erat facie valde liberali, quæ puri-

puritatem in animo reclusam, in vultu, in fronte, in oculis, repræsentabat, & iam vestiri coeperat rosea lanugine vultus, cum intemperantiæ periculum pius adolescens formidaret, omni adhibita cautione prouidere conatus est, ne voluptates, quarum tutissima est quies, in infirmo & iuuenili corpore ad luxuriam excitaret. Quamobrem, iuxta Doctōris illius sanctissimi consilium; non solum alienarum, verum etiam domesticarum scēminarum consuetudinem fugiebat: & cum esset in plateas Ciuitatis procedendū, illud Ecclesiastici consiliū obseruabat; Noli circūspicere in vicis Ciuitatis, ne oberraueris in plateis illius, auerte faciem tuā à muliere compta, & ne circūspicias speciem alienam. Propter speciem mulieris multi perierunt, & ex hoc concupiscentia, quasi ignis exardescet, faciemque suam togatæ vestis, qua ab ineunte ætate utebatur, semper manica operiebat, ne videret mulierem ad concupiscendū eam, vel ab aliqua videretur & caperetur. Ipsis quoq; Bacchanalium diebus cum amici & cognati, pro veteri patriæ cōsuetudine, paulo liberalius coenitarēt, in cubiculo reclusus **D. Ioannis Chrysostomi** Homiliam de comparatione Regis & Monachi ex Græca Latinam faciebat, à quo studio velut ab in tēpestiua occupatione, cum à sua sorore ceterisque coetaneis abreptus ad conuiuium & ad extremum delictiarū comitem saltationem traheretur, in medio cæ-

B naculo

maculo è conspectu conuiuarum fere fugiens euolauit, ac ad intermissam scriptionem se recepit, nec vnquam deinceps in omni vita sua, ad hoc lusionis & recreationis genus accessit. Habebat etiam in vsu ad Ecclesiã S. Stanislai in Skalka, in qua S. ille Christi Martyr & Episcopus Stanislaus pro fide & veritate sanguinẽ suum effuderat, singulis vt vocant ferijs sextis accedere, quam consuetudinem constantissimẽ seruabat, nec aut morbo, aut aeris intemperie, aut viarum impedimentis, aut cæteris occupationibus à proposita sententia vnquam reuocabatur: cumque aliquando febri ac dysenteria simul laboraret, & à suis prohiberetur, ne ad Skalkã accederet, quod ex eo motu non vulgare periculum attritæ valetudini posset acceriri; solebat, ex suo præceptore cæterisque domesticis secretius percontari, nunquid recta in cælestem patriam euolaret, si in illo itinere moreretur: qui cum adolescentis animum ad obeunda pietatis officia magis etiam accenderent, & sui & periculi oblitus, ad S. Martyris & patroni sui memoriam feruentissimo animo in summo suo languore accedebat: vbi cū cæteras virtutes, & dona gratiarum, tum præcipue continentia laudem à Domino cum lacrymis flagitabat. Sic ille pietatem studijs adiungebat, studia pietate exornabat. Et quamuis doctrina propter pietatis cultum non egeret, ita tamen doctrinas omnes persequutus est, ac
fine

sine vestigium quidem adhuc in studijs pietatis posuisset. In litteris humanioribus, Græcis pariter ac Latinis & in extrema Philosophia, breuissimo tempore, vsq; ad multorum admirationem profecit, in Aristotele præsertim, quem sua lingua loquentem legebat, ac lōge mēlius, quàm Latinam eius versionem intellexisse, ac etiam in Cicerone, quem maximo cum fructu quæties à capite ad calcem legisse postremis istis vitæ suæ diebus referebat : quo videlicet sicut de Damasceno legimus, limpidiorem creaturarum notitiam tenendo, & earum opificem clarius intelligeret, & ob miraculum maioris faceret & amaret, ad hunc enim ille quoque finem, cursum actionum & studiorum suorum referebat. Tantam autem pietatis doctrinæque famam apud omnes collegerat, vt cæteri coetanei, & ex ijs multi qui ætate præcedebant, Hosij adolescentiam imitandam sibi proponerent. Ac sicut Athenis olim sodalitiū illud nō ignobile, præceptorem & ducem, Magnum illum Basilium adhuc adolescentem & illius cursum & mores ; sic Hosium quoq; nostrū Cracouiæ cæteri sequebantur ; adeo vt in eius præsentia non solum à factis, verum etiam à dictis intemperantioribus abstinerent ; ac ipsi quandoque præceptores, cum paulo ad explicandum difficilior quæstio incidisset, Hosium ceniorem & arbitrum opinionum suarum adhibere non verrecundarentur. Licet enim in discipulorum ad-

huc ordine censeretur, profectum tamen in litteris, ingenio, iudicio, memoria, in præceptorum numerum erat referendus. Quamvis autem admirabili quadam ingenij celeritate abundaret, nec villo labore aut contentione opus habere videretur; vicissim tamen contentione tantam adhibebat, ut etiam si tardissimo esset ingenio omnia tamen assequi posse putaretur, ille vero proficiendi cupidissimus sic utrunque coniungerat, ut non satis liqueret, utro nomine magis venire in omnium deberet admirationem.

CAPUT VII.

VIDIT hoc Petrus Thomicki, Episcopus Cracouiensis & Regni Poloniæ Vicecancellarius, vir animi excelsi, acerrimi iudicij & æquitatis amantissimus, quod in Hosio celerior esset virtutis, quam ætatis cursus, quodque pietas illa, & eruditio non solum patriæ nostræ, verum etiam toti Reipub. Christianæ nascebatur. Quamobrem author Hosio fuit, ut in Italiam profectus, cœptum cursum studiorum prosequeretur, & interiores ac reconditas disciplinas, quarum siti laborare videbatur, perduceret. Hosius itaque Patavium profectus in præstantem illum virum, qui tunc in Italia principatum in docendo assecutus existimabatur, Lazarum Bonamicum incidit, in eiusque se cōiuetudinem penitus immerisit, ut ex ea quotidie

tidie doctior euaderet, nec ullis ibi quoque blanditijs aut illecebris captus est, sed quam semel ingressus est pietatis viam, sine vlla contentionis remissione persecutus, seipso maior quotidie euadebat. Duas enim tantum Patavij quoque vias nouerat, ad Ecclesiam vnam, ad Academiam alteram: reliquas omnes quæ ad festa, spectacula, conuentus, celebritates, ludos, epulas, ad forum, ad otium ducebant, volentibus reliquebat. Observabat Hosius Bonamicum, & à Bonamico vicissim impensius amabatur, cū propter exquisitam curam proficiendi, tum propter innocentis vitæ castimoniam, quod in Epistola qua deinde munus Episcopale Hosio gratulatus est, abunde testatus est. Magna illi quoque familiaritas & consuetudo, cum Reginaldo Polo, adolescente graui, senili iudicio ad omnem laudem & apud suos illustri loco nato intercessit, qui postea in sacrum S. R. E. Cardinalium ordinem cooptatus, patriæ suæ, & splendoris plurimum, & utilitatis attulit. Par erat in utroque studium pietatis, par doctrinæ, rei omnium inuidiosissimæ spes ducebat; aberat tamen ab utroque inuidia, sola æmulatione flagrabant, non vter eorum primas ferret, sed vter alteri primas cederet. Athenas rediuiuas, & alterum Basilium & alterum Gregorium Nazianzenum diceres. *Se*cessit postea Bononiam Bonamicus, quem Hosius fidelissimus & intimus discipulus secutus,

cursu studiorum feliciter absoluto, Doctoratus lauream maxima cum laude, & approbatione intelligentissimorum virorum, inter quorum quoque celebris erat Romulus Amaleus, adeptus est: præsentem & suis quoque calculis approbante Hugone Boncompagnio Doctore Bononienfi, qui nuper in Petri Cathedra sedens, Ecclesiæ Dei rationes feliciter administravit & Gregorij xiiij. nomen obtinuit, & Alexandro Farnesio, Christophoro Madrucio, Othone Truchses Augustano, qui postea S. R. E. Cardinales fuerunt, viri sempiterna memoria dignissimi, & Octauio Parmensi Duce Farnesij fratre germano: quos hoc loco memorandos putavi, ut nostri homines videant quam præstantium virorum semper fuerit, ac nunc etiam sit, alitrix Bononia, & eo potius, quæ domus est semper habita doctrinæ, quam ad illas Christi perduellium hæreticorum scholas (ubi nihil aliud quam edunt ut vomant, vomunt ut edant, & cum bene poti fuerint, Ecclesiam Dei, Pontificem, Episcopos, & vniuersum ordinem Ecclesiasticum, turpissimis conuicijs & omnium maledictorum notis proscindunt) Goltpergā, Vitembergam, Lipsiam, Francofortum, Geneuā, Ienam, Tigurim, Basileam, filios & necessarios suos in bonis litteris erudiendos mittant. Bononia in patriam rediturus Basileam deflectere, ac Erasimum Roterodamum (qui tū in Germania docti viri nomen adeptus existimaba-

mabatur) videre, eoq; etiam familiariter vti cupiebat. Sicut olim Icheriū Romanæ vrbis Oratorem, Augustinus, quem tamen de facie non nouerat, sed ex doctrinæ fama, quæ illi clara erat, amauerat ac videre cupierat, ac profectus etiam fuisset, nisi pecuniam, quam in sumptum itineris parauerat, pridie eius dici quo discessurus erat Patauio, prorsus omnem amisset. Voluit fortasse prouidere Dominus, qui serui sui vias omnes dirigebat, & in Ecclesiæ suæ columnam erigere proponebat, ne ex Erasmi domestica consuetudine, & ex illo pleno suauitatis ac leuitatis ingenio, mordacis linguæ labem traheret, aut ceteris istiusmodi maculis mentis suæ puritatem inquinaret, aut aliquod vitæ periculum in medijs hæreticorum furoribus, qui in Germania Luthero Christi perduelle classicum canente, in sacra omnia laxatis totius crudelitatis & impudentiæ habenis bacchabantur, incurreret.

CAPUT VIII.

CRACOVIAM itaque ex Italia reuersus ab Episcopo Tomicio, in familiaritatem recipitur. Quo mortuo & eius successore Chocienski, qui & ipse Hosii habebat charissimū, Regina Poloniæ Bona Sforta cum Hosii ingenio opus haberet, in suam familiaritatem regalibus adiunctis promissionibus aduocabat.

Idem etiam plerique alij Regni Poloniae Episcopi faciebant. Caterum Hofius cum Regina diuitijs opus non haberet, quietem & ocium litterarium & Academicum puluerem, in quo vir bonus discitur, Regum opibus anteponendum existimabat, ac priuatae potius vitae rationes, quam publica munera & officia, sibi esse persequenda proponebat: ac perfecisset etiam, nisi Sigismundus I. Rex auctoritatem suam interposuisset, qui per Samuelem Machieyouski Episcopum Cracouicē Regni Polo: Vicecancellarium, summi consilij, maximi animi, elegātem in dicendo, & in existimando admodum prudentē, ad operā in regia sua Cancellaria nauādā, partim precibus, partim imperio interposito coegisset. Vilnā deinde profectus Hofius ab octogenario patre mirabili & animi & vultus hilaritate excipitur. Placuit pio patri pietas filij, placuit rerum diuinarum continens, & minime interruptum studium, assidua lectio, feruens oratio, cura pauperum, in parentes obsequium, & quod in summa laude ponendum est, humilitatis possessio, quod nunquam de se magnifice sentiret, sed seruum se in vtilem profiteretur. Accidit etiam (neque enim & hoc prætereundum puto) cum ad mensam accumberet, vt famuli alijs rebus occupati mensā ministerium defererēt, & Hofius à mēsa se se propriens ministrorum munera obire, & ea quae deerant, tum parentibus suis, tum alijs hospitibus

bus & conuiuiis, debito cum honore suppedita-
re pergeret. Quo facto grādauius senex permo-
tus, lachrymātibus oculis, in illius caput, sicut
olim Iacob, manu imposita, filio supplici be-
nedixit dicens: Exaltabit Dominus humilitatē
tuam, multiplicabit in te gratiam suam. Eris
longæuus super terram, & eris benedictus. Fi-
lio vero respondente, Amen, ad mentam ite-
rum accersitis ministris redierunt.

CAPVT IX.

AD Aulam Regiam reuersus scribendis
litteris, decretis, legationibus, instru-
ctionibus, expeditionibus, sedulam & fidelem
& necessariam operam, magna cum sua laude,
Regi Reipublicæq; nauabat & Pruthenicis ne-
gocijs præcipue audiēdis, referēdis, & expedien-
dis, erat occupatus, nec ulli labori, tempori, vi-
gilijs pepercit, sed & cibum sumens, & remotis
mensis, vel legebat statim aliquid, vel scribebat
vel dictabat amanuēti suo, vel legentem audie-
bat. Verumtamen cum hoc vnū ante omnia la-
boraret, vt magis in vitæ, quam in Reip. mode-
ratione proficeret, in medijs occupationibus in
tanta concursatione negotiosissimorum homi-
num, in media turba & ciuilem vulgo, fecit ta-
men ille sibi solitudinem, ac toto nihilominus
animo, in sacrarum litterarum lectione versa-
batur, matutino præsertim tēpore, quod huic
vni

uni occupationi destinauerat, nec vnquam se passus est, vel foro vel ambitione à suscepto cō filio auocari. Quo factum est, vt Hosio cresceret grande nomen, non tamen re grandius. Nā licet adhuc esset in laicorum ordine, ipsi tamen sacerdotes eum sibi imitandum proponebant, cum viderent nil esse aliud Hosio viuere, quam Christum cum dilectione timere, & cum timore diligere, cuius in se & in vniuersum genus humanū beneficia semper sibi ostendebat.

CAPVT X.

Offerebantur illi Ecclesiastica beneficia; non modo non ambiendi (virtute enim ambiendum esse didicerat non fauitoribus) verum sapē etiam repugnanti. Cū autem Canoniatum Cracouiensem suscepisset, vt vocationi diuinæ satisfaceret, nulla mora interposita sacris ordinibus initiatus, primam vt vocant suā Missam, sine vlla frequētia & celebritate, quæ ferē solet maxima in his nostris prouincijs adhiberi, in Ecclesia S. Stanislai in Skalka, nō solum necessarijs suis verū etiā domesticis inscijs, vno tantum Presbytero comitatus absoluit, & tēpus quod consecutum est à salutationibus amicorum, & sæcularibus negocijs vacuum transiit, sibi & Deo viuens, mentem suam & cogitationem, in examinandis vocationis suæ muneribus, & in altitudine mysterij contemplanda defixam habens; vnde magna est ad pristinum Zelum

Zelum accessio consecuta. Cœpit enim tamquam potestatem habens, longe acius, maiori-
que vehementia in Hæreticorum errores in-
uehi; in obstinatos & rebelles, cum ipsum Re-
gē tū ipsos quoq; Episcopos, Regiæ potestatis
administratores, incendere: legitimæ potestatis au-
toritatem ad commune quasi incendium extin-
guendum implorare: muneris quemque sui, ma-
gna cum libertate admonere: Lutheri foedissi-
mi hominis audaciam & impudentiam, cū dæ-
mone consuetudinem, fastu & superbia exca-
eatum animum, sitim Christiani sanguinis siue
ex occasione, siue ex veritate cōtinēter memo-
rare, & omnia temulenti Saxonis somnia, quæ
pro puro puto verbo Dei venditabat, in odium
hominum ac detestationem adducere; & quo-
rum id munus erat proprium, vt omnes Hære-
ticorum libellos peste venenisque respersos, ex
omnibus Regni finibus exterminandos susci-
perent, verbis valde bonis adhortari. Vincentij
quoq; Lirinesi aureum libellum, quem de Ve-
ritate Catholicæ fidei conscripsit recudendum
curauit, & omnibus tamquam præsentissimum
antidotū, notis pariter & ignotis offerebat; ita
vt auctor ipse eius libelli existimaretur, non so-
lum à nostris hominibus, sed à Smidelino quo-
que, Lutheranę sectę in Germania administrato,
quod se ex ore eius audiuisse Ioannes Rabus,
ex Lutherano factus Christianus, in vrbe cum
esset, nobis audientibus referebat.

CAPVT XI.

Q VONIAM autem ad munus Sacerdotale, & eorum præsertim qui curam animarum susceperunt, prædicâdi quoque Euangelij officium pertinere dedicerat, in Ecclesia Parochiali Golubenſi bis ac ter id ipsum præstare conatus est: verum illa contentio ex animi sententia non successit, siue propter vocis exilitatem, siue propter alias infirmitates, & gracilitates corporis, quæ nimia vocis contentione cumulari & exacerbari poterant, siue quod illi dominus talentum hoc, sicut ipse referre dolenter admodum consueuerat, non est donare dignatus. Cum itaque pro concione nō posset, scribendo verbum veritatis prædicare aggressus est, Magni illius Gregorij Pontificis exemplum imitatus. Nā conciones scribebat Latina, Germania, & Polonica lingua, quas alijs prædicatoribus ad populum referendas offerebat, quæ & intelligentium iudicijs valde probabantur, & in auditorū animis maximos fructus pariebant: cum propter magnā spiritus quæ in illis elucebat vehementiā, & cor salutis proximorum cupidissimum, tum quod tota ratio Catholicæ veritatis luculentissima oratione exponebatur. Ipse quoque Samuel Maczieyouski Cracouiē. Episcopus salutaris patriæ nostræ senator, ex earu præscripto verba

ad populum facere non dubitauit : & sunt adhuc in manibus nostris eius generis sermones non pauci, Hosij manu propria, Latina, Germanica, Polonica lingua conscripti, qui suo tempore, si Deo visum fuerit, in lucem hominum emittentur.

CAPVT XII.

SIC autem in Aula Regia vivebat Hosius, sic se in obeundis Cancellariæ muneribus adhibebat, vt quantum antea alios, tantum se ipsum quotidie superaret. Nam & hoc ante omnia diligentissime cauere solitus est, ne vllum obulum in limen suum admitteret male intrantem. Munera quæ excœcant oculos plane respuebat; ita vt successores eius abstinentiam accusarent, quod auream illam remunerandorum laborum & officiorum consuetudinem, antiquo vsu receptam, in Cancellaria Regia, magno ministrorum detrimento, partim explosisset, partim in cibaria munera conuertisset. Cum in Ecclesia Cathedrali Cracouiensi resideret, in qua Canonicatum coactus acceperat & aliquando contigisset, vt ab officijs diuinis, per occupationes officij sui, abesse coactus esset, ipse magis quam ministri Capituli vel vt alicubi vocantur Punctatores, absentiam suam obseruabat: & cū illi distributiones quotidianæ sine vlla deductione ad numerarentur, cum esset sui ipsius diligentissimus obseruator & cu-

& custos, tantum de oblata pecunia detrahebat, quātum per Capituli leges absentibus detrahi consueuerat. Cum itaque mores haberet sine auaritia, contentus sicut ait Paulus praesentibus, fidens Deo qui dixit, Non te deseram, neque dereliquam, eiecta ex animo huius Idoli seruitute, vitam legibus Dei astrictam, linguam autem & orationem, aulicis legibus. Et omni adulatione, & blanditijs ambitiosorum hominum, liberā & solutam, habere voluit. Et cum aliquando iussus esset litteras ad Caesarem scribere quae ad dissolutionem matrimonij longa & accurata deliberatione praecedente, inter maximos Orbis Christiani Principes constituti pertinebant, sicut olim Beneuolus Imperialis scriba fecisse memoratur, cum Iustina Augusta Concilij Ariminensis abrogationē scribere precepisset, sine vllis dissimulantiae inuolucris, quod facere iuebatur propterea recusauit, quod rem eam magno cum Regni patriaeque periculo coniunctam videret: & cum paulo ante factus esset minister, reconciliationis, ministerium diuisionis & separationis, exercere nō deberet. Quae ad unitatem, charitatem, & mutuam Principum concordiam constituendam pertinerent, in ijs dicendis, scribendis, exequendis, nullum in se laborem, fidem, diligentiam desideratam iri dicebat. Vt autem Sathanae consilia, qui diuidit inter fratres vlla sua opera, consilio, attentione approbet, prius se de gratia Regia.

gia, de fortunis, ac de ipsa quoque vita decel-
surum, quàm rem Sacerdotis officio, qui non
diuisionis sed reconciliationis minister est, ac
persona, vocationeque sua indignam esse desi-
gnaturum. Quæ cū essent ad regias aures per-
lata, sic animum illius perculerūt, vt ipse quo-
que rescindendi matrimonij cogitationē abie-
cerit, & quæ semel fuerunt constituta, consen-
tientes principijs exitus acceperunt, ac fertur
etiam Regina Bona aliquando dixisse (nam ad
illam quoq. plurima Regni negocia referebat)
Putabam quod Hosius nesciret nisi scribere,
sed video quod scit etiam dicere, & hoc quo-
que nomine sæpe innocentē appellabat, quod
in animo serpentis prudentiam aleret, in mori-
bus columbæ simplicitatem obtineret.

CAPVT XIII.

SIGISMUNDVS autē primus sapientissi-
mus ille Rex, cum pro sua prudentia iudi-
caret mores Hosij sacerdotio, Zelum Episco-
patu esse dignissimum, & ei cōmitti re dē pos-
se curam animarum, quas antea seruare didicis-
set, splendorem illum præstantissimarum vir-
tutum, quæ in eo elucebant, ad illuminandos
cæteros super candelabrum ponere in animo
suo constitutum habebat, ac perfecisset etiam,
si vitam illi Dominus longiorem concessisset.
Cum autem cælestem illam in domū existius
corpo-

corporis domicilio migraturus esset, sicut olim
 Constantinus ille Magnus filio suo Constan-
 tio, de Athanasij gloriosissimi Christi Confes-
 soris ad Episcopatum restitutione, sic iste Si-
 gismundo Augusto filio suo, de Hosij ad Epi-
 scopatum promotione mandata dedit; quæ
 etiâ is est non ita multo post executus. Hosium
 enim ad Episcopatum Culmensem Iulio iij. Ro-
 mano Pœfifici nominavit. Sed cum is in oculis
 suis parvus esset (non enim vltimum quod de
 sapiente viro Philo Iudæus memorat) inanis
 gloriæ tunicam exuit, sed cum alias animi per-
 turbationes vincere didicisset, virus quoque
 virtutum, laudis scilicet & gloriæ cupiditatē,
 ne in animum admitteret statim ab initio la-
 boravit) & Episcopalis officij magnitudinem
 & difficultatem, cum ex alijs tum vero maxi-
 me ex illo Chrysostomi aureo de Sacerdotio
 libello cognitam perispectamque haberet, qui-
 bus periculis esset vita pastoris obnoxia, quan-
 ta ab eo integritas, quanta religio exigatur,
 qualem linguam, qualem animam esse oport-
 eat, eius qui pro Christo legatione fungitur:
 tum etiam præsentis tempotis, difficultates,
 audaciam, licentiam, impudentiam Catholico-
 rum ignaviam, & tepiditatem, insidiatores mul-
 tos, laqueos paratos, invidorum greges, ambi-
 tiosorum cohortes, Principum terrores, æqua-
 lum detractiones, adulationes, palpationes, &
 ut semel dicamus, quod ita purum, ita constan-
 tem

Officia
 Episco-
 pi Offi-
 cilia

rem esse Episcopum oporteat, vt si in ipsis cæ-
lis collocatus inter cælestes illas virtutes me-
dius staret. Et quod ad proximum attinet, ita
solicitem, vt omnium necessitatibus succur-
rat, omnium preces audiat, omnium quarimo-
nias intelligat, omnium vulneribus medeatur,
omnium errores corrigat, omnium morbos co-
gnoscat, omnia medicinæ genera explorata ha-
beat: cū opus est vrat, cū opus est secet, scindat,
vulneret; vicissim autē fomenta & salutare me-
dicinas, cum opus est, adhibeat, mille ei oculis,
mille pedibus, mille linguis, nulle opus esse ma-
nibus vt omnibus fiat omnia. Hæc inquam &
alia eius generis cum animo suo videnda propo-
neret, latere potius quàm his tantis erumnis ac
tēpestatibus vitā suam obijcere cupiebat. Quā-
obrem cum per amicos non posset Regem de
suscepta sententia dimouere, corā id etiam,
à Regia Maiestate verbis ad persuadendum a-
ptis flagitabat, vt ad alium potius ea dignitas
deferretur, non solum prece, sed nouo quodā
& inusitato exemplo vltus, pretio quoque pro-
posito. Cū enim in aula non deessent Luthera-
næ factionis sectatores, ruinis Reip. Christia-
næ gaudentes qui regē de sententia promouen-
di Hosij, propositis nescio quibus periculis &
Pruthenicæ provinciæ statutis & consuetudi-
nibus, ac magna pecuniæ vi dimouere conaren-
tur; ac illos Hosij pro religione conatus, pieta-
tē illam, suis conatibus, & Lutheri sui somnijs,

pestem & exitium allaturam iudicaret, precio ipsi quoque Regem, vt à proposito consilio discederet oppugnandum susceperunt. Non solum autem Regi, verum etiam Hosio munera amplissima obtulerunt, vt Episcopale munus oblatum detrectaret, alioquin caput suum multis & magnis periculis obijceret. Hosius autem (ò omnibus sæculis imitandum exemplum) tantum abest, vt aduersis hominum studijs, & contentionibus moueretur, vt etiam immortales gratias ageret, quòd tam exquisita cura salutis suæ causam agerent, vtq; ad alterum munus Episcopale deferretur laboraret, qui qualiscunque tandem esset, se vno magis idoneus futurus esset. Quamobrem vt in sententia persistenter admoneretur, nec nisi perfecta re conquiescerent, nullum sibi ab illis hoc vno maius beneficium præstari posse. Quod ad oblatam pecuniam attinet, nil vnquam sibi minus cordi fuisse, quàm opum studium: nullam se per Dei gratiam fœlicitatis parum in iniquo mammona posuisse, nullam in pecuniæ thesauris, ac tantum abesse, vt obtrusa auri pondera appeteret, vt etiam paratus esset ex suis angustijs aliquot centena ducatorum numerare, quicunque perficeret, ne Põtificis Maximi autoritate, & Regia potestate munus oblatum suscipere cogeretur. Nil in animum suum minus cadere posse, quàm vt vellet sua causa Iura & Priuilegia cuiuscunque tandè Prouinciæ aut Ecclesiæ violari, pro

pro quorum conseruatione per tot annos in
Cancellaria Regia quàm diligenter laborasset
ipforū faciebat iudicium. Nec certè deerat Na-
aman quidam, si Ciezi non defuisset, cuius pe-
cunia aperuit os suum & clamabat; Ecce ego,
mitte me. Sed omnium conatus Regia constan-
tia eludebat: quam & mandata extrema mori-
bundi parentis, & Hosij ipsius merita, & spes
iuuandæ religionis concepta in sententia reti-
nebat: vt in hanc Hosij promotionem cadere
non potuerit, quod de sui temporis infelici-
tate queritur Gregorius Theologus, quod, si-
cut ipse loquitur, ad Episcopatum promouen-
dos, vno die sanctos fingimus, eosque sanctos
& eruditos esse iubemus, qui nihil didicerunt,
nec aliud ad Sacerdotium attulerunt, præter
quam velle. Non solum itaque Rex ad Episco-
patum nominauit Hosium, verum etiam ad se-
dem Apostolicam pro obtinenda confirma-
tione misit, ac sumptus itinervis & iura Can-
cellariæ persoluit. Sic Hosius noster ad Episco-
patum pertractus est potius, quàm peruenit:
ad quem sicut de Cornelio scribit Cyprianus,
non subito accessit, non volauit, sed per omnia
officia Ecclesiastica promotus, & in diuinis ad-
ministrationibus Dominum sæpe promeritus,
ad Sacerdotij primum, deinde ad Episcopatus
quoque sublime fastigium, cunctis religionis
gradibus ascendit. Episcopatum enim neque
postulauit, neque voluit, nec, vt cæteri quos ar-

rogantiæ & superbiæ tumor inflat, inuasit, sed
 quietus & modestus, & quales esse consuene-
 runt, qui ad hunc locum diuinitus eliguntur,
 pro pudore virginalis conscientiæ suæ, & pro
 humilitate ingeniæ sibi & custodiæ verecun-
 diæ, non vim fecit vt Episcopus fieret, sed ipse
 vim passus est, vt Episcopatum acciperet.

C A P V T XIII.

P O s t Episcopatum non ambitione vel
 pretio extortum, sed Dei qui Episcopos
 facit, voluntate susceptum, cum iam Cathedra
 magnum & admirabilem Hosium non fecisset
 sed accepisset, quanta in administrando virtus
 quanta fidei firmitas, quantum animi robur,
 quantus charitatis ardor, quanta vigiliarum ac-
 cessio sit consecuta, iam dicemus. Decreuerat
 is pro officio Episcopali ad Ecclesiam Culmen
 sem, sponsam suam proficisci, & oues fidei suæ
 creditas, verbo veritatis pascere; sed cum Sigis-
 mūdo Regi, cū inuictissimo Imperatore Caro-
 lo V. & Ferdinādo fratre Romanorū Rege, ne-
 gocia quēdam ardua, & ad Regni sui, ac totius
 Reipub. pacem & quietem stabiliendam valde
 pertinentia intercederent; visum illi est, consen-
 tientibus Regni senatorum iudicijs, vt pacis &
 vnitatis procuratio, pacis & vnitatis amantissi-
 mo Episcopo Hosio committeretur. Passus
 itaq; est Hosius, quod Rex cupiebat sibi quo-
 que persuaderi, legationisque munus suscepit.

Exi-

Existimabat enim maximam pietatem, pacis patriæque conseruatione contineri, nec minus id ad salutem animarum, & Ecclesiæ Dei pacem pertinere, si apud summos Orbis Christiani Principes, quam si apud oues suas, pro stabi- lienda pace laboraret. Profectus itaque in Ger- maniam, Ferdinandum Regem Viennæ, Caro- lum fratrem eius Bruxellis, & Gandau, & Phi- lippum Catholicum Regem Caroli filium An- tuerpiæ conuenit, legationemque exposuit, in qua tantis sententiarum ponderibus, tanta elo- quendi elegantia, pacis & vnitatis commoda recensuit, quem nos adhuc sermonem in the- sauris nostris asseruamus, vt non solum boni Oratoris, sed et boni Episcopi nomen & laudē apud illos Principes fuerit consecutus, ac in summo honore, tum Regis sui tum sua quoq; causa, propter maximam integritatis opinionē habitus, ea omnia quorum causa missus erat ex re & vtilitate Regni, & ex dignitate Regis sui confecit. Libenter autem Legationis verba, pietatis & prudentia plenissima, & pectus vni- tatis studio inflammatum poneremus, nisi ad alia nostra properaret oratio. Sed ex responso Magni illius Cæsaris, sicut ex vnguibus leo- nem, Hosij in conglutinandis Principum ani- mis, dexteritatem ostendemus, cuius verba sic habēt; Missio ad nos Oratore suo, Serenissimus D. Sigismundus Augustus Poloniæ Rex, & amoris amicitia beneuolentiæque mutua cer-

tamen per eum nobis denunciauit, atque ad id nos prouocauit, maiorum etiam nostrorum exemplis propositis, qui cū Serenitatis illius maioribus, certamen hoc semel susceptum, ad extrema vsque vita sua tempora constanter viriliterque gesserūt. Nos vero quibus persuasissimum est, nullum esse certamen neque Deo gratius, neque Christiano Principe dignius, quā sit hoc, ad quod per Oratorē Serenissimi D. Regis Polonię inuitamur, tātominus grauati ad id suscipiendum assensū sumus, quod non modo maiorum nostrorum Regum & Imperatorum exemplis, verum etiam Dei Opt. Ma. præceptis ad eam rē impellimur: qui nil nobis neque per filium suum, neque per xii. legatos suos diligentius inculcauit, quā pacem, concordiam, tranquillitatem, amorem, amicitiam, beneuolentiam, paternamque charitatem: neq; alia nota filios suos regniq; hæredes agnoscī voluit, quā pace amplectenda, mutuaque dilectione retinenda. Quamobrem &c. In eandem quoque sententiam frater eius Ferdinandus Rom. Rex respondit. Cum autem diutius quam initio constituerat moram in Flandria Hosius traheret, pius Rex intercedēte Samuele Macieiouski Episcopo, Hosij amantissimo, no uam non contemnendam pecuniā in sumptus itineris ad eum transcripsit. Qua cum non indigeret Hosius, inusitato exemplo vsus, integram ad Regem suum remisit, in eoque rem, sicut de suo

suo Martino Bernardus memorat, non huius
sed alterius sæculi designauit, quod videlicet
legatus de terra auri sine auro redijt, transierit
per terram argenti, & argentum nesciuit. In iti-
nere vero cauit semper dirigentissime, ne ad
hospicia hæreticorum diuertere cogeretur, sæ-
peque maluit per integros dies sine vlla refe-
ctione iter institutū prosequi, nocte etiā in som-
nes aliquando ducere, vt in Catholicorum po-
tius consuetudine festis præcipue diebus quos
in offerendo incruento sacrificio, & in audien-
dis officijs diuinis, & concionibus ponere con-
sueuerat, quàm in terris hæresi infectis consi-
steret. Ex itinere quoque ad Magnum illum
Othonem Truchsesium Cardinalem Augusta-
nam diuertit, virum conseruandæ religionis
Catholicæ cupidissimum, pietatis & pauperum
non solum amicum, sed etiam amatorem, & in
nos ante quā ad beatorum sedes euolaret, sua-
uiter effusum, à quo fuit & honore maximo, &
summa vultus frontisque hilaritate exceptus,
propter nominis & famæ celebritatem, quam
sua sibi pietate collegerat: quem etiam pater
Cardinalis, Baro Truchses de Valburg vir grā-
dæus, qui tunc apud filium Dilingæ moraba-
tur, vt primum aspexit, & quosdam cum eo ser-
mones contulit, mulram senectuti suæ gratiam
habuit, quòd cum vsque ad tempora tam lau-
dati, & omni virtute cumulati viri, quem An-
gelum Dei & exemplum veteris sanctitatis vo-

D. Stanislaus Hosij

citabat perduxisset. Viros doctos, religionis Cathol. defensores, veri verbi Dei veros & legitimos ministros, ubique quos potuit libentissime salutavit, amicitiae fundamenta recit, ope, opera, cōsilio, auxilio, re, iuuit: de pace religionis, de Hæresibus extirpandis, de scripturarum locis, de hæreticorum argumentis, de omni artificio Ecclesiæ Dei tranquillandæ, sollicitè cōsultuit, & ut ex omnium sermonibus, & vitæ ratione quotidie proficeret, laboravit; inter quos fuerunt, doctissimus ille Dominicus de Soto, Roardus Tapper, Petrus Canisius, Fredericus Staphylus, Martinus Euseingreinus, Vitus Amerbachius, & alij nōnulli, qui vicissim Hosium, illam antiquæ pietatis imaginem, sic intuebantur, ut quendam ex annalium Ecclesiasticorum memoria, aut de cælo in terram delapsū, diuinum hominem putarent.

C A P V T VI.

EXPOSITA coram Rege legationis suæ ratione, ad Ecclesiam Culmensē, nulla mora interposita, se recepit, totumque suum studium non ad ocium & quietem post exantlatos illos aulae & itineris molestissimos labores, quod ignavi & desides faciunt; nō ad curā rei familiaris, quod hominū est pecuniæ cupiditate perditorū se contulit. Sed cū duo esse Episcopi opera à Gregorio Pontifice didicisset, ut
aut

aut à Deo aliquid diceret, aut ipse populum
 doceret, in lectionem scripturarum, ac in sacre
 Theologiæ studium totum se penitus immer-
 sit. Ante omnia verò omnē adhibuit operam,
 iuxta Petri principis Apostolorum admonitio-
 nem, vt paratus esse possit ad satisfactionem
 omni poſcenti rationem reddere de ea quæ in
 se erat spe & fide, & quod Paulus in Episcopo
 requirit, vt potens sit exhortari in doctrina sa-
 na & eos qui contradicunt & docent, quæ non
 oportet arguere. In quo studio quantum pro-
 fecerit, ea quæ cum hædis suis Toroneñ. (sic
 enim vocare oves pastoribus suis inobedien-
 tes, & rerum nouarum cupidos homines con-
 sueuerat) de religionis negotijs tractauit, aper-
 tissime ostendunt, Ad hos enim illico profe-
 ctus erat, cum in illa Ciuitate fuisse cognouis-
 set mente corruptos, sanam doctrinam non su-
 stinenes, reprobos circa fidem, resistentes veri-
 tati, quibus Christo lucrifaciendis tam sedulâ
 nauauit operam, vt ea sola cura reliquas om-
 nes curas, & vitæ quoque tuendæ studium ex-
 clusisse videretur. Nam & cibi appetentiam fere
 amiserat, & somno quietibusque cæteris lon-
 ge quam ante minus utebatur, sciens illud, si-
 cut ex Homero his etiam postremis vitæ suæ
 temporibus aliquando memorabat, quod

Οὐ γὰρ παννύχον δ' ἔδην βελιφρόεν αἰδρα
 Νεοὶ τ' ὅτι δὴ φάταται καὶ τόσα μέμλε.
 Per-

*Perpetuam noctem dormire haud principem
dignum est,*

Cui populi commissi, & tanta negocia curæ.

Ac fuisset profecto laboris sui & vigiliarum eum quem cupiebat exitum apud Ciuitatem Torunensem consecutus, nisi Culmensensem illam relinquere, ac Varmiensis Ecclesie curam suscipere, non sua cupiditate impulsus, sed Iulij Pontificis Maximi voluntate, Regiaque autoritate iussus esset: quorum iudicijs tanto facilius obtemperandum esse putauit, quod sacris etiam canonibus, transitionem ab vna Ecclesia ad alteram non translationem prohibitam esse sciebat, & exempla veterum Patrum memoria retinebat, qui ex vno Episcopatu ad alterum non habendi cupiditate, aut dominationis affectatione, vel inanis glorie studio, sed sicut Celestinus Pontifex, & collega eius Anterius precipit vtilitatis communis aut necessitatis gratia, non sua voluntate sed superiorum auctoritate translati fuerunt. Profectus itaque ad Ecclesiam Varmiensem, quanto sublimius ascendebat, tanto humilior euadebat, quanto autem minor erat in oculis suis, tanto maior in oculis hominum apparebat. Ibi quoque immoderati aduersum se imperij fuit. In negotijs, in studijs sine interuallo grauis sibi instabat, nec desinebat nisi deficiebat. In legendis enim & euoluendis Veterum Patrum & Ecclesie Dei Doctorum immensis

mensis voluminibus assiduam, sine ulla intermissione operam nauabat, maxime autem omnium sanctissimi Doctoris Augustini: quæ sexies à capite ad calcem legisset, ac centies si legisset, ex eo quotidie proficere potuisse memorabat. Octo horas studijs, Octo negotijs, & proximorum infirmitatibus, octo valetudini quietibus, quæ cæteris impendebat: & quantumcunque temporis, vel somno, vel negotijs detrahere potuit, id totum in lectione, & scriptione consumebat. Officium diuinum semper solus in Ecclesia prostratus in genua deuotissime recitabat. Missæ sacrificium frequentissime celebrabat. Diebus festiuis ad Ecclesiam Parochialem ex arce Helspergeni descendebat, & omnibus officijs diuinis, horis, processionibus, concionibus, & Missis publicis interesse volebat. Pauperes in Hospitali sæpe visitabat, consolabatur & largis eleemosynis subleuabat, cæteros omnes indigentes quicumque tandem accessissent, nunquam in donatos à conspectu suo dimittebat. Et cum sciret dominorum mores & studia ex familiæ plerunque moribus, & studijs æstimari, nec esse posse cuiusquam bonitatem tutam cum à malis obsidetur, sicut nec sanitatem securam vicino serpente, maximam, in recipiendis in familiaritatem suam seruitoribus, & ministris adhibuit cautionem. Neminem tulit vnquam in familia sua Hæreticum obstinatum, at ne quidem in fide suspectum, neminem publi-

publicis vitijs infamem, aut insigni aliqua nota turpitudinis aspersum. Ad legationes præsertim obeundas adiungebat sibi homines graues idoneos, eosque vt secum irent rogabat, inuitabat quos sciebat suæ famæ, capiti existimationi consulturos esse; ad laborem, non ad prædā ituros denunciabat; cum hoc quoque ab Africano illo didicisset, quamuis Ethnico, multo magis petendum esse ab hominibus, si salui esse volumus, vt eant nobiscum in Prouinciam quam hoc illis in beneficij loco deferendum. Ad frequentādā peccatorum confessionem, ad expianda peccata, ad communionem sacratissimi Eucharistiæ sacramenti, & vitæ exēplis & paternis admonitionibus accendebat. Otiū viciorum matrem non solum ipse exquisitissima cura fugiebat, sed omnes quoque suos familiares honestissimis occupationibus, ne vnquam Diabolus otiosos inueniret, quasi quibusdam vitæ alimentis distinebat: alium lectione, alium scriptione, alium in sacra scriptura, & in Doctorum libris locorum inuestigatione, alium in scribendis, alium in rescribendis litteris, alium in audiendis, alium in explicandis negotijs occupabat. Omnes in vniuersum aliquibus officijs, implicatos & constrictos esse volebat. Et inter alios scio hominem, qui (quod sibi perpetuæ laudi gloriæque ducit) in illius erat intimis, quem in privato suo conclauis, & in bibliothecis per integros dies libris & scripturis legen-

legendis, ac litteris excipiendis occupatum tenuit, ut nil plane vacui sæpe, liberique temporis habuerit, ad reliquas vitæ & valetudinis rationes procurandas; atque etiam ea re cum primis delectari videbatur, cum adolescentes præsertim, ieiunijs, vigilijs, humicubationibus, lectioni, scriptiõni, deditos esse videret. Malebat ut sudorem, laborem, militiam virum, quam vlla pigmenta olerent. Sciebat quod seuerior disciplina firmat ingenium, aptumque magnis conatibus reddit, & iumenta quorum vngula in asperis montibus obduruit, quantumlibet difficilem viam facile patiuntur, in molli palustrique pascuo saginata citò subteruntur. Pueros autem nobiles quos alebat ad compatiendum Christo, & ad memoriam eius quinque vulnorum accuratius expendendam, non sicut olim Lacædemonij in illa sua *διαμασίῳ* gloriæ causa, sed veluti D. Bonauentura consulit, ad compunctionem excitandam, in singulas ferias sextas virginis cædi, voluit: cum hæc omnia ad frangendam ætatis intemperantiam & ad opprimendas adolescentiæ cupiditates plurimum habere momenti meminisset. Ministris suis & publicorum munerum procuratoribus, charitatis studium, & amorem iustitiæ præcipue commendabat, ut subditos omni potius humanitatis & beneuolentiæ genere, quàm metu, malo custodie diuturnitatis, in officio continerent. Iram inermem haberent. pestiferam vim esse valere ad

ad nocendum: cum non solum ferocissima sed etiam ignauissima animalia timeantur ob malū virus. Peccatis eos non peccantibus irasci iuebat. In cognoscendis & dijudicandis controuersijs vt alteram semper aurem alteri parti reseruarent admonebat. Legis non legislatoris animum & personam assumerent. Et sicut illa notos & ignotos sine vlla differentia, sed non nisi reos cōdemnat, sic illi sine personarum acceptione, iustum iudicium iudicarent; alieni sanguinis essent parcissimi. Vltima supplicia nō nisi vltimis sceleribus adhiberent, nec ququam vnquam perire permetterent, nisi viderint etiam pereuntis interessē, vt pereat. Illudque ante omnia exploratissimum haberent, nō modo ys qui minus aliquod iusticię causa acceperant, sed & his qui dedissent inimicum se, si id cognouisset futurū. Nec etiā magnopere ministros requirebat, qui omnes vias pecunię nossent, tales enim pecunię causa multa vicissim facere sciebat. Ac sepe maluit minus intelligentes ministros tollerare, quā se labyrinthis curandę rei familiaris intricare. Scrutari sordes omnium, excutere vnumquemque suorum, il- liberale putabat. De pretio escarum, de numero panum quotidianas rationes indagare, alienum ab officio Episcopi iudicabat. Rem putabat erubescendam, quod Christianus Christiano sua non crederet. Incumbere supellectili, ordinare singula, scire de omnibus, suspicionibus labora-

laborare, moueri ad quæque perditæ vel negle-
ctæ, animi id esse censebat nimis abiecte de mi-
sericordia Dei sentientis. Solius tantum tem-
poris & horarum auaritiā honestissimam ef-
se iudicabat. Et cum aliquando moneretur vt
colonis suis paulo maiorem pecuniam impe-
raret, ex qua plurium posset necessitatibus suc-
currere. Tondere, ait, pecus permittitur, non
deglubere, à me mos iste non ccepit, in me nolo
desinat. Non enim aurum habere præclarum
sibi videri, sed eis qui haberent aurum impera-
re. Facilis igitur erat in admittendis homini-
bus. Ostia sua Achatij Episcopi exemplo, acce-
dētibus, aperta semper esse voluit, sciens quod
vela non tam superbia quàm conscientia, ma-
gnatum ostijs obdidit. In negocijs cognoscen-
dis & inuestigandis diligentissimus, in ferendis
sententijs æquissimus; seueritatem abditam, in
promptu semper clementiam habebat. In ma-
lesicos legumque transgressores, æquabili seue-
ritate utebatur, nulla gratia, nullo timore va-
riata: atque hæc ipsa quoque seueritas, multis
sæpe condimentis humanitatis mitigabatur.
Assentatoribus qui ad alterius non modo sen-
sum ac voluntatem, sed etiam vultum atque
nutum conuertuntur, aures suas nunquam pa-
tefaciebat, immo suspectos semper eos habe-
bat qui palàm vererentur quod in aurem erant
parati dicere. Colonos & agricolas libenter
ex omni occasione familiariter alloquebatur,
cupiens

cupiens ex illorum sancta simplicitate, sicut olim faciebat magnus ille Arsenius, proficere, quod reliqua omnia ex libris, & magnorum consuetudine, sola simplicitas ex consuetudine simplicium dulci atque percipi posset. Familia non valde numerosa, equitatu honesto, cæterisque splendoribus & ornamentis, ita utebatur, ut ea dignitatis magis quam potestatis insignia viderentur. Errores domesticorum & necessariorum suorum sic aspiciebat, sicut aspicit agros suos medicus. In summa, sic se adhibuit in illa sua Episcopali dignitate, & potestate, nulla ut alia potestas ab his quibus præerat desideraretur. Plane enim nullum officium prætermisit diligentis ac moderati speculatoris, sed omnium commodis & utilitatibus seruiuit, omnibus consuluit, omnibus medebatur, omnium saluti providebat: ac se non dominum esse, sed pastorem gregis Christi, & parentem filiorum spiritualium re & veritate comprobavit.

CAPIT. XVI.

AD hunc itaque modum, compositis vitæ, familiæ, domusque suæ rationibus, curam suam ad Ecclesiæ rationes subleuandas cōuertit. Erat in oppido Braunspergensi. Capitaneus N. Praika vir nobilis, habens coniugem quoq; nobilem, ex antiqua Cemarum familia oriundam,

oriundam, sed in Lutherana perfidia enutritâ, quam cum maritus ad restam fidem non posset, illa maritum ad suam perfidiam nocturnis concionibus & blanditijs pertraxit. Non ferendum hoc putauit Orthodoxus Episcopus, vt subditis Ecclesiæ, desertor Ecclesiæ imperaret. Quamobrem inter se & ipsum paternis primū admonitionibus ad officium reuocare vtrunque conabatur, docendo, instruendo, cum omni patientia & charitate. Sed cum lenitate non proficeret, darurum se esse operam denunciavit, nisi paternis suis admonitionibus obtemperaret, vt sicut se suo iudicio à corpore Christi Ecclesiæ & Episcopi & Domini sui cōmunionē separauit, ita etiam à sua & à reliquorum Ecclesiæ Varmien̄ subditorum societate separaretur, ac de munere Capitanei decedere cogeretur. Praikius vir animi alioquin moderati cū Episcopum in sententia persistere animaduerteteret, per Palatinu Marieburgen̄ Regia gratia præfidentem, Magistratus suæ præsidium implorauit, vt pro sua potestate Episcopo mandaret, ne religionis causa, & maxime propter vsum vtriusque speciei, qui in reliqua Prussiaz parte tolerabatur, virum de vniuerso Episcopatu benemeritum, & munere suo fideliter & cum fructu perfurgentem, Præfectura Braunspergen̄ dimoueret. Rogatus à Palatino Rex, datis ad Hosium litteris, quod rogabatur rogauit; vel fortasse etiam vt in Aulis magnorum

D

Princi-

Principum accidit, obreptum illi est. At pius
 Episcopus acceptis litteris, cum se se tanquam
 scutis, atque telis maxima in Deum fiducia &
 orationum præsidio armauisset, Alexandri Cō-
 stantini Episcopi exemplum imitatus, cui ut
 Arrium in communionem reciperet Constan-
 tius Imperator mandauerat; & illa pijsimi
 Theodosij Cœnobiarchæ ad Theodosium Im-
 peratorem, plena Christianæ libertatis verba
 ferens in oculis; Tantum abest, ait, ò Rex ut hæc
 in subditis nostris noua toleremus dogmata,
 ut eos etiam qui ea profiteri voluerint, piè ab-
 dicare & anathemati subijcere cogitemus. Ab-
 sit ut hoc fiat ò Rex Christe, & si quis vim face-
 re voluerit, veritatis auctorem Deum testamur
 quod vsque ad sanguinem resistemus, & liben-
 ter animam pro recta fide profundemus, nec
 quenquam permittemus aliquid sentire, tan-
 tum abest, ut dicere quod discrepet à Sanctis
 Patribus & Oecumenicis Concilijs. Hunc po-
 tius, ò Rex, qui superbit & errat admonere quā
 me ab officio munereque meo reuocare debui-
 sti. Nam etsi peccata Hosij tanta sunt, ut pati
 talia debeat; Petri Apostoli peccata nulla sunt,
 ut Regni tui tēporibus, ab eius Cathedra talis
 secessio fieri debeat. Quamobrem à Regia Ma-
 iestate vicissim postulauit ne quid sibi (hæc
 enim sunt epistolæ verba) velit imperare, quod
 Episcopo Catholico non sit dignum, & in quo
 nili veller animā suam, qua nihil habebat cha-
 rius

rius Sathana tradere, Maiestati suæ parere non posset, nec etiã deberet. Omnia potius alia velit imperare. Quod si mihi etiã ad mortem vel in exiliũ proficisci, sic imperãte M. V. licebit, modo ne quid contra Deum & conscientiam meã facere cogar, id mihi beneficij loco futurũ est. In te Domine speravi non confundar in æternum. Agnoscat me Praickius pro suo Episcopo, conscientia suam non ipse sibi liget, aut soluat arbitratu suo, sed à me Episcopo & pastore suo solui ligarique patiatur: à me, non ab vxore de vero sensu & intelligentia scripturarum doceatur, in quarum meditatione bonam vitæ meæ partem consumpsi, vt eam (quod sine arrogancia dictũ velim) melius intelligere mihi videar, non modo quam ipsa mulier, verum etiã quam pater eius: tum ego facile patiar, vt bona conditione sua, aliquo etiam cum detrimento meo, Præfectum agat Castri & Oppidi mei Braunsbergen. Ita factum est, cum Episcopus Regio imperio vinci non posset, vt Rex Episcopi constantia vinceretur, & Praickius vxoris potius, quam Episcopi sui religionem secutus, præfectura Braunsbengensi decedere cogere-
tur.

CAPVT XVII.

AD ceteras quoque Episcopatus partes, partim repurgandas, partim in officio retinendas studium conuertit, si quos ex vici-

norum Hæreticorum consuetudine, qui sub
dominatu Ducis in Prussia, sicut prius Ecclesię
ita postea Lutheri dogmate reprobato, noui
Osiandri dogma receperant, vitium traxisse co
gnouerant, nullum laborem docendi, monendi,
rogandi, tam per se, quàm per sacerdotes, & pa
rochos & Theologos suos nullam prorsus oc
casionem prætermittebat; libros Catholicos
pro singulorum intelligentia tam latinos quàm
vulgares offerebat, hæreticorum errores, auda
ciam, impudentiam, crudelitatem detestari, ac
in odium adducere non cessabat. Quoniam au
tem in tenera iuuentute, recte & honeste & lau
dabiliter instituta, magnum habere momentũ
ad vniuersę pietatis propagationem iudicabat,
nobilium puerorum & adolescentum non
contemnendum numerum, maximis expensis
sub disciplina Catholicorum præceptorũ aluit,
atque vt in recta fide timoreque Domini tene
ra eorum ætas instrueretur, maxima adhibita di
ligentia laborauit; sciens quam grauiter de
ploret Esaias Propheta suorum temporum in
felicitem, quibus impietatis Magistri, æque
vt nunc Hæretici, operam enixe dabant, vt fie
rent laqueus iuuenum, hoc est, vt adolescentes
suos eodem scelere colligatos in eandem frau
dem impellerent, & doctrina scelestā, & im
pia à teneris annis imbuerent; tum vt etiam
vestigia sanctissimi Christi martyris Thomę
Cantuariensis Archiepiscopi, in eadem iuuentute
educan-

educanda sequeretur, qua vna re animos vniuersæ nobilitatis mirabiliter sibi adiunxit, ita vt hæretici quoque parentes, liberos suos in fidem & protectionem Hosij committerent, & sunt ex hoc eius studio non vulgares fructus in Ecclesia Dei & in ipsa quoque patria nostra post aliquot annos consecuti.

CAPVT XVIII.

Cœgit interea Synodum prouincialē Nicolaus Dziergouſkij Cneznen Archiepiſcopus: ad quam etſi non pertineret Episcopuſ Varnienſis, maluit tamen Hoſius de iure quam de charitate, aut de ſtudio iuuandæ Eccleſiæ decedere. Proſectus eſt Petricouiam. In itinere porro tranſeunda erat Iſtula, ventis & glacie deſfluente impedita, cui periculo ne ſe committeret, & à nautis, & à ſuis domeſticis rogabatur. Cæterum ille malens vt ſe mortuū potius quam viuū deſideraret Eccleſia, reposita in Deū fiducia vilem quandam ſcapham conſcendit, in medio ſtumine cū eſſet, cœpit obrui fluctibus, atque ad orationem cōuerſus, ex æquatis cordis intentioni luminibus, Chriſte, tua, inquit, cauſa agitur, adiua nos, ac ita periculum euasit, & in tempore ad ſynodum venit, quo in loco quam ſapientes ſententias dixerit, quæ conſilia ſuggeſſerit ad Eccleſiam Dei priſtinæ paci reſtituendam, cum alia mul-

ta, tum hoc scriptum ostendit, quod Archiepi-
scopo porrexit, in quo hæc inter cætera, verba
leguntur; Vnusquisque nostrum in se descen-
dat, quæ regnent in se consideret, atque ex eo
coniecturam capiat, regnum ne Dei primum
quærat, iuxta Magistri nostri consilium, quod
intra nos est, an Sathanæ potius Regnum, de
quo nos pretioso sanguine suo liberatos Deus
esse voluit. Dolenter dico, verumtamen quin
quod sentiam dicam, facere non possum. Om-
nes prope derelicto Regno Dei, Sathanæ Re-
gnum quærimus, ac nullius propè rei quam tē-
poralium istorum, quæ fluxa sunt & caduca
curam habemus maiorem. Sed cum dixerit Ma-
gister noster; Primum quærite regnum Dei et
hæc omnia adijciuntur vobis, non est mirandū
si non defunt nobis et externi et domestici ho-
stes, qui postquam Regnum Dei quærere de-
sijmus, ea quæ adiecta nobis oportuit, regnum
Dei quærentibus, detrahare quantum possunt
et eripere conantur. Nostris hoc vitij et flagi-
tij debemus, quod abijs ipsis quibus nos be-
nigne facimus, quod ab ijs etiam qui nos ar-
cta necessitudine attingunt, de iurium nostro-
rum abrogatione, de Priuilegiolorum et immu-
nitatum antiquatione, de fortunarum nostra-
rum euerfione, consilia iniri videmus. Cū enim
animaduertant multum nos ab officij religio-
ne declinare, nec alij fere rei, quam congeren-
dis opibus auidè inhiare, cum solo nomine spi-
ritua-

rituales, reuera autem plusquam carnales et
 ſæculares nos eſſe conſpiciant, cum eam eſſe
 vitam, eos mores noſtros videant, vt nomen
 Dei per nos blaſphemetur inter gentes, non ſo-
 lum nos et odio et contemptu dignos eſſe iudi-
 cant, verum etiam de fide de religione, de Deo
 dubitare incipiant, atque alij hanc, alij illam ſe-
 ctam profitentur, plerique etiam à fide Chri-
 ſtiana ad perfidiam delabuntur Iudæorum.
 Redeundum itaque nobis eſt in viam, corrigē-
 di ſunt prauī mores noſtri, vitæque noſtræ com-
 mutatione placandus eſt Deus: ita futurū eſt,
 vt hæc temporalia, quæ nobis adiectum iri re-
 gnum Dei quærentibus promiſit, nemo nobis
 eripiat, & conſequamur præterea regnum il-
 lud ſempiternum. Poſtquam autem in vitam
 noſtram inquiſuerimus, atque in melius com-
 mutauerimus, tum demū in aliorum nos quo-
 que mores inquirere oportebit. Sic fiet vt oues
 noſtræ voces noſtras libentius audiant, ſalutē
 ſuam nobis fidant, ductum noſtrum ſequan-
 tur, quo ducimus eant, cum viderint non ſolū
 docere quæ Chriſtus docenda præcepit, ſed
 etiam facere. Nos enim ſpeculatores Deus de-
 dit domui Iſrael. Debemus diligēter ſpeculā-
 ri, quemadmodum ſe quiſque gerat in Diecæ-
 ſi noſtra, qua vita, quibus ſit moribus; atque il-
 lud in primis, quas de Deo, de fide, de religio-
 ne opiniones habeat. Tam pia Orthodoxi Epi-
 ſcopi admonitio, cum reliquorum Epiſcopo-

rum animos ad studium reformandæ vitæ accendisset, constitutum ante omnia est, vt fidē Ecclesiæ Catholicæ iuramento interposito singuli profiterentur. Proposita fuerunt certa doctrinæ capita, vt suam de illis sententiam omnes Episcopi dicerent. Quoniam autem nudè proferebantur, postulatum ab Hosio fuit, vt ea pluribus verbis explicaret, & illustriora redderet, quo melius intelligere possent quid illic foret, de quo iure iurando interposito sententiam suam essent dicturi. Quod etiam ab illo, vt angustia temporis ferebant curatum est diligenter: conatusque est doctrinæ capita in ordinem redacta, scripturarum & Conciliorum, Patrumque testimoniis, ac probabilibus etiam rationibus confirmare, quo facilius ad ea calculo suo comprobanda Patres adducerentur. Neque prorsus irritus cecidit labor hic illius. Nam simul vt lecta fuerunt quæ conscripserat doctrinæ capita, iurarunt statim in ea omnes, qui tū præsentēs erant Episcopi: & libello quē produxerat manibus suis subscripserunt, quin etiam vt is typis mandaretur, decreuerunt. Sic Hosius publici commodi procurator & antistes; cuius curæ finis erant rerum termini, pia & Orthodoxam doctrinam, sicut olim Greg. fecisse Basilium memorat, litteris consignauit, importunam hæreticorum audaciam propulsans, & alios armis linguæ comminus feriens alios autem attramenti sagittis impetēs. Quoniam

niam autem quatuor tantum dierum spacium
ad scribendum illi datum erat, & res grauis at-
que ardua tractabatur, ne quid Patres de scri-
pto illo festinantius statuerent postulauit, si-
mul etiam se facturum recepit vt intra paucos
menses, ea quæ scripserat accuratius expende-
ret, ac perpoliret, augeret etiam ac locupleta-
ret. Ac initio quidem liber ille Cracouiæ fuit
typis mandatus : & postquam in Urbem Ro-
mā esset perlatus, omnium Theologorum iudicio
fuit approbatus, ita vt Magnus ille Cardinalis
Augustanus Otto Truchses dignum iudicaret
quem in Oppido suo Diligenti statim impri-
mendum curaret. Idem paulo post factum est
Moguntia: vbi tamen, quæ illius erat modestia
qui nunquam nomina sua in terris scribere di-
dicerat, auctoris nomen prætermisum erat: qua-
dere cū à Roardo Tapper viro doctissimo ad-
monitus esset, quod in terras Catholicorum, li-
bros qui nomen auctoris præfixum non habe-
rent, importari minime liceret, nomen suū dein-
ceps non grauatim adscribi passus est. Hæc
initia tam laudatus iste liber habuit, qui dein-
ceps in orbe Christiano tātas utilitates & com-
moda peperit, qualia sequēs oratio indicabit,
adeo vt de eo quoque nos quod olim de Basili-
lij scriptis Gregorius, dicere possumus, quod
post Hosium nulla alia scribendi materia con-
tra hæreticos scriptoribus suppetere videatur.
Quod autē ei libro titulum hunc dederit Con-
fessio

sessio Catholicæ fidei Christiana, id eo confis-
lio in quadâ Epistola se fecisse memorat, quod
videbat Hæreticos scripsisse, Confessionem Au-
gustanam, ipse contra voluit scribere Confes-
sionem Christianam: illi suæ priuatæ, ipse ve-
ro Catholicæ fidei: vt sicut doctrina doctrinæ,
sic & titulus titulo ex diametro opponeretur,
& semen adulteræ, à semine liberæ in fronte &
in oculis, in ipso initio discerneretur.

C A P I T U L U M XIX.

CV M Gedanum aliquando Sigismundus
Rex venisset, vir quoq; Dei Hosius, cum
salutandi Regis, tum religionis præcipue cau-
sa, ne quid incommodi à Ciuibus nouitatis stu-
diosius pateretur, ad Ciuitatem illam accessit,
qui quod futurum suspicabatur, Augustanæ
Confessionis approbationem, magna adhibita
contentione, aureis armati gladijs, à Regia Ma-
iestate petiuerunt. Hosius contra ne Rex tan-
tum scelus admitteret, omni suo studio cona-
tu, labore, diligentia impediuit, cognominisq;
quondam sui Hosij Cordubensis libertatem in
eo admonendo, imitatus; Ne te, ait, immisceas
ò Rex, rebus Ecclesiasticis, neque Episcopis in
hoc genere præcipe, sed ea potius ab illis disce.
Tibi Deus imperiū cōmisit, nobis ea quæ sunt
Ecclesiæ concredidit. Ad Regem palatia, ad
Episcopum Ecclesiæ pertinet. Quin tu potius
defende

defende contra hæreticos inconcussam Ecclesiæ statum, vt & tuū Christi dextera defendat imperium. Venerat autem Cedanum salutandi quoque Regis causa Albertus Marchio Brandenburgensis Dux in Prussia, qui non ita pridē & Ecclesiæ Catholicæ & Ordinis sui Theutonicorum S. Mariæ legibus & institutis, cuius supremus Magister erat cōstitutus, repudiatis, primo quidem impetu ad Lutheri dogma, postea vero ad Osiandri in articulo de Iustificatione sententiam, Lutheri magistri sui, & eius sim mistæ Philippi Melanthonis sentētia reprobata, defecerat, eumque hominem in oculis & delitijs habebat, totumque salutis suæ præsidium in eius præcipue ingenio & doctrina collocabat. Ad eum Ducem iussu Regis, cum alio quodam Regni Senatore accessit Hosius, vt de quodam negotio ad Rempub. pertinente cum eo transigeret, ac etiam admoneret, ne tubarum clangoribus ad suas Osiandrinæ conciones populum conuocaret. Quo constituto pro Christiana charitate, qua pectus instructum habebat, & incredibili Zelo quo abundabat Catholicæ fidei, iuxta Pauli præceptum, siue per occasionem, siue per veritatē, ptopagandæ; tenere se non potuit, quin errorum in quos incurrerat, Ducem & vicinum, & bene de se meritū admoneret. Memini, dicebat, eius temporis cū Excellentia tua eā religionis doctrinam sequeretur, quam docet vna sancta, Catholica, Apostolica

stolica. Romana Ecclesia, onineque salutis suæ
firmamentum in huius vnus præsidio colloca-
bat, nec saluum esse quenquam posse iudica-
bat, nisi quod illa doceret fideliter firmiterque
retineret. Suscitato vero ab inferis Luthero,
qui primus hoc infœlici sæculo nostro, cum in
lupæ prius cuiusdam gremio, quam illi vxorẽ
vocare visum est, mentem metumque deposuisset,
doctrinam Ecclesiæ Catholicæ ausus fuit
superbissima præsumptione reprobare, & sopi-
tas atque reprobatas dudum hæreses, sub scā-
noque sepultas, pro puro puto verbo Dei in lu-
cem hominum producere. Visum est Excel-
lentiæ tuæ, quod gratissima quædam lux oculis
suis affulserit. Quamobrem quam tenebat Ec-
clesiæ doctrinam tanquam nimis & ortu & vir-
tute antiquam & obsoletam, longoque situ
squallẽtem repudiavit, nec esse spem salutis in
illius obseruatione collocandam iudicauit; eam
vero quam è latebris Lutherus extraxerat, om-
nibus numeris, & partibus absolutam recta in
Cælũ, mitti spornn vñd Stiuel (sic enim Ger-
manice loquebatur) quasi diceret, ocreatum &
petasatum ducere, esseque per omnia Euange-
lio Christi & Apostolicæ doctrinæ consenta-
neam, totiusque salutis humanæ arcem in ea so-
la esse constituendam. Venit postea Osiander
qui Lutheri de Iustificatione dogma, si iuxta
Philippi interpretationem accipiat, damna-
uit, & sibi soli huius articuli intelligentiam, ar-
rogare

rogare non dubitauit, eamq; ab omnibus tanquam Dei verbum & ipsissimum Euangelium Christi recipi adorarique voluit, quam etiam Vitembergensis pseudapostoli, cum suo Bren-
tio approbarant & cum Euangelio consenti-
re censuerant. Vvitembergenses autem mini-
stri, Philippus, Pomeranus, Forsterus, dam-
narunt, omnibusque sententijs reprobarunt, &
editis contra Osiandrum libellis, omnibus ma-
ledictorum notis, & sententiam, & eius aucto-
rem, prosciderunt. Vocant enim Osiandrum
hæreticum Antichristum, Iudæum, nigrum dia-
bolum, draconem, hominem nefarium, conscie-
leratum, hostem Christi, quod in eius cubiculo
scriptitare diabolus visus esset, et quod alii duo
in specie canum quocunq; se verteret cum se-
querentur. Vicissim autem Osiander Scholæ
Vitembergensi, & præcipue Philippo tyranni-
dem obijcit, quod discipulos suos iuramento
interposito adigant id pro verbo Dei recipere,
quod ipsis videretur, de aliquo scriptura loco;
& monet etiam parentes diligenter, vt etiã at-
que etiam secum deliberent, num suos filios
Vitembergam mittere debeant, vt ibi Magistri
vel Doctores efficiantur. Cogitur enim, inquit,
ab iurare verba Dei, & iurare in verba Philip-
pi. Iurat enim quilibet quod de grauioribus re-
bus ad fidem pertinentibus, nil velit statuere, nisi
de sententia seniorum confessionis Augustanæ,
etiã si contrariũ dicit scriptura, quã si sequi po-
tius

tius voluerit, erit periurij reus. Ita secreta sit
quædam conspiratio, quæ magis hominum
quam Dei verba respicit, atq; ideo Christiane
Reipub. non parum adfert detrimenti. Philip-
pi verbum plus apud eos ponderis habet quã
Dei verbum. Sex, ait Osiander, & triginta scri-
pturarũ loca produxi, quibus habitare Deum
in nobis ostendi; creditum nõ est. Simul vt Phi-
lippus paruam schædam scripsit, qua testatus
est rem ita se habere, statim creditum est. Vox
est audita de cælo patris de Christo dicentis:
Hic est filius meus dilectus in quo mihi bene
complacui, hunc audite. Hunc, inquit, audite;
non Philippum, non alios homines, qui tibi os
obturant, & volunt vt secundum eorum cõn-
siliũ non autem secũdum scripturas pronun-
cies. Sic Osiander ferre non potuit, vt homines
ad Confess. Augustanam quod Philippi verbũ
est, alligarẽtur potius, quã ad Dei verbũ; & pa-
tietur Excellẽtia tua se ad Osiãdri verbũ quod
Dei verbum non est alligari? Quin potius po-
stea quam Osiandri iudicio tantum tribuit, &
eum in intimis atque delitijs habet, consiliũ
eius sequi deberet, & Dei voci qui filium suũ,
non Philippũ, nõ Lutherum, non Osiandrũ au-
dire iubet, obtemperaret. Loquutus est olim
Deus in Prophetis, loquutus est in filio, lo-
quitur & nunc in Ecclesia. Hanc igitur iuxta
Christi & Pauli consiliũ audiat, & iuxta
Osiandri sui consiliũ, nec Philippo, nec Con-
fessionĩ

ſeſſioni Auguſtanæ, nec ipſi quoque Oſiandro
fidē vllam adiūgat, cum ipſe quoque ſit homo
ſicut Philippus & Lutherus erroribus multis &
infirmiſſimis obnoxius. Non vult ſibi Oſian-
der à magiſtris & præceptoribus ſuis os obtu-
rari, non ſecundum eorū conſiliū, ſed ſecū-
dum ſcripturas de fidei articulis vult pronunciare;
cur ſibi Excellentia tua ab Oſiandro patietur
os obturari, vt de fidei articulis id approbet,
quod dicit Oſiander, id reprobet, quod dicit
ſcriptura? Nonne hæc ipſiſſima eſt idololatria,
hominis verbū pro Dei verbo recipere, & ab eo
diſcedere nefas eſſe exiſtimare? Nam ſi homi-
num ſententias ſequi voluerit, nullo vnquam
certo gradu conſiſtet, ſed in dies in peius pro-
ficiet, dum per omnes impietatis gradus co-
perueniat vt dicat in corde ſuo; Non eſt Deus.
Superbia enim, ait ſcriptura, eorum qui oderūt
Dominum aſcendit ſemper. Nil itaque ad ſalu-
tem tutius, quam iſtorum qui ſe nouos recen-
teſque Deos faciunt, quos non coluerunt pa-
tres noſtri, quocunq; tandem illi nomine vo-
centur, ſententias reprobare & Eccleſiæ Ca-
tholicæ cui promiſſus & miſſus eſt. Spiritus ſan-
ctus, quā columnā veritatis vocat Apoſtolus,
in qua ipſa quoq; Excellētia tua nata & educa-
ta eſſet, quam à ſuis maioribus, auis, attauis,
prouauis, abauis, cuſtoditam eſſe non ignora-
ret, adhærere. Hęc & alia id generis multa, quę
ſpiritus ſanctus cauſam ſuam agenti ſuggerē-
bas,

bat, cū dixisset Hosius; Dux alioquin eloquēs,
& qui sibi cautus & prudens videbatur, vi ve-
ritatis victus, cum gratias pro amicissima ad-
monitione egisset, nil aliud respondit quam
hoc. Quantum video tu velles me facere Papi-
stam. Hosius autem; Ego, inquit, profiteor me
esse Christianum, postea Papistam, deinde Re-
gistam, & si natus essem in ditione tua, nō eru-
bescam profiteri me ducistam. Libenter enim
agno semper legitimam potestatem, cui me
subiectum Deus esse voluit. Summum Ponti-
ficem meum, & totius Ecclesiæ caput, quin &
Regem ac Dominum meum, agnosco Christū
Deum & Salvatorem meum. nunquid, propte-
rea non est agnoscendus Rex meus & Domi-
nus meus Sigismundus? Quod si verō non de-
trahitur supremo Regi meo, & Domino Iesu
Christo, si Regem & Dominum meum esse di-
cam Sigismundum Augustum; certe nil detra-
hitur eidem, si summum etiam Pontificem in
terris, pastorem meum & Ecclesiæ totius ca-
put, sub illo capite, agnoscam Christi vicariū,
Petrique successorem Rom. Pontificem. Pro-
inde me non offendi, verum etiam laudi duce-
re, si quis me vocet primum Christianum, de-
inde Papistam, postea Registam. Cæterum Lu-
theristam, Calvinistam, Osiandristam vocari
me nolle, quod non videam, quo iure illi subie-
ctus esse debeam, qui nulla fuit in potestate cō-
stitutus, & Cathedram suam contra eius cathe-
dram

drum constituit, cui sciōdīū esse pascere oues meas, cui clauēs Regni cēlorū datas esse in iisdem illis scripturis lego, in quibus lego, quod venturi essent Pseudoprophetę pellibus ouium cooperti, & ostensuri, Ecce hic est Christus, ecce illic: quales istos Lutheros, Philippos, Oslandros, & alios similes istis esse persuasum habeo. Et credat, ait Excell. tua, quod apud istos qui Papistę nomē cōtumeliosum putāt, nō minus est contumeliosum, Cęsaristę & Registę nomen. Nihil enim aliud quam euersam volunt omnem legitimam potestatem, vt ruant sursum deorsum omnia. Et hoc est Euangelium quod profitetur. Porro quibus tū vsus est Germanica verba hęc fuerunt; Ich bin ein Christ, ein Papist, ein Regist; aller meiner obriķeijt dermich Gott vnder vorsehen hatt vill ich treu vnnnd gehorsam leisten; aber da behutt mich Gott fur, das ich solle in Luterist, ein Caluinist, ein Satanist sein. Id est; Ego sum, Christianus, sum Papista, sum Regista: potestati meę, cui me Deus subiectum est voluit, omnem fidem & obedientiam pręstabo. Cęterum hoc à me quam longissime absit, vt Luterista Caluinista, siue Satanista sim et vocer. Debitam fidem & subiectionem erga sublimiorē potestatem testatam omnibus facere cum primis id ad laudem & gloriam, amplum & illustre fore iudico, nec vlla res maiori mihi est abominationi, quam vel à Luthero, vel à Caluino, vel ab alio

E

quoppiam

quoppiam eiusdem farinæ nomen ducere, & eorum alicuius verbum, Dei verbi, & Evangelij appellatione dignari, cum nulla possit esse maior quam hæc idololatria. Procul hoc à nobis absit, ò Christe, vt ab homine potius quàm abs te velimus habere cognomentum, tanquàm si essemus mortui alicuius hæretici monumentum. Quis enim Lutherum, Calvinum, Philip-pum, quis Osiandrum, quis tot tam multos, tàm varios tam contrarios spiritus phanaticos, ad prædicandum misit? quis nobis vt illis dictum audientes essemus imperauit? nisi forte Deus venter, Deus huius sæculi, Princeps tenebrarum. Scio Christum à Deo, Petrum à Christo missum esse: scio illi ligandi, soluendique potestatem datam esse: scio illi dictum esse, Non deficiet fides tua: scio Romæ sedisse, quod à Christo didicerat docuisse, successorem accepisse, & illam eandem Petri doctrinam, per manus succedentium sibi Episcoporum ad nos vsque illibatam peruenisse. Ad hanc itaque Petri Cathedralam, quam vnitatis Cathedralam vocare Augustinus, & in ea Dominum posuisse doctrinam veritatis affirmat, redeundum: ab illis pestilentiarum cathedris, quas Lutherus Vvitembergæ, Calvinus Genevæ, Osiander Regiomonti, alij alibi per summam audaciam erexerunt, velis quod aiunt, remisque recedendum esse. Vnus Deus, ait Paulus, vna fides, vnum Baptisma. Quidquid extra vnam fidem est, non fides sed perfidia

perfidia est. Posteaquam ab vna fide discessum est, tot fides esse cœperunt, quot volūtates. Ad hoc autem esse cœperunt, ait B. Athanasius, vt ne vna sit. Nil itaque foret melius, quā eo redire vnde discessum est, ad vnam Sanctam, Catholicam, Romanam, Ecclesiam. Audiuit hæc omnia dux valde patienter, sed obduratum fuit cor hominis, ne crederet veritati, quæ res incredibili dolore animum de omnium salute solliciti Episcopi affligebat. Sed impletum est illud Prophetæ; Si tu annunciaueris impio, & ille nō fuerit conuersus, ipse quidem in iniquitate sua morietur, tu autem animam tuam liberaisti.

CAPVT XX.

ACEBAT interim in Polonia S. Sedis Apostolicę Nuntium, vir pietatis & doctrine laudibus cumulatus, Aloysius Lypomannus Episcopus Veronensis, qui tantum hoc in iuuanda religione Hosij studium, tantam vitæ innocentiam, magnopere suspiciebat, illiusque potissimum, quod eum Deo charum esse cognouerat, & cōsuetudine & consilio utebatur. Eodem autem tempore venerat quoque ex Germania Petrus Paulus Vergerius, Christi & eius Vicarij Romani Pōt. fici nobilissimus perduellis, & humani diuinique iuris Legirupa, vt Athanasij verbis vtamur. Dedicauerat is Magistri sui Brentij librū Serenissimo Poloniæ Regi

contra virum optimum; & eruditionis laude præstantissimum, Petrum à Soto, scriptum, in cuius Præfatione Nuntium Apostolicum hæreticis consilijs omnibus summa fide ac vigilantiâ occurrentem, omnibus maledictorū notis, & calumnijs, multo etiam maiore impudentia quam olim Auxentius Hæreticus Ambrosium illum sanctissimum Episcopum lacerabat, ac ad disputationem de fidei capitibus in eo libro contentis, homo vt lenissime dicā, bipedū omnium nequissimus, Regia Maiestate iudice interueniente, prouocabat, Regniq; senatores, & nobilitatē vniuersā ad defectionē à religione, vehementissima oratione incēdebat. Quē librū & quę ex illius lectione secutura videbātur incōmoda, cum Hosius accepisset, ipse quoque ad parandam tempestiue medicinam se accinxit: ac pene prius etiam omnibus eius argumentis respondit, quam illa pestis Brentiana, per multorum manus peruagari potuisset, qui & ipse liber Hosij doctissimorum virorum sententijs approbatus, magnos in Ecclesia Dei fructus peperit, de quo sic alicubi scripsit vir doctissimus & omnibus pietatis artibus instructissimus, strenuus Ecclesiæ Dei cōtra omnes inferorum portas propugnator, & vtilissimus Iesu Christi seruus Petrus Canisius, S. Societatis Iesus Theologus. Haber, ait ille, ætas quoque nostra (Christo gratia) suum Hosium, ac quanto rectius causa religionis haberet, quantoque com-

commodius & impietas difijci, & pietas orbi restitui posset, si multos id genus Hosios hæc ætas ferret, nimirum qui in pascendo seruãdoque grege Dominico, qui in arcendis lupis, & in conuertendis hæreticis, non dissimili vigilantia parique doctrina, copia grauitate, sinceritate, & fide præstare, seq; muros pro domo Dei aduersus Philistæos istos opponere possent & vellent.

CAPVT XXI.

AD omnia ferè terrarum Prussiz Comititia proficiscebatur, non tam vt negotiis sæcularibus interesset, sed vt ne quid detrimenti religio Christiana acciperet prouideret. Quocunque autem veniebat, quodcunque loquebatur, de Deo, de religione, sicut de Bernardo quoque memoratur, silere non poterat, & agere quæ Dei sunt, non cessabat: quo zelo, quo studio qua contentione, qua diligentia, in ijs Ecclesiasticis eius Actis & gestis videre quisq; potest, in quibus ea quæ in Comitij Torunensibus, Elbingensibus, Marieburgensibus, Grandentinis, quæ priuatim etiam cum suis Braunsbergensibus, tractauit de religione, in eumque finem conscripsit, vt sanctæ sedis Apostolicæ, morbos hominum aperiret, atque ad salutaria adhibenda remedia vias & rationes ostenderet: ut vt Serenissimus quoque Polonia Rex

& ij qui cum potestate versabantur, animaduertent, quod futurū præuidebat ille quoq. Lutheri fidelissimus landknecht onus Philippus Melanthon, motis semel in religione rebus, rē ad Anarchiam euadere, vt arbitrato quisque suo, sicut Ecclesiasticas sic polyticas leges, figat vel refigat, & iuxta Christi patriæque statuta malis omnibus tempestine occurrant: in eo quoque Sillum Christi martyrem Cyprianum imitatus, qui suas cum Gentilibus & hæreticis contentiones, Clero suo Carthaginensi perscribebat, vt alij quidem in fide confirmarentur, alij imitarentur, & Sanctissimi quoque Doctoris Augustini, quem sua cum Fœlice, & Emerito, alijque hæreticis gesta, diligenter & fideliter ad posteritatis memoriam & exemplū descripsisse legimus. A mensa quoque sua & congressu, venientes hæreticos & schismaticos prohibere non solebat, sed eorum consuetudine, vt olim Proclus Constantinus Episcopus ad ipsorum emendationem vtebatur, atque ad omnes occasiones erat intentus, quibus posset hæreticarum fabularum vanitates, omnium mortalium oculis subijcere, & in summum odium atque cōtemptum, tanquam pestes omnium nocentissimas adducere. Neq. certe pauci sunt ex eius familiari sermone ad mentem meliorem reuocati. Plurimi quoque ea lectione quæ refectionis tempore habebatur admoniti nonnunquam etiam fracti, seriam de salu-

te sua cogitationem susceperunt. Dux aliquando Mechelburgen. ad Hosij mensam Quadragesimali tempore assidebat. Legebantur à Reſcio, plane aurei de laudibus ieiunij B. Chrysostomi Sermones, quorū eximia suauitate Princeps Lutheranus, qui nunquā quicquā præter Lutheri sui, totius abstinentiæ hostis acerri-
mi, scripta degustauerat, tantum fuit delinitus, ut fassus fuerit in omni vita sua, nunquā quicquam, de tantis ieiunij commodis & vtilitatibus audiuisse, sed Papistica commenta reputasse, omnes ieiunij dierumq. obseruationes: deinceps autem maiore in honore virtutem abstinentiæ habiturū. Nonnulla quoque in eodē Chrysostomi libro ipsemet legit, seque nunquā existimasse testatus est, quod veterum Doctorum lectio tantis vtilitatibus abundaret. Si, inquit, hanc lectionem initio Quadragesimæ audiuissem, fortè & ego ab vsu carniū abstinuisssem. Venerat quoque ex aula Regia vir quidam vino & potationibus deditus, inciditque in illum ipsum diem, quo eiusdem S. Patris de ebrietate lectio habebatur, quam cum audiret, totus rubore perfundebatur, existimans sermonem illum data opera contra se fuisse institutum, ac quæstus etiam est, quod Episcopus vitia sua publice potius, quā priuatim, emendanda suscepisset, cum scriptura præcipiat; ut prius inter te & ipsum, vitia proximi corrigantur. Quamuis cum illi ostensum per nos fuisset, non illius no-

tandi gratia lectionem illam fuisse institutam, cuius nobis mores & vitæ ratio, esset penitus incognita, sed quod ordo lectionis in illum ipsum diem incidisset; nec sua causa homiliæ, sed se homiliæ causa ad eū diē reservatū fuisse, vt quod in Ecclesia fortasse noluit vel inuitus in mensa, inter ipsa pocula, ebrietatis incōmoda audire cogeretur, & cauere moneretur. Sic ille vitij turpitudinem, & intelligere & cauere cœpit. Possemus & alios recensere nominatim nisi honori optimorum virorum parcēdum putarem, qui suos errores ex familiaribus Hosij colloquijs, & domestica consuetudine, magis etiam quam ex publicis concionibus, quæ in templis habebantur, agnouerūt, & etiam reliquerunt. Iusserat aliquando Fratris Ioannis Nasi Centurias in præsentia quorundam Lutheranorum legi, in quibus eorum mendacia contra Ecclesiam, & Ecclesiasticos viros conficta persequitur ac refutat, qui se Euangelicos vocari malunt, reiecto veteri & vsu recepto Christianorum nomine. Tantum illi fuerunt magistrorum præceptorumque suorum improbitate, & impudentia propter effrenatam maledicendi, calumnijsque omnibus Catholicos oppugnandi cupiditatem, quibus omnia eorū dicta, & scripta aspersa notataque sunt, contriti, vt de vera fide; religioneque inuestiganda seriam cogitationem susceperint, ac omnibus postea sectis nuntium remiserint. Quibus ex-
plis

plis doctus Hofius non putauit à sua consuetudine atque cōgressu, omnes qui se sectis dediderunt, & eos præsertim, qui nondum essent Apostolica censura reprobati, prorsus esse remouendos.

CAPITULUM XXII.

QUAMVIS & hoc quoque præstare nō dubitauit, cum id temporis, & personarum ratio postulare videbatur, ac omnia se se inferiora ducere Christi religionisq; causa declarauit. Constitutum erat omnium ordinum Regni consensu, in Comitij Petricouiensibus, vt si quis absente à Regno suo Rege, qui tum contra Moschorum Principem, perpetuum hostem Polonici nominis, expeditionem suscepturus erat, nouam aliquam in religione rationem suscitare, aut Ecclesias, cæteraque loca sacra, & religiosa, prophana facere veller, hostis patriæ haberetur, & omnibus pœnis, Regni statutis compræhensis, subijceretur. Ecce autem nonnullæ primariæ in Prussia ciuitates, cum earum magistratus ad res nouas animum adiecisset, Lutheri præceptoris sui doctrinam secutus, modo non illa ipsa verba de Comitiorum Generalium, quæ Lutherus de Conciliorum Oecumen: decretis, non tam verbis pronuntiavit, quam re & veritate compleuit. Nam in despectum Comitiorum, in despectum Regiæ
Maie-

Maieſtatis, in Eccleſias Catholicorum, in quibus per 300. prope annos Chriſtiano ritu Chriſtus ſemper colebatur, veteribus per ſummam audaciam reprobatis, Sacerdotibus eiectis, novos non Dei, ſed Diaboli verbi, quod per electum vas ſuum Lutherum Apoſtatam, in lucē produxit, magiſtros & miniſtros introduxerūt, & noua fecerunt omnia. Quæ res cum acerbiffimum doloris ſenſum Hoſio, antiquitatis propugnatori acerrimo attuliſſet, accidit vt in Comitijſ terrarum Pruſſiæ particularibus, illarum ciuitatum Burgimagiſtri, pro veteri, conſuetudine Hoſium Epiſcopum, conſilij præſidentē, manu pro more patriæ porrecta, ſalutare vel- lent. Sed Hoſius alios ne admittere quidem in conſpectum ſuum voluit; Elbingenſium autem Burgimagiſtris, ſicut olim B. Donſtanus Archiepiſcopus Cantuarienſis Edredo Regi Angliæ, propter violatam Monialem feciſſe memoratur, manus porrigentibus, manum ipſe ſuam ſubtraxit, nec ab illis eam contingi paſſus eſt: cum indignum eſſe duceret, manum quæ veritatis magiſtrum, & vnitatis authorem Chriſtum Ieſum Seruatorem noſtrum, in altari imolabat, in ſignum pacis & vnitatis, veritatis hoſtibus, & vnitatis diſſipatoribus, porrigere: & generali præterea Comitiorum decreto, conſtitutum eſſe meminifſet, vt pro hoſte patriæ haberetur, quicumque aliquid in religione nouare auſus eſſet: qua de re cum in Actis Elbingenſi-

bingensibus copiose scriptum habeatur, nolumus hoc loco sermonem producere longiorē, Iam & illud vere Christianæ libertatis exemplum, in quo prædicationis loco ponemus? Sparserat Vergierius apostata ac persuaserat etiam nonnullis, cum ex equestri, tum ex Senatorio quoque ordine, quod Pontifex Paulus III. nullius rei minore, quam religionis curatâgeretur, quod quid vis potius aliud, quã eaquę sunt propria sui muneris curaret, & quod nil esset in eo ad componēda religionis dissidia spei collocandum. Quamobrem congregarent ipsi nationale Concilium, ac ibi de communi omnium voluntate, quod esset verbo Dei consentaneum, id statuerent. Quibus consilijs impurissimi hominis etsi itum esset obuiam, & calumniam in optimum Pontificem iactatā, cum à cæteris Regni Episcopis, tum præcipue ab Hosio S. Sedis Apostolicę defensore feruentissimo, & ab ipso quoque Nuntio Apostolico Lypomano fuerunt refutatæ, non potuit tamē zelantissimus Episcopus vim desiderij cohibere, quin in ipsam quoque urbem, etiam si sciret eiusmodi licentiam, libertatemque dicēdi, ad patiendum & tolerandum, esse quandoque difficilem, ad optimum illum & integerrimum Cardinalem Puteum in hæc verba scriberet: Spargitur in vulgus, ab impijs hereticis magno Catholicorum dolore, neque mediocri totius Ecclesiæ detrimento, non alia in re, curas, cogitatio-

tationesq. Sanctitatis eius consumi, quā in attingendis, quacunque tandem ratione suis. Prævnius huius rei studio, sanctitatem illius omnia pro nihilo ducere: tum quem sequestrum pacis inter Christianos Principes esse oportebat, cum faciem bellorum existere, ac ad Regem Galliarum mississe, ut pacem constitutā violaret, Vera sint hæc an falsa, nos hic scire non possumus, sed magnos tamen ea motus animorum in vulgo facere certum est. Vtinam autem hanc S.D.N. mentem Deus inspiret, ut Pontificem potius agere velit, quam Imperatorem: & positis armis, de constituenda religione, deque ratione, qua possit obuiā ijs venire, qui novatā vel eversā potius illā cupiunt, delibe rationem suscipiat, atque ad nos quoque tuendos animum adijciat. &c. Inepte fortasse ista scribo, qui neque meæ neque illius ad quem scribo, vel de quo scribo, personæ meminisse satis videor, sed ex optimo animo, & Ecclesiæ tranquillandæ cupidissimo, scripta hæc mea proficisci, qui solus est agnitor cordis humani Deus, mihi testis esse potest. In quo Hosij sermone manifeste possumus agnoscere, verum illud esse quod scribit Bernardus: Dolor nimius non deliberat, non verecundatur, non consultat rationē, non metuit dignitatis damnum, legi non obtemperat, iudicio non acquiescit, modum ignorat & ordinem: id omnimodo & solūmodo satagente animo, quo vel careat, quod se dolet

let habere, vel habeat, quo se dolet carere. Calumniæ vero in optimum Pont. iactatæ rebus deinceps per Pontificem gestis sunt refutatæ.

CAPVT XXIII.

ECCE autem paruo interiecto tempore idē Paulus III Pont. Maximus, siue hac ipsa epistola, plena Euangelicæ libertatis motus, siue nominis & famæ celebritate (neque enim in tenebris & in obscuritate non minus ac iste sol, Hosij pro Ecclesia Catholica studia & contentiones latitare potuerunt) siue etiam eruditionis opinione, quæ in omnibus eius scriptis elucebat, excitatus; vel, vt illud impleretur, quod de viro sapiente Ecclesiasticus memorat; In medio magnatum ministrabit, & in conspectu præsidis apparebit: in terram alienigenarum gentium pertransiet, bona enim, & mala tētabit: cū laboranti Ecclesiæ maxime necessaria remedia adhibere, mores corrigere, atq; omnia quæ prauis iam pridē exemplis, in cōsuetudinē adducta fuerūt tollere, & hereses tam longe lateque disseminatas extirpare, & harum rerum causa Concilium celebrare, Deo iuuante statuisset, vt hominum voculas & hæreticorum calumnias, atque mendacia, rē & veritate cōfutaret, optimum esse duxit (hæc enim sunt Epistolæ pontificiæ ad Hosium verba) aliquot venerabilium fratrum suorum, ad urbem accersere, quorum cōsiliū & operam
ad

ad eadem exequenda sibi vtilia fore arbitrabatur, ac inter ceteros, de Hosio quoque nostro merito ita sentiret, vt præsentiam illius in vrbe maximo ad has res vsui sibi fore cōsideret, propter eximiam, sicut ait doctrinam, & pietatem illius, ac rerum illius regni peritiam, ternis cum litteris, in Vrbem vt veniret, in virtute sanctæ obedientia præcipiēdo, ex intima Polonia euocauit. Hosius autem Pontificis vocem tanquā Dei loquentis vocem audiens, nulla valetudinis imbecillē, nulla sumptuum ac temporis, ad iter faciendum minime omniū opportuni (Iulius enim mensis agebatur) ratione habita, cum obediētiam ~~cæcā~~ esse debere, à Bernardo didicisset, maximis itineribus Romā, vltima mensis Augusti, peruenit. Acceptus est à Pontifice humanissime, qui in primo illo congressu, per tres continuas horas, sermonem de pace Ecclesiæ Dei restituenda, ac de tempestatibus religionis cōponendis, elegantissime & sapientissime (hāc enim illi laudem ab Hosio attributam audiuius) produxit: cui vicissim in omnibus suis cōsilijs & colloquijs pietatē suā & prudentiā, & iudicij maturitatem, magis atque magis Hosius cōprobauit, ita vt corā Episcopo Veronensi Lypomano, qui tum ex Polonia redierat, de Hosij laudibus, modo non illa ipsa Sabæ Regina verba memoraret; Verus est sermo quem audiui in terra mea, super sermonibus eius & super sapientia eius. Sit Dominus
Deus

Deus benedictus, qui suscitavit viros potentes, verbo & opere, ad ædificationem corporis sui, quod est Ecclesia. Postulavit etiam ab Hosio, ut quæ coram de vniuerso religionis negotio sapientissime disseruerat, ea scriptis comprehensa traderet, memoriæ causa, Quod etiam fecit Hosius, non minore prudentia in consulendo, quam eloquentia in scribendo, & modestia usus, in quo plenum pectus Christianæ pietatis, & dignam speculatore vigilantiam, & consilij abundantiam Christi Vicario ita comprobavit, ut eum amplissimis ornamentis dignissimum iudicaret; ac in numerum etiam S. R. E. Cardinalium cooptare decerneret; ac cooptasset etiam, si Hosius ad accipiendum honorem, animum adijcere voluisset: quem tantum abest, ut appetere, ut etiam, cum ab ipso Pontifice de suscepto consilio cognouisset, ad genua Sanctitatis suæ prouolutus, supplex ab eo postularer, ut quidvis potius aliud, quam hoc imperare dignaretur, nec existimationem suam, qua nihil haberet in omnibus rebus, quas iste sol aspicit charius, in periculum adduceret apud eos, qui omnia ambitionis causa faciunt. Se quidem vitam omnem, rem, & fortunas pro Ecclesia Dei, & S. Sedis Apostolicæ dignitate paratum esse omnibus periculis exponere, nec ullam viam tantam esse posse, quæ tuendæ religionis consilium labefactare posset. Sed cum intelligat maiore cum fructu, religionis Christianæ,

stianæ, in illis præsertim septentrionalibus partibus commodare posse, in ea quaungebatur Episcopali dignitate, posteaquâ in omnia facta & consilia sua coniectos oculos habere viuerentur hæretici, & semper occasiones omnes aucupentur, ut vel mordeant, vel saltem admurmurent, cupere se aditum huic quoque calumniæ obstruere, ne huius dignitatis gratia, vel hæreticos oppugnasse, vel iter in urbem suscepisse putaretur. Quamobrè iterum atque iterum supplicauit, ut Sanctitas sua existimationis sue maximam & præcipuam rationem habere dignaretur. Admiratus est Pōtifex Hosij Episcopi constantiam, vel ut ipse vocabat, obstinationem; cum præsertim in Vrbe eius generis exempla, ita raro extiterint, ut si quando auditum sit, prodigij simile censeretur. Sed cum eū verborum lenitate inclinare nō posset, cū quadam animi commotiuncula, frontis & oculorum asperitatem adhibuit, mirarique se respondit, quod voluntatem tam propensam Romani Pontificis floccifaceret, honorique suo labem ex ea aliquam, aut maculam aspergi posse existimaret, ac in ista animi sui inductione, atque voluntate pertinacius hæreret, & Christi vicarij voluntati, propter amorem sententiæ suæ repugnare non dubitaret, quod eorum esse proprium meminerat, quos in omnibus vitæ consilijs & libris, & sententijs oppugnandos susceperat: nullam labem, nullam maculam

culam ex eo aspergi cuiquam posse, si legitime
vocationi obtéperet, ac ab honore potius quæ-
ratur, quam ipse quærat honorem. Dignitatē
hanc deberi, animis affectis virtutibus, non vi-
tijs, non inertijs, sed artibus; & esse laborum
& periculorum præmium, non incitamentum,
non instrumentum ocij, & deliciarum illece-
bram, sed ingenij & industriæ, & sudorum, vi-
giliarum & contentionum fructus, vt ex ea nō
ignominiam vllam, sed auctoritatis & existi-
mationis, non diminutionem, sed accessionem
expectare debeat. Tu vero, ait, vt videmus, ma-
ioris hæreticorum studia, quàm nostram gra-
tiam facere videris. Ibi iterum ad genua pro-
uolutus Hosius, procul hoc ab animo suo, pro-
cul ab ingenio, procul à cogitatione, procul
ab omnibus ante actæ vitæ studijs abesse te-
staturus est, vt voluntati Christi Vicarij, & illius
beneuolentię quidquam ex omnibus rebus hu-
manis esse anteponendum iudicaret, cui qui-
cunque non esset dicto audiens, eum non esse
Catholicum reputare didicisset, ac etiam do-
cuisset, ac cum Hieronymo lubens fateretur;
salutem Ecclesiæ, à summi sacerdotis dignita-
te pendere, cui si non exors quædam, & ab om-
nibus eminens detur potestas, tot in Ecclesijs
efficerentur Schismata, quot sacerdotes. Cœ-
pit deinde cum hæreticorum vuculas, quas de
sua in Vrbem profectio spargebāt, & in suis
conuenticulis calumniosissime traducebant, tū

de Regni Poloniæ statutis, de Regia voluntate, de dignitatis amplitudine, de sua paruitate, cuius causa tanto muneri ferendo idoneus non esset, multa recensere: quibus conatus est Pontificis animum ad mitiorē sententiā impellere. Sed aliud responsum obtinere tum non potuit, quā hoc, nō est tibi vllum ab vllō Rege periculū expectandum. Non potuit in Vrbe omnīū, sicut ille ait, gnara & nihil reticente, domesticis parietibus Pontificis & Hosij colloquium occultari, sed in ipsam etiam Poloniā eius rei fama aduolauit, eundo tamen maiores vires acquisiuit. Spargebatur enim initio, quòd Pontifex Hosium Episcopum, inobedientiæ crimine condemnatum, à suo conspectu indignabundus repulerit: addebant alij quod etiam comprehensum in custodiam tradiderit. Quo nuncio quamuis incertis auctoribus perlato, Sigismundus Rex percussus mittere in Urbem decreuerat, qui negocium Hosij cū Pontifice transigeret. & extant litteræ, vere magni illius Regni Cancellarij Ioannis Oczieski, quibus casum Hosij deplorabat, ac si res ita postularer, in ipsam etiam Urbem accurrere, ac omnia tentare velle, paratum se ostendebat, etiam si certum aliquod vitæ descimen sibi adeundum foret, vt Hosium innocentem ex omnibus periculis eximeret. Cæterum re tota vt erat, patefacta, magnam vtrique in Orbe Christiano laudem ea contentio comparauit; Pontifici quod optimo

optimo iudicio vsus, virum optime de Ecclesia meritum, tanta contentione, tantoque studio ornandum suscepit: Hosio quod hominum vocus re & veritate refutauit, quem ad honorem studium, non ista populari ambitione, sed illa perniciosa & legibus repugnante, homines intemperantissimi & ambitione perdit, abripi inuidiosissime criminabantur. Qua de re post annos aliquot ita scripsit, qui tum erat istius in Vrbe Regni protector, Cardinalis Puteus ad Sigismundum Augustum Poloniae Regem; vir totius pietatis, & optimarum artium non solum amicus, sed etiam amator; Cum primū Summo Pontifici Pio III. Ecclesiae vniuersae cura commissa est, nil prius aut antiquius visum est, quam vt ad conuocandam Synodum Christianorum Principum animos accenderet, atque ad eam rem perficiendam, Hosium legatum ad Caesarem mitteret, cuius optima fide & industria, sperauit pijsissimi principis studium, & voluntatem, ad tantam rem aggrediendam facile sibi adiunctum iri. In ea igitur legatione, egregiam operam Ecclesiae Dei nauantem, Hosium summus Pontifex in Cardinaliū Collegium, vniuerso Senatu approbante adlegit. Eum autem gradum tantum abest; vt nunquam ambiuerit Hosius, vt me deprecatore aliquando apud Paulum III. Pontificē sit vsus, ne in nostrum ordinē adscriberetur. Quae ego vt gesta sunt, volui Maiestati tuae commemo-

rare, vt plane intelligeret, nil cupiuisse vehementius, nil postulasse, atque etiam efflagitasse ardentius Hosium, quam vt ipsi ad Ecclesiam suam curandam redeundi facultas aliquando concederetur. Et amplissimus quoque Cardinalis Sirletus, vir pietatis, & doctrinæ laudibus cumulatissimus, qui assiduo studio & lectione, pectus suum bibliothecam Christi effecit, in suis ad Hosium litteris, cum illi munus Maioris Poenitentiarij gratularetur, id ipsum his verbis confirmat: Scio quā vehemēter sanctæ memoriæ Paulo I I I I. Pōtifici te ad Cardinalatum intitanti, ac prope indignanti restiteris. Effugisti Pauli I I I I. manus, sed eius successoris *μικρον ὅτι παντοκράτορος θεοῦ χεῖρας ἐν σοὶ γένει ἐκ ἐδωκέναι* quemadmodum illud magna cum Dei gloria & Ecclesiæ ipsius vtilitate factum, atque in dies magis magisque cernimus fieri, ita & hoc fiet *σωτηρίαν τοῖς ἱεροῖς πατῆρος ἡμεῶν*. Immo vero & hoc etiam ex eodem Cardinale audiuius, quod idem Paulus I I I I. Pontifex sapientissimus, cū Hosium de sanandis Reipub. Christianæ vulneribus differentem auduisset, cum eius consilia prudentiæ maturitatisque plena ex intimo zelo proficisci perspexisset, coram plerisque S.R.E. Cardinalibus his verbis vt non dubitauit; quòd postea quam Hosium cognouisset, ceteros omnes sui temporis viros admirabiles, ammirari desisset.

CAPVT XXIII.

OBDORMIUIT interim in Domino Paulus IIII.& in eius locum est successus Pius 4. Is quoque in Hosium Episcopum, quē semel tantum viderat, sed non semel pietatem illius, & eruditionis præstantiam, intelligentiū virorum sententijs commendatam audiuerat, singulari voluntatis suæ inclinatione, cœpit propendere: nec vlla mora interposita, Nuntium suum ad Imperatorem Ferdinandum, & Maximilianum Bohemiæ Regem designauit, Concilij congregandi causa. Quod munus etsi fuisset initio constantissime deprecatus, cedere tamen ad extremum coactus est Pontificis obfirmatissimæ voluntati, qui inter multos alios sermones, quos cum Hosio de pace Ecclesiæ Dei, de ratione extirpandarum hæresum, de omnibus remedijs iuuandæ religionis habuit, in conclau paulo ante cum esset, aliquot inter se Cardinales collocutos esse memorabat, vt quicumque factus esset Pontifex, Hosium Episcopum, Concilij cōgregandi causa, Nuntium in Germaniam mitteret. Suscepto itaque legationis munere Hosius, orationibus & eleemosynis, ante omnia se muniendum existimauit, vt sapientia quæ attingit à fine vsque ad finem fortiter, & disponit omnia suauiter, veniret ad docendum se viam prudentiæ, & ea consilia

suggereret, quæ essent ad salutem Christianæ Reipublicæ constituendam consentanea. Cum Viennâ peruenisset susceptus est ab Imperatore Ferdinando humanissimè. Ad quem cū Pontificis nomine de Catholicæ religionis veritate, de hæreticarum fabularum vanitate, de Ecclesiæ auctoritate, de Pontificis studio, de Imperatoris officio, de Regnorum, & Rerumpub. excidijs atque ruinis, de omnibus rebus ad interitum inclinatis, deque remedijs admoventibus, & ornate & copiose, semotis arbitris verba fecisset, sicut in exemplo eiusdem sermonis vidimus, summa cum attentione audiebat omnia pius Imperator, ita ut ex ore dicentis pendere videretur. Et cum sermonem institutum absoluisset, Imperator, velut alter Constantinus, qui se Athanasium ut Virum Dei allocutum esse, ad Alexandrinos scribens gloriatur, è sua cathedra surgens, atque in caput Hosij incumbens; Gratia, inquit, spiritus Sancti vobis cū est, Spiritum Domini labia vestra mouentē video. Vera sunt omnia quæ dicitis, & ita credo, & sentio, ut dicitis, ac ita prorupit in lachrymas, & aliquandiu vocē continuit. Cū se recollegisset, dixit semel tātum se vxore sua mortua fleuisse, ex eo tempore, non vidisse quenuquā se flētem, nil sibi in vita acerbius accidisse, quantum post magnos labores suos, post adhibitum omne à se studium, in subditis Imperij sui in fide Ecclesiæ Catholicæ continendis, quod
 nil

nil tamen profecisse videretur. Sed orate, ait, pro me Dominum, vt nobis det posse quod volumus, & istis vestris salutaribus consilijs iuuare nos non desinite.

CAPVT XXV.

COEPIIT igitur Hosius tota animi, ingenij, viriumque contentione, de congregando Concilio laborare, cuius tamen studij exitum propter Fauferum antichristi ministrū Lutheranae doctrinae buccinatorem importunissimum, qui Viennensem populum falsa doctrina imbuere contendebat, valde fore difficile iudicabat. Quamobrem de eo, cum de Principum gratia, tum de Ciuitate amouendo coepit laborare. qua animi fortitudine, quibus vigilijs, longum esset omnia recensere, & nō pauci Fauferi patroni eadē essent ratione perstringendi. Perfectum autem ad extremum est, vt Fauferus Vienna discedere iuberetur, & Hosij consilia faciliores deinceps progressus & exitus acciperent. Quos cum Casare, quos cū eius filio Maximiliano Boemiae Rege, sermones habuerit, quibus artibus & consilijs vtriusque animum ad opprimendos haëreticorum nefarios conatus, & furiosos illorū impetus, à Catholicorum iugulis amouendos incenderit, ex Actis legationis Germanicę peti potest, quę viri quidā Princepes, religionis Catholicę ama-

tores, vt in perpetuis tenebris delitescerent in dignissima, dignissima autem esse putauerunt, quę in lucem hominum, ad multorum ędificationem ederentur. Multos ibi quoque hęretices, cum exemplis innocentissimę vitę, tum grauissimis & vtilissimis sermonibus, & scientia scripturarum, ad Ecclesię Catholicę gremium reuocauit, tantumque sui amorem suauissimis suis moribus, & dulcissima consuetudine, & summa hospitalitate ac liberalitate in omnium animis concitauit, vt non minus hęretici quā Catholici, tantum illius pro religione studium, tantam in Ecclesia propugnanda contentionem, tantos pro omnium salute conatus, tanquam vnus ex antiquis patribus ę celo delapsi viri suspicerent & admirarentur. Accessit ad eum aliquando vnus ex ministris Cæsareę potentię vir nobilissimus, qui sibi catus & prudens in sua perfidia videbatur. Multa Lutheri argumēta produxit in medium, quibus adductum se dicebat, vt Catholicę Ecclesię nuntium remitteret: quę cum ab Hosio ex scripturis, & Ecclesię traditionibus essent refutata, ille vicissim pro veteri omnium hęreticorum consuetudine, mores & vitam eorum, qui vocantur Ecclesiastici cępit lacerare, quod ab eorum, quorum se loca tenere gloriantur, sanctitate & innocentia quam longissimę distansissent, quod non omnia sicut Apostoli fecerunt reliquissent, quod opibus, bonis, fortune, diuitijs,

uitijs, castris, villis, oppidis, Ciuitatibus, omni gloria, & honore abundarent. Itaque reipsa potius, quam verbis Apostolorum successores esse se ostenderent, & nuncio splendoribus istis terrenis remisso, nudi & inopes, nudum & inopem Christum sequerentur. Ad hæc Hosius respondit; optare se, ut ei quam profitentur doctrinæ, vita Catholicorum per omnia responderet. Sed si vultis, inquit, ut nos Ecclesiastici per omnia simus, sicut Apostoli, estote vos sæculares, sicut Apostolorum tempore, per omnia, sæculares fuerunt Christiani. Quid illi faciebant? Quot quot, ait scriptura, possessores agrorum & domorum erant, vendentes offerebant pretia eorum quæ vendebant, & ponebant ante pedes Apostolorum, diuidebatur autem singulis, prout cuique opus erat, nec quisquam eorum quæ possidebat, aliquid suum esse dicebat, sed erant illis omnia communia. Facite vos id ipsum, & bonorum vestrorum procuracionem & dispensationem Ecclesiasticis relinquate; tum à nobis quoque, ut bona ista quæ tenemus, relinquamus exigite. Si quando expedire visum est, ut Ecclesiastici viri, externis istis opibus abundarent, & cæteris splendoribus vterentur, hoc tempore maxime expedit, quo extinctam ferè charitatem in mortalium animis intuemur. Neque enim vllum fortasse vestigium religionis. Catholicæ in Germania hoc tempore appareret, nisi eam Ecclesia-

Ecclesiastici viri, in subiectis sibi Ciuitatibus
 & oppidis pro sua potentia, inuitis inferorum
 portis, retinerent. Quomodo autem victum &
 amictum ab his expectaremus; qui ne hoc qui-
 dem nobis relinquere vultis, quod maiorum
 vestrorum pietate, & liberalitate consecuti su-
 mus? Ad hæc nil aliud ille nobilis, quàm, vi-
 deo, ait, quod etiam nostra paterna & hæredi-
 taria bona, iure diuino ad vos pertinere puta-
 tis. Itaque expedit, vt nos vobis vestra, vos no-
 bis nostra relinquatis. Scripsit ibi quoq; non-
 nullas conciones Hosius, ad præsentem aula-
 Cæsareæ, ciuitatisque statum accōmodatas:
 quas Concionatoribus Catholicis, & præser-
 tim Patri Cytardo ordinis. S. Dominici reli-
 gioso, viro eloquentissimo, ex superiori loco
 prædicandas offerebat. Quos de religione su-
 spectos habebat, notos & amicos ad eas inui-
 tabat, plerosque etiam semotis arbitris, de fi-
 dei negotijs in spiritu lenitatis instruebat, frau-
 des, imposturas, errores hæreticorum ex litte-
 ris & libris, qui subinde noui in lucem hominū
 proferebantur, & ex historijs recensebat, con-
 uictorum plaustra, maledictorum aceruos, vni-
 uersæ doctrinæ turpitudinem, in mensa, in cu-
 biculo, in omni consuetudine, ex omni occa-
 sione in medium proferebat, libros Catholicos
 intelligentioribus donabat. In summa nullum
 Christianæ pietatis officium, nullum prudentis
 viri consilium, nullum accurati seruitoris mi-
 niste-

50
nisterium, nullum vigilantis episcopi studium,
nullum diligentis Nuntij munus prætermis-
sum ab Hosio est, quod non tentandum & exe-
quendum susciperet. Quo factum est, ut indies,
& hæreticorum ad Ecclesiam, & Catholicam
ad templa, ad diuina officia frequentanda, cæ-
teraque pietatis studia obeunda, maior accës-
sio consequeretur: & sæpe concurrisse vidimus
innumeros qui ex Hosij præcipue manibus, si-
cut olim ex manibus Euthicij sanctissimi Pa-
triarchæ, sacratissimam Corporis Dominici cõ-
munionem accipere desiderabant. Omnes in
vniuersum aditum, sermonē, congressum eius
expetebant. Perfecit autem ad extremum, po-
steaquam infinitas prope molestias deuoräs-
set, & non paucas difficultates, consilij sui abũ-
dantia, & summa animi moderatione superäs-
set, ut in Concilium Oecumenicum in Ciuita-
te Tridentina prosequendum (nā de hoc quo-
que uerbo summa contentione laboratum est)
Cæsarea Maiestas, Serenissimus Bohemiæ Rex
Maximilianus; reliqui Principes Austriaci, &
Imperij electores Ecclesiastici consentirent, ac
suos ad illud Oratores designarent: etiamsi co-
natus eius ij præcipue Principes impedirent,
qui se ad illorum imitationem, de quibus in Pa-
ralip. legimus, quod missos à Domino Prophe-
tas protestantes audire nolebant, ipsi quoque
Protestantes, id est Domino repugnantes, uo-
cauerunt.

DE VITA HOSII

LIBER SECVNDVS

CAPVT . I.



V M Hosius apud Cēsarem pro Ecclesiæ Dei incolumitate, Pōtiffex in Vrbe pro Hosij dignitate laborabat. Nam 4. Kalen. Martij nihil minus expectantē approbante uniuerso Collegio S.R.E. Cardinalem pronunciauit, & per duos suos Cubicularios, Strasoldum & Fidelem, dignitatis insignia, rubeum biretum, & Capellū Viennam usque transmisit. Hosius autem accepta huius rei significatione, quanto maiore esse eius dignitatis amplitudinem, quanto plus oneris, & difficultatis, & molestiarum, secum trahere uidebat, quanto maiorem curarum, & sollicitudinum molem, tanto sibi diligentiorē de eo suscipiendo deliberationem instituentdam esse existimabat. Quamobrem nobis omnibus ex intimo cubiculo exclusis, prostratus in terram ante Christi Crucifixi simulachrum, prope unam horam lacrymabundus orabat, ut ea consilia in animū Dominus suggereret, quę sciret ad gloriam suam, & Ecclesiæ suæ sanctę propagationem pertinere. Per Hospitalia quoque pauperū, & Monasteria religiosorum largiores

giores eleemosynas distribuit, & reliquorum
 piorum orationibus, se, rationesq; suas dili-
 gentissime commendauit. Quamobrem per
 vnum fere mensem, ne quicquam instantibus
 Pōtificis Cubicularijs, quid sibi faciendū esset
 deliberabat: quam eius cunctationem cum co-
 gnouisset Ferdinandus Imperator, misit euesti-
 gio Georgium Drascouitium, tum Episcopum
 Quinque Ecclesiensem, nunc Colocensem
 Archiepiscopum & S.R.E. Cardinalem, virum
 insigni in Deum pietate & optimis consilijs
 abundantem, qui suæ Maiestatis verbis, ad ob-
 latam dignitatem suscipiendam admoneret, ac
 vt moras omnes præcideret, seque ad obtempe-
 randum eius voluntati compararet, cui vt ob-
 temperaret orbis Christianus tantopere labo-
 rabat. Quod cum nihilominus facere recusa-
 ret Hosius, coram etiam his verbis pius Impe-
 rator admonuit; Scio tibi mandatum esse in
 virtute Sanctæ obedientiæ, vt oblatam à Pon-
 tifice Cardinalatus dignitatem accipias. An tu
 non es filius obedientiæ? an eandem à nobis
 non semper exigis? Quid igitur? Num etiam
 vtrum Pontifici obedire debeat Hosius dubi-
 tabit? Ex ipsa quoque Vrbe Roma nouæ licte-
 ræ, noua subinde mandata mittebantur, vt
 nulla mora interposita, præcisa omni dubita-
 tione, Christi Vicarij voluntati obediret. Idem
 ab illo plerique Germaniæ Principes, idem Re-
 gum oratores, & consilij Cæsarei Senatores,

con-

contendebant. Idem vt faceret ex ipsa quoque Polonia, tum Rex ipse Sigismundus, tum Episcopi, tū reliqui consiliarij per litteras vrgerē, monereque non cessabant. Quorum tandem sententias secutus Hosius, cū meminisset, vt leuitatis esse, inanem aucupari rumorem, & omnes vmbrae etiam falsæ gloriæ consecrari, sic leuis esse vicissim & abiecti animi, lucemq; & splendorem fugientis, iustam gloriam, qui est fructus veræ virtutis honestissimus, repudiare, cum hanc etiam vocationem esse plane diuinā iudicaret, post multas lachrymas & intima suspiria, manum ad extremum dedit, humerosque submisit oneri, ac post oblatum Missæ sacrificium, eo ipso die quo Gabriel Archangelus, lætissimum sanctissimæ Virgini nuntium attulit, futurum vt conciperet & pareret Saluatorem, inuocato Dei nomine, ex manibus Archiepiscopi Strigoniensis, insignia Cardinalatus accepit, ac simul etiam ad Pontificem in eam sententiam litteras dedit. Quanto cum onere sit coniunctus honos iste, non adeo sum hebes, vt non intelligam, sed facit præcipientis auctoritas, vt recusare amplius, quod imperatur non audeam. Tuam enim vocem, non hominis, verum Christi per te loquentis vocem esse certo persuasum habeo. Quamobrè quiduis imperes, licebit: non aliud responsum à me feres vnquam, quam quod ille dedit, qui dixit, Paratum cor meum, paratum cor meum,

Cor

Cor tibi paratum adfero, facultatem ille sup-
 peditet, qui per te mihi præcipere dignatur.
 Quæ sit horum temporum difficultas video,
 quibus, quanto quis in locum altiore[m] ascen-
 derit, tanto manent eum curæ, sollicitudines,
 labores, pericula grauiora. Sed nec hæc ego,
 nec quid vires meæ possint, verum quid impe-
 ret ille, quem per te loqui certum est, & indu-
 bitatum, attendendum esse puto. Dabit is pa-
 rendi vires, qui tibi me parere præcepit. Qua-
 mobrem si propterea mihi purpureum hoc ho-
 noris insigne mittendum esse duxisti vt admo-
 nitus eo, pro Dei religione, proque fide Catho-
 lica non modo nullum laborem recuse[m], nul-
 lumque certamen detrectem, verum & sangui-
 nem ipsum si sit vsus, vna cum vita profunde-
 re nil dubitem, Paratum cor meum, paratum
 cor meum. Vtinam autem, hoc me tanto Deus
 honore dignaretur, vt Ecclesiæ tã grauius af-
 flictae salutem, vel mortem meam repræsentare
 possem. Quid me felicius? quid me fieri posset
 beatus? Mihi vero non vnus sed mille mortu-
 i instar est, quod miserandum in modum, sic
 eam à senissimis lupis laceratam, & ex illa tot
 esse particulas factas video. Vellem vt in mei
 corporis membra scirent, & ea lacerarent po-
 tius, dum modo per hunc modum pristinae
 possit integritati restitui corpus illud mysticu[m],
 pro quo verum, & viuum ille suum corpus in
 mortem tradidit. Ad omnes quamlibet graues
 labores

labores tolerandos, ad durissima quæque certamina perferenda, ad mortem etiam oppetendam, pro Christi religione, pro Ecclesiæ tranquillitate, pro S. Sedis Apostolicæ dignitate, paratum cor meum, paratum cor meum: neque dubito, quin, qui dedit cor paratum, idē quoties usus fuerit, vires etiam sit suffecturus, ad hæc omnia summa cum alacritate, pro sui nominis gloria, sustinenda.

CAPUT II.

VIX duo postea menses abierunt, cum illum iterum Pont. memor illius quod scriptum est, legatus fidelis sanitas; ex omnium S. R. E. Cardinalium communi sententia & approbatione, suum & S. Sedis Apostolicæ ad concilium Tridentinum, de latere Legatum pronunciauit, ac Tridentum statim ut Cæsar suos Oratores mississet, ipse quoque ad obeunda Legati Apostolici munera ut se conferret, mandauit. Vicissim autem Hosius, Cæsarem orare, obsecrare, monere, urgere non destitit, tum & alios quoque Principes, litteris precibusque suis, sine vlla studij remissione, vehementissime sollicitauit, ut ipsi quoque suos Oratores, omni seposita cunctatione, Tridentum versus ablegarent. Cum autem illi à magno quodam Principe terrores quidam obijcerentur, quasi essent Concilij progressum impedituri,

pedituri, Protestātes. Ita ne, ait, nutū Protestan-
 tium Christo rebellium, regi debet Orbis? Non
 puto hoc Deum esse permitturum. Si volens
 Concilium, ita vt eos reuera velle video, Cæ-
 sareā Maiestas, Gallia, Hispania, Polonia,
 Portugallie, Reges, & quotquot sunt alij Prin-
 cipes Christiani, qui priscam illam maiorum
 nostrorum fidem, quæ Catholica vocatur co-
 lunt; non tanti erunt Protestantes, vt vnanimē
 istorum consensum impedire queant. In sym-
 bolo quod profiteamur, non dicimus Credo fi-
 dem Protestantium, sed credo sanctam Eccle-
 siam Catholicam: quam cum Concilium Oe-
 cumenicum repræsentet, illius auctoritati, non
 Protestantium libidini, tribuendam esse aucto-
 ritatem omnem: tanto minus vnus alicuius ho-
 minis; quamlibet is sibi doctus, cautus, & pru-
 dens sibi videatur, cum non aliunde natæ sint
 tot sectæ, tam inter se dissectæ, quàm ex Con-
 ciliis contemptu, dum vel suo vel istorum
 Protestantium, vel vnus alicuius, quem admi-
 ratur iudicio, plus aliquis tribuendum censet,
 quam sensui & consensui Ecclesiæ vniuersæ; &
 si vim aliquam adhibere Protestantes isti vo-
 luerint, re ipsa experiētur, quòd Sacerdotes Dei
 Euangelium tenentes, & præcepta Dei custo-
 dientes, occidi possunt, vinci non possunt. Qua
 mobrem seruis ista suis & delicatis obijcienda
 meminissent. Nos qui per Dei gratiam assidua
 mortis meditatione, mortem non timere disci-

mus, terrores isti non afficient. Nullius rei timor, potest in animum eius ingredi, qui ex animo mortis timorem eiecit.

CAPITULUM III.

TANTVM autem hoc de Concilio studium non solum in Germania adhibuit, verumetiam cum in Hispania Bullam promulgati Concilij nondum receptam esse cognouisset, eiusmodi litteras ad Nuntium Apostolicum Campegius Maioricens. Episcopum dedit; quæ non solum Regis animum in sententiam Pontificis, atque ad recipiendam Concilij Bullam inclinarunt, verumetiam cum multa exempla Regis iussu descripta, & ad Episcopos Regni missa fuissent, omnes ut Tridentum versus in viam se darent effecit. Sigismundo quoque Poloniæ Regi sic inter cætera scripsit: Cū eorum qui loco primi semper esse contendunt, qui primogeniti, qui Christianissimi, qui Catholici dicuntur, nemo adhuc primus esse voluerit, ad succurrendum ecclesiæ, Dei, & eius tranquillitati prospiciendum, det operam Maiestas vestra, ut hac in re principatum obtineat, nec ipsa quoque esse velit in mora, quominus primo quoque tempore Concilium inchoari possit; nisi quod reuera laudem hanc iam præripuit omnibus serenissimus, Portugaliæ Rex, qui suos Oratores primus omnium Tridentum misit

misit, ita vt mihi propemodum idem nunc eue-
nisse videatur, quod acciderat cum Christus in
Bethleem nasceretur. A suis & finitimis negligi
visus est, ex vltimis vero terris venerunt Reges
qui adorarent eum. Amicos etiam suos in vrbe
viros doctissimos & optimos, Sirletum postea
factū Cardinalē, Latinum Latiniū, Faernū, Po-
gianum, & a hos, rogare, monere, vrgerē, obte-
stari non destitit, vt se ad subleuandas inclina-
tæ religionis rationes, atque ad commune qua-
si incendium extinguendum, ad Ciuitatem Tri-
dentinam conferrent. Quæ vos, ait, à Tridenti-
no cælo deterrent, etiam atque etiam videte,
ne eadem illa, eodem vos Cælo prohibcant, ad
quod nos peruenturos speramus, quotquot
pie Christum colimus. Sed vos gaudijs illis, &
commoditatibus vrbis proculdubio perfrui
cupitis, molestias autem & labores, & pericu-
la subire detrectatis. At non ita nos scriptura
docet. Nemo coronabitur, inquit, nisi qui legi-
time certauerit. Vos certamen recusatis, in so-
lem & puluerem prodire non vultis. Optarem
inesse vobis fidem maiorem, non essetis adeo
de corpusculo isto solliciti, nec hanc de potesta-
te diuina conciperetis opinionem, quasi non
possit etiam Tridenti vos incolumes seruare.
Nō omnia sunt in cælo Romano, & in medico-
rū artificio posita: etiā absq; illis, qui solus est
verus Medicus & vere sanat languores omnes,
& corporis & animi conseruare nos potest, si-

ne quò verissimum est illud, quod scripsit Ora-
tor ille nobilis; *πίστεας μὲν γὰρ ἀπᾶσιν ἀνθρώποις*
ὅτι τὸ βίου ὁ θαύματος καὶ ἐν οἰκίαις ὧς πῶς αὐτὸν
καταϊεῖρας τηρεῖ, δὲ τοῖς ἀγαθοῖς αὐθρας ἐγ-
χερεῖν μὲν ἀπᾶσιν ἀνθρώποις καὶ τοῖς καλοῖς τὴν ἀγαθὴν
προβαλλομένοισι, ὑπὸ δὲ θεῶν δὲ ὅτι αὐτὸς ὁ θεὸς
ἐκ δὲ ἡμετέροις. Nosti cætera. Quæ ad Electo-
res Imperij ecclesiasticos, quæ ad Ducem Bra-
unsvicensẽm, ad Ducẽ in Prussia, ad Ducẽ
Cleuensẽm, ad alios multos Principes, & Epi-
scopos scripserit, quo studio, qua sollicitudine
omnes ad Concilium congregare voluerit, epi-
stolæ, quas non ita pridem satis multas edidi-
mus loquuntur. Porro cum Vienna discessurus
esset Tridentum, conuocatis ad se Cæsaris con-
siliarijs, & magno illo, & integerrimo Cancel-
lario Zeldio, eos quoque grauißima oratione
obtestatus est, vt vniuersas cõcilij rationes, val-
de sibi vellent habere commendatas: si quæ
difficultates vel à Protestantibus vel à quocũ-
que tandem alio obiicerentur, vt eas omni suo
consilio & auctoritate amouerent, atque vias
etiam inuestigarent, quibus persuaderi possit
Germaniæ Principibus & Episcopis, vt ad Con-
cilium venirẽt. In summa, vt non solum studio-
si, & fautores, huius tam salutaris & necessarij
instituti esse vellent, verum etiam amplificato-
res. Deinde vero vt in ciuitate Viēnensi verbũ
Lutheri, pro Dei verbo prædicari ne pateren-
tur,

cur, magistros & ministros verbi Sathanæ, si non possunt ex omni Cæsaris ditione, saltem ab aula, saltem ab ijs locis vbi maiestas eius commoratur faceffere iuberent, Christi causam intrepide agerent, si vellent, vt Christi quoque dextera, hoc, quod gubernandum susceperant, imperium defenderet. Quæ de concilio, de Orationibus, de Episcopis essent cum Cæsare constituta, ea vt debitæ mandarentur executioni procurarent. Et quamuis, ait, coram Domino, & coram Christo eius conscius mihi non sum, quod in hac legatione mea cuiusque bonum tulerim, aut a finum (his enim Samuelis verbis utebatur) quod quempiam calumniatus sim, quod quempiam oppresserim, quod de manu cuiusq; munus acceperim; cum tamen sciã etiam meorum errores & culpas præstare me oportere, si tale quidquam à suis designatum audiuisent, vt ipsi quoque coram Domino, & coram Christo eius loquerentur admonebat. Contemnam, inquit, illud hodie, restituamque vobis. Cum autem illi dicerent; Non es calumniatus nos, neque oppressisti, neque tulisti de manu alicuius quidpiam. Ille vicissim, Testis est, ait, mihi Dominus, & testis Christus eius in die hac, quod in omnibus meis studijs, & consilijs, & contentionibus, ea quæ sunt Iesu Christi, quærere semper volui; ac ita Vienna discessit Augusto mense, magno sui, cum apud optimum & pietissimum Cæsarem, tum apud

reliquos aulae Principes, & vniuersos Catholicos desiderio relicto.

CAPUT IIII.

CVM Tridentum magnis itineribus peruenisset, & pompam illā, quā in ingressione Legatorum solet adhiberi, euitare vellet, sicut in alijs locis facere consueuerat, in ipso diluculo, paucis comitatus ciuitatem est ingressus, sed eum statim infirmitas corporalis excepit, siue propter itineris incōmoda, siue propter assiduos labores, curas, vigilias, sollicitudines, quas Concilij causa, vt illius progressum promoueret, sustinuit: quæ res non mediocrē dolorem, in omnium Patrum & Episcoporum animis concitauit, adeo vt quidam ex Episcoporum ordine, uiri graues & candidi præcipuam quandam curam, de recuperanda Hosij, valetudine suscipere voluerint, agrotantis lectulo continuo assidentes, omnia momenta & pondera temporum, & ciborum, & medicinarum, sollicitissima cura obseruantes, vt ne quid ad perfectam curationem defuisse videretur, non tam Hosium quàm seipsos, atq; adeo vniuersas Ecclesiæ Dei rationes, languere cum Hosio fieri que existimantes. Inciderat autem is morbus in tēpus Ecclesiastici ieiunij, cuius obseruationem cum afflictæ valetudini incommodare

modare posse, iudicaret medici, monuerunt
ut cibis salubrioribus & accommodatis, hoc est,
pecudum & volatilium carnibus vteretur, &
vilitatum illum abstinentiæ rigorem relaxaret.
Sed Hosius ut id faceret adduci non potuit, ma-
lens sibi ventrem, sicut olim Paula venerabilis
dicebat, dolere quam mentem; quo factum for-
tasse est, ut in dies morbi vehementia augere-
tur, ex qua vitæ periculum imminere putaba-
tur, cui ut irent obuiam cæteri, S. concilij Le-
gati, summi & amplissimi viri, de salute colle-
gæ sui solliciti, simul omnes ad lectulum agro-
tantis accesserunt, ac sicut olim Hieronymus
& Epiphanius Paulam beatissimā, verbis effica-
cissimis monuerunt, ut Medicorum consilij tan-
tum obtemperaret, quantum ad tuendam vi-
tam satis esse putaretur: cætera quoque conso-
lantium officia, humanissime & prolixissime
obierunt. Hosius autem, sperare se respondit,
in Dei misericordia, quod abstinentiæ & Ecce-
siastici ieiunij observatio, nullū esset vitæ suæ
periculum allatura, cum Dominus & Saluator
omnium, sententia, sua crapulam damnauerit,
abstinentiā autem verbo & exemplo com-
mendauerit. Instabant autem paulo vehemen-
tius Legati, & præsertim laudatissimus ille Car-
dinalis, & animi magnitudine, & consilij abun-
dantia, & specie corporis, verè Hercules Con-
zaga, ut aliquid loci precibus & consilij tan-
torum virorum tribueret, quod si precibus nol-

let, auctoritati cederet. Et si forte preceptum Ecclesiæ violare dubitaret, quamuis necessitas ipsa abundè ægrotantem excusaret, se tamen cum Collegis suis omnibus, etiam ipsius Pontificis nomine, & vniuersi Concilij auctoritate dispensare, vt sine periculo violati præcepti Ecclesiastici, ex Medicorum consilio, carnibus vesceretur, seque Ecclesiæ Dei, & religioni Christianæ, pro qua tantum in omni vita sua laborasset, ac etiam laboraturus adhuc esset, conseruare conaretur. Quæ cum audiret Hosius; iam, inquit, Illustrissimè D. V. dixi, me spem meam non in bestiarum cadaueribus, sed in Deo saluatore meo ponere, qui solus est verus Medicus, & vere sanat languores omnes, & corporis & animi. Scriptum est, ait, Honora patrem tuum & matrem tuam vt sis, longæuus super terram. Pater meus Deus est in Cælis, mater mea, Ecclesia est in terris. Ille præcepit vt ieiunem, hæc præcipit vt his diebus istoque tempore ieiunem. Vtrumque honorare, vtrique obtemperare volo: & spero quod ero longæuus super terram, quidquid tandem de suis coiectionis dicant Medici. Immo vero se eam à teneris annis fidem habuisse, si præceptum Ecclesiæ de seruando ieiunio, ex quacunque tandem causa violaret, quod in certam aliquod vitæ periculum incurreret. Quamobrem si se saluum & incolumem cuperent, ne auctoritatem suam ad vim inferendam ieiunio adhiberent;

se in eadem plane fide, quam à teneris annis in animum induxerat versari, si carnes prohibitis ab Ecclesia diebus comederet, quod morrem sibi sciens & volens accerseret, & prorsus sibi, secundum fidem suam fieret, quod proculdubio Illustrissimis Dominis Legatis displiceret; Sic Hosius in suscepta sententia perstitit, ac nō multo post pristinā valetudinē recuperavit. Sæpe etiā à Medicis & Episcopis monebatur, ut continuū illud studium, & legendi assiduitatē, saltem in illa morbi vehementia relaxaret, & ad valetudinis curam cogitationes omnes adiungeret. Verum Hosius, hoc, inquit, est, vitam mihi adimere, & viuum, videntemque sepultura commendare: tollite libros, eadem opera vitam quoque auferetis. Nonne sicut corpus, ita quoque Spiritus sua refectiōe indiget? In reficiendo corpore sequar præscriptum vestrum; in reficienda anima, sequar institutum meum.

C. A. P. V. T. V.

CONFIRMATA valetudine, sicut sagitta cum arcus extenditur tanto celerius volat, quanto diutius impetum retrorsum redacta distulerit, sic ille quoque tanto perfectior natus, studio, labore sollicitudinē, prudentia, vigilantia, abstinētia, ad obeundā Legati Apostolici munera incubuit, quanto eum diutius
ab

ab his officijs persequendis, in ualeitudinis incommoda retardabant. Neque enim corporis imbecillitas, animi vires fregerat. Sed licet is, qui foris est, homo corrumpi videbatur, tamen is qui intus est, renouabatur de die in diem. Quamobrem omnes suas curas, & cogitationes ad hoc unum studiū conuertit, vt in sacro illo & Orthodoxo trecentorū fere Episcoporū Deo amabiliū cœtu (ex quibus multi singulari uitæ sanctorum monia, multi sacrarum litterarum scientia, multi rerum usu, & prudentiæ laudibus eminebant, plerique etiam stigmata D. Iesu in corpore suo, uel à Turcis, uel ab Hæreticis propter nomen illius impressa, quæ nos etiam summa cum uoluptate sæpe sumus exosculati, portabant) quod infirmum est consolidare, quod ægrotum sanare, quod confractum, alligare, quod abiectum reducere, quod perierat quærere pergerent, non cum austeritate imperantes & potentia, sed in spiritu lenitatis cunctos instruentes, & hortantes. Nullum etiam, ut aiunt, non mouit lapidem, nil prorsus intactum & intentatum reliquit, ut ad cōcilium ij præcipue uenirent quorum illud causa potissimum congregatum erat. Hoc per nuncios, hoc per Consiliarios, hoc per litteras à uere patris ingenito Ecclesiæ filio Ferdinādo Rom. Imperatore, hoc ab eius filijs Serenissimis Maximiliano Boemiæ Rege, Ferdinando, & Carolo Archiducibus Austriæ, hoc a Serenissimo Poloniæ

Ioniz Rege Sigismundo, à catholicissimo Bauarię Duce Alberto, ab Ecclesiasticis Imperij Electoribus, a Duce Wirtembergensi, Cleuensi, Braunsuicensi, Brandenburgensi, Prussiz, hoc ab alijs Archiepiscopis, Episcopis tam Germaniz, quàm Poloniz, Saltzburgensi, Magdeburgensi, Gnesnensi, Merseburgensi, Numburgensi, Bambergensi, Eistaten. Gurcensi, hoc a Theologis Germaniz præstantissimis, hoc à patribus Societatis Iesu, sine vlla studij & contentionis remissione, perpetuo flagitabat, rogabat, monebat, vrgebat, obtestabatur, vt & ipsi ad concilium venirent, & ijs qui segregauerunt semetipsos esse authores vellent, vt in concilio potius Occumenico, quam in aliquibus Germaniz angulis, de quibus dubitarent Christianæ fidei articulis, disputare vellent. Et habentur illius verba in epistola ad Canisium: Cupe-rem verū esse quod dicitur, quod missuri sunt huc suos Elector Saxoniz & Brandenburgensi, ac nescio quis tertius, Deum precamur vt veniāt, quocunque tandem animo illis venire decretum est. Etiam Saulus ad persequendam Ecclesiam profectus erat, factus est nihilominus Paulus, & ex persecutore Apostolus. Saul ad occidendum Regem David festinabat, invidie in cuneum prophetarum, prophetauit & ipse. Balaam ad maledicendum populo Israel conductus fuerat, quē cum vidisset benedixit. Idē nunc Deus est qui fuit: æquē potens, æquē benignus

benignus & misericors, vt fuit: nec est in eo
fuit, aut erit, sed, est tantum. Poteſt is auferre:
cor lapideum, & dare cor carneum, poteſt ef-
ficere, qui conductioni ſunt ad maledicendum po-
pulo Dei, vt hi mutato propoſito benedicant
potius: & cum ſit fons totius benignitatis, nō
magis poteſt quam vult, modo nos Deum pro-
cemur in fide nihil hæſitantes, etiam ex lapi-
dibus ille ſuſcitatur filios Abrahæ. Veniant ve-
niant, quocunq; animo veniant. Reperient hic
viſcera paternę charitatis plena, ſuper eorū ca-
pita carbones ignis cōgerētur, nec aliud nobis
erit propoſitū, quā vt nō vincamur à malo, ſed
vincamus in bono malū. Quod nos diuina mi-
ſericordia cōſequuturos ſperamus, veſtris præ-
cipue precibus adiutos, in quibus multum fidu-
ciæ poſitū habemus. Et in alia quadam epiſto-
la ad epiſcopū Numburgenſem his verbis uti-
tur; Videor & ego animaduertiſſe quibuſdā in
locis vbi ſuaue Chriſti iugum, per miniſtrū ſuū
Pontificem, Eccleſiam gubernantis, excuſſum
eſt, etiam Principum iugum non fere tolerari.
Vidimus & clebitij quendam libellum, qui
inſcribitur, Victoria veritatis, & ruina Papatus
Saxonici, in quo Lutheranos ad ſynodum &
ad diſputationem de præſentia, vel abſentia
potius, vt ille ait, Chriſti corporis & ſangui-
nis in Eucharistiæ ſacramento prouocat, &
eaſdem illis leges præſcribit, quas ipſi nobis
præſcribere conſueuerunt. Itaque qui Roma-
num

num Papatum se euersuros esse persuasum habebant, de ijs gloriantur Sacramentarii quod eorum Saxonicus Papatus prius sit euersus. Vidimus & Flaccij supplicatorios quosdam libellos, quibus in Germania vel Saxonia potius congregari Synodum postulat: à qua primum excludit Christianos omnes, quos illi libuit vocare Papistas, deinde Seruetianos, Suuenkfeldianos, Antinomos, Anabaptistas, Sacramentarios & Osiandrinos: neque sibi cum alijs, quam cum Synergistis, Adiaphoristis, & Maioristis, qui vestri sunt, rem esse vult: ac miras tragoedias excitat, de Confessione Augustana, multis in locis mutata ac deprauata. Neque dubitat alicubi, falsi crimen impingere Philippo, quod non magis confessionem Augustanam, quam ipsos Lutheri libros, pluribus in locis adulterauit. Nec sine causa. Nam contuli ego quoque aliquot exemplaria Confessionis Augustanæ, & ita se rem habere comperi: nec vlla mihi visa est proprius accedere ad eam, quæ fuit Augustæ Christianissimo Cæsari Carolo oblata, quam ea, quæ Flaccij opera Iehenæ typis fuit edita, & extat in quarto librorum Lutheri Tomo. Quamobrem cum etiam de ipsius Augustanæ confessionis fide iâ apud uos disceptatur, quam admodum festiuè quidam cothurnum appellant, vtrique pedi aptum, cum author ipsius qui suis eam conscripsit manibus, & in alijs multis, & quod est præcipuum

cipium doctrinæ Christianæ caput, de Christi corporis in Eucharistia præsentia, diuersum ab illa sentiat, & cum Caluino consentiat; non ne fatius foret, vt de hac ipsa Confessione, quid in ea recte recipi possit, quid nō, huic Oecumenico Tridētino cōcilio potestas iudicandi potius permitteretur, quam vt vnus hominis arbitrio toties mutata, tantam ipsis etiam Lutheranis ambigendi materiam præberet. Cupit id in Saxonia fieri Flaccus. Cur autem non ibi potius vbi totus est cōgregatus orbis Christianus? Scilicet Saxonica fides condenda, & non Catholica potius nobis est retinenda? Certe ex vsu magis, & ex dignitate etiam fieret Principum istorum, vt eorum iudicio controuersias istas disceprandas permitterent, quos pro legitimis iudicibus agnoscunt, & dominus eorum Cæsarea Maiestas, & quotquot sunt alij per orbē Christianum orthodoxi Reges ac Principes, quam vt vel Flacco, vel Gallo, se, uel qui sunt eiusdem farinae, subijcerent: neq. dubitare debēt quin Patres hos habituri sint multo æquiores iudices, quam illos nescio quos. Effet hic non magis cognoscendi, quam ignoscendi locus: idque tolerabilioribus multo conditionibus, quam quos præceptoribus suis proponit Flaccus. Et cum in symbolonos credere profiteamur omnes, sanctam Ecclesiam Catholicam, nonne magis velle deberent Catholicam aliquam Confessionem habere isti Principes, quam

quam vel Saxoniam, vel Augustanam: cum de his quæ ad Catholicam aliquam confessionem pertinent, nil extra Concilium Oecumenicum, quod Catholicam Ecclesiam repræsentat, statui fas sit, & quod in angulo aliquo cõstituitur à paucis, id Catholicum dici nequeat. Omnia sibi de nobis recte polliceri possunt, quæ de Patribus sui amantissimis, nec aliud quidquam præter salutem ipsorum sitientibus.

CAPVT II.

His ille rationibus & multis alijs huius generis persuadere Germaniæ Principibus conabatur, vt se Concilij Oecumenici auctoritati subijcerent: idque vere Oecumenicum esse, scripta eleganti epistola, ad Stanislauum Orichouium Roxolanum, alterum illum Poloniæ nostræ Demosthenem, sole clarioribus rationibus, demonstrauit. Sed cum in sententia nihilominus peristerent, & salutaria remedia refutarent, rogatus à quibusdam, hanc causam intermissionis adferebat. Isti ministri qui noui cuiusdam Euangelij sunt authores, videntur causæ suæ prorsus diffidere, quandoquidem ex latibulis in lucem prodire nõ audet. Nam qui male agit, odit lucem, qui bene agit venit in lucem, vt manifestentur opera eius. Mirum est autem quod metuunt exemplum Ioannis Hussi, cum etiam sanguine suo, nouam suam doctrinam

nam confirmare parati esse deberent. Sic enim Apostoli factitarunt, cum nouam Christi doctrinam propagarent. Adeone sunt autem stupidi, vt non intelligant alia nunc esse tempora quam tum fuerunt, quando de Ioanne Huss, quod ille meritus erat, supplicium sumptum est? Nam in vno tantum Regno pauci quidam defecerant. Nunc diuersa est ratio. Etiam si nullas haberent Salui conductus litteras, tuto tamen huc eis venire liceret. Quid enim lucrificeret Sacrum Concilium si vnum aliquem ex Germania vel Polonia venientem. hæreticum supplicio curaret afficiendum? Quamobrè vel sensus ipse communis poterat illos docere, quod etiam absque saluo conductu vllò, sine aliquo discrimine, versari hic eis liceret: nisi forte facinus aliquod capitale cõmitterent, quod nec apud ipsos hæreticos impune cuiquam liceret. Sed verum est illud; Qui malè agit odit lucem. Conscientia mille testes. Nec est maius tormentum vllum, quam ipse sibi male conscius animus. Et in alia quadam epistola ad Regem Poloniæ sic scribit; Scio non deesse, qui, quæ piè, sancteque, sunt à Pontifice acta & cogitata, ea in deteriore partem rapiant, & est (proh dolor) nimis verum. Nam cum ij qui se à Christo, & ab eis corpore segregarunt, nil minus cupiant, quam Concilium, omnes vias & rationes quærunt, quibus inuidiam Pontifici cõflare, & in eum culpam omnem confertè queant,

queant. Verum hoc scias Maieſta veſtra quod nulla de loco Concilij fuit controuerſia. Nā quamuis diuerſæ Ciuitates erant propoſitæ in quibus Concilium celebraretur, omnes tamen qui ſunt Chriſtiani Reges & Principes, in eo tandem aquieuerunt, vt haberetur Tridenti potius quam alibi. Qui vero ſunt Lutherani nullus illis, locus placuit. Nam ſicut Marcolphus vel Æſopus olim, nullam dicitur arborem in ſyluis reperire potuiſſe, in qua ſuſpendi vellet: ſic iſti cum ſibi concilij ſint, ſe veterum hæreticorum dogmata renouaſſe, quę pridem ab Eccleſia damnata ſunt, nec illa vlla ratione tueri poſſe, nil magis horrent, quam nomen Concilij. Et ſcripſit Brentius in eo libro, quem Maieſtati veſtræ dicare, veritus non eſt, ille bipedū nequiſſimus, Petrus & Paulus Vergerius, quod nullum ferre poſſit doctrinæ ſuæ iudicem, niſi iudicem viuorum, & mortuorum Chriſtum. Quid autem aliud cuperent ſicarij, parricidæ, & quotquot ſunt criminis alicuius condemnati? Quamobrem de loco nulla eſt inter hæreticos controuerſia. Nam Hæreticis nullus neque locus, neque ratio congregandi Concilij probatur.

C A P V T VII.

DE reſidentia quoque Epiſcoporū in ſuis Eccleſijs magna contentione laboratū
H à non-

à nonnullis est: vt in S. Concilij disputaretur, Num ea esset Iuris diuini: quod ita futurum putarent, vt Episcopi tanto essent in pascendo grege sibi commissio vigilantiores, ac in suis Ecclesijs perpetuo resideret, si decretum esset, quod Iure diuino ad residendum in suis Ecclesijs, & Episcopatibus astringeretur. Verū Hosius faciedum id potius, & re ipsa præstandum esse, non disputandum, quo id Iure faceremus, expedire, respondebat: qua etiam de re ad Ieldum Cæsaris Ferdinandi Cancellarium in hanc sententiam scripsisse legimus. Mecum quoque fuit actum, vt vellem disputari, quo iure Pastores in Ecclesijs suis residere tenerentur. Quasi ex nonnullis, quem finem sibi propositum haberent in hac disputatione. Producebant illud ex Euangelio; Forte verebuntur filium meū. Quid autem, inquam? An in eodem Euangelio non legistis, Malos illos quos male Deus perdidit, dixisse cum videretur filium, Hic est hæres, venite occidamus eum? Videte itaque quod qui feros trucidarunt, idem etiam de filio fecerunt, ac vel inde cognoscere potestis, quod qui non audit Deum per ministros suos, per Ecclesiam suam præcipientem, non audiet eum etiam per filium mandantem. Pingamus autem nusquam præcepisse Deum, vt residerent in Ecclesijs suis Episcopi, sed Ecclesiæ tantum præceptum esse. Num ideo non parcbunt pastores, quoniam Ecclesiæ præceptum est? Ego vero Dei vocem hæc lego,

Iego, si quis non audierit Ecclesiam sit tibi tanquam Ethnicus & Publicanus. Itaque diuino iure teneri pastores ad residentiam persuasum habeo, etiam si nihil de ea in scripturis reperiatur, sed Ecclesie tantum præceptum sit, quam qui non audierit, cum tanquam Ethnicum & Publicanum haberi Christus voluit. Indubitati iuris Diuini esse; Dilige, Non concupisces, Diligite inimicos vestros, nemo dubitat: num ideo præstantur hæc ab omnibus, quia iuris diuini esse sciuntur? Vtinam vel a paucis saltem præstarentur. Quamobrem non scire, sed facere, Ius diuinum ad salutem prodest. Scienti vere bonum, & non facienti peccatum est illi, Sciebat Eua diuinum esse præceptum, non esse comederit dum de ligno vetito; num propterea, quia sciuit, statim fecit? præstiterat eam nesciuisse. Verum illi aliam post ea causam proferebant, quamobrem disputari de residentia cuperent; quod si decretum esset, eam esse Iuris diuini, præclusam ita viam dispensationibus dicebant. Ego verò, ut maximè verum sit, inquam, residentiam esse Iuris diuini, quod negaui nunquam, tamen perpetuam residentiam esse Iuris Diuini verum non est, cum dicat ipsa veritas: Si vos persecuti fuerint in vna Ciuitate, fugite in aliam. Ex quibus verbis colligere licet, casum dari, quo liceat non residere. Nec solum hunc esse casum, verum & alios multos. Sicut hoc ipso tempore multi Pa-

stores absunt ab Ecclesijs suis, qui non solum non peccant, quod absunt ab illis, & in Concilio præsentes adsunt, verum etiam sine magno peccato vocati ad Concilium in Ecclesijs suis residere non possent. Itaque posse, & hoc & in alijs multis casibus Pontificem vel dispensare, vel interpretari, ut abesse aliquando ab Ecclesia sua liceat, nec eos finem istum quem optant, esse consecuturos. Cum præsertim audierim Patres dicentes, esse quoddam Ius diuinum dependens, esse aliud inde pendens: esse absolutum, esse positium, esse quod versetur circa essentiam rei, esse quod versetur circa materiam contingentem, esse ius diuinum mediatum, esse & immediatum. Certum autem esse, quod residenti a sit Iuris diuini mediati, dependētis, positiui, & quod versetur circa materiam contingentem, qualia Iura dispensari posse, illi ipsi Patres affirmarunt, qui de residentia nam sit Iuris Diuini, disputari cupiebāt. Et in alia Epistola Diuino illi, & obstupendo viro (alterum Ambrosium dices) Cardinali Borromæo scribens, his verbis utitur. Dixerat hic quidam, Varijs in Concilijs multos fuisse Canones sancitos cōtra Vsurarios, nec profectum tamen quicquam fuisse. Postea decreuisse in quodam Concilio, Iure diuino vsuras prohiberi, & statim homines cognouisse, quod esset mortale peccatum, vsuram percipere. Si hoc, inquam intulisset, quod statim vsurarij

rarij esse desierunt, ad rem aliquid dixisse videretur. Sed sicut postea quam Iure diuino vsuras prohiberi declaratum est, non propterea desierunt esse vsurarij, ac fortasse plures nunc sunt, quàm fuerunt antea; eadem ratione induci potest, postquam declaratum fuerit, esse Iuris diuini residentiam, non propterea facturos episcopos, vt resideant. Deus ipse præcepit Eux, ne comederet de ligno sciētiae boni & mali; num propterea non gustauit? imo vero magis accensa videtur illius cupiditas hoc interdicto, quàm refrænata. Quamobrem qui non audierunt Deum per Ecclesiam residere iubentem, habere me persuasum, quòd ijdem illi, non sunt audituri, eundem etiam ipsum per se loquentem.

CAPVT VIII.

Q Verebant etiam ex Hosio nonnulli, num Episcopi à Deo, vel, vt tum loquebantur, diuino Iure essent in Ecclesia instituti: quibus in quadam Epistola ita se respondisse meminit: Quod Episcopi sint diuino Iure instituti certum est, nec vllam de eo nobis esse pugnam, cum hæreticis, sed hoc illos negare, quod qui sunt à Pontifice Romano instituti, sint iure diuino instituti, neque eos pro legitimis Episcopis agnoscere: quod etiam sibi obiectum à Beza fuisse, anno superiori dixit Illustrissimus Dominus Cardinalis Lotharingus, eos scilicet qui à Romano Pontifice instituuntur, non esse à

Christo institutos, sed esse larvas Papales; raras, vinctas, oleatas. Verum nos ista credere, certumque id esse, quod qui vocantur aut assumuntur, in partem sollicitudinis à Pōtifice Romano, vel quibus prouidetur à Pontifice, quod hi & non alij sunt legitimi Episcopi: quod hi & non alij sint diuino Iure instituti. Pōtifex enim diuino Iure, quod habet à Christo, constituit Episcopos, & qui cōstituuntur ab illo sunt diuino Iure constituti. Quod autem ad vocationem attinet, certum est id quoque, Episcopos à Deo vocari: sed hanc à Deo vocationem habere se quoque gloriantur hæretici, Caluinus Beza, Bulingerus, Petrus Martyr, Brentius & alij, omnes gloriantur à Deo se vocatos. Quoniam autem illi non sunt à Pōtifice vocati, ideo non sunt Catholici Episcopi; nec aliud me discrimen scire inter Catholicos Episcopos, & hæreticos superintendentes, nisi quod illi non agnoscunt se vocatos à Pontifice, sed à solo Deo, nos vero vocatos quidem à Deo nos esse gloriamur, sed vt certi sint nos esse legitime vocatos, legitime id factum esse, per Pontificē Christi in terris Vicarium prædicamus. Mihi valde placuit cuiusdam Hybernici Episcopi sententia, qui cum iurè legitime consecratus esset Episcopus, Romani Pōntificis auctoritate, & quidam Minister hæreticus ab Elisabetha Angliæ Regina missus esset in Dioecesim eius, vt ibi superintendentem ageret, & idem ille se quoque

quoque vocatum à Deo diceret, per capitellâ Anglicanæ Ecclesiæ: Episcopum produxisse litteras Apostolicas vocationis suæ testes, atque his productis probasse, quod ipse per Christum & eius Vicarium legitimè vocatus esset, non autem ille alius, qui postea fuit inde pulsus. Si quis ex me quoque querat, quo iure sum Varmienfis Episcopus, dicam & ego vocatum me esse à Deo, sed huius à Deo vocationis testes producam litteras Apostolicas, non in cælo, sed in Vrbe Roma scriptas, & hoc iure diuino, quod Vicario suo Petri legitimo successori, Pontifici Romano Deus concessit, Episcopum me esse Varmiensem demonstrabo: alioquin si dixerimus omnes à Deo nos esse vocatos, nec per quem à Deo simus vocati, ostenderimus, nullus ius aliquod certum habebit, nec erit nota qua discerni possint à Catholicis hæretici. Quamobrem si soli sunt à Christo vocati, & instituti, à quo qui non sunt instituti, non à Christo sed ab aduersario Christi sunt instituti. Neque verò quia constituit Episcopos Pontifex ideo non constituit Christus. Dixit Paulus Tito, vt constitueret per ciuitates Presbyteros: num ideo non constituit eos Christus? Quin hi vere sunt demum à Christo instituti, qui sunt per Vicarium eius Pontificem Romanum constituti. In Epistola quoque ad Cardinalem Trident. his verbis vtitur: Spes est in Deo, quòd Ius diuinum, hoc est, charitatem infundet in

cordibus nostris , per Spiritum suum sanctum. Quod cum erit factum illius benignitate, magis implere Ius diuinum , quàm disputare de eo volumus . Modò ne desit nobis verbũ illud abbreviatum Dilige, quod est manifestissimi Iuris diuini , præsto statim erit residentia personalis, nec quæremus quo iure teneamur, sed siue per se siue per Prophetas, siue per Apostolos, siue per Ecclesiam Deus id præceperit libenter acquiescemus. Delicata nimis est hæc, & molesta obedientia, cum præcipitur aliquid, quærere, quo Inre. Disputare hoc est, quemadmodum præclare quidam dixit ex Patribus, In actu cordis, non in auditu auris obedire, Ius diuinum est . Qui vos audit me audit, Qui vos spernit me spernit. Ius diuinum est . Si non audierit Ecclesiam , sit tibi tanquam Ethnicus & Publicanus. Itaque mihi quidem contra ius diuinum peccare, ac Ethnicus & Publicanus esse videtur , quisquis matrem Ecclesiam præcipientem non audit , etiam si forte non reperiatur expresse in scripturis, quod illa præcipit. Nam si non audiēdas nobis nisi scripturas, nec præter illas recipiendum esse quidquam putauerimus, hæreticorum hoc est axioma, à quo & aures & animi piorum omnium semper debent abhorrere . Quanr autem ad me misit Epistolā Greg. Nazan. legi lubens. Brentius in tuo scripto, contra Petrum à Soto, profert locum hūc ex Nazianzeno, quo probare conatur frustra

Conci-

Concilia congregari : quod nihil aliud præter inanes contentiones in illis videre liceat . Sed mihi videntur hæc Nazianzeni verba , non de Synodis generalibus , sed de Prouincialibus quibusdam intelligi debere ; quæ fere fuerunt instar Colloquiorum , qualia superioribus annis in Germania vidimus , nec fructum vllum adferebant . Nam certum est Grego. Nazianz. non interfuisse modo , verum etiam præfuisse propemodum Concilio Constantinopolitano primo , in quo multa sunt salubria constituta : quodque Symbolum recitatur in Ecclesia post lectum Euangelium , in illo Concilio creditur fuisse conscriptum . Hæreticorum itaque conuenticula , quæ crebra tum fuerunt fugere se velle scribit Nazianz. non quod Synodos legitimas declinaret . Vbi de rebus controuersis agitur , fieri non potest , quin exoriatur aliqua contentio , & est illud verissimum , quod à Philosopho scriptum legimus , Opposita iuxta se posita magis elucescunt . Fit enim illustrior veritas , cum opponitur illi falsitas . Itaque nullū puto fuisse Concilium , in quo disputatum in vtramque partem non fuerit de rebus , quæ vocabantur in questionem .

C A P V T IX.

Quodam etiam tempore cum reprehendi audiret Legatorum S. Concilij diss. gen.

gentiam, quod subinde referrent ad Romanū Pontificē de causis grauioribus, vanas eorum querimonias eius generis responso refutauit. De eo quod subinde refertur, ad S. D. N. de causis grauioribus, scio quod à Vergerio multa scripta sunt, cuius nuper pleraque opuscula vulgari lingua in lucem prodierunt, quorum vnum singulatim, contra me scriptum est: nec ego dixi & ostendi nonnullis, vetus hoc esse, & ex ipsius Christi mandato institutum, vt de causis grauioribus ad S. Sedem Apostolicam referretur; tum autem etiam aduersarijs nostris, non inusitatum id esse: ac exhibui nonnullis librum Hesulij in quo scribit, Quo tempore Confessio Augustana scribebatur, quod per omne tempus id Corburgi fuerat Lutherus, vt de vicino loco deliberationes, de religione, atque ipsam scriptionem articulorum legeret, atque regeret, atque adiunaret. Crebris ad hunc datis literis Philippus se petijt erudiri de grauissimis controuersijs. Hæc Hesulius homo Lutheranus. Exhibui & alium librum scholasticorum Vvitembergensium, in quo scribunt, quod cum de concordia agerent, inter Philippum & Hesulium, Illyricus suę dignitatis etie iudicauit, consistere Cosuitij, & inde decreta Vvitembergensium mittere, sicut ante aliquot, vt loquitur, annos, fertur Romanum Pontificē misisse Tridentum. Exhibui & tertium libellum, cuiusdam viri Catholici, qui nomen tamen suum non expressit,

preffit, qui inſcribitur, Religionis, & Regis Chriſtianiffimi defenſio contra Calvinum: in quo ſcribit . Quod anno ſuperiori, cum habitaſſe prope Lutetiam Synblea, ſicut ipſi vo- cant, Beza de rebus omnibus ad Calvinum reſerebat: Calvinus autem è ſuo tripodè reddebat oracula, quibus illum in ſingulas horas quid agendum, quibus occurrendum eſſet, monebat. Et abeſt Geneva, non minus fortasſe Luteria, quam Tridento Roma, Quare ſi licet hæreticis ad eum reſerre, ſi qua de re controuertitur, quem ſuperiorem agnoſcunt, quantò magis licere debet id catholicis, nobis præſertim legatis & miniſtris. S. D. N. cum iuſſione Domini ſtatuerunt Apoſtoli, ſicut ſcribit Anacle- tus, vt de grauioribus fidei præſertim cauſis ad S. Sedem Apoſtolicam referretur?

C A P I T U L U M X.

PORRO de Calicis vſu, de quo tantas contentiones hac tempeſtate excitatas videmus & ingemiſcimus: cum eius vſu Laicis Cæſarea Maietas concedendum & alij nonnulli Germaniæ Principes, magna contentione à Patribus S. Concilij poſtularent, quid ſenſerit agere etiam fecerit Hoſius, in aliquot Episto- lis aper- tiſſime explicat. Nam ad Regem Poloniæ ſcribens his verbis vtitur. Magna contentione petitus eſt à Patribus calicis vſus, per Oratores
Cariæ

Cæsareæ Maiestatis, de quo cum sententiæ dictæ essent, fuere Patres in sex partes diuisi. Nā alij concedendū esse dixerūt: alij cum essent in eadem sententia, non à Concilio tamen, sed à Pontifice concedi debere: alij negarunt: alij quamuis negarent, ad Pontificē tamen remiserunt: alij cum neutram in partem quidquā definirent, concedendus esset nec ne, totam causam ad Pontificis arbitrium reiecerunt: alij deliberandum amplius, & negocium hoc in aliud tempus reiiciendum esse censuerunt. Qui tantopere calicem petiuerunt, spem fecerunt fore, ut multi ex his qui segregauerunt semetipsos ad Ecclesiæ gremium redirent, quod si certum esset, minus foret in impetrando negocij. Qui vero negarunt his maxime causis adducti sunt, quod negarent eos verē & ex animo, ad Ecclesiæ gremiū reuerti, qui præscribere vellent Episcopis potius, quam præscriptis parere. Nam qui legitimus est Ecclesiæ filius, pro ea pietate, qua parentem suam sanctissimam prosequitur, accipit ab ea conditiones potius, quam ut ei præscribat. Certe quem vere peccatorū suorum penitet, accipit leges non dat, nec eorum quidquam faceret recusat, quæ præscribit is, in cuius gratiam redire cupit. Quamobrem cuiusdam in errore tuendo, perseverantiæ signum esse dicebant, quod non aliter quam sub ea conditione, si Calix esset permissus ad Ecclesiæ gremium se redituros, nonnulli ostenderunt.

Neque

Neque posse dici eos ab omni errore liberos esse, qui hoc peterent Nam aut eos persuasum habere, quod aliter salui esse non possent, nisi sumant vtramque speciẽ, quasi præcepto Dei ad eam sumendam astringantur; aut non credere, quod Christus sit æque integer, sub vna specie atque sub vtraque. Cum autem utrumque affirmare sit hæresis, calicem eiusmodi cōcedere, nil aliud affirmare, quam hæresim approbare: maximè cum certo constat, non alios quam hæreticos calice uti, ita ut usus illius, cuiusdam ab Ecclesia Dei discessionis symbolum esse uideatur. Quamobrem fieri non posse, ut ex animo redeant ad Ecclesiam, qui sibi nihilominus tesseram hanc, atque symbolum permitti uolunt; quod est hoc tempore proprium hæreticorum. Si credunt totum esse Christum sub altera specie, si credunt nullum esse Christi m̃ datum de utraque specie sumenda, nec esse id de necessitate salutis; quorsum petunt utramque speciẽ? Si uero non credunt horum alterum, quid aliud, quam condemnant sanctos maiores suos, quin & Ecclesiam uniuersam, grauissimi cuiusdam erroris uel impietatis, quæ cū interdixerit usum calicis laicis, æterna salute liberos suos priuauerit. Sic autem sentire de matre sua Ecclesia, non est legitimæ prolis, uerum seminis adulteræ. Itaque res eo perducta est, ut causa tota ad S. sedem Apostolicam remitteretur, penes quam potestas erit, quidquid
magis

magis expedire christianę charitati duxerit, hac
de re statuere. Ego uero si quam non diu
spem ostendi uiderem, extinctas iri hæreses om
nes in Regnis ac teris Maiestatis uestre, mo
do calix permittatur, exstinguere non ita ma
gno negotio id impetraturum esse, quamlibet
multa dicta sunt a multis in contrariam senten
tiam. Sed si persistere nihilominus in suis errori
bus debent hæretici, non uideo quid causæ sit
quamobrem de calice magnopere laboretur.
Quin etiam expedire cum quibuscū iudico, ut
hæc sit quasi tessera, cōmunio alterius speciei,
qua dignoscuntur ab hæreticis Catholici: ut
quemadmodum illi non aliam ob causam sibi
calicem usurpant, quam ut suam aduersus ma
trem Ecclesiam rebellionem, declarent; sic hi
propterea sunt unius tantum speciei usu con
tenti, ut se legitimos illius & obediētes esse
filios demonstrant. Et in Epistola ad Othonē
Cardinalem Augustanum his uerbis utitur;
Fuerunt apud me nonnulli Episcopi qui meā
de concedendo calice sententiam explicari cup
iebant. Inter eos etiam, qui est Archistatensi
Episcopo a suffragiis, quid sibi dicendum esset,
consilium sibi a me dari postulauit. Respondi
& illi, & alijs, ut dicerent, quod illis illorum
conscientia diceret: cumque de successu ex
me quærerent, si calicis usus esset permittendus,
num ego putarem futurum, ut statim omnes
qui segregauerunt semetipsos ad Ecclesię gre
mum

miūm redirent, fateor me non uni respondiſſe:
ſi certò perſuaſum id haberem, quod per con-
ceſſionem hanc omnes Chriſto lucrifacere lice-
ret, quicūque ſunt ab illo, & corpore illius Ec-
cleſia ſeparati, me modis omnibus laboratu-
rum, vt calicis vſus permitteretur. Quoniam
vero ea de re vehementer dubito, non me ſta-
tuere ſatis poſſe, vtrum expediat nec ne. Et ſcri-
pſit quidam hæreticus Eplinus ad Sereniſſimū
Regem meum, quod ego in libello De expreſ-
ſo Dei verbo ſcripſerim, uerbum Dei, Bibite
ex hoc omnes (ſi de laicis, & non tantum de
Apoſtolis intelligatur) non Dei, ſed Diaboli
verbum eſſe, & Calicis vſum vocauerim Sa-
thanifmum: ac mox his verbis vſus ſim. Equi-
dem non iuerim inſicias, calicis vſum in Oecu-
menico Concilio laicis permitti rectè poſſe.
Itaque deteſtatur meam impietatem, & bla-
ſphemiam, qui fuerim auſus affirmare, quod
Oecumenicum Concilium poſſit ex Sathanif-
mo, & ex verbo Diaboli, Dei verbum facere,
& iuſtis de cauſis Sathanifmum concedere &
confirmare. Ego vero ſicut ſuperiora illa non
agnosco, nec reperiri ſcio in libello meo, ita ſcri-
pta, quemadmodum ab iſto hæretico recitātur,
ſic quod fuerit hæc mea ſententia & ſit etiam
nunc, poſſe concedere Cōcilium Calicis vſum,
non inuitus fateor. Talis fuit Hoſij de Calice
Laicis concedendo ſententia. Ac prodierat tum
ſere Syluani cuiuſdam hæretici libellus, in quo
in ea

in ea se fuisse sententia aliquando confitetur. Si calix concessus esset, laicis, quod facile componi hoc religionis diffidiū possit inter Christum & Lutherū; sed nūc se diuersum scire. Oportere totum Papatum euertere, in primis autem Missam diabolo pro strena donari, omnesque Missarios sacerdotes interficere; ex quibus etiam verbis, qui fructus ex concessio Calice esset expectandus ostendebat.

CAPVT XI.

ROGATVS etiam sæpe fuit per litteras à magno illo regni Poloniæ Cancellario Ioanne Ocyieski, vt in Concilio laboraret, quo concederetur facultas toti Regno Poloniæ, quod olei prouentibus non abundat, vt ouorum saltem & lacticiniorum vsu uti possent, singulis feriis sextis, & Quadragesimali tēpore. Cui vicissim ita respōdit vir abstinentiæ & ieiunij amantissimus Hosius. Quod scribis futurum, vt magnam ex eo laudem consequar, si perfectum opera mea fuerit, vt ouandi potestas Polonis nostris, in Quadragesima concederetur, à Pontifice, vel ab isto S. Concilio; si tam essem valde laudis audius, alij ex rebus, quam ex hac conciliare mihi mallet. Mirum est autem, quod cum sexcentis prope iam annis semper oliuatum fuerit apud nos, & non ouatum in Quadragesima, nunquam animaduersum

uersum est, aliquid homines ex eo, per tot secula detrimenti accepisse, præterquam hoc tempore. In solitudine degentes, Patres illi sancti herbis tantummodo viuebant, cum ne panem quidem quo vescerentur haberent, & aqua potu contenti erant, nihilominus rari fuerunt hoc vitæ genus amplexi, qui non attigerint annum centesimum, nonnunquam etiam superauerint: quod sanctorum Patrum historiæ abunde testantur. Posteaquam vero, quo tempore præparatio quædam sit, ad Christi passionem, & mortem recolendam, coceptum est ouari, quinetiam triumphari, cōplures videre licuit in ipso ætatis flore, lucis huius vsura spoliatos: quibus illud quod Israelitico quondam populo contigit, qui cum petijssent carnes, dedit illis Dominus carnes, adhuc autem erant carnes in dentibus illorum, & ecce furor Domini concitatus in populum, percussit eū plaga magna. Mihi veteres mores retinendi viderentur. Quas autem profert scripturas ad confirmandam petitionis suæ æquitatem, eas me si minus intellexisse, legisse tamen sciat, fortassis autē & intelligere: sed non ita, sicut intelligunt ij, quibus nihil placet, quod Ecclesiæ moribus est receptū. Lecta semper hæc fuerunt in Ecclesia, & quanto sanior fuit harum scripturarum intellectus, tanto diligentius obseruatum erat hoc ciborū discriminē quo nunc vtitur Ecclesia. Nunquam enim existimatum est, quod cibus quenquam

inquinaret, alioquin nō in Quadragesima tantū, aut pro Sabbato, carniū vsu fuisset interdictum: quin, si qui hoc existimabant, ij sunt hereseos condemnati. Non quæ intrant in os, sed quæ prodeunt de ore dicit Christus, ea coinquinant hominem. De corde enim exeunt cogitationes malæ. Quæ autem sunt illæ nolo nunc scribere. Lecta & illa est scriptura in Ecclesia. Non est regnum Dei esca & potus, neque vnam creditum est, quod in piscium vsu sit regnum Dei, multo minus in ouorum & carniū, sed creditum est hoc quod subiungit Paulus, Regnum Dei esse iustitiam & pacem. Iustitia autem est, vt præcepta maiorum non discutiantur, sed eis pareatur. Et illud in confesso est, quod citius conseruatur pax in ieiunio, quam cum carnibus, & ouis, & vino, venter distenditur. Tunc enim procedunt ex corde cogitationes malæ, quæ pacem perturbant, quæ libidinem excitant, quæ pugnas nonnunquā eient; quæ cogitationes malæ, per abstinentiam a carnibus, & reliquis id genus cibis impediuntur. Et est reuera regnum Dei pax, quādo pax cum sanctis maioribus nostris, qui nos præcesserunt in fide Catholica perseverantibus retinetur, nec vel in ritibus, vel in obseruationibus, vel in doctrina diuersum quidquam ab orbe reliquo Christo, statuitur. Hæc pax, cuius oliua signum est, qua vtimur in Quadragesima, est regnum Dei, non autem esus carniū & ouorū, qui

qui nonnunquam plus obest etiam ad valetudinem conseruandam , quam ab eis abstinentia.

C A P V T . XII.

QUONIAM autem in singulis S. Concilij sessionibus, quæ nonnunquam ab hora duodecima. ad vigesimâsecundâ vsque producebantur, de reformatione quoq. tractabatur. Visum erat nōnullis, reformationis initiū à Curia Romana esse introducendum, qui etiā ab Hosio postulabāt vt operā dare vellet, quod Curie reformatio institueretur. Verum ille talē responsum, se plerique dedisse, ad Canisiū scribēs, meminit. Verē Magnus Imperator ille Cōstātinus, cum oblati sibi fuissent libelli, quibus crimina quædam Sacerdotum & Episcoporum continebantur, non satis habuit, quod eos exuri fecit (cum se ab illis, non illos à se iudicari oportere diceret) verū & hoc insuper addidit: si forte suis oculis turpe facinus aliquod Episcopum designantem conspexisset, obtecturum se id paludamento, ne cuius oculi ea re offenderentur. Nunc quidam pijs Orthodoxis, & Catholicis Principibus auctores sunt, non vt ipsi quidē iudicent, sed vt iudicari velint, non quēvis Episcopum aut Sacerdotem, sed eum qui Princeps est Episcoporum, ab his qui veniunt ab illo iudicandi: vt membra de capite, oues de

pastore, subditi iudicent de eo, cui diuino iure sunt subiecti. Quid autem hoc aliud est, quam ordinem prorsus omnem peruertere, & eum in ordinem coactū velle, cuius dignitate salua, saluus est ordo omnis in Ecclesia? Si quid autem in ea sit labefactatum, iam nullum in ea ordinem, sed horrorem, quod absit, sempiternum videre licebit. Sacrificauerat idolis Marcellinus Pontifex, Concilium indixerat, condemnari se petuerat, tanquam ingentis flagitij reum. Sed qui Patres in eo congregati fuerunt, non multo minus facinus iudicabant de eo iudicare, quam fuerat illud ipsum crimen, quod Pontificem designasse constabat, verum ut ipse causam suam iudicaret hortabantur, quod prima sedes à nemine iudicetur. Nil tale commissum nunc audiuius, nulla sunt Idolis thura admotā. Nihilominus à nonnullis hoc agi cernimus, ut prima sedes ab his potius iudicetur, qui veniunt ab ea iudicandi, & verenda patris eorum toto Orbe Christiano detegantur. Quodque maxime deplorandum est, ut corrigantur hi, qui suarum opinionum idolis magnam Orbis Christiani partem in maximas calamitates adduxerunt, non fere cuiquam curæ esse videmus; sed contra illum omni impetu ferri homines conspiciamus, de cuius auctoritate, quanto magis detractum fuerit, tanto plus virium accesserit ijs, qui veterem & orthodoxam religionē euertere, & sua à nobis Idola adorari cupiūt: quorum

rum sanandorum causa potissimum Conciliū
hoc est congregatum. Non sum is qui Roma-
næ Curia peccatis patrocinari velim, quibus
non minus me infestum esse profiteor, quam
fuit S. Abbas ille Bernardus, qui sic ea detesta-
tus est, sic in ea oratione sua inuectus est, ut
perdita quidem illa, sed saluam nihilominus
vellet primæ Sedis auctoritatem dignitatem-
que. Corrigenda sunt, quæ perperam sunt in
illa Curia, quis negat? aut quis pius non ea ma-
xime corrigi cupit? Verum à quo corrigenda?
Cur & nos nō dicimus, Causam tuā vel Curia
tuā ipse iudica, quando quidem prima sedes à
nemine iudicatur? Cur ab eo non petimus, ut
ipse potius stirpitus ea eradicet omnia, quæ cun-
que oculos hominum iuste offendunt? Sic enim
extirpatis vitijs, salua nihilominus permanebit
primæ sedis dignitas & auctoritas. Sed velle pa-
storem ouium, velle caput membrorum, vel-
le principem sibi subiectorum iudicio permit-
tere, hoc mihi quidem non minus peccatum ef-
se videtur, quam illa ipsa omnia, quorum cau-
sa id fieri postulatur. Etiam ipsi sectarij querun-
tur, nunc ad Anarchiam spectare omnia. Quid
autem hoc fuerit aliud, quam Anarchiam quā-
dam constituere, si, qui caput est Orbis totius
Christiani, cum à suis membris iudicari, eius
ministorum verenda, coram orbe toto detegi
velimus? Mihi non videtur tanti esse ista refor-
matio, quæ tantis clamoribus exigitur, quantū

ex hac reformandi ratione, deformationem secuturam esse iudico. Fortassis autem non temere affirmauerim, plus esse periculi in hac reformandi ratione, quam sit in dissimulandis malis quę in hunc vsque diem Ecclesia tolerauit. Mihi quidem hac in re non solius Pōtificis verum omnium qui cum potestate versantur, dignitas & auctoritas agi videtur; in quos fortasse idē aliquando sibi licere subditi volent, quod ipsi licere volunt in Pontificē his, qui sunt illius potestati subiecti. Est igitur quamobrem, si antea vnquam, nunc certe nos Deo facere vim oporteat, sed eam vim quę grata illi esse solet: quādo coit cætus omnis, & aggregatur ad Deum, & quasi manu facta precationibus eum ambiunt orantes, vt quod singulis petentibus negaturus forte fuerat, id multorum precantium vnanimiitati tribuat. Sed omnia vigilantissimi & sapientissimi Hosij in S. illo Concilio, dicta & facta, & scripta, longū esset hoc in loco recēfere. Pauca hæc de multis exempla animi plane Apostolici sufficiant: quia ad ostendenda eius merita, & ad procuranda legentibus exempla, id ipsum pauca valent, quod multa. Quamuis nec pauca iure dicuntur, vbi cuncta penē, quę Apostolus requirit, gratiarum dona inueniuntur.

CAPUT XIII.

QUOS autem videbat in omni pietate & in sacrarum litterarum scientia inter ceteros eminare, eorum præcipuè consuetudinè appetebat, ad communicationem studiorum & consiliorum inuitabat, quærebat, audiebat, sciscitabatur, & gratiã ingentem habebat respondentibus, atque se se in omni congressu humanissime & familiarissime adhibebat. Extorres à patria sua Episcopos, eiectos ex Anglia, Germania, Gallia, Sacerdotes in domum suam benignissime colligebat, liberalissime tractabat: opera, consilio, re iuuabat quos poterat, & omnium sibi animos, omnibus modis & rationibus, ex intima arte hospitalitatis depromptis, adiungere cõtendebat. Vidimus aliquãdo. 40. & 50. Episcopos simul, in domo eius cõgregatos: quorũ alij videndi tantũ, alij salutandi, alij conferendi, alii consilij capiendi causaveniebãt, certissimã fidei regulã totũ id reputãtes, quod sentiret in negocijs religionis, aut diceret Hosius. Vidimus ab eo 10. & plures etiam Patres ad mensæ refectionem simul admotos, benedictionis loco genus hoc charitatis accepisse, quod in ea plus sapientissimis colloquijs quã cibis alerentur, ita, vt sæpe doctiores, fortasse etiam meliores recederent. Si quis autem alicuius nominis vir, ex Gallia, Germania, Vngaria,

Polonia, Boemia, cæterisque infectis heresi partibus, Concilij videndi causa veniebat, licet illi præcipua cura fuit Hosij cognoscendi, sic Hosio vicissim eius sibi omnibus officijs, & studijs demerendi. Sæpe inuitatos ad se 10. & plures etiam Episcopos ex omni natione mentis suæ adhibebat, Italos, Gallos, Hispanos, Anglos, Græcos, Germanos, Lusitanos, Scotos, Ungaros, Polonos, Boemos, Dalmatas, Sclauos, Bosnenses, Epyrotas, Illyricos, Cretenses, Cyprios, Chios, Melitenses, & Armenos : vt ostenderet hoc tale Concilium, & esse & rectè dici posse Oecumenicum, in quo Orbis ferè totius nationes congregatæ viderentur, quæ in diuersitate linguarum oris, vnam habebant linguam cordis. Vidimus non paucos inferioris ordinis viros, pietatis & sacrarum litterarum amatores, magni beneficij loco reputasse, cùm in domesticorum ordine & numero, aut in aliquo cubiculi angulo grauissimos illos & vtilissimos sermones, lectiones, disputationes, quæ per aliquot horas, & ante mensam, & amotis mensis habebantur audire potuissent. Scimus etiam hominem, ac fortasse plures alij Hosij admiratores fuerunt, qui pene singula illius verba & sententiarum pondera, siue in publicis consilijs siue in priuatis & domesticis colloquijs recitata, clamor studiosissime excipiebant, & inter sua *κρυμμένα* reposita magno adhuc studio & diligentia asseruant.

CAPVT XIII.

IAM verò quis pro dignitate memorare posset greges illos egenorū, & portas, & porticus, & gradus domus eius obsidentium? Sacerdotes illos, Monachos, & iuuenes, bonarū litterarū studiosos: quorum neminem v̄mquā vacuum & indonatū abire permittebat, dicēs, nullū id facere minus decere, quā Legatum Apostolicum. Quos in Angliā, vel in Germaniā propter confessionē Christianæ fidei, in carcerem vel in custodiam compactos, vel locomotos, fortunisque spoliatos audiebat, eos epistolis datis consolabatur, pecuniam submittebat, ad se inuitabat. Concionatores itidem Catholicos, qui cū libertate verbum veritatis loquebantur, & re, & consilio iuuabat, & in proposita sententia doctissimis epistolis, confirmabat: ac auctor etiā fuit Illustrissimis Dominis legatis vt ad Orbis Christiani Principes Catholicos scriberent, quo Angliæ Episcoporū Christi confessorum, quos in carcere fœdissimo Christi inimica Iezabel Angliæ Regina detinebat, & vitam & rationes valde sibi habere vellent commendatas. Non solū autem in oculis Catholicorum maximus habeatur Hosius, sed heretici quoque præcipuo quodam studio videnti & audiendi Hosij tenebantur: quem etiam per contemptum, sicut olim scythæ Theotimum

num, Tomitanum Episcopum, propter admirabiles, & diuinas eius virtutes, Deum Romanorum, sic isti Papisten Gott, hoc est, Deum Papistarum appellabant. Et contigit nobis inter se mussitantes audire, Sich sich der ist der alte schelm, des rechtē Euāgelij feindt, vnd vidersacher, aller Papisten Doct̃or velche sollen vvol zu bodē gehen, vvoder Taufel vuirdt den Magister vvek furen. Id est; Hic est antiquus ille latro, veri Euangelij hostis, & persecutor, Papistarum Doct̃or, qui statim omnes conciderēt, si Magistrum hunc Diabolus, è medio tolleretur. Vidimus etiam librum Pomerani cuiusdam, ignobilissimi auctoris Merlini, illius seditiosissimi ministri symystæ, de traditionibus; ex quo si conuitia maledicta, blasphemias in Deū Ecclesiam, in Pontificem, in totum ordinem in Ecclesiasticum tolleres, rasa tabula maneret: sed in hoc certe genere, egregie est Lutheri sui mores & linguæ procacitatem imitatus. Ibi quoque in Hosium nostrum, cum doctrinam eius de traditionibus refutare non posset, nec vitæ honestissimæ rationem, qua toti orbi notissimus erat proscindere iuste valeret, Græca, Latina, Germanica, lingua maledicendo tamē, vt vincere videretur, laborauit. Vocat ibi Honon *ὁ ἀντίχριστος* sed *ἀντιχρίστου*, vocat Antichristi legatum, vocat carpinalem, Carnalem, Diabolicum, impium, Tridentinæ colluuiæ præsidem, Papistarum Legatum, Impostorem: vocat, Hosij Polo
ni tra-

ni traditoria opera, vocat Helfpergensē siue Varmiensē Episcopum, der in der Helle, si nō cōuertatur, Vuirdt in euuigekeit vuarin bleibē qui in inferno nisi conuertatur plus satis concalescet. Sed verum est illud quod ait sapiēs, Ambulans recto itinere, & timens Deum, despicitur ab eo, qui infami graditur via. Sciebat illud Hosius, quod magna est laus Catholicorum cum vituperantur ab hæreticis; magna infamia cum ab illis laudantur. Quamuis ne in ea quidem de Hosio sententia hæretici inter se consentiebant. Audiuius enim ex ore Laurentij Alberti, ex Lutherano iam Christiani, quod cū Philippo melanth. præceptore vteretur, sæpe ab illo libros & argumenta Hosij Episcopi producta in medium refutataque, audiuiſſet, quamuis ita vt aiebat ille, frigide, vt hæc sola causa fuerit quæ se ad lectionem librorum, Hosij impulerit, in quibus veritatis lucem aspexit, & Lutheranorum perfidiæ nuncium remisit. Nunquam tamen Philippus Hosij mentionem faciebat, quin illi vitæ honestæ aſtę, totiusque pietatis laudē tribueret. Qui si, inquit, Papiſta non eſſet, primus omnium Doctōrū hoc sæculo eſſet. Vergerius tamē proſtigatiſſimus ille pudoris & pudicitix hostis, cum feliciore quam cupiebat Concilij progressum, & Hosij conatus æquo animo ferre non poſſet, incitata in hominem innocentem illa sua vecordi mente, omnibus maledictis lacerandum,

& in

& in odium hominum adducendum putauit. Sparfit enim cōplures libellos, Latina, Italica, Germanica, Gallica lingua scriptos, vbi cum Acta S. Concilij, tum Hosij præcipue epistolā ad Ducem Braunsuicensem exagitat (nec enim inuenire poterat quod in Hosij vita moribusque castissimis laceraret) in qua dixerat expedire hæreticis, vt in Concilio de sua doctrina cognosci velint, præsertim de Confessione Augustana. Tum etiam illud repræhendit, quod totum mundum in Concilio adesse dixerit; quod doctrinam Protestantium Sathanisimum appellauerit: quod apud hæreticos de fidei doctrina, sartores, baiulos, figulos, & aliam fecem populi, iudicare dixerit: quod Anarchiam seminant inter Christianos, & rebellionem inter populos: quod eandē nunc inter Christianos Misissam quam ante 1500. annos celebrari docuerit: quod Lutheranos Sodomitis esse peiores dixerit: & quod nulla sunt apud eos certa matrimonia: quod necessarium esse docuerit, vt vnus præsit in Ecclesia. Addidit & hoc quod Hosius Baptizet campanas, quodque Romā cum suis libris profectus fuerit vt Cardinalis fieret. Ad extremum etiam in optimum Pontificem Pium IIII. virulentam linguam exerit, quod cum omnia ad cursum Euangelij, vt vocat, impediendum excogitet, nil tamen perniciosius excogitare potuerit, quam quod Hosiū Cardinalem, & Legatum Cōcilij creauit. Prætereā

terea vero scripsit recantationem quandam siue palynodiam, in qua pœnitere se ostendit, si vel micam aliquando habuit in se Christiani hominis. Totum Missale, & Cæremoniale subfannat mirabiliter. Missæ præcipue Sacrificium impudentissime irridet. Sacrosanctum Christi corpus vocat frustulum panis: & planum omnibus facit, si fuit aliquando Christianus, se nunc fidem Christianam prorsus execrari & ab ea vehementer abhorrere. Verum his turpissimi hominis cōuitijs, & opprobrijs laudari se potius, quàm vituperari Hosius existimabat: quinetiam cū Theologus quidam Illustr. Bauariæ Principis, Apologiam pro Hosio, contra Vergerium scripsisset, quam etiam in manibus tenemus, non putauit esse dignas Vergerij vanitates, vt à viro bono refutarentur, itaque liber hic non fuit in lucem editus.

CAP. V. T. XV.

ERAT in eodem Concilio qui post aliquot annos apostatæ Vergerij exemplum secutus à fide Christiana ipse quoque, vt ita dicam, apostatauit, Andreas Dudocius, Sbardellatus, qui tum Episcopus Tinnienfis vocabatur, & à Clero Regni Vngariæ deputatus venerat. Is propter quandam eloquendi elegantiam, & orationis vbertatem non obscuri erat inter cæteros Episcopos nominis, & familiaritate Ho-

sij cum primis delectari videbatur. Hosius ta-
 men de eius in fide Catholica constantia vehe-
 menter dubitabat; ac sicut olim Gregorius de
 Juliano cum adhuc iuuenis Athenis operâ na-
 uaret litteris, periculum defectionis imminere,
 priuatim aliquando coram suis memorabat,
 quod etiam aliquot annis interiectis cum ora-
 torem Cæsaris apud Sigismundum Poloniæ Re-
 gem ageret consecutum est: vbi Dudecius, si-
 cut olim Vergerius, relicta maiorum nostrorum
 fide, Caluini perfidiam est amplexus, & refra-
 ctis pudoris repagulis, mulierem quandam no-
 bilem sibi copulauit, eamque vxorem vocare
 non dubitauit. Quo tempore quærebamus ex
 Hosio quibus olim indicijs futuram leuitatem
 hanc & inconstantiam hominis, & hunc tam
 grauē & luctuosum casum deprehendisset: qui
 nobis respondit, quod ex sola superbia, quod
 magnus & doctus in oculis suis videbatur,
 multum suo iudicio tribuebat, cæterorum au-
 ctoritatem iudicia, consilia, & sententias flo-
 ci faciebat, quod omnium hæreticorum tam
 est proprium, vt vel inde genuinam superbissi-
 mi Luciferi sobolem agnoscas. In quo respon-
 so illud mihi in mentem veniebat, quod in vita
 S. Zenobij legimus: Quod maxime omnium
vigent sanctorum, & Deo amabiliū viro-
 rum ingenia: & ipsa animi puritas, ad conie-
 ctanda ea quæ futura sunt, ex minimis indicijs
 euentus colligit; & quod Philo quoque Lu-
 dæus

daus meminit, quod legitimi cultorēs Dei mēte pollent plurimum, qui ne leuia quidem errata negligunt, propter excellentiam huiusmodi Regis in cuius versantur obsequijs. Verus enim sacerdos, simul etiam vates est, non tam generis, quam virtutis (sicut hic noster Hosius) beneficio Sacerdotium consecutus, summi nominis, ideo nil ignorat: quippe qui habet in seipso solem intelligibilem.

CAPVT XVI.

SED & in ipsa Polonia non defuerunt Hæretici ad rauim vsque vociferantes, quod Hosius tandiu à regno & à Reipub. obsequijs abesset: externis tantū principibus operam nauans, & honores captans, & quod opes Regni exhaustiret, & quod onera Reipub. necessaria non ferret, quorum importunos clamores non putauit silentio suo esse nutriendos, sed in eam sententiam cum ipsi Regi Sigismundo, tū Consularijs eius scribens refutauit. Perfertur ad me quod in Comitijs, quæ proximè sunt habita Marieburgi, in absentiam meam à patria causa sit collata, quamobrè nullam ad usus Maiestatis Vestræ pecuniam cōtribuere potuerint. Sed ego qua de causa absim ab Ecclesia mea, non ignorat Maiestas Vestra. Neque enim absum ut voluptatibus aliquibus & delicijs Italiæ vacem, aut ut priuatis rationibus meis prospiciā.
Quam

Quam ad rem non me ingessi sed sum legitime vocatus, & ab eo vocatus cui non obedire est Christianum non esse. Deinde verò, si minus ab eo vocatus fuisset, tamen in Synodo, quæ proxima Quadragesima Varsoviæ habita est, fuit hoc ipsum decretum, vt ad Cōcilium proficiscerer; ita vt necessario mihi fuerit hoc tempore propter tam pium & necessarium opus Ecclesia mea relinquenda. Quamobrem ni habēt isti quod vociferentur contra me. Absum enim Reipub. causa, & quidem grauissima causa. Ad sum tamen ad omnia officia, obsequia, seruitutemque Maiestatis vestræ, quoties his vti voluerit, præstanda. Hac ipsa de causa abfuerunt aliquando à Regno, Nicolaus Gnezneñ Archiepiscopus, Andreas Posnaniēñ, & Nicolaus Ploceñ. Abfuerunt Ioannes & Franciscus Varmieñ Episcopi, & in Constantiensi, & in Basiliensi Concilio, quorum vtrunque multos annos durasse scimus, neque tamen clamores aliqui fuerunt contra eos concitati, sed gratiæ potius, actæ sunt, quod labores & sumptus facere non recusauerint, dum Ecclesiæ Dei pro sua virili succurrere possint. In alijs quoque litteris, ad Stanislauum Carnkouium tunc Referendarium, postea Episcopum Vlodistauieñ, nūc Archiepiscopum Gneznen. vigilantissimum, his verbis vtitur; Si quid ambiuisse me constaret, si vel verbo mortalium quenquam sollicitasse, si non etiam renuisse quandiu licuit, fortasse

rasse causam aliquam isti haberent quam ob re-
durius aliquid in me statuendum iudicarent.
Sed si mihi honos hic obstrusus est, si recusavi
quoad potui, si non ad voluptates, non ad o-
pes, verum ad labores, ad sumptus, ad pericu-
la gravissima sum vocatus, & quidem Ecclesie
totius causa sustinenda, num hac re tantum de-
liquisse vobis videor, ut pœnas etiam de me su-
stinendas existimetis, quod Ecclesie tranquilli-
tati pro virili mea servire conor, quam ad rem
non ipse me ingessi, sed ab eo, cui necesse fuit
obedire, sum vocatus? Nisi forte grave crimen
hoc apud vos est, præter ambitum ad honorẽ
aliquem pervenisse, quemadmodum etiã pro-
ximis superioribus diebus, cuidam tibi non
ignoto non alia res dicitur impedimento fuis-
se, quominus nescio quid consequeretur, nisi
quod parum ambiuisse videretur. Quasi verò
non satis virtus ipsa ambiat, non satis ambiant
labores Regni Reipublicæque causa suscepti.
Apud Ethnicos lex erat ambitus constituta,
apud vos contra eos, qui non ambiunt. Video
nil esse vobis cum illa Platonis Reipublica cõ-
mune, in qua non esse mandandos honores
nisi iuvis, fuit constitutum, ambientes verò
procul ab illis arcendos. Ego verò causam
non dico, si quas meritus, sum, de me pœnas su-
maris, si vobis meritus videbor, reclamabit
iudicio vestro totus orbis, nec me tamen spes
mea, Christus deferet; nec ego propterea
K quic-

quicquam remittam, vel de religionis tuenda studio, vel de ea fide, quam Serenissimo Regi meo, vel de ea charitate quam patriæ meæ dulcissimæ debeo. Iam vela ventis permissa sunt: Deum precor ut cursum nostrum dirigat. Sic Hosij patientiam & innocentiam exercere permittebat diuina misericordia, ut tanto redderet omnibus gentibus & populis gloriam eius illustriorem. Neque ille vicissim ullum finem faciebat gloriæ Dei & Ecclesiæ Catholicæ promouendæ, non in his tantum publicis muneribus & officijs quæ commemorauimus, sed in omnibus quoque priuatæ vitæ studijs & rationibus, quas tanta pietate moderabatur, ut exemplo cæteris præluceret, & ab ipso Christo vitæ normam accepisse videretur, quem illis Evangelij vocibus perpetuò inuocabat, Mane nobiscum Domine, Mane nobiscum Domine. Ipso quoque Parasceues die in illo ipso Concilio (neque enim huius quoque facti memoriâ, obliuione & tenebris obruendam censeo, quippe cum meminisse Hosij, sicut de suo Socrate ait Phædon, siue quæ dixerit, siue quæ fecerit mihi semper omnium sit dulcissimum) cum pridie modico tantum pane se se refecisset, nocte in vigilijs & orationibus exegit, ad compatendum Christo spinis coronato & flagellis lacerato se se exercens. Media verò nocte cæteris omnibus quiescentibus cum Rescium tantum, & Nicolaum Gallum virum omnino probum
sibi

sibi adiunxisset, extra Ciuitatem Tridentinam ad Ecclesiam Dominicanorum egressus est, vbi ante sepulturæ simulachrum, in quo Christi verum corpus de more asseruabatur, in terram prostratus, per duas ferè continuas horas, in Oratione Dei lachrymis, & singultibus interrupta perseuerauit, Christianæ religionis integritatem, Ecclesiæ Catholicæ vnitatem, pacem populorum, conuersionem hæreticorum, Concilij progressum, Domino commendans, ac postea reliquas etiam omnes Ecclesias, extra mœnia ciuitatis positas, intempesta nocte, aspero cælo, non sine periculo obambulabat, sanctorum preces ardentissimè inuitando, pauperes ad sepulchrū vigilantes salutando: quorum etiam orationibus, se & Concilij progressum diligentissimè commendabat, & copiosas elemosynas, in singula capita porrigebat. In quadam autem Ecclesia, cum nihil superesset, quod egeno supplicanti tribueret, ex intimo pectore suspirans, ad nos conuersus, si quid haberemus, vt petenti largiremur, innuebat, ad extremum autem ne cui prorsus defuisse videretur, auræ nonnulla Regum & Imperatorū numismata offerebat, non contemnendi ponderis, ipsum quoque quo tegebatur pallium oblaturus, nisi familia illucelcente iam die, ministrique pecuniæ aduenissent. Quamuis autem occupatissimus esset, publicis totius Reipublicæ Christianæ negotijs, ita vt respi-

rare libere non posset, nam & in media quoque nocte aliquando surgere, & consiliis interesse urgentibus cogebatur, legendi tamen & scribendi consuetudinem, ne tunc quidem præterinisset, sed quod de S. Thoma Aquinate memoratur, ipse quoque ternas aliquando litteras simul dictitabat, & interim alium quoque legentem auscultabat, & si quis interim veniebat eum quoque benignissimè audiebat, & expediebat, & ad studia vel ad captam scriptionem, sine vlla animi vel memoriæ perturbatione recurrebat, verissimumque illud esse quod à Gersone scriptum legimus, cōprobavit: Homo internus citò se colligit, quia nunquam se totus ad exteriora effundit, non illi obest labor exterior, aut occupatio ad tempus necessaria.

CAPUT XVII.

HÆC fuerunt eius in Concilio Tridentino studia, consilia, hi mores, hæc vitæ ratio, præclarissimis exemplis ad imitandum abundans, quo etiam nomine Pius III. Pontifex illi magnas egit gratias, cuius vel vnica epistola hæc, locupletissimum testimoniū perhibere poterit, quàm Deo grata, Ecclesiæ utilis, Pontifici chara fuerit eius viri opera, cuius aliquot ex multis alijs exempla iam commemorauimus. Pontificis autem epistola sic habet; Vehement-

inenter optatum nobis fuit, vt post impositum
superno fauore finem sacro isti Cōcilio ad nos
redires, vt te, quē inter fratres nostros eximie
diligimus, complecteremur, & tibi coram gra-
tias ageremus, pro tātis laboribus quos in ip-
so Concilio noster & Apostolicæ sedis legatus
suscepisti. Ea te vultus & animi lætitia, fili,
fuimus excepturi, quam singularis erga te
amor noster postulat, eas vero gratias actu-
ri, quæ tātæ tuæ erga Deum pietati, tantæ erga
sedem Apostolicam deuotioni ac fidei, tanto
denique studio, curæ, diligentia in commisso
tibi legationis officio adhibitæ debebatur. Ne-
que vero mediocrem fructum percepturi fui-
mus ex præsentia tua, in hoc seruitutis A-
postolicæ munere, quod sicut Domino pla-
cuit, nobis licet immerentibus, & tanto on-
eri imparibus commissum fui, obeundo ac su-
stinendo; quin operæ & consilij tui auxilium tā-
to nobis opportunius fuerit futurum, quanto
maiora animi virtutumque dona, bonorū om-
nium largitor Deus in te contulit. Sed quando
Ecclesia tua, à qua diu abfuisti, primū à scelericis
recodationis Paulo III. prædecessore nostro
euocatus, deinde à nobis ad Concilium missus,
tantopere reditum tuum efflagitat, tanto-
que desiderio & studio flagras commissio tibi
gregi, præsens tuum officium ac pastoralē sol-
licitudinem præstandi, piæ isti, & omni laude
dignæ voluntati tuæ, morem quin geramus fa-

cere non possumus, scientes quantopere gregi tuo, his tam miseris periculosisque temporibus excubiæ tuæ salutare futura sunt, quantoque vsui futura sit excellens auctoritas, & doctrina tua, cum insigni pietate ac religione coniuncta, non solum ad continendos in fide Catholica bonos & deuotos Ecclesiæ filios, qui in illis partibus sunt, sed etiam ad multos qui hæreticorum fraudibus abducti sunt, supernæ misericordiæ auxilio, ad vnitatem Ecclesiæ & orthodoxæ fidei veritatem reducendos. Quamobrem humilibus precibus tuis inclinati, cum peractum Concilium fuerit, discedēdi tibi potestatem concedimus: & quoniam te complecti præsentem non possumus, absentem animo & cogitatione complectimur, gratias tibi debitas agentes, quod tāta cura, fide, diligentia, prudentia, officio tibi cōmisso functus es; vt nobis & fratribus nostris cumulatissime satisfeceris. Bonorū vero omnium remuneratorem Deum orantes vt preuis erga religionē Catholicā, & vniuersalē Ecclesiā meritis, ac pro singulari erga nos & hanc sanctam sedem deuotione, præmia tibi talibus proposita tribuat, & ad Ecclesiam tuam redeuntem, atque in ea residentem, gratia, & protectione sua perpetuo custodiat. Deferentes autem tibi omnia quæ à nobis proficisci possunt, ad tuum & ipsius Ecclesiæ commodum, eaque præstare summo animi studio parati rogamus charitatem tuam dilectissime filij,

filijs, vt pijs precibus tuis diuinæ Maieſtati aſſidue nos commendes. His litteris acceptis, cum abſolutum eſſet Concilium, cum inuicem ſibi ſancti illi & venerandi patres in oſculo ſancto cum lachrymis vale dixiſſent, in omnem terram verba & decreta S. Concilij propagaturi, noſter quoque Hoſius in Poloniam iter ingreſſus eſt Decembri menſe, cum tota regio niuibus, frigore, & glacie obriguiſſet; cuius aſperitatem vix vnus vrbs tecta & parietes ferre & ſuſtinere potuiſſent. Sed ignis internus, charitatis faſciculus inflammatus, frigoris vehementia temperabat, ita vt omnia præ hoc vno deſiderio poſteriora duceret, vt ouium ſuarum ſalutem primo quoque tempore coram procuraret. Multis & magnificis verbis ab Illuſtriſſimo Cardinale Ludouico Madrucio rogabatur, vt ætati ſuæ parceret, Tridenti ſubiſſet, valetudini operam daret, ſaltem dum aſperitas hyemis frangeretur. Idem etiam ab illo contendebat Illuſtriſſimus Cardinalis Auguſtanus, qui tum per Tridentum in Hiſpanias cum Seneriſſimis Principibus Auſtriacis Rodolpho & Matthia, Maximiliani tunc adhuc Romanorum Regis liberis, proficiſcebatur; ſed aliud in Hoſij corde Spiritus charitatis loquebatur, quam nulla vis, nulla conſilia, nulla incommoda non ſolum eripere, ſed ne labefactare quidem potuerunt. Addidit autem animum Introitus, vt vocant, Miſſæ, quam illo ipſo quo diſceſſurus

K 4 erat,

erat die, in Ecclesia Cathedrali. S. Vigilijs audiebat, qui incipit, Egredimini & videte filiæ Sion Reginam vestram ; ita vt ne domum quidem reuerti ex Ecclesia voluerit, sed recta ad portas Ciuitatis, tanquam Deo per sacerdotem morienti obtemperaturus properabat. Ex itinere ad Ferdinandum pientissimum Imperatorem rogatus ab eo Viennam diuertit, qui diuinam illam Hosij, Iesu Christi veterani, grauitatem, plenam auctoritatis & prudentiæ laudibus abundantem, incredibili frontis & oculorum hilaritate exceperit, vbi sibi inuicem, & Ecclesiæ Dei sælicem Concilij exitum amicissimè gratulabantur, ac de executione decretorum eius, deque pace Ecclesiæ Dei constituenda, plena maturitatis consilia contulerunt.

CAPVT XVIII.

REVERSVS in patriam Hosius tanto maiore cum gaudio exceptus est, quanto maius sui desiderium in omnium animis abiectis ex patria reliquerat. Patrem pauperes, adiutorem pupilli, oppressi liberatorem, cæci oculum, claudi pedem, perituri salutem, viduę consolationem, sibi restitutam existimabant : nec erat quisquam in Diocesi præsertim eius Varmien. qui non pietatem, iustitiã, misericordiã, in luas sedes rediisse arbitraretur, sed tanquam Angelum Dei & hominem è cælo è lapsum exceperunt,

perunt. Ille vero pro perpetua sua consuetudine, nullum tempus ocio quietibusque cæteris, nullam reficiendo corpori, ac debilitatis ex itinere viribus concessit; sed curam suam omnē, & cogitationem ad executionem Decretorum S. Concilij Tridentini, atque ad homines iurisdictioni suæ Ecclesiasticæ subiectos, partim reuocandos partim in officio retinendos conuertit, & ante omnia Synodum Diocesanam coegit, in qua multa salutaria, & Diocesi suæ necessaria instituit: præsentē & omnia pia instituta promouente, Ioanne Francisco Comendano S. R. E. Cardinali, viro ingenio, doctrina, pietate, rerum vſu & eloquendi elegantiā valde cumulado: qui tum legationis Apostolicæ munus apud Sigismundum Regem Augustū summa cum dignitate sustinebat: & erat Hosio nostro summa & veteri consuetudine coniunctissimus, propter admirabiles ingenij & prudentiæ dotes, quibus eum Dominus abundē cumulauit, cuius etiam consilij in omnibus Christianæ Reipublicæ negocijs plurimum tribuere videbatur. Deinde verò Patres quoque Societatis Iesu, quorū hodie laus est in Euangelio per omnes Ecclesias, qui traderunt animas suas pro nomine D. N. Iesu Christi, sollicitissima cura omnia providentes, non solum coram Deo, sed etiam coram hominibus, qui tamen nullam adhuc in Polonia certam sedem, nullum domicilium constitutū habere

habebant, ex Italia, & Germania in Prussiam, ipse primus euocauit, templum assignauit, Collegium instituit, redditus attribuit, suppellectilē intruxit, & reliqua omnia vitæ præsidia, maximis suis sumptibus comparauit, ac illis quoque Seminarij, ex decreto Concilij instituti, curam atque procurationem de mandauit. Magnatum etiam & nobilium filios, plerosque etiam ab hæreticis parentibus auulsos, educandos & erudiendos commisit, cuius postea studij maximi fructus, & vtilitates in patria nostra eluxerunt.

CAPVT XIX.

INterim Ciues quidam Braunsbergen. cum ex vicino malo ob Pastoris sui diuturnam absentiam vitium ipsi quoque traxissent, sitire ipsi etiam calicem cœperunt, eiusque sibi vsum concedi ab Episcopo suo Hosio imprudentissimo consilio vsi contenderunt: quem nisi biberent de salute sua in periculum venire se putauerunt. Sed Hosius principijs obstandū ratus, ne tenuem quidem istam cunei partem admittendam esse existimauit, ne quod plerumque solet euenire grauior deinceps fissura & separatio sequeretur. Quamobrem & omnes in vniuersum, & priuatim singulos, tum per se, tū in publicis cōcionibus per Sacerdotes & Theologos suos de calicis vsu deque cæteris religionis

gionis capitibus instruebat, & cum ad Ecclesiā venissent, portas omnes & exitus, sicut olim faciebat Cēsarius, obserari mandabat, vt vel inuiti & repugnantes, verbum veritatis & sanum horum verborum, Bibite ex hoc omnes, intellectum audire cogerentur. In quo studio quantum curę, laboris, ac diligentię adhibuerit, quibus artibus usus sit, quam plena charitatis viscera, & Episcopalis vigilantię pectus, omnibus declarauerit, ex Actis Braunsbergensibus petere quisque potest. Non est enim huius loci singulatim omnia recensere. Res quidem est valde lætam Cathastrophę consecuta, nam omnia separationis consilia, inter illos ciues subsiderunt.

CAPVT XX.

AD Elbingensium quoque ciuium salutem, omne suum studium conuertit, qui Lutheri verbum, pro Dei verbo receptum, palam in templis profitebantur, & aliquot Ecclesias cæteraque loca sacra & religiosa, Augustanę Confessionis & doctrinę foeditate, prophanisque ritibus audacissime contaminauerunt, nullam occasionem prætermisit, nullum finem fecit, & publice in prouincialibus Comitijs, & priuatim in omni congressu docendi, monendi, rogandi, obsecrandi, vt Ecclesiam matrem agnoscerent, eique dicto audientes

tes essent interitis, si Deum patrem vellent habere in cælis. Sed cum Elbingenses pastoris & Episcopi sui vocem, minime audiendam existimarent, minorque in dies fieret ad fouendas hæreses, & ad quiduis audendum apud illos, ve recundia, cum nil in spiritu lenitatis proficeret, potestatis legitimæ à Deo constitutæ vindicis vt ait Paulus, in iram ei qui male agit, auxilium implorauit: ac obtinuit, etiam, ab optimo Rege Sigismundo, vt missis Elbingam aliquot Senatorij ordinis viris Commissarijs, vt vocant, suis, grauibque poenis propositis, Ecclesiæ Parochialis possessio legitimo Episcopo ad primæuum vsum conuertenda redderetur: in qua statim insigni pietate & doctrina viros ex Societate Iesu collocauit, qui populum errantem tū priuatis sermonibus, tū publicis concionibus, ab errore viæ suæ reuocare non cessarēt, verboque veritatis pascere, & exemplis Christianæ vitæ, & Angelicæ conuersationis institutis, ad omnem pietatem informarent. Cæterum vt uberiorem fructum faceret Euangelij prædicatio, necessarium quoque fuit nutantē, vt ait Cyprianus, multorum fidem, martyrij veritate, & persecutionum tolerantia solidare. Vox enim prædicantium, Christianæ fidei confessione illustrata, tolerantieque laude probata, ad Dei aures facilius penetrat, & aperto sibi cælo, de Domini bonitate, errantium conuersionem celerius impetrat. Sæpe igitur acci-
dit

dit cum quidā ex Societate Iesu vir totus Deo
deditus Petrus Phae Germanus, ex superiori
loco verbum Dei iuxta sensum & consensum
Ecclesiæ Catholicæ prædicaret, vt turmatim
irruerent Catholicæ veritatis inimici, ac præ-
grandia saxa, toto impetu, in faciem Euangeli-
zantis intorquerent, omnibusque modis, risu,
cantu, cachinnis, ululatu, plausu, strepitu, ne à
quoquam posset exaudiri, obstreperet. Sed vna
præcipue die facinus aggressi sunt memorabi-
le, & ei quod profitetur Euangelio valde cōsen-
taneum. Cum enim tremendū illud Missæ sacri-
ficium P. Petrus celebraret, irruentes in Eccle-
siam hæretici, actionem vniuersam sacerdotis
omnibus cachinnis irridebant. Cum autem ad
elevationem Eucharistiæ ventum esset, dum Sa-
cerdos pretium illud redemptionis nostræ su-
per caput eleuatum, Deo patri immolat, & a-
stanti populo videndum, & adorandum exhi-
bet, aliquot ponderosos lapides in dorsum ce-
lebrantis impeerunt, & alios præterea qui-
bus sacra mysteria dissiparent, in altare pro-
iecerunt: neque tamen vel Sacerdotem im-
pedire potuerunt, quominus institutam actio-
nem expediret, vel sacra illa mysteria disice-
runt. Alio præterea tempore, eodem illo Patre
in eodem loco celebrante, & sacramitidē Eu-
charistiam eleuante, ausus est homo quidam
turpissimus, depositis in medio templo caligis,
(o mores Lutheri Cacangelio dignissimos)
obsce.

obscœpissimas corporis sui partes, quod apud homines honestos etiã in occulto turpe ducitur, altare versus exponere: nisi quod audaciã hominis secuta est ultio diuinitus irrogata. Nã illico in eodem loco concidit, cum pes vnus ignẽ concepisset, sociorumq; manibus in propria sedes deportatus, graues pœnas suã in Deum contumeliã persoluit. Quadam etiam nocte ex eodem Lutheranorum cœtu sodales aliquot congregati, facta inter se conspiratione, multos itidem & ponderosos lapides, in cubiculum eiusdem Patris, multo conatu, refractis omnibus repagulis, per fenestras iniecerũt: sed eum tamen & alios præterea socios, diuina ab omni læsione bonitas mirabiliter conseruauit. Postea vero in cellam vinariam ingressi, in dolium de quo potare solitus erat, fœdissima stercore iniecerunt, ac tandem etiam oblato veneno, egregij Sathanæ milites perfecerunt, vt vsum vtriusque manus, pater ille venerandus amitteret: quem tamẽ post menses demum aliquot magna adhibita diligentia & exquisitissima cura, ac etiam sumptibus, optimi & innocentissimi viri D. Ioannis, Hosij de Bezdanj, eius de quo nũc agimus fratris germani, & in omnibus vitæ studijs, tanto fratre dignissimi, (Basilium & Gregorium dices,) summa cum omnium gratulatione, in Villa Smolanensi recuperauit: nec vllam morbi vehementiam, aut persecutionis acerbiteratem minus moderate tulit, quam

quam quod cum Dominus tantopere expectato martyrij honore, dignari noluerit. Ioannes quoque Affermanus, eiusdem societatis sacerdos, ad prædicandum in ea Ciuitate Euangelium legitime deputatus, cum in templo suburbanano, verba ad populum faceret, multis & ipse lapidibus petitus coactus est in cathedra iesus illos vehemētes, capite in palliū inuoluto declinare cumq; præterea futibūdi homines, mortē illi certissimā minarentur, statim vt extra Ecclesiam prodijisset, seque ad designandum facinus, quod animo conceperant, & animis & telis armauissent, admonitus ea de re Affermanus, absoluta concione, positus in terram genibus, ipse quoque sese ad certam mortē Christi causa oppetendam, & animo & voluntate armauit: Deoque gratias egit, quod tandem expectum calicem pro eius Euangelio bibiturus esset: & signo sanctissimæ & viuificæ crucis, frontis suæ, pectorique impresso, in confertam illā homicidarum aciem est ingressus. Verum illi (ō Dei providentiā) tantum abest vt conceptum animo flagitium perpetrarēt, vt ne verbo quidem læserint per medium transeuntem. Passi sunt venerādi Patres isti & alia multa, quæ longum esset singula recensere: quæ & si valde grauem, & acerbū doloris sensum pientissimo Episcopo adferebant, quod tantis tenebris inuoluti, tanta essent hædorum suorum Elbingensium animi cæcitate & amentia percussi, vt ne

uocem

vocem quidem Euangelij ferre, & sustinere posse viderentur; maiorem tamen ea cogitatio dolore pariebat, quod non ipse potius, vel saltē in illorum Patrum societate, acerbitates illas, pro Christi quoque nomine pertulisset. Erat enim ad ipsum quoq. martyrium subeundum; vehementer inflammata voluntate, si percussor ad fuisset: idque etiam non sermone solum, suo, verum etiam alijs multis & evidentibus argumentis, luculentissime comprobauit. Cum enim ostensa postea noua quædam spes fuisset, Ciues illos Elbingenses, non ita magno negotio lucriferi posse Christo, si conatum adhuc aliquem ad expugnandos Burgimagistrorum animos Episcopus adhiberet; proficiscendi ad eos consilium cœpit. Cuius rei fama Elbingam perlata, magnam trepidationem in hæreticorū animis concitauit, ne Lutheri Cacangelū Christi Euangelio locum dare cogeretur, ne ve Missa Christiana, cœnā Lutheranam, sicut in Galia loqui consueuerunt, profligaret. Quamobrem minis & periculorum denunciatione, à suscepta propositaque sententia pium Episcopū deterrere conabantur, per vicos & plateas ciuitatis iactitantes, quod venire quidem Elbingā posset, sed exire non æque sibi fore licitum: facturos se periculum, si quod illi præsidium Papa Romanus allaturus esset. Quæ voces inanissimorum hominum cum ad aures Hosij peruenissent, qui vitam suam, ut rectius eam regeret,
iam

iam ante diu contempserat, magis atque magis ad profecionem incenderunt, quidquid tandē visum esset, Domino de vitæ conseruatione statuere. Christi itaque nomine inuocato, pro cuius Ecclesia omnia erat pari paratus, venit Elbingam; acceptus est honorifice, sermonem bene longum ad Magistratū, & primores populi in ipso prætorio Germanica lingua habuit, priuatim etiam multos docuit, rogauit, obtestatus est, vt ab errore viæ suæ desisterent, publicè sæpe sine comitatu incedebat; sæpe etiam vno tantum & altero quopiam comitatus intempesta nocte ad Ecclesiam descendebat: vbi multis horis in oratione Dei, pro salute populi cum lachrymis supplicando morabatur, nec se ianua & parietibus sed conscientiae testimonio tegebatur, neque tamen vlla est cuiusquam offensio consecuta. Noluit quippe Dominus, vt hoc tantum necessario Christianæ Reipublice tempore, conseruandæ religionis & Episcopalis vigilantie ac sollicitudinis exemplum interiret, cum imminens Orbi Christiano ruina, ope, tam fecundi pectoris indigeret. Multi quippe, ait Augustinus, pati voluerunt, neque potuerunt; nulli tamen potuerunt, nisi qui voluerunt, quia non potuissent, si fidei testimonia negare voluissent. Quam autem contentionem adhibuerit, quo conatu laborauerit, vt viam veritatis agnosceret, etiam si verba loquentis poneremus, vim tamen illam, zelum illum actio-

nem illam, vultum & oculos, ſalutem animarum ſitiētes, quis ita poſſit explicare, vt facta, non ficta videantur eſſe? Dictum enim ab illo tum eſt in publico palatio acriter, reſque eſt ita accurate geſta, vt ſi vñquam in dicendo fuit aliquid, tum proſecto Chriſtianæ in Elbigenſis charitatis magnitudo, vim quandam illi dicendi addidiſſe videbatur. Vellem inter alia, dicebat, oculis veſtris oſtendere, quam in vos habeo charitatē, ne iſta quidem lux ſalute veſtra eſt mihi charior. Millies optarē ipſe cæcus eſſe, ſi per hoc vos poſſetis veritatis ſplendorem aſpicere. Quam enim mihi voluptatem vel iſta lux, vel ipſa quoque vita poteſt adferre, dum oculis veſtris magnas offuſas eſſe tenebras uideo, dum perpetua animi ægitudine propter vos conficior? Poſſum ego quoque dicere; Et lumen oculorum meorum & ipſum quoque non eſt mecum; propter aſſiduas lachrymas quas ante dominum veſtra cauſa effundo. Credite mihi, dum veſtram iſtam cecitatem, & obſtinationem deſleo, nō eſt mihi otium mea mala deſlēdi, adeo mihi omnia vos eſtis. ſi ſpē proſectus video, in altum præ multo gaudio extolli videor; ſi ſpes omnis tollitur, rursus vita morte eſt mihi grauior. Vita mea conuerſio veſtra, mors mea obſtinatio veſtra. Si qua conſolatio in Chriſto, ſi quod ſolacium charitatis, ſi qua ſocietas ſpiritus, ſi qua viſcera miſerationis, implete gaudium noſtrum. Hoc vñ. & præcipuum

pium est votum meū: hoc gaudiū meū, quod
vos amo, quod vos complector, quod vestrā sa-
lutē, vestrā conuersionem desidero; & si liceret
cor nostrū rūpere, & vobis illud ostēdere, vide-
retis oculis vestris hanc in eo præcipuā de salu-
te vestra curā & cogitationē residere. Non vos
ego fallo, charissimi, non vos fallo; Sic in extre-
mo die meo propitiū experiar iudicem illū, vi-
uorum & mortuorum, non vos fallo. Dixerunt
aliqui vestrum, quod ego veritatem quidem vi-
deam, sed annunciare & profiteri non audeam,
ne & dignitatis & Episcopatus amittendi pe-
riculum incurram. Ego vero coram Christo sal-
uatore meo profiteor, quod id vos doceo, id vo-
bis annuncio, quod in animo sentio, quod in
corde meo video. Cur enim fallerem? Ego ne-
sciens & volens, & meam & uestrā animā orco
tradere conarer? Nullum tam suaue meritū est.
Errare possum: prudens & sciens, agnitā verita-
tē oppugnare non possum. Fingendi enim mē-
tiendiq; volūtas eorū esse propria videtur, qui
opū, qui gloriæ, qui ambitionis studio ducun-
tur, à quibus autē abest studiū lucri, abest etiā
voluntas causaque fallendi. Extremæ fuerit ea-
res improbitatis, quam in mores meos non ca-
dere, à qua vitam meam omnē abhorere, vos
ipsi mihi testes esse potestis locupletissimi. Sed
nec errare perniciose possum: quandoquidem
in eo quod vos doceo, non hominis alicuius
mortalis, omnia sibi tribuentis, omnia cæteris

detrahentis, sed eius ductum & auctoritatem, sequor, quæ neq. fallere scit, neq. falli potest, quæ colūna est & firmamentum veritatis, vnā sanctam Catholicam & Apostolicam Ecclesiā, ac Deum etiam precari sæpe solco, prius vt mihi metem omnem eripiat, quam vt hac me pręditum esse mente velit, vt orbem totum Christianum desipere, me vero solum sapere, & scripturas intelligere persuasum habeam, vtque priuatum meum sensum, publico totius Ecclesię sensui & consensui, anteponendum existimem. Voluistis me, ne ad vos accederem, ne scio cuius periculi denunciatione deterrere. Sciote quod minæ istę quas proponitis, modicę me tangunt. Formidines istas Sathanę Ministris, quos ad vestra desideria vobis coaceruastis opponite. Mihi Catholico & Orthodoxo Episcopo stat sententia, pro gloria Christi & salute vestra omnia tolerare. Mors mihi grauis nō poterit accidere, qui in omni mea vita mori vt discerem laboraui, nec causam dico, quominus in hoc corpus meum, omne crudelitatis genus expromatis, dū modo ad Ecclesię Catholicę gremium, vel post interitū carnis meę, redeatis. Ac fregerat ille sermone hoc suo nōnnullorum obstinationem, sed magis in illis valuit malum, vt ait Augustinus inueteratum, quam bonū insolitum. Errare cum multis, quam cum paucis salui esse maluerunt, quamuis deliberandi tamen spacium dari sibi voluerunt; acciditque

que tum Hosio, quod ait Hieronymus, Qui Aethiopem inuitat ad balneum, & si nigredinē non auferat illi, vel pecuniam accipit sibi, & licet in illius candore non gaudeat, vel certe in suo lucro lætatur: ita qui inobedientē monet, quamuis refragantis peccata non tollat, sibi tamen mercedē de ministerio charitatis acquirit. Tantum autem abest, vt minas illas & terrores, quos offerebant, re & veritate implerent, vt omni potius honore, & officijs prosequerentur, & manus eius sicut olim Gaianus hæreticus, B. Chrysostomi, quem tamen valde persequebatur, fuerunt exosculati, virtutem sci licet & pietatem viri reueriti. Habet enim hoc virtus ut species eius etiam in hoste atque inimico posita delectet. Reliqua sermonum eius & contentionum & laborum, quos magnus ille homo Dei, uereque Theologus sustinuit, scripta sūt in Actis Elbingensibus, anni 1560. quæ incipiunt. Ostensa fuit Cardinali. Nos ad alia properamus.

CAPVT XXI.

HABITA sunt interim Parcouiæ Regni Poloniæ Comitia, in quibus Lutheristæ & Calvinistæ, quamuis inter se uehementer ipsi quoque de præcipuis Christianæ religionis capitibus dissidentes, quo facilius tamē maioreque ui, & numero & impetu, Ecclesiam

Dei, & ministros eius, oppugnare & euertere possent, consilium inierunt, ut partem alteram hæreticorum, Trideistas & Anabaptistas, quæ tamen est Germana Lutheristarum, & Caluini starū soboles, si non possent ex omni rerū natura, uel saltem ex Regni Poloniæ finibus exterminandos curarent; uel in malas cruces, quocūque tandem modo possent agerent. Quamobrem à Regia Maiestate, & uniuerso Regni senatu, ut duæ illæ scædissimæ sectæ proscribe- rentur, publico senatusconsulto importunissimis precibus, & omni cōtentione postularūt; de quo consilio cum Hosius cognouisset neque per ualitudinem posset ad Comitata accurrere, & coram potius quam per litteras, religionis defensionem suscipere, per nuncios & familiares suos & per epistolas grauissimas, conatus est hæreticorum nefaria consilia impedire. Nulli labori, nulli temporis, nullis uigilijs pepercit, nullam occasionem prætermisit, quin Regem, Episcopos, cæterosque Regni Senatores Catholicos, oraret atque obsecraret, tum commodis tum incommodis plurimis, tum iræ quoque diuinæ denunciatione proposita, ut ne quid eiusmodi quod petebant, Lutheristas obtinere permitterent. Comedant, inquit, potius ad inuicem, ut consumantur ab inuicem. ~~Bellum enim Hæreticorum~~ pax est Ecclesiæ. Aut simul omnes, qui ab Ecclesia discesserunt, proscribantur, aut si hoc potestas tenebrarum,

non permittit, simul omnes tolerentur. Veritas enim, dicebat, falsitatē, non falsitas pellere debet ueritatem. Solos enim Trideistas et Anabaptistas eijcere, est Lutheristas et Calvinistas Canonizare, et eorum potentiam augere, ac audaciam nutrire. Immo potius expedire iudicabat, si, quod absit, reprobata fide Catholica, eius loco nouam aliquam perfidiam recipere cogitarent, ut Trideistarum perfidiam reciperēt. Existimabat enim eius perfidiæ turpitudine deterritos iri homines, ab omni reliqua doctrina amplectenda, quæ cum Ecclesiæ Catholicæ doctrina non concordat. Quid enim nobis, ait, cum Augusta? quid cum Geneua? Num Imperio, num Elueticis Cantonibus subiecti sumus? Si libet insanire, si mētes uestras uertiginis spiritus ita miscuit, hanc potius domi natam impij Trideistæ Gregorij perfidiam recipite, & Polonicam quoque fidiculam appellate: uel si uultis ad perfectionem Lutherani Euangelij citius adhuc & sine molestia peruenire, uniuersæ fidei Christianæ simul abrenunciate, & dicite, Edamus, bibamus, cras enim moriemur. Quorsum enim tot ambages? quorsum istæ tātæ circumtiones? Lutherani Cacāgelij perfectio, Atheismus est & Epicureismus. Neque enim aliud ab initio fuit Sathanæ propositū, cum Lutherum ab inferis suscitaret, quam ut per eum, fidem in Deum ex animis mortalium extirparet. Sed noluit cornua sua statim prodere, ne homines rei-

turpitudine, quominus illi dicto essent audientes, deterrentur. Et certe frustra fit per plura, quod fieri potest per pauciora. Tam est Anathema, tam est Ethnicus & publicanus, qui Ecclesiā in paucis, quā qui in multis non audit: sicut qui submersus est, tā est mortuus sicut in abisso maris delitescat, quā si vno tātum aquæ palmo contegatur. Intellexit hoc ille non bipedū solum, sed etiam quadrupedum omnium impurissimus Bernardinus Ochinus Senēsis, maluitq; vno impetu Christi diuinitatem negare; imo num Deus esset, & num illi res humanæ curæ essent, in dubium reuocare, quam sordido Luthero vel impuro Caluino turpissimè ancillari. Sic fecit alter ille impostor nequissimus, cuius nomen scriptum est in inferno, qui librū edidit, de tribus humani generis impostoribus, Moyse, Christo, & Mahometo. Quæ certè referens horreo. Sed vobis ostendere volo, quā sit periculosum, se ab Ecclesia segregare, & quā sit facile à paruis initijs, ad luminis impietatis gradum ascendere. Et certè in patria quoque nostra iam audimus, non deesse quosdam ex his, quibus noua placent omnia, qui Mahometi perfidiam, cæteris omnibus anteponendam putant. Quamobrem si Christiani esse vultis, vnam, sanctam, Catholicam, Apostolicā Romanā Ecclesiam sequimini. Si non libet esse Christianos palā omnes dicite; Non est Deus. Ita Lutheri Euangelium perficietis, & patrie ius
Sata-

Satanæ satisfacietis . Meminerat autem Hofius simili olim concilio vsum fuisse Teophilum illum Alexandriæ , cum delubra Deorum euerteret, & simulachra in lebetes conflaret. Vnam enim imaginem certi alicuius Dei, omniū turpissimam seruari iussit, eamque in loco publico erexit, vt gentiles tempore progrediente nō irēt inficias, se tam turpes & inanimatos Deos coluisse, eamque rem Ammonium Grammaticū gētilem præcæteris ægerrimē tulisse, quod illa quoq; statua cōflata nō fuisset, sed ad Græcorū religionis irrisionē reservata maneret . Et Socrates inter sapientes reputatus, per canem quēlibet, & lapidē quemlibet, & quicquid iuraturus esset in prōptu, & quasi ad manum occurrisset, iurare non dubitabat: non quod verē lapis & canis essent colenda sapientibus, sed vt hoc modo intelligerent, qui possent, tanta superstitione demeritos, tanta cecitate percussos esse homines, vt emergentibus, sicut ait Augustinus, hic tam turpis esset demonstrandus gradus, ad quē si puderet venire, viderent, quāto magis pudendum esset in turpiore consistere. Quod si vero de pace Regni laboratur, Lutheristæ & Calvinistæ, primi omnium ex eo erunt exterminandi. Neque enim Trideistę vel Anabaptistę, in Germania, in Gallia, & Flandria, Anglia & Scotia, sed Calvinistæ & Lutheristę bella ciuilia suscitauerūt, & has tantas quas uidemus clades, in Orbem Christianum inue-

xerunt. Vt enim in seminibus causa est arborū
& stirpium, sic omnium bellorum & motuum
in Ecclesia Dei, semina, Lutherus & Calvinus
extiterunt. Dolemus, aiebat, pacem Ecclesiæ
ruptam, unitatem scissam; rupit, scidit Luth-
erus. Dolemus Patribus honorem ereptum, eri-
puit Lutherus. Dolemus infima summis paria
facta, turbauit miscuit Lutherus. Dolemus Ec-
clesias dirutas, prophanatas, Monasteria vasta-
ta, ciuitates euersas, villas oppida exusta, di-
ruit, vastauit, euertit, exussit Lutherus. Dole-
mus bella ciuilia suscitata, suscitauit Lutherus.
Desideramus Roffenses, Moros, Cartusianos,
Teltones, Storeos, aliosq; clarissimos & admi-
rabiles Christianæ religionis defensores, eos
quoq; nobis eripuit Lutherus. Auctoritas Ec-
clesiastici ordinis afflicta est, affixit Lutherus.
Omnia deniq; quæ postea vidimus (quid autē
mali non vidimus, aut quod signum impietatis
ab illo prætermisum vidimus) accepta refe-
remus Luthero & Caluino, qui tantorum cau-
sa bellorum, causa pestis, atque exitij fuerunt.
& hæc tamen busta religionis, in Regno tole-
randa aliquis putabit? Prius cum vndis flam-
ma, prius denique omnia redibunt in gratiam,
quam hæreticis, quamdiu volent esse hæretici,
cum Ecclesia Dei conueniet. Cum enim hære-
tici omnibus sint erroribus amici, non possunt
non esse nisi solis non errantibus inimici. Quā-
uis autem in Episcoporum quoque ordine non
deessent,

decessent, quibus uisum erat expedire, ut si non omnes simul, aliquę tamen hæreticorum sectæ ex omni Regis Imperio pellerentur, quod facilius esset futura de altera parte, hoc est, de Lutheristis & Calvinistis statuendi decernēdique ratio, diminuto sectariorum numero, tamē ipsi quoque in Hosij Cardinalis sententiā abiierunt, cum in ea re multum etiam laboraret, in illis ipsis Comitij Illustrissimus Dominus Cardinalis Ioan. Franc. Commendonus, Legatus Apostolicus: cumque obtineri non posset, ut publico senatusconsulto omnibus pœnis & infortunijs Regni statutis compræhensis, omnes in vniuersum adiudicarentur, qui cum Ecclesia Catholica Romana in fidei doctrina nō concordant, saltem hoc summo Catholicorum conatu perfectum est, ut externi ministri, cuiuscunque tandem sectæ essent, veluti faces belli & flabella seditionum, & audacissimorū hominum nutricula, qui se se uel Duces uel ministros seditionis vbique præberent, homines sine fide sine spe, sine charitate, sine re, sine sede, sine fortunis, ore, lingua, manu vita omni inquinati, qui nouas quasdam nouarum religionū sedes, nouos Lukos, Lukiskos, Brogos, Volas, immo maximas Nieuolas, tāquam moles contra veterem religionem constituere nō dubitabant. Hi inquam, tales omnium sententij intra certum tempus è Regni finibus, atque ex oculis vniuersæ patriæ, excedere iuberentur.

rentur. Quam rem cum indigne ferrent Lutheristæ & Calvinistæ, quod eodem plane à Catholicis, quo Trideistæ & Anabaptistæ loco haberentur, & æque digni pœnis omnibus, quam illi, immo etiam grauioribus, quam illi infortunijs obnoxij censerentur, propterea quod ipsi Ecclesiam Catholicam vniuersam, auctoritate, antiquitate, consensione roboratam primi omnium commouissent, ac deseruissent: illi vero Lutheranos nuper natos, qui suum vt vocant Euangelium, non ita pridē sub scamno eruissent, reliquissent, deponendas esse mutuas istas contentiones existimauerunt, ac de ineunda inter vtranque partem concordia rationes inire, quam perpetuis odijs causam Catholicorum meliorem, suam vero deteriorem facere maluerunt, nouisque consilijs, & artibus armati ad futura Regni comitia Petricouiam venire decreuerunt: & interim etiam Conuenticulum inter se fecerunt, ex quo magis etiam auersis, & à concordia, & abinuicem animis & studijs, cum vtraque pars alteram hæreseos condemnaret, discesserunt; quamuis longe aliud libris, de hoc ipso Colloquio suo editis commenti sunt, vt suorum animos confirmarent, & Catholicorum uoluntates retardarent. Verumtamen cum non ignoraret mores hæreticorum Hosius, qui capitibus ab inuicem dissidentes, caudas nihilominus ~~con-~~
nectis, sicut illæ Sampsonis vulpeculæ haberent,
in

in quibus ignem & flammam, ad euersionem Ecclesiæ repositam circumferrent, ad illa ipsa Comitia Petricouiensia, tanquā ad commune incendiū restringendum accurrit, cuius præsentiam Catholici omnes summa gratulatione, hæretici autem inuiso prorsus & repugnanti animo exceperunt: quibus eo grauior erat ad uidendum, quo magis erant vijs eorum, viꝑ illius contrariæ, hocque etiam maiore ui, & impetu persequendum & oppugnandum susceperunt, religionem vniuersam oppressam & euersam existimantes, si Hosium opprimerent ac euerterent. Nihil enim omnino tantis in Ecclesiam Dei sceleribus designatis, adhuc se fecisse arbitrabantur, husta illa religionum omniū, quandiu Abrahamicus quoque senex Hosius eorū malitiam expertus non esset, de quo opprimēdo modo non totidem verbis, quibus olim Athanasius, contra Magnum illum Christi Confessorem Hosium Cordubensem, apud Constantium Imperatorem, Arrianos vsos esse memorat. Omnia quidem à nobis facta sunt: profligauimus in exilium Romanum Pontificem: extorres fecimus plurimos Sacerdotes: omnia loca terroribus impleuimus: sed tamen pro nihilo sunt tanta nostra opera, neque quicquam profecimus, quandiu reliquus est pater Papi-starum Hosius. Quandiu enim ille in Regno erit nostris consilijs semper obsistet. Potest enim & verbis & auctoritate fidei suæ, & Regē

&

& ceteros omnes contra nos inducere. Verba enim eius tanquam houm stimuli sunt. Hic Princeps est Episcoporum. Hic Synodorum & Conciliorum moderator. Hic Orthodoxorum Decretorum auctor. Si quid dicit, vbique auditur; si quid scribit vbique legitur, & Lutheri Caluinique sectatores, vbique pro hæreticis traducit. Illo itaque stante hæresis nostra cadere cogitur. Quamobrem illum ante omnia persequamur, neque illi ob auctoritatem, dignitatem, existimationem, ob, annos, parcendum putemus, si quidem hæresis nostra non curat seniorum caniciem, qui omnia quæ Patrum sunt violare consueuimus. Consilium itaque de Hosio ex Regno Poloniae exturbando inierunt; idque etiam in confessu Nunciorum, qui ex singulis Regni Prouincijs, quas Palatinatus vocant, à Nobilitate deputati, ad Comitata Regni generalia veniunt, in deliberationem vocauerunt, clamitantes; Non esse Cardinales in Polonia necessarios, in qua exploratorum officia tantum obeunt, & ad externos Principes, atque in Urbem omnia Regni studia & consilia diligentissime perscribunt; & Regem in eos qui Romano Pontifici nuncium remiserunt, afflicta stimulis & insurrectionibus incendunt. Tunc etiam periculum esse dicebant, ne tempore Inter regni Regnum occuparet, aut aliquem arbitratu suo superinduceret, propterea quod in creatione Cardinalium creator creaturis suis dicere

cere soleat, Eris similis Regibus. Regni quoque
Statutum quoddam proferebant, in quo prohi-
betur, ne quis dignitatem Cardinalatus pet-
at, aut quouis modo impetret. In hoc igitur
erant, ut aut exterminaretur ex Regno Hosius,
aut abiecto bireto siue pileo rubeo, in Episcopi
Varmienfis loco, & ordine acquiesceret. Vē-
rum frustra iacitur rete ante oculos pēnarorū.
Postquam semel mortis metum ex animo suo
eiecit Hosius, nullius deinceps rei metus ingre-
di in illum potuit, deque patria potius, ac de
fortunis etiam omnibus, quam de recta senten-
tia dimoueri maluit. Tantum enim abest, ut ali-
cuius periculi tempestatisque metu, de conten-
tione sua hæreticos persequendi quidquam re-
mitteret, ut aperte quoque profiteretur, si quo
casu contingeret, ut ex patria sua exterminare-
tur, se non in aliam partem id accepturum es-
se, quam quod sibi singulari quadam miseri-
cordia, prospectum Deus voluerit, ut ibi po-
tius esset, vbi Pelopidarum istorum, nec nomē
audiret, nec facta videret, nec oculis suis patrię
sue charissimę cineres, & ruinas aspiceret, &
eadem ipse quoque mole obrueretur. Quod
ad stationem attinet, in qua Deus inuitum &
repugnantem collocare voluit, eam se nunquā
esse sponte sua deserturum: & si maior aliqua
vis ingrueret, in felicitatis sue: nō minima par-
te id quoque positurum dicebat, ac illis etiam
gratias acturum, quorum opera vitam esset
immor-

immortalem ac beatiorē consecutus. Quod ad ambitum attinet, se causam non esse dicturum aiebat, quominus Regni statutum executioni mandaretur, si doceri posset, quod unquam Cardinalatus dignitatem ambiuerit, ac si non potius ipse docere posset, quod olim à Paulo III. Pontifice ultro oblatā recusauerit, atque deinceps etiam à Pio III. ad absentem delatam, non nisi iussus, & repugnans, cum in virtute Sanctæ obedientiæ cogeretur, & ab Imperatore Ferdinando quotidie vrgeretur, post longam tergiuersationem ad extremum receperit. Quamuis non deerant vicissim Catholici Senatores, qui pro salute & dignitate, tam laudati Cardinalis, extrema quoque tentare se paratos ostendebant: cum intelligerent etiam si sententia omnium, ex ingrata patria Hosius pelleretur, omnes Vrbes & Prouincias expulsum ex patria ad se vocaturas esse; ex quibus vir Illustrissimus & peruetusta familia natus Stanislaus Barzius Palatinus Cracc. idem contra Cardinalem Sbigneum, maximum illum Reipub. nostræ aduocatū, & Ecclesiæ acerrimum defensorem, ante 104. annos, attentatū à nonnullis fuisse ostendit. Omnia tamē aduersariorum consilia, opera & studio Castell. tum Cracc. dissecta dissipataque cōcidisse. Quod illo tēpore fecerat in causā Sbignei, Castellanus, ibi quoque in causā Hosij tacere, deliberatum fuit. Sic illa Hæreticorum consilia in spongiā, quod.

quod aiunt incubuerunt, cum in sua ipsorum viscera, infesta arma convertissent. Orta enim fuit inter Trinitarios, & sacramentarios grauis & acerba disputatio, de opinionum veritate, quorum veraque pars suam doctrinam, Christi doctrinam, suas opiniones, Christi voces, et purum putum verbum Dei iactitabat, cumque non posset inter eos conuenire, pertæsi contentionum, ad Hosij tandē iudicium referendam vtriusque partis sententiam, eiusque decretis, standum esse censuerunt, quod tamen postea minime præstiterunt: cum tamen Hosius nullum finem faceret omnibus ostendendi, quod Lutheristæ, Caluinistæ, Trideistæ, Anabaptistæ, sicut ille sic et iste, omnes Christum negauerūt, omnes ab vtero Ecclesiæ, omnes à vero aberrauerunt, etiā si altera pars, de sanctissima Trinitate recte, atque cum Ecclesia sentire videretur.

CAPYT XXII.

VOCAUERAT etiam ad se, vnum ex sacramentarijs uirum nobilem, et ueteri gratia ac necessitudine, dum adhuc esset Catholicus, sibi coniunctissimum, vt illum de errore quo versabatur, in spiritu lenitatis erudiret. Ceterum ille adduci nunquam potuit, vt priuatim vellent cum Hosio colloqui, quod sciret nō alia de re secum, quam de religionis negotijs

M actum

actum iri, plurimosque ab illo à luce Euāgelij, vt vocabat, ad Papatū reuocatos esse, eiusmodi colloquijs meminisset. Itaque maluit, sicut ait Tertullianus, ab Hosio non audire, quod auditum non posset damnare. Idem etiam in Nicolao Reyo, qui tum in lingua nostra Polonica, eloquentiæ laudem assecutus videbatur, & ingenio quoque abundare putabatur, ad Ecclesiam & officium reuocando, studium adhibuit; cum quo semotis arbitris, per vnam sæpe & alteram horam sermonem bene longum habuit. Cupiebat autem ipse quoque Rex, his tātis blasphemijs, & immortalibus odijs finem tādē aliquem in Regno suo ponere, ac si que possent iniri cōstituendę vnitatis rationes, Episcoporum sententias perquirebat: nec deerant qui in amplissimo Regni confessu Senatorum sententias, de vnitatis & concordie ratione, inter Catholicos & hereticos incunda perquirendas esse censuerunt, nisi Hosius intercessisset, qui rogatus sententiam respondit: Quod cum animo suo diligentissime reputauerit, vias & rationes omnes, quibus possit inter dissidentes de religione pax & concordia stabiliri, nullum reperire potuisse magis salutare consilium, quam quod in simili causa, cum idē, qui nunc, olim esset rerum status, à Sanctissimis & doctissimis Episcopis Athanasio & Augustino, ante 1200. fere annos datum esse legerat. Volunt, ait Augustinus, vnā habere linguam, veniant

niant ad Ecclesiam, vbi etiam in diuersitate linguarum carnis, vna est lingua cordis. Excipientur ab illa non minus alacriter, & benigne, quam prodigus ille filius à patre suo fuerat exceptus. Tum vt etiam dicant & faciant, quod suadet Athanasius: Surgite, abeamus ad Patres nostros, & dicamus illis: Anathemate detestamur Lutherū Calvinum, & omnem aliam hæresim: agnoscimus autē S. Oecumenicam Tridentinam synodum, eique dicto volumus esse audientes. Præter hanc se nullam aliam concordie rationē inter Christianos & hæreticos, vel legisse, vel excogitare potuisse. Nam & in scripturis legimus, quod cum Agar ancilla à facie Saræ dominæ suæ fugeret, sicut isti nunc à facie Ecclesiæ Dei fugiunt, Angelus Domini pacis & vnitatis amator, cum eā in vasta solitudine, inuenisset, & pacem inter eam & Saram facere velleret; Reuertere, ait, ad dominam tuam, & humiliare sub manu illius. Sic & vos si pacē amatis, facere debetis. Reuertimini vnde fugistis, ad dominam vestram, vnam sanctam Catholicā, Apostolicam, Ecclesiam. Reuertimini & humiliamini, alioquin in deserto & in solitudine peribitis. Quod autem huius diuisionis & dissensionis, culpa omnis in Episcoporum negligentiam à quibusdam conferatur, quod errantes non doceant: culpam eorum potius esse ostendebat, qui nec doceri, nec moneri volunt, sibi que scripturarum intelligentiam arrogant, sibi

veritatem reuelatam comminiscuntur, ceteros omnes truncos, stupidos, bardos reputant: se non ita pridem id ipsum pertentasse, ut viam veritatis cuidam erranti demonstraret, verum illum ad audiendam veritatem aures accommo- dare nullo pacto voluisse. Quid igitur facerēt Orthodoxi Episcopi in tanta hominum tamq; obstinata cæcitate? Nullius salus potest esse ma-gis deplorata, quam quise ægrotum & infirmum ignorat. Tenere le præterea dicebat memoria, quem fructum olim in Germania, peperisset illa concordia, quæ in libello, Interim vocato, constituta videbatur: qui motus, qui bellorum strepitus, quæ clades sint subito con- secutæ, quam longe maiores progressus, vni- uersa Sectarū colluies fecerit. Sed & in Gallia quis sit rerū status, post tot symbleas, siue col- lationes, siue conciliabula, in quibus de pace deq; cōcordia tractabatur, cōsecutus, quis est qui nō videat? Fuit Regnum illud vnū omniū florentissimum: nunc eō redactum est, ut nullū esse calamitosius videatur. Si Turcarum tyran- nus, cum quamlibet numerofo exercitu totam Galliam peragrasset, maioribus eam cladibus, & infortunijs afficere non potuisset. Nec certe fieri aliter potest. Qui enim fidem in Christum abiecerunt, & eius loco Sathanismum aliquē amplexi sunt, apud eos etiam ea fides perijisse existimatur, qua societas hominum inter homi- nes conseruatur. Postquam Sathanæ Verbum,
Dei

Dei verbū appellari cœpit, factum est, vt summa impietas, maxima religio, summum scelus, maxima virtus, vocaretur. Ita sunt rerum quæque nomina commutata. Certe post illam Possiaceñ Symbleam, post tot alia Conuenticula, post diuersas paces & concordias, factas & infectas, ausus est Theodorus ille Beza, quo nil vel cogitari potest magis impium, quique natus propterea videtur, ne vnus omnium Lutherus impurissimus videretur, & scribere, & prædicare, quod Sacrificium Deo gratum præstaret, si quis Principes viros, quibuscunque tandem insidijs trucidaret, quodque non alia via promereri Regnum cælorum citius liceret: cuius etiam hortatu factum est, vt alter ille Machabæus, Christianæ fidei fortissimus propugnator, Guisius Dux, per summum sacrilegium ex insidijs a Poltroto necaretur; neq; dissimilia tentata sunt, contra Reginam Scotiæ, & Ducē Sabaudia. Nō pacem isti cupiunt, non concordiam appetunt, sed sub pacis & concordia palio, sceleribus suis, & audaciæ impunitatem quærunt. Quænam enim tranquillitas esse potest in tempestate? quæ cōcordia in studiorum & sententiarum dissimilitudine? Se quidem in ea esse opinione, quod ea res non ad pacem & tranquillitatem sed ad motus, ad bella, ad seditiones excitandas pertinet, si mendacij veritas arguatur, quæ dicit, Hoc est corpus meum, hic est sanguis meus: & veraces esse homines cen-

seantur mendacissimi Zuuinglii, & Calvinii, qui dicunt non est corpus, non est sanguis, sed significat tantum corpus, vel, est figura corporis. Quamobrem iterum atque iterum clara voce se pronunciare, quod concordia, aliter coire inter Christum & Hæreticos non potest, nisi ut eò reuertantur hæretici, vnde per lunimam audaciam discesserunt, ad vnâ, Sanctam, Catholicam, Apostolicâ, Romanâ, Ecclesiâ. Absit autē ut eorū quoq; voces audiantur, qui putant concordiam non difficulter esse, inter dissidentes coituram, si Decreta omnia S. Concilij Tridentini legerentur in Comitijis, coram omnibus ordinibus Regni, & expenderentur, an recte se habeant. Quidquid communi omnium consensu receptum & approbatum esset, id sequeretur omnes, nec fas esset cuiquā ab eo discedere. Sicut enim fas non est, in Comitijis particularibus alicuius Palatinatus, Decreta generalium Regni Comitiorum rescindere, ac ne disputare quidem, num recte se habeant; ita ac multo etiam minus, fas est de Concilij Oecumenici decretis, num recte se habeant, in vnius Regni Comitijis disputare. Multo sanctior esse debet Conciliorū, quā Comitiorū auctoritas: cum hoc sit, ac minus etiam, Regnū Poloniæ, cū Orbe toto Christiano collatū, quod est Palatinatus Craconiēsis vel Posnaniēsis, cū toto Regno cōparatus. Executione non disputatione opus esse, de qua, quod nonnulli supplicandum

dum esse Regiæ Maiestati censuerunt. Se in ea opinione esse, quod nō omnis executio ad Regiam potestatem pertineat. Nam Regis munus nō aliud esse, quam vt eam doctrinam quę tradita est à Patribus in Concilio congregatis, ab omnibus firmiter & inuiolabiliter obseruari præcipiat, sicut olim ab Imperatore Constantino, Theodosio, Valentiniano, & alijs factum esse legimus: cum subditis sibi populis præciperent, pœnis etiam interpositis, vt cessaret omnis prophana contentio. Iniuriam enim fieri religiosissimæ Synodo putabant, si quis semel iudicata, & rectè disposita reuoluere, & publice disputare contenderet. Immo vero, impius & sacrilegus est, aiunt, qui post sacerdotum sententias, opinioni suæ aliquid tractandum relinquit. Extremæ quippe dementiæ est, in medio & perspicuo die commenticium lumen inquirere; Quisquis enim post veritatē repertam quid vltius discutit, mendacium quærit. Cæterum quod ad executionem reformationis in Concilio constitutæ attinet, eam ad Regiam potestatem nequaquam pertinere, sed ad Synodum provincialem esse reiiciendā, vt in ea ratio inueniatur, quemadmodū adduci Clerus omnis posset, vt vitā moresque suos ad præscriptū Concilij componerēt. Neque enim expedit de moribus Ecclesiasticorum reformādis, in Principum secularium præsentia deliberari, cum nec Imperator Constantinus legere

vouerit, quæ illi de corruptis quorundam Episcoporum moribus oblata fuerunt, in Concilio Nicæno, & scriptura velare patris verenda præcipiat, non manifestare. Quod autem ad disciplinam attinet, de qua etiam in comitijs agendum esse quidam existimant, esse dicebat, disciplinam militarem, esse disciplinam polyticam, quæ in Regni constitutionibus continetur, de his duobus in Comitijs generalibus agi recte posse. Esse postea disciplinam Ecclesiasticâ, de qua absit, vt in Comitijs tractetur: cum in Synodo ea de re agendi locus sit multo commodior & magis etiam proprius.

CAPUT XXIII.

His & alijs multis rationibus coram Rege & Senatu, cum publicè, tum priuatim propositis, rogare, monere, obsecrari, obtestari, non cessabat, vt Regia Maiestas in consortio Apostolorum & Prophetarum securè & constanter permaneret: vt despiceret, ac ab auribus suis repelleret eos, qui se Christi nomine & titulo priuauerunt, nec pateretur, sicut olim Leonem Pontificem Leoni Imperatori dixisse legimus, impios parridas, sacrilega simulatione de fide agere, quos constat à fide deuiare. Nihil posse orthodoxi Regis pietatem religiosius decernere, quam vt ea quæ nō tam humanis, quam diuinis sunt instituta decretis, nullus vltra sinatur impetere: ne vere digni sint
Dei

Dei munus amittere, qui de veritate ipsius ausi
essent dubitare. Nam si recte constituta licue-
rit conuellere, & auctoritatem vniuersalis Ec-
clesiæ ad arbitrium hæreticæ petitionis infrin-
gere, atque ita nullum corrigendæ fidei, & Ec-
clesiæ modum ponere, nil aliud consequetur
proculdubio, quam permissa semel licentia du-
bitandi, dilatare magis quam sopire certamina.
Priuatim etiam hortari obtestarique Regem nō
desistit, vt maiore studio ad defendendam reli-
gionem incumberet, non verbis tantū, sed re &
exemplo, se Catholicū, & Orthodoxum Regē
ostenderet, ne conniuentia sua & dissimulatio-
ne diuturna Christi perduellium audaciam ale-
ret: meminisset extremi illius iudicij, in quo de
subiectis sibi populis, rationem Deo reddere
eogetur: existimationis quoq. suæ potissimam
rationem duceret, quam non leuiter labefacta-
ri necesse est, cum in Regno suo omnia licere
videātur Christi perduellibus hæreticis. Quā-
obrem ipse quoque, si tantum non audet, quā-
tum pro sua perfidia hæretici, saltem aliquid ta-
men Rege dignum pro fide Christi audeat, nec
omnem folij strepitum timeat. Ausum esse Ni-
colaum Radzyuiliū Palatinū Vilnensem si-
quid ab eo petebatur, non suis, sed Maiestatis
eius subditis sæpe respondere, quod ea quæ pe-
terent impetrare facilius possent, si Christum
confiteretur (Christum autem vocabat Calui-
num, aut fortasse etiam Talmud vel Alcoranū,
nam

nam ex vna perfidia saltitabat in aliam) ac ita multos, à verò Christo in Bethleem nato, & pro nobis crucifixo, & ab eius Ecclesia, spe dignitatis, aut etiam alicuius commodi proposita abduxisse. Cur idem non faceret cum subditis suis Maesttas eius, vt dicat ijs qui gratiâ Regiam, qui dignitates, qui munera, qui reditus perunt. Oportet prius Christum in Bethleem natum confiteri? Proculdubio mox ad futurum esse diuinum auxilium quod multorû opinione faciliora omnia, & expeditiora præstaret. Quo diutius, auxilium inclinatis rebus adferre differt, hoc magis sibi ad Dei gratiam aditum obstruit, hoc magis irâ eius prouocat, dum quotidie ipso vidente, tot millia animarû pereunt, & ipsius quoque animam in profundum barathri trahunt, qui tot animarum interitum, cum vel vno verbo potuisset, impedire noluit, vel suâ ipsius animæ tandem miseretur, Ecclesiarum quoque vastitates, templorum incendia, Sacramentorum prophanationes, sacerdotum cædes, bonorum direptiones, omni suo studio conari, Regiaque potentia sua prohiberet, seque ijs quibus prognatus est maioribus, eoque loco quem tenet, dignum præstaret: ad Deum confugeret, illi se totum permitteret, orationibus & eleemosynis peccata sua redimeret, ac vitam suam in melius commutaret. Quæ omnia cum pius Rex attentissimè audiuisset, tanquam è cælo delapsus S. illum

lum Stanislauum, & alterum illum Regum dormitorem Sbigneum Cardinalem, coram aspiceret, in lachrymas eripuit, atq. ad genua loquentis Hosij prouolutus, cum fletum repressisset; Scio, inquit, quod nemini vnquam adulari consueuisti, & pro salute mea tantū loqueris, quidquid loqueris. Ago tibi gratias, quod me, qui præcipue indigeo, tanta libertate, ad ea quæ sunt mei muneris adhortari non desinis. Talem te semper cognoui, & salutis & honoris mei cupidissimum, talem nunc experior. Perge ut hactenus fecisti, Dei mihi annunciare voluntatē, & pro Regni nostri quiete Domino supplicare nunquam intermitte. Nouum Ambrosium, & alterum Theodosium diceres.

C A P V T. XXIII.

SED interim tamen accidit, quod olim dixit Ethnicus ille; Nunquam apertius quam coram Catone peccatum est. Quo magis erat optimus Rex contra hæreticos inflammatuſ, quo maiore conatu consilij eorū duo amplissimi Cardinales Hosius & Commendonus obſiſtebant, eo audacius & impudentius perfidiā suam Christi perduelles propagabant. Ausi enim sunt in illis ipsis Comitij Trideistæ contra Caluinistas, in disceptationem vocare, Nū Christus sit Deus. Quam indignitatem cum

Hosij

Hosij piæ aures ferre nõ possent, nec esset qui tanti sceleris, quas merebantur pœnas expeteret, immo vero ad Ecclesiasticam quoque Iurisdictionem labefactandam manus violentas inijcerent, vt omnem auctoritatem, & potestatem Episcoporum euerteret, postquam officij sui Regem, Episcopos, ceterosque Regni Senatores, iterum atque iterum monuisset, ac per viscera misericordiæ Dei obtestatus esset, vt tantam hanc audaciam reprimerent, iniuriam Iesu Christi filij Dei uiuentis vindicarent, ne terra aperiens os suum disputatores istos deglutiat, ne ve ignis de cælo descendens, etiam reliquos consentientes, hoc est, non prohibentes consumat, separare se à tabernaculis impiorum constituit, ne peccatis eorum inuoluere-
tur, ac statim etiam ex Comitijs in Prussiam se recepit: quo in itinere multis cum lachrymis illud Polycarpi memorabat: Bone Deus, in quæ tempora me seruasti? Tum et illud Hieremiæ: Misericordiæ Domini, quia non sumus cõsumpti, quia non defecerunt miserationes eius. Regem quoque per litteras hortatus est, vt iurisiurandi sui inemor, quod inauguratus in Regnum, & cum coronaretur præstitit, Christi iniuriam vindicaret, Sacerdotum eius iura, & auctoritatem tueretur, nec innouare quidquam in religione pateretur. Hoc enim moliri nouatores istos, vt ad Atheismum homines inducant, abrogato Sacerdotio, atq; sacrificio, quo

quo solo Deus propriè agnoscitur, quo sic desertis Ecclesijs, & pastoribus suis destitutis, propter alimenta negata, quæ vix aliunde, quam ex decimis habere possunt, homines Deum cognoscere, eumque colere desinant.

CAPUT XXV.

IN Episcopatum veniens ad scribendum se contulit eum libellum quem Iudicium & Censuram de Iudicio & Censura Heildebergensium, Tigurinorumque ministrorum vocavit, in quo omnibus ostendere conatus est, non minus Lutheristas & Calvinistas, quam Trideistas & Anabaptistas Deum negasse, nec magis illos à Christianis Principibus, quam istos tollerandos esse, cum illi nullam ab Ecclesia, isti magnam ab illis discedendi separandique se causam, & occasionem habuerunt: nec unquã defuturos esse filios, quamdiu parentes fuerint, superstites. De concordia quoque rationibus multa ibidem disserit, quò nos lectorem remittimus. In hoc autem libro conscribendo, orationum maxime præsidio usum esse vidimus, & accuratissimam rerum omnium considerationem adhibuisse. Post orationem autem matutinã, ad meditationem se cõferebat, in qua tam fixo animo cernebatur, ut quãdoq. raptus esse videretur; & cum aliquando indutiũ, quo erat gēti lumē ministrabat,

nistrabat, ignē concepisset, non prius sensit periculum, quàm ad corpus ipsum incendium peruasisset, ac minimè profectò insignem aliquam in corpore suo plagam euasisset, nisi qui scripsit hæc casu quodam in cōclauē ingressus, è media flamma, detractis vestibus virum Dei liberasset. Vidimus aliquando corporis pellem in humeris eius multis frictionibus, quibus ad tuendam valetudinem ex præscripto medicorum utebatur, vsque ad sanguinem laceratam, cum interim toto animo & cogitatione lectioni studioque deditus, nullam ipse molestiā aut dolorem, nisi cum in se reuersus esset, sentire videbatur. Sæpè etiam accidit, cum aliquid amanuensi dictaret, quod facere ambulando consueuerat, vt in parietem, aut in postes, aut in repagula fenestrarum frontem aut humeros, meditabundus tam grauitè impingeret, vt in multis dies læsionis indicia apparerent. Solebat autè eos quoq; qui dictatis sermonem excipiebant, interrogare, num quæ scribebantur, omnia intelligerent: & si quid durius dictum videbatur ita moderari, vt sensum scriptoris sine multo labore consequi quisque possit; seq; animis non auribus hominum scribere memorabat. & tunc vnū ante omnia laborare. vt quæ scribunt regentes intelligerēt, & proficerēt. ornatus & delectationis postremam ducere rationem. Qui enim nouit, neque id quod sentit, explicat, perinde est atque si nesciret. Satiùs est

mutum esse, quàm quod nemo intelligat, dicere. Fuit autem hic liber exceptus maxima Catholicorum gratulatione multorumque iudicia de solis Trideistis & Anabaptistis ejiciendis, tum etiam de rationibus concordie constituendae, ad potiore sententiam renouavit. Vicissim autem hæreticorum animos, & maximè Geneuensis illius Mercurij, Theodori Bezæ Gallie turbatoris, quem, si viueret Athanasius, ipsissimum Christicidam & legirupam diceret, non leuiter conturbauit. Is enim & libris editis, & missis in Poloniam Synagonistis, ut vocat, hanc a suo grege notam amouere conatus est, ut ne eodem loco & ordine cum Trideistis Calvinistæ censerentur, neue sectæ suae & impietatis administri, ex illius Regni finibus ullo pacto pellerentur. Hosij quoque censuram & consilium boni, ut ait, Cardinalis, hanc enim vocem ex illis impurissimis faucibus, vis veritatis extorsit, & nescio cuius ominis causa Hosium vocatū in sua, in obscœnissimū illum, auctoreque suo dignissimum Martialis Epigrammatum libellum, præfatione, ad Dudedium Sbardelatum Apostatam scripta asserit, mirabiliter exagitat, quod cursum Euangelij sui impediuerit; quod æque Calumnistas sicut Trideistas Christum negasse dixerit. quod Synagonistas faces bellorum, seditionū auctores, & Rerū publicarū turbatores vocauerit. Hosius autem memor illius quod scriptum est, Ejce de-

rifo.

risorem & cessabunt iurgia, omni vicissim adhibita diligentia laborabat, vt in ipsos præcipue Bezanos Synagonistas, Parcouien decreti executio fieret, & ex omni Regis ditione excedere primo quoque tempore iuberentur. Ac vt ne quid intentatum relinqueret, magnatum & heroum filijs & necessarijs, quos in fide Catholica pietatisque studijs domi suæ educandos curabat, litteras dictare non verecundabatur, quibus parentes suos, fratres, affines, amicos & quoscunque in aula, & in tota Repub. Polonorum, gratia & auctoritate valere sciebat hortabantur & obtestabantur, vt istos Helueticos Synagonistas, tot iam funeribus Reipublicæ Christianæ exultantes, qui semper versantur in spe rerum nouandarum, ocio & tranquillitate Reipub. consenescunt, faces bellorum ciuiliū notissimas, Regijque dominatus & vniuersæ Nobilitatis capitales inimicos, homines planè *μισεύοντες*, ex Regni Poloniæ finibus exterminandos curarent, & in hoc præcipue studium incumberent, vt quam à maioribus suis, tam Religionis quam Reipublicæ formam accepissent, eam filijs posterisque suis inuiolatam relinquerent. ne vobis, aiebant, & ijs qui vos genuerunt, & diem quo à vobis editi in hanc lucem sumus maledicere cogamur, si nobis turbatam per istos Bezanos Synagonistas patriam turbatam religionē, turbatā, Reipub. violatas leges, diuina humanaque iura labefa-

hefactata, sursum deorsum conuersa omnia relinqueritis, & auram istam libertatem, in qua & vos, ex auis, atauis, abauis vestris, & nos ex vobis patribus nostris, nati educatique sumus à nescio quibus Helueticis rusticis, & agrestibus magistris, turpiter opprimi, nosque in perpetuam seruitutem, quæ certè in libertate educatis grauior accidere consuevit, tradi permiseritis, sicut vicinis nostris accidisse videmus qui statim, vt maiorum suorum fidem reiecerunt, libertatem amiserunt. Sed si libet insanire, dabimus vobis iuuenile consilium, Gregorij potius Trideistæ perfidiam, ab homine tamen Polono, ab inferis reuocatam recipite, quàm nos sub Augustanæ ciuitatis, vnde prima illa confusio prodijt, quæ tot iam nobis hæreses peperit, & ab ipsis Lutheranis vocatur ocrea Polonica, vtrique pedi apta, hoc est, omnibus hæresibus conueniens, aut sub aliquot Helueticorum Cantonum & Scultetorum iugum & seruitutem submitтите. Num enim Augustanæ ciuitati? num Helueticis Cantonibus subiecti sumus? Cur non potius cum maioribus nostris, cur non cum Rege & Domino nostro, quem Christianum, Catholicum, & Orthodoxum esse constat, conuenimus? Certè admonet nos S. Paulus, vnus Deus, vna fides, vnum baptisma. Et quidā Ecclesiæ S. Doctōr ita loquitur; Quicquid est extra vnam fidem, non fides sed perfidia est. O quanta pax fuit, quanta con-

N cordia

cordia in patria nostra, cum maiores illi nostri, nil aliud scirent, quam Iesum, & hunc crucifixum, nihil aliud profiterentur, quam, Credo in vnum Deum, &c. nil aliud canerent, quam *Boga rodzica*, & istorum Pelopidarum nomina prorsus ignorabant. Nullus tū fuit Lutherus, quem putatis veram veri colendi Dei rationē hoc sæculo in orbē Christianū inuexisse. Credebant in vnum Deum, sine Gentili, sine Serueto, Blandrata, Gregorio. Habebant sacramenta sine Luthero. Comedebant corpus Christi sine Caluino, iustificabantur sine Osiandro. Baptizabantur sine Dauide & Pacimontano. Matrimonia iungebatur sine Ochino. Credebant & erant in Ecclesia sine Fricio. Huic fortissimo adhæserunt, propter hanc vivere voluerunt. pro hac mori etiam non dubitauerunt, cæteras cupiditates, siue gloriæ, siue propagandę dominationis, huius vnus ingenti cupiditate presserunt. Si Rex ille Iagello, ille quasi Lithuanix quidam Apostolus, hoc tempore viueret: qui, quam vos ita persequimini, quamque cane peius & angue odistis Ecclesiæ doctrinam, subiectis sibi populis, tenendam proponere docereque non erubuit. cuius os fortasse non auderetis aspicere, ipse vos proculdubio ab hac impudentia prohiberet, qua ei, quam tenuit quamque etiam docuit fidei & doctrinæ tam acerbè repugnatis. Quid enim, quæso, causæ habetis, vt ab illa

Iagel-

Iagellonis, & ab ea simul, quam abnepos eius constantissimè retinet, Sigismundi fide recedatis? & Ecclesiasticorum conatibus tanta contè-
tione resistendum putetis, nisi quia vos superbi estis, illi humiles fuerunt. Vos extra Ecclesiã immò supra Ecclesiam; illi in Ecclesia esse & cum Ecclesia sentire voluerunt. Illi in Religione vnitatem, & in Republica pacem; vos religionem euersam, vestramque licentiam, luxuriam, cupiditatem, audaciam, cupitis habere securam, & in ista quiduis credendi audendique licètia, perditissimisque moribus, remota omni molestiarum asperitate, diffluere. Neque enim quam ità obtenditis pacem & tranquillitatem & securitatem. propterea cupitis habere, vt pacem seruetis, & veritatem inquiratis: sed vt de vestra pelle securi, vitæ fortunisque Catholicorum insidias tendatis, diuinaque simul & humana iura euertatis: vt sitis ad extremum sine lege, sine Rege, sine Ephod & Teraphim, & quod inde sequitur, sine Deo. Ac tantum certe ista sua vigilantia, per ora infantium, Hosius profecerat, vt aut statim ex Regno excederent illi Bezani Synagonistæ, aut certè, cum sibi frenos furoris iniectos sentirent in aliquibus tenebris & obscuritate latitarèt. Nil enim postea certi aut comperti de conatibus eorum accepimus,

CAPVT. XXVI.

GRASSABATUR interim in vicinis Prus-
siae ciuitatibus pestilentiae contagio: cu-
ius acerbitem, vt à subiectis Ecclesiae Var-
miensis populis auerteret, nihil prorsus intēta-
tum praeomittebat, quod ad boni Pastoris, &
salutem gregis sui, non minus quàm salutem
suam diligentis, officium pertineret. Orationi-
bus instabat sine intermissione, & ~~de sanguine~~
cordis sui, sicut ait Augustinus, diebus ac ho-
cibus per lacrymas oculorum suorum, Domi-
no sacrificabat. Eleemosynis quoq; per om-
nia Xenodochia distributis, Deum placare co-
nabatur, & reliqua etiā humana praesidia adiun-
gebat. Egentes victu & pecunia subleuabat,
eiectos & palantes colligere in suburbana prae-
dia iubebat & nutrire. Quoties ex oculis eius
lacrymas, salutem populorum à Domino po-
stulantes emanere vidimus? Sepe exequatis cor-
dis intentioni oculis, clamabat ad Dominum.
Ego sum qui peccaui, & ego iniquè gessi; isti,
qui oues sunt, quid fecerunt? vertatur obsecro
manus tua contra me. Dic Angelo percutienti
populum, Sufficit; & contine manum tuam.
Manum ipse quoque suam vertit contra se,
vt manum Dei auerteret à populo suo. Qua
acerbitate, qua tolerātia, quo animi robore, lo-
queremur, si possemus: si nō impediremur nō-
nullius

nullius officij religione. Sed hæc ita præteribimus hoc tempore, vt tamen intuentes & respectantes relinquamus. Vidit autem Dominus serui sui fidelis, plusquam paternam sollicitudinem, neque despexit orationem pauperis. Nā cum tota vicinia lue pestifera laboraret, Varmienſis Eccleſiæ populi, leſionem non ſenſerunt. Non poſſumus autem, quin & hoc plenum ſingularis in Deum fiduciæ argumentum memoremus. Vocauerat ad ſe, vt iam diximus, ex Italia & Germania Patres Societatis Ieſu: quorum opera in recte inſtituenda iuuentute, & in verbi Dei prædicatione vteretur. Tranſierunt illi per multas peſte infectas ciuitates, & in aliquas etiam diuerterant, idque etiam ante arcem Heilſpergenſem, vt res erat, conſeſſi ſūt. Hos cum Hoſius adueſiſſe cognouiſſet, incredibili lætitia gaudioque cumulatus, recordatus eſt, inquit, mei Dominus, nec me voto meo frustratus eſt. Sic nomen Domini benediſtum. Sed cum vocaretur à domesticis in dubium, vt in arcē ſtatim eſſent admittendi, an alio prius ablegandi, dum ſtatui certò poſſit, vt in locis infectis aliqua illis contagio adhæſiſſet, ne & familiam vniuerſam inficerent, & Hoſio quoque periculū vitæ crearetur. In vespertinis, inquit, precibus (erat enim vigilia Omnium ſanctorum.) rogabimus Dominum, vt nobis conſilij ſpiritu largiatur. Abſolutis autē vesp̄is, multum fidens immenſæ Dei miſericordiæ,

N 3

cordiæ, cum se familiamq, suam, & subiectos sibi populos, Diuinæ bonitati commendasset, Patres illos venerandos in arcem admisit, ac velut Angelos Dei, non minori gratulatione, quam olim Palchafius Episcopus, B. Hermelandum cum socijs ad erigendum monasterium aduentatē, accepit, omnibusque humanitatis officijs prosecutus est: nec est vlla pestilentiae contagio consecuta.

C A P V T. XXVII.

EODEM fere tempore datis ad Hosium literis Rex ab eo Sigismundus postulabat, ut in Hispaniam, ad Philippum Regem Catholicum proficisci uellet; ac de materna sua hereditate, Baren. & Rosanensi Ducatu, quem Regina Bona mater, in regno Maiestatis eius Neapolitano moriens reliquerat, deque cæteris ad causam hanc pertinentibus negocijs & difficultatibus, ex sua et vniuersi regni Poloniæ dignitate & utilitate transfigeret. Cui Hosius, quamuis ætate prouecta, curisque publicis & studijs pene exhaustus esset, responsum ei non absimile dedit, quod dederat olim Regi Vulagislao, Sbigneus ille Cardinalis, Episcopus Craconiensis, cum ad Conciliū Basilienses profecturus esset, in eā fere sententiā. Quod sicut nullum in omni uita sua laborem, nullū periculum, religionis patriæque suæ causa, unquam

quam detrectauit, sic ne hunc quidem, quamuis molestum & diuturnum in Hispaniā proficiscendi laborem, Regis, Domini, & benefactoris sui causa, à quo tantis beneficijs esset cummulatus, detrectare, aut velle, aut posse. Sed quoniā duas res maximè obstare videbat, quominus speraret se posse maiestati eius vtiliter inferuire, apud eum præsertim Regem, apud quem nihil est hæreticorum perfidia & separatione detestabilius, qui re et nomine vere Catholicum Regem agit, nec fere quicquam commune habere vult, cum his qui matrem Ecclesiam nō agnoscunt. Ante omnia supplicare se, vt Maiestas eius aliquam prius significationē dare velit, se quoque ab omnibus hæreticis & animo & voluntate esse valde alienum: & saltem istos hæreticorum ministros, Bezanosque Synagonistas, qui nomen et existimationem Maiestatis eius, in orbe toto Christiano, insigni macula polluant, dum illi foedissimos et hæreticissimos libellos dicare non verentur, & regnum eius, asylum Hæreticorum vocare non dubitant, ex Regno suo prius excedere iubeat. Deinde verò vt Serenissimam reginam coniugem suam charissimam, Catholicæ maiestatis sororem, omnibus studijs & officijs, amantissimo coniuge et marito dignissimis, ita cōpletatur, vt frater eius, ad ea, quæ maiestatis suæ nomine petiturus esset, concedēda, magis etiā instāmari queat. Sic enim existimo, ait, quod si

ter hoc tam longum , in hac fere iam decursa
 ætatis meæ parte, suscepero, quod nec patriam
 meam charissimā, nec faciem M. V. amplius vi-
 debo. Sed vilis est mihi futura corporis huius ia-
 ctura, vilis quoque iste spiritus, vbicunque tan-
 dem cum Dominus à me repetere voluerit, dū
 modo hæc duo, quæ peto, antequam ex patria
 pedē efferā, opera Maiestatis Vestræ perfecta
 videam. Cantabo cum Simeone proficiscens.
 Nunc dimittis seruū tuum Domine, secundū
 verbū tuum in pace. Quia viderūt oculi mei sa-
 lutare tuum. Nec dubito, si Maiestas V. Christi
 causam contra hostes eius hæreticos strenuē
 tuēdam & defendendam susceperit, quod Chri-
 stus vicissim Maiestatis V. causam; apud regem
 Catholicum promouebit: mihi que fortunatū
 iter & salutaria consilia suppeditabit, & consē-
 tientes desiderijs nostris exitus largietur. Cæte-
 rum à suscepto consilio propositaque senten-
 tia serenissimus Rex postea destitit.

C A P V T XXVIII.

PI V S autem. V. qui tum Pio IV. succeffe-
 rat, Pontifex zelantissimus, cum is quoque
 de Hosij præstantia omnia summa cognouis-
 set, nil tale cogitātem, suum & S. sedis Aposto-
 licæ ad Synodum prouincialem, & in vniuersa
 Diocesi Varmienſi, Legatū pronuntiauit, am-
 plissimo & pietatis & eruditionis & animi ze-
 lan-

lantissimi testimonio, in vniuerso fratrum suorum S. R. E. Cardinalium consensu attributo: quem etiam & publice & priuatim, columnā religionis vocare non dubitauit. In quibusdam certe litteris eius, ad Hosiū datis, hæc verba legimus. Quia hæreticorum mores nouimus, & odium quo Ecclesiā Catholicā, & Ecclesiasticū ordinē infestantur, dubitamus eorū fautores in Comitijis istius regni molituros, quicquid poterunt aduersus Religionem Catholicam. Itaque pro officij nostri munere, cohortandos & admonendos duximus venerabiles fratres Archiepiscopum Gnesnē, & singulos Regni Episcopos, vt tali tempore officij sui memores, vna mente, aduersarijs sese opponant. eorumque perniciosis conatibus constanter obstant. Hac te hortatione non egere scimus. Nouimus enim perpetuum ac singularem tuū zelum Diuini honoris. In memoria habemus maxima tua erga religionem Catholicam merita. Itaque confidimus, non modò non expectaturum te hortationem nostram, sed tuis ipsius cohortationibus, excitaturum eosdem Episcopos, ad præstandum fideliter Deo & Patriæ, & gregibus sibi commissis officium suū, & laicis Catholicis iisdem Comitijis de more interfuturis causam Religionis diligentissimè commendaturum: omnibus denique officij cum Serenissimo Rege & alijs functurū, quæ pietate erga Deum tua. & fide ac deuotione er

ga sedem Apostolicam, cuius insigne atque honorabile membrum es, digna sint. Interea vero nos non sine maxima animi sollicitudine exitum Comitiorum istorum expectabimus: quæ nos sollicitudo cogit, licet hortatione te non egere nos scire diximus, tamen non modo hortari te, sed etiam obtestari, ut omni studio, cura ac diligentia hæreticorum consilijs occurras, & ad religionem Catholicam tuendam ita incumbas, ut exemplo tuo Catholicis omnibus animos augeas. Et in alijs litteris. Quod ad istud quidem Regnum attinet, certum habemus, te, qui tam præclarum & honorabile membrum es huius S. Sedis, pro tuo singulari Divini honoris zelo, fidelem & utilem admodum adiutorem nobis paratum esse, & diligentia tua sollicitudinē nostram, cuius in partem vocatus es, nobis esse non parua ex parte leuaturum. Quod ut de te nobis pollicemur, ita te confidere volumus, non prætermisuros nos, vllum officium ipsi Regno opportunum, quod à nobis in hac sede constitutis, proficisci possit. Erga te verò ea voluntate sumus, qua pro tua spectatissima integritate & innocentia, ac magnis in Religionem Catholicam meritis esse debemus. DEVS te pro nobis orantem, dilectissime fili, incolumem custodiat.

CAPVT XXIX.

SVB hoc fere tempus excitati fuerunt, in ea Prussiae parte, quā Albertus Marchio Brandeburgens occupabat, noui quidam & periculosi motus: ita vt quādam inclinatio ad defectionem facta fuisse videretur, leuis illa quidē initio, sed quæ magnam secum periculorum molem traxisset, nisi oppressa in ipso ortu suo fuisset. Verum deprehendit quoque hæc initia vigilantissimus Hosius, ac primus omnium Regē admonuit, impendentis discriminis: ac singula pene momenta rerū ac temporum obseruabat accuratissimè, notabat omnia, expiscabatur. ac de remedio tempestiue adhibendo, cum Regem ipsum, tum Regiæ potentiae ministros. admonebat, tanta assiduitate & diligentia, vt nonnulli delicatuli Proceres, qui blanda semper audire Regibusque suis proponere consueuerant, quos honoris causa prætereo, litteras eius, velut pungentes stimulos fastiderent; ac maiorem esse Hosij metum, quam periculi magnitudinē diestitaret. Nec deerant, qui curā hæc Regni senatore dignissimā illis ipsis verbis perstringerent, quibus olim in simili causa Gregoriū Nisibis Episcopum, cum Iustinū Imperatorem, de Cosroe Persarū Regis machinationibus, pari fide studioq; admoneret, & Gregoriū Magnū Pontificem Mauricius Imperator perstrin-

ge.

gebant. Delirat, dicebant, præ senectute Hosius. Porro Sigismundus Rex, cui erat Hosij vigilantia, & in Reges suos fides, ac in vniuersam patriam summa pietas perspectissima, Hosij verbis fidem adhibuit. Commissariosq; suos in Prussiam deputauit, qui nouos quosdam octogenarij Ducis, bis pueri Consiliarios hæreticos, cum fraudes eorum & conatus omnes perfidiæ plenos detexissent, ac arma vimque paratam deprehendissent, pœna capitis damnauerunt, cuius etiam vigilantia præclarum in vniuerso senatu Regni testimonium Rex ipse perhibuit; cum ab Hosio patriam infinitis casibus & periculis ereptam, ac propterea patris patriæ laudem promeritum pronuntiaret.

C A P V T XXX.

AD eundem autem Ducem, Regis itidem precibus adductus, paulo ante motus istos sulcitos, cum Ioanne Kostka Palatino Sandomiriens viro perspicacis ingenij, & animi magnitudine in patria nostra quondam celeberrimo profectus erat Hosius, vt nascentibus malis, pro sua prudentia remedium adhiberet. Acceptus à Duce fuit humanissime, sed à ministris eius Lutheranis, Lutherano more tractatus. Cum enim esset Quadrages. tempus, ministri Ducis, Lutheri discipuli, totius abstinentiæ hostes perpetui, vt Hosio imponerent, ferculis

culis omnibus carnes, & lacticia admisce-
bant; sed fraude depræhensa, iussit omnia su-
bito de mensa auferri Hosius, & pane tantum
solo cōtentus esse voluit, ac ne id ipsum dein-
ceps auderent Ducis ministri prohibiti fuerūt.
neque tamē ab insidijs destiterunt. Nam cum
illorum opera in parandis cibis vti nollet Ho-
sius, aliam fallendæ familię artem excogitarūt,
ita, vt facere par erat germanani Gentilium
& Apostatarū sobolem. Nam sicut olim Apo-
stata Iulianus, vt Christianis ieiunij & abstinē-
tię studiosis imponeret, panes, placētas, carne,
sanguine, & contaminatione inficiebat; sic isti
quoq. in medios panes non inincoctos quidē,
(quales etiam Hippone Faustinus Catholicis
obtrussisse ab Augustino memoratur) sed in co-
ctos igne panes, porcinae carnis tenuia fragmē-
ta imponebant, vt Hosio & nobis omnibus
imponerent; cuius tamen audacię grauissimas
pœnas, Duce iubente perfoluissent; nisi preces
suas vicissim, pro eorum liberatione, infirmi-
tatibus humanis compatiens Hosius, interpo-
suisset. Paruo interiecto tempore, profectus est
Elbingam, ad habenda Terrarum Prussię Co-
mitia, vbi quid actum sit cum illo, quid ille vi-
cissim egerit, tum Religionis Catholicę, tum
Reipublicę causa, ex Actis Elbingen. anni
1568. petere quisque potest. Nos illud tamen
commemorabimus. Quod cum illi in omni-
bus rebus, & actionibus humanis præcipua cu

ra fuerit, de causa Christi, omnia semper con-
 filia, ad ipsam esse referenda, omnibus sermo-
 nibus & sententijs suis eam adiungendam esse
 putabat, siue de pace, siue de bello, siue de v-
 nione, siue de contributione, siue de executio-
 ne, siue de legatione, de quocunque tandem
 Regni & Reipu. negocio agebatur, siue ex veri-
 tate, siue ex occasione, iuxta D. Pauli præceptū,
 Christum annuntiabat, Ecclesiam prædicabat,
 cœlestia terrenis adiungebat. Quærebantur in
 illis Comitij tam Consiliarij, quàm Nobili-
 tatis Nuncij, quod iura Terrarum Prussæ, Pri-
 uilegia, consuetudines antiquæ, paulatim indu-
 cerentur. & nouæ quædam formulæ, & ratio-
 nes gubernandæ provinciæ, per Regiam Maie-
 statem introducerentur. Quid ad hæc Hosius?
 Ego verò, inquit, omnē nouationem suspectā
 semper habui: & si qui sunt, qui ab omni in
 Repu. nouatione abhorrēt, inter eos ego quo-
 que nomen meum profiteor. Sed quis primus
 nouationum auctor in his terris extitit? Nonne
 vos (trium autem Ciuitatum Burgimagistros
 appellabat, Elbingensis, & Gedanensis) Torunē-
 sis, qui veteri religione Christiana repudiata,
 antiquis & vsu receptis Ecclesiæ ritibus repro-
 batis, nouas in Prussæ ciuitates religionū for-
 mulas, nouos ritus introduxistis, & noua feci-
 stis omnia? A vobis igitur nouādarū rerū factū
 est, initiū. Voluistis vobis licere, nouas religio-
 num formulas condere, veteribus abrogatis;
 miror,

miror, quòd non vultis Regi & Domino vestro licere, noua Iura, noua Priuilegia, in prouinciâ introducere, veteribus abrogatis. Cum olim ab illius Maiestate peteretis, vt vobis vsû confusionis Augustanæ permitteret, nonne Pontificiam illi auctoritatem, & plus etiam quam Pontificiam visi estis attribuere? Nunc cum Regia sua potestate, in polyticijs rebus administrandis & decernendis vti vult, eam illi ereptam cupitis? Voluistis vobis quoque licere Pontifices esse, & vniuersæ religionis sanctitate uiolata, nouarum religionum impunitates coaceruare: et non vultis, vt Rex Regiam suam potestatem exerceat, & leges Polyticas arbitratu suo aut scribat, aut inducat? Seruate vos Iura & Priuilegia Christi, & eius Ecclesiæ: seruabit. Rex iura quoque vestra. & eius prouinciæ. Sed hæc omnia copiosè in Actis illius temporis descripta continentur. Nos ad alia properamus. Cum autem ab illo nihilominus obtinuissent terrarum Prusiæ Consiliarij, vt ad Comitatus regni Lublinensis proficisceretur. & ibi iura ac libertates Prouinciæ, auctoritate illa sua defenderet: nec haberet vnde tantos sumptus faceret, communicato cum Venerabili Capitulo Ecclesiæ suæ Varmiens. consilio, petiuit ab eiusdem Ecclesiæ subditis, vt ex suis angustijs, quantum sine incommodo rationum suarum præstare possent, præsentem suam necessitatem subleuarent. Illi verò & paterni in
omnes

omnes animi, & imperij planè moderati mores, sine vlla tergiuersatione, aliquot millia se collaturos receperunt, vt ne à tam necessaria & patriæ salutari profectiōe desisteret. Egit gratias subditis suis Hosius, pro tanto studio & egregia significatione amoris, quam re ipsa comprobare conabantur: sed se tantis sumptibus, quantos illi offerebant, minime indigere respondit: cū nil vnquā magis sibi fugiendum esse existimauerit, quā ne cuiquam mortalium esset oneri. Longe minore summa se contentum esse velle, immo etiam & hoc promittere, quicquid ex ea pecunia, postquam reuersus ex Comitibus fuisset superfuerit, quod viritum id in singula vicissim capita distribueret. Egerunt vicissim Hosio subditi eius gratias, quod tam benigne secum ageret. & illam animi moderationem pecuniæque contemptum, vehementer admirati, Domino gratias egerunt; quod talis illis Episcopus contigisset, qui subditos magis quam pecuniam amaret.

CAPVT XXXI.

AD Comiticia Lublineñ. profectus nil intentatum ibi quoq. reliquit. vt Christi causam in vniuersa patria faceret meliorem. Nā cū de vniōe terrarum Prusiæ cum Regno Poloniæ, & de executione Statutorum in senatu ageretur, de vniōe cum Christo & eius Ecclesia

eclesia facienda, ante omnia laborauit, quod omnia consilia de vnione Polytica, deq; Pro- uinciarum concordia, frustra susciperentur, di- uisis in religione consulentium animis, & scis- sis in contrarias sententias hominum volunta- tibus, eam demum vnionem fixam & stabilem ac perpetuam esse consueuisse, quæ ab his con- stituitur qui vnum sunt cum Christo, vnum cū Christi corpore Ecclesia, vnum finem habent constitutum, vt Christi gloria vbique magis atq; magis propagari queat. Nam inter quos, sicut ait Hieronymus, non est uera fides, nun- quā potest esse fidus affectus. Similiter & Au- gustinus, inter quos rerum non est consensio diuinarum, inter eos neque humanarum rerum consensio certa esse potest & secura. Nemo enim ait August. esse potest amicus hominis. nisi ipsius sit primitus ueritatis. Nullam inter eos pacem, nullam vnitatem fixam esse posse, qui pacis & unitatis auctorem Deum ex cor- dibus suis amiserunt. De executione verò Re- gni statutorum, se nil magis cupere dicebat. quam vt eam toties attentatam ad exitum de- ductam oculis ipse suis videret, non vnus ali- cuius capituli, aut decreti, sed totius Statuti, od- deski do deski, hoc est, ut aiunt, ab aslere ad asserem. In eodem enim Statuto sanctam quo- que illam Cōfœderationem Corzynensem re- periri, propugnaculum illud tranquillitatis & ocij, & Decretum præterea Vladislai Iagello-

nis Regis Polonię Wielunense, vbi statuitur, vt quicumque hæreticales errores facere vel promouere vellet, vel vt habent verba Decreti Regij. Quicumque in Regno Poloniæ nostro, & terris nobis subiectis hæreticus, aut hæresi infectus, vel suspectus de eadem, fautor eorum vel director fuerit repertus, velut Regiæ Maiestatis offensor capiat, & iuxta exigentiã excessus sui puniatur. Huius tam salutaris Statuti executio potissima ac præcipua esse deberet, si vellemus, vt reliqua, quæ pro Reipub. fisco tētantur, & faciles & fortunatos exitus consequantur & aliquā utilitatem adserant. Stabūt, ait, salua Iura patriæ, si steterint inuiolata iura Ecclesiæ. Primum, ait Saluator, quærite Regnū Dei, & omnia adijcientur vobis. Nunc autem esse nonnullos Sacerdotum hostes, qui ad delendum statum Ecclesiasticum, ad affligendum Episcoporum ordinem, ad extinguenda maiorum instituta, sua dignitate, potestate, cæterisque insignibus honoris abutuntur: qui sicut ex cordibus suis CHRISTVM eiecerūt; sic causam eius ex omni hominum memoria eiectam & eradicatam cuperent, ac nimis tardē eam concidere mœrent, & eos omnibus exitijs dignissimos arbitrantur, qui pietatis, qui religionis curam cæteris omnibus curis & studijs anteponendam existimant. Elbingensiu quoq; audaciam & pertinaciam accusauit, quod vocem sui Pastoris audire nollent, quòd Regiæ voluntati non

ei non obtemperarent; quòd ministros verbi
Sathanæ alerent; quod in despectum Regiæ
Maiestatis (quã Christianũ, Catholicum & Or
thodoxũ Regem esse cõstat) ex superiore loco
prædicari paterentur, Qui in Missa sacratiss. Eu
charistiam adorant, Diabolum adorant; quod
sacerdotes à se missos veros veri verbi Dei mi
nistros, omnibus iniurijs opprimere permise
rint. Hic hic, ait, debet vigilare executio: cæte
ras omnes vniuersi Regni rationes, Deus ipse
fortunabit. Et admonebatur à quibusdã amicis
& necessarijs suis, vt vel nullum de religione
verbum in Senatu Regni faceret, vel mitiores
aliquantò sententias diceret, & eos, quos oppu
gnandos suscepisset, Euangelicos potius quam
hæreticos nominaret. Sed ille plenus in Deum
fiducia, & omnes Christo lucrifacere cupiens,
cum scriptum in Ecclesiastico meminisset, Ne
sis humilis in tua sapiëntia, Viuit, ait, Dominus,
sicut in Paral. legimus, quia quodcunque dixe
rit mihi Dominus, hoc loquor, maluitque etiã
de patria si res ita postularet, quàm de senten
tia, vel prece, vel precio, vel gratia, vel vlla si
multate dimoueri, cum sciret, magis esse Deo
quàm hominibus obediendum. Et illud etiam
meminisset, quòd ne Socrates quidem vitam
suam ea conditione à morte redimere volue
rit, vt promitteret, quod nunquam postea, in
illa, quam profitebatur veritatis inquisitione
philosophiaque versari vellet, nec obiurgare
quen-

quenquam, nec suadere iunioribus senioribus-
 que, ut pro virtute magis quam pro pecunia
 laboraret. Deo enim, aiebat ille, quoque quan-
 tis gentilis, parere malo, quam vobis Athe-
 niensibus, etiam si vos diligo equidem atque
 amo. Sed nullum adhuc maius bonum in hac
 urbe vobis contigit, quam hoc meum ministe-
 rium, quod deo parens exhibeo. Quod ad hæ-
 reticorum appellationem attineret, si ægre fe-
 runt, ait Hosius, nouatores isti, quod hæretici
 appellantur; non sint, quod dici nolunt. Fugiant
 ipsi rem, & ego vocabulum non attingam. De-
 sciscant à mente impia, & ego ab hac ignomi-
 niosa appellatione discedam. Ego enim nihil
 aliud didici, quam ficum, ficum, ligonem, ligo-
 nem appellare. Hæresis ab electione dicitur,
 isti autem sibi nouas religionum formas seor-
 sum ab Ecclesia elegerunt, nouas fidiculas
 condiderunt, cur eos pudet audire, quod fa-
 cere non pudet? nisi forte Euangelicorum no-
 men propterea sibi debere existiment, quod
 Euangelium euerterint, sicut Scipio dicitur
 Africanus, quod Africam deuicerit: & pro-
 pterea sicut fidem, ita quoque veterem Chri-
 stianorum appellationem reiecerunt. Nec lo-
 qui etiam deinceps per omnem occasionem, &
 priuatim, & publice, & vocabula rebus pro-
 pria attribueredessit, ac multorum oculos sen-
 tentiarum suarum libertate aperuit, nam ex Se-
 natu Regio nonnulli, & inter hos vir illustris,
manu

manu & animo acer, Albertus Laski Palatinus Syradieñ, cum semel & iterum essent cum Hosio congressi errores suos, in quos de religione inciderant, agnouerunt, & non ita multo post ad Ecclesiam Cathol. accesserunt. contra quos sic erant animati hæretici, ut flumine sanguinis redditum illorum intercludere non dubitassent, si id quoquomodo proficere potuissent.

CAPUT XXXIIF.

ACCIDIT autem in illis Comitibus Hosio, quod olim in Synodo Gallicana B. Remigio accidisse memoratur. Nam cum in Senatum Regni, Rege presente, venisset, assurrexit Rex, & detecto capite, quem debuit, tanto viro honorem habuit. Idem etiam fecit reliquis ordo Senatorum, duobus tantum Palatinis hæreticis exceptis, Craccouiensi & Sendomiriensi, quorum nomina honoris causa prætereor. Filios enim reliquerunt, ab ea quam profitebantur perfidia, valde abhorrentes, quos speramus decies tantumde pro antiquæ Christianæ fidei cōseruatione esse laboraturos, quantum parietes illorum pro Lutherana & Calviniana perfidia & impietatis propugnatione laborauerunt. Qui, cum existimarēt sui similibus probari nō posse, quod essent hostes Ecclesie, nisi Hosio quoque essent inimici, ne oculos, quidam à terra ad

Hosium transeuntem attollere voluerunt: cum tamen & Turcarum, & Tartarorum infidelium, & Molcorum oratoribus assurgere & honorē habere soliti fuerint. Sed rectē quidam scriptū reliquit; Qui se sectis dedunt, prorsus exuunt hominem. Ac vtinam illud pręterea, quod Renugij temporibus, accidisset, vt superbiam suā, ac factum agnoscentes, vera humilitate Ecclesię subdi voluissent. Sed, ò profunda iudicia Dei, cum nonnulli ex his, qui Hosium differenter audiebant, erroribus relictis ad Ecclesiam accessissent, illi duo, qui dignitatem laudatissimi Cardinalis contempserunt, qui reliquę hæreticorum turbę iucundi esse voluerunt, valde graues inhumanitatis suę pœnas dependerunt. Nam vterque pro dolor, in perfidia sua, ex hac vita, post aliquot annos discesserunt.

CAPIT XXXIIII

VISVM postea fuit Sigismundo Regi Augusto, & suis & Regni sui rationibus vehementer expedire, vt Hosius Romam proficisceretur, idque vt faceret, summis ab eo precibus, & coram & per Vicecancellarium suum contendebat. Sed Hosius quātum potuit, proficiscendi laborem detrecauit, tum ætatis ingrauescentis, tum inopię, tum etiam Episcopalis officij & pascēdi gregis excusatione proposita. Rex vicissim laborem dicebat. ijs tantum

tum grauem & acerbum accidere consueuiffe,
qui nolentes & inuiti quidpiam aggrederen-
tur: quod ab animo Hosij, & ab omnibus ante-
actæ vitæ institutis esse alienum iudicabat; qui
pro patria sua periculosissima quæq; non solū
facere, sed etiam imperare fortissimis cōsueuif-
set. Quod ad sumptus itineris & vrbanas impē-
sas attineret, eos se & libēter, & liberaliter sup-
peditaturū esse. Quod autē ad pascendas oues
Ecclesiæ Varmiēsis eligeret sibi in Coadiutorē,
quē in Domino expedire iudicaret, qui in absē-
tia populū Varmiēse verbo veritatis pasceret,
& rapaces lupos ab ouili Christi prohiberet.
Hosius itaq; impetrato ad deliberandū spacio.
(neque enim vnquam quicquam incogitanter
aggredi consueuerat) se suaque omnia Diuinæ
prouidentix sollicitissimē commendabat; mo-
dō non totidem verbis, sicut olim Moyse con-
tendens, vt provideat Dominus Deus spiritum
omnis carnis, hominem qui sit super multitu-
dinem hanc, ne sit populus Domini, sicut absq;
pastore, prouiditque illi Dominus virum, secun-
dum cor eius, vel vt Apostoli Pauli verbis vtar
sobrium, prudentem, ornatū, pudicum, docto-
rem, domui suæ bene præpositum, & testimo-
nium bonum habentem, etiam ab his qui foris
sunt, Martinum Cromerū non neophytum, sed
cuius iam in Ecclesiam Dei, & in patriam quo-
que suam, multa & magna extabāt merita: qui
scriptis suis, magno cum fructu hæreticos op-
pugna-

pugnauit, & in obeūdis legationis muneribus. cum apud Sedem Apostolicam, tum apud Ferdinandum Imperatorem, & alios Germaniæ Principes, summum semper gradum tenuit dignitatis & gratiæ: & res gestas Polonorū, elegantissimis commentarijs cōpræhensas, ad vniuersæ posteritatis memoriam egregiè illustrauit. Hunc igitur virum propter studiorum & cōsiliorum similitudinem, administratorem primò, deinde Coadiutorem successoremque futurum, accedente Regis consensu, ac Pontificis Maximi approbatione, tanto libentius designauit, quod meminerat, non solum hac tempestate nostra, qua versa & peruersa in peiorem partem sunt omnia, sed maiorum quoque nostrorum memoria, per ambitiosos & contentiosos homines Ecclesias perturbari solere, & à Sanctissimis illis Patribus Ecclesiæ Catholicæ columnis Valerio, Augustino, Alexandro, Athanasio, immo & à Mose, qui loco suo viuus adhuc Iesum designauerat, & à Petro, qui Linum & Clementem, & alijs idem factum esse sciebat. Tali itaque viro, cum pascendum gregem Christi commisisset, iter Romam versus ingressus est, Augusto mense, maximo sui desiderio relicto in animis Orthodoxorum, qui Hosium ex Polonia discedentem, modo non totidem verbis persequabantur, quibus olim Gregoriū Nazianz. ex Thracia exeuntem persecutum esse legimus. O Pater, Trinitatem tecum eijs. idque


idque propter horrendas blasphemias, quas homines impudentes, in Sanctissimam Trinitatem & in vniuersam Christi Ecclesiam euomere nō cessabant. Quamobrem plena luctus & mœroris erant omnia, in Episcopatu præsertim, apud Ecclesiæ subditos, qui tantum illius amorem, tantam erga se beneuolentiam experti semper fuerunt, vt à maternis visceribus maiorem expectare non potuerint, quandoquidem illius vigiliæ subditorum fortunas, illius prudentia, ocium, illius labores, delicias, illius industria vacationem eorum semper defendebat: & eo libentius imperanti parebant, quo remissius imperabat.

CAPIT. XXXV.

MAXIMVS autem Hosio in toto illo itinere honos habebatur. Pij omnes & Orthodoxi Abrahamicum senē ubique admirabantur, & suspiciebant: hæretici vicissim (cū in vita, quod morderent, non haberent) persecutorem tantum Euangelij Baptistæ, hoc est, Papæ matrem appellabant, quod cum in alijs locis, tum in oppidō quoque Brigenſi in Silesia accidit, in quo tātum est inſequenti nocte, tamque subitum incendium conſecutum, ut magna pars non inelegantis oppidi, intra quatuor ferè horas flammis vlticibus cōflagraret. Quamuis autem in uicina ei domo, in quā

Hosius

Hosius diuerterat, flamma sumpserit initium, dedit tamen hoc Dominus innocentis Hosij meritis, vt flamma quidem circumcirca adiunctas domos depasceretur, domū autem ipsam tanti hospitis conseruatricem, non attingeret, sicut olim B. Germano in simili incendio accidisse memoratur. In Italiam autem ingressus à summis & Principibus viris honores accepit plane extraordinarios; cū non spem futuri beneficij, sed quod in habendis honoribus spectari debet, illustria in Dei Ecclesiam, tanti viri merita, & antea actæ vitæ laudes, quibus iam erat toti serè orbi notissimus, respicerent; sibi que etiam gratulari videbantur, quod in Hosij meritis superiora sæcula viderent, & opera Sanctorum, quæ in Ecclesiasticis annalibus legebantur, in hac etiam prope deposita Reipublicæ Christianæ parte, oculis ipsi suis aspicerent, &c.



DE VITA HOSII

LIBER TERTIVS

CAPVT I.



OMAM Nouembre mense cū
venisset, acceptus est, summa
cum cærimonia, publica totius
vrbis gratulatione, sed aduen-
tum eius, sicut olim Augustini,
flagellum ægritudinis corpo-
ralis excepit: vt sicut alijs multis & magnis me-
ritis, sic patientiæ quoque laudibus abundare
monstraretur. Quo maiore autem studio suc-
cursum ijs omnibus cupiebat, cum quibus vel
in Germania vel in Polonia vixerat, hoc maio-
re zelo animique contentione pro omnium sa-
lute, in hoc Ecclesiastici imperij domicilio, vn-
de salus ad cæteros dimanare consueuerat, la-
borabat: ac pro eo quoungebatur Senatoris
& Cōsiliarij Apostolici munere, dies ac noctes
eū animo suo reputabat, quibus præterea mo-
dis subleuari possent inclinata orbis Christiani
rationes. Quamobrē eleemosynis & orationi-
bus sese præcipue muniebat, clamans subinde
ad Dominū; O sapientia, quæ ex ore altissimi
prodiisti; veni ad docendū nos viam prudētiæ.
Egentium autem inopiam largissimis eleemo-
synis reficiens, quorum semper greges antè
basyl-

basilicam & in basilica Principis Apostolorū videbantur, quibus Aureo Vngaricos nummos, singulos singulis in ipsa aurora, ne se perderet, vt numerarentur, mandabat, quod etiam per nos fuit alacriter executum.

CAPVT II.

QUoniam autem hoc tempore religiosissimū olim Angliæ Regnū Elisabethæ Imperio tenebatur, quæ à teneris annis prauis hæreticorū erroribus imbuta, subiectos sibi populos in eandē pernitiē impellere, pœnis præmiisque propositis contendebat, omnibus machinis Catholicorum constantiam expugnare, et ex omnibus Regni sui finibus, eam religionem, quam, vna, sancta, Catholica, Apostolica, Romana, profitetur Ecclesia, exterminare cum puluisculo, quod aiunt, conabatur, de salute huius quoque Regni, quod non superioribus tantum sæculis, sed in hac quoque deposita Reipub. Christianæ parte, tam insignes viros, Martyres, Confessores, Doctores Ecclesie Dei peperisse meminerat, cœpit esse valde sollicitus, si quo pacto posset eo vnde discesserat ad Ecclesiæ Catholicæ gremium societatemque reuocari. Quamobrem eius sibi gentis studia & voluntates & animos magis atque magis adiungere cōtendebat: ad consuetudinem suā, sapilissime etiam ad mensam familiariter adhibere.

bebat, ac pijs suis & religiosis colloquijs & cōhortationibus, alios in fidei Christianæ confessione cōfirmabat, alios ad exilium Christi causa susceptum, fortiter & animose tollerandum inflammabat. Quos in tetro carcere propter Christum detineri Elisabetha cognouerat, eos litteris grauissimis, sicut olim Christi Confessores, sanctus ille Martyr Cyprianus, cū aliter non poterat, consolari non cessabat. Viros quoque eius nationis optimos & doctissimos, in suis intimis habere contendebat. Thomam Goduelum Episcopū Asaphēsem Nicolaū Sanderum, Thomam Stapletanum, Alanū Copum, & alterum Guilelmum Alanum & Audoenū Ludouicum Archidiac. Cameracē Vendonium I. V. Doctorem. Qui verò generis claritate ceteros antecellebant viros militares, fluctibus religionis ex patria sua pulsos, & in alienis terris iacentes, quos in maiorum suorum vestigijs stare oportebat, eos quoque fortiter in ferendo exilio, & fortunarum detrimentis, magno & claritate sua digno animo tollerandis, tum Regni cœlestis immortalibus donis propositis, tum operæ studijque sui, denunciatione excitabat. Inter quos tum præcipui fuerunt, Richardus Nortong. Franciscus Ingilfildus, Thomas Coppleus & Richardus Scelleus, Magnus Angliæ Prior. Alium re, aliū consilio, alium commendatione, omnes charitate vere Christiana subleuabat, tanquā Christum

stium ipsum in illis exulantem , & egentem aspiceret. Magnas pecuniarum summas à Pon. Pio. V. ad eos reficiēdos impetrabat. Ipse quoque ex suis angustiis , & in vrbe nonnullos & in Flandria & in Gallia Christi causa exulantes subleuare non cessabat.

CAPVT III.

PAr studium in Suedorum animis huic S. Se di adiungendis adhibebat . De Rege præsertim Suecię Ioanne Tertio ad Ecclesiam Dei reuocando, vehemētius laborabat, ita vt in vul tu, in fronte, in oculis, in sermone & consuetudine hominum, nil aliud præferre videretur, quàm ardens & inflammatum Regis & Regni Christo lucrifaciendi desiderium . Quibus uigilijs, quibus sumptibus pepercit, quæ cōsilia nō excogitauit, quæ Gregorio xiiij. Pont. (iam enim in cælestem patriam Pius V. Pont. laudatiss. & omnium sæculorum memoria ac prædicatione dignissimus abierat) non suggestit? quibus lacrymis, quibus eleemosynis Dei misericordiam implorauit? Legat qui uolet epistolas cum ad Reginam Iagelloniam Catherinam, fæminam Catholicissimam regis Sueciæ coniugem, tum ad ipsum quoque Regem semel & iterum scriptas. Singulæ sententiæ, singula penè verba zelum ingentem & in-

incredibilem sitim salutis repræsentant ; adeo vt vilem sæpe duceret lucis huius vsuram si modo morte sua Regis huius Regnique vniuersi salutem repræsentare potuisset . Venerat in Vrbem ex Suecia Serenissimæ Catholicissimæque Reginæ Catherinæ Jagelloniæ minister Paulus Cremonensis, vt de quibusdam negotijs ad religionem constituendam pertinere cum Pontifice & Hosio transigeret. Quo gaudio, qua lætitia hominem exceperit, difficile est explicare. Sed cum redire in Sueciam vellet, & propè adesset dies Cōuersionis S. Pauli Apostoli, detinuit hominem atque ad Ecclesiam sancti Pauli, via Ostiensi deduxit; ibique in capella, vt vocant S. Brigittæ, ex Regibus Sueciæ oriundæ, oblato cum multis lachrymis sacrificio, & effusis ad Dominum feruentissimis illis precibus prostratus in terram, pro Regis Sueciæ conuersione supplicabat : ac deinde Paulum & litteris & cæteris munusculis pietatisque illecebris onustum ad Regem, ad Reginam, & liberos dimisit, bona spe plenus futurum, vt in die Conuersionis sancti Pauli, in Ecclesia eiusdem nominis, in capella sanctæ Brigittæ, accedentibus vtriusque precibus Regis Sueciæ conuersio impetraretur : & obtinuit etiam, vt Rex ille aliquot adolescentes in urbem ex Suecia mitteret; vt in Cathedra vnitatis viam veritatis discerent, quam deinceps in patria sua seminarent. Patres quoque Societatis

tatis Iesu, vt in Sueciam mitterentur procura-
uit. Serenissimā Poloniæ Reginā, vt de conuer-
sione affinis sui Regis ipsa quoque laboraret,
perpetuis litteris fatigare nō destitit. Ioannem
Herbestum, qui fuit Regine à sacris contio-
nibus, nouis consilijs armare quotidie non ces-
sabat, quibus posset, cū ipsius Regis animū,
tum procerum voluntates, ad amplectendam
vel saltem audiendam sanam Ecclesiæ doctri-
nam inuitare: & est per Dei gratiam huius sui
studij & laboris, aliquem tamen fructum, con-
secutus. Nam & de Primatu Romani Pontifi-
cis à Lutheri sentētia Rex discessisse videbatur,
& missio in Urbem Oratore suo, auctoritatem
eius & dignitatem agnouit, & maiora in dies
promittit.

C A P V T III.

DVm Hosius in vrbe pro vera Christi fide
laborat, hæretici in Germania, hoc est
molles Lutherani, quorum dux & auctor est
Philippus, cum rigidis Lutheranis, quorum Ni-
colaus Gallus, de ineunda prius inter se cōcor-
dia, atque de oppugnanda deinceps Ecclesia la-
borabant, in Aldemburgensi quodam collo-
quio, vbi vtriusque partis ministri & quorun-
dam Principum oratores laici, iudices videlicet
cōtrouersiarum Ecclesiasticarum egregij, con-
uenerant. Cuius colloquij acta omnia typis
man-

mandata cū legisset Hosius, gratulatus est vehementer Ecclesiæ Dei quod, magis ac magis diuisum esset cor eorum. Tantis enim odijs, tantis maledictis certabant inuicem, tot anathematismos secta contra sectam pronunciauit, vt maiore odio & impetu, magisque furenter, Ecclesiam Catholicam & doctrinam illius non fuisse persecuti viderentur. Cæterum hoc tulit molestissimè, quòd vtraque secta scèdissimo homini Luthero, Christum & Paulum in omni sermone & oratione admisceret, & eandem Christo & Luthero authoritatem & potestatem tribuere uidebatur, verbi gratia. Sic docet Christus & Lutherus. Paulus & Lutherus, Ioannes & Lutherus. Matheus & Lutherus. Ac non sine quodam stomacho solebat sæpè dicere. Accusant nos hæretici impietatis & Idololatriæ. Sed quæ potest esse maior & verior, magisque genuina Idololatria, quàm Lutheri vel Caluini verbum eodem loco quo Christi, quo Pauli verbū habere, illudq; pro Dei verbo adorare? Quod Deus per se, per Apostolos suos, per Ecclesiā sponsam suā loquitur, id pro figmentis hominum; quod autem Sathanas per Lutherum, Caluinum. Bezam, & alias hominum quisquilijs phanaticosq; spiritus loquitur id pro Dei verbo & Euāgelio Christi recipere. Ac author etiam fuit Nicolao Sandero Theologo suo, vt librum totum accuratius expèderet. & refutaret, illum præsertim de iustificatione

articulum, in quo sibi cati & prudentes videbantur illi disputatores, veramque illis ad unitatem & concordiam viam & rationem ostenderet. Et hoc etiam tempus maxime omnium idoneum esse reputabat, in quo Lutheri sectatores, de verbo Dei inter se maximè dissentiebant. ut utrique parti ostenderetur, quod neutra verbum Dei intelligeret, quod non alibi, quam in Ecclesia Dei inuenire liceret: cum præsertim audire fuissent voces quorundam in illo ipso Aldemburgensi colloquio, quod citius se adduci pateretur, ut in Papæ Romani quam in Philippi vel Eberi sententiam descenderent. Quamobrè author esse cœpit laudatissimo & omnium sæculorum memoria & prædicatione dignissimo Alberto Banariæ Duci, Catholicæ fidei Propugnatori feruentissimo, ut is operam suam apud Augustum Saxonie Ducem interponere veller, posteaquam utramque Lutheranorum partem audiuit, tanta animorum acerbitate inter se contendentem; ut audire quoque vellet Catholicorum de utrisque sententiâ, & quid Ecclesia Dei, de his articulis sentiat & doceat, de quibus ita pugnabant ij, qui ab illa discesserunt. Certe, ait, aliquem inauditum condemnare, habet magnam iniquitatis rationem. Audiret saltim Catholicorum quoque rationes. Cognosceret, num vera sint, an falsa, quæ de Romana Ecclesia cominiscuntur. liberum erit nihilominus amplecti, quod voluerit, aut
si ipse

si ipse Dux tantopere à Catholicorum nomine & consuetudine abhorreret, saltem in subiectis sibi oppidis, & in aliquibus ciuitatibus liberam facultatem prædicandi Euangelij Catholicis concederet. sperare se in Dei misericordia, quod non ita magno negotio cognosceret, nō Dei, sed Diaboli, non Christi sed Antichristi uerbum esse id, quod siue à rigidis, siue à molli-
libus Lutheranis prædicatur. Ac arripuit hanc occasionem animo planè libentissimo pientissimus Bauariæ Dux, multumque apud Saxoniæ Ducem, vt liberam prædicandi facultatem concederet Catholicis, laborauit. Verum non est in medico semper, vt releuetur æger. Curā faucij habere; non curationem facere, iubet Euangelium. Spes est in Domino, quod hæc vtriusque sollicitudo suo tamen tempore optatos exitus consequetur. Neque enim existiman-
dū est, minorem eum de salute proximorum curam in cœlis, quàm cum interis nobiscum viueret, habiturum esse. Magna autem Hosio cum isto Principe, familiaritas & consuetudo intercedebat, cum propter studiorum & consiliorum similitudinem, tum quod apertè coram hominibus Christum vterque confitebatur. Et solus propemodum esse in Germania videbatur, velut quædam arx Catholicorum; receptaculum eiektorum; castellum sacerdotum & religiosorum omnium. Eos enim, qui molli brachio rem religionis agunt, qui nec fri-
P 2 gidi,

gidi, nec calidi sunt, in eodem nocentium gradu & ordine reputabat, qui Christum & Belial, qui Lutherum & Ecclesiam, hæreses cum recta fide, singulari quodam artificio, ex intima arte secularis prudentiæ deprompto, in vno Regno, in eadem domo, in vno eodemq. hominis corde, recte posse coalescere, & sine periculo tollerari in animum induxerunt: quos optimus & doctissimus Ederus Imp. Cōsiliarius Germanica lingua Hoffschristen, hoc est, Aulicos Christianos, Latini verò cū D. Augustino temporales siue temporificatores appellant: qui rebus suis fortunisque saluis & omnibus ad libitum fluentibus, pro veteris Cathol. religionis integritate & dignitate, ne manum quidem verterent, quales olim etiam in Aulis veterum Imperatorum, erant Eunuchi homines improbi & versuti. Principum adultores & gaudentes mutationibus & cōfusionibus. sicut scribit D. Athanasius. Horum consilia quæ similitudinē tantum gerunt speciemque vtilitatis, re autē & veritate nocent plurimum, vt fugerent Reges terræ & Principes huius sæculi, per litteras hortari monereque non destitit, & quæ de iis in sua illa Euangelica inquisitione scripsit Ederus, ea per nos in Latinam linguam conuersa, tum Germanicè etiam descripta mittebat, atque vt sectam istam fugerent obtestabatur. Olim dicebat, in Ecclesia Dei legebatur, Deo seruire, regnare est, & qui regnare cupiebant,
Dei

Dei gloriam & Ecclesiæ vtilitatem promouebant. Nūc isti Ialoui, hoc est, macilenti Catholici, aliam scripturam Principes huius sæculi docuerunt, quam re magis exequuntur, quam verbis prædicant, hoc est; Tempori seruire, regnare est. Deo seruire, est regnum perdere. Vnā esse putant Deo candelam offerendam, ut sit propitius. Diabolo duas, ne noceat. Quo Reipublicæ Christianæ in cōmodo. quo religionis detrimento res ipsa loquitur. Et vsus est aliquando his quæ sequuntur verbis cum ad quēdam Catholicum Principem, sed valde tepidū scriberet. Quid faciam hoc rerum statu. Maledictus homo, qui confidit in homine, & ponit carnem brachium suum. Benedictus qui confidit in Domino, & erit Dominus fiducia eius. Nolo deinceps iam in Principibus confidere; de quibus verè dixit Propheta. Quod non est in eis salus. In te spem omnem meam defixam habeo Iesu Christe, fili Dei viui. Te supplex inuoco, te precor, vt miserearis nostri. Tolle cæcitatem hanc, qua percussi sumus, ex oculis nostris. Illumina vultum tuum super nos. Conuertere nos, & auerte iram tuam à nobis. Valeāt isti Principes, qui religionis nullam curam gerunt. Tu Deus in adiutorium meum intende, & ad adiuuandum nos festina. Domine salua nos perimus. Vana est salus hominis. Domini est salus.

CAPUT V.

Epis copos etiam & alios Ecclesiasticos uiros Christianæ Religionis ~~deseruit~~ per Epistolas Catholicas, sicut olim faciebant, Dionysius Corinthi Episcopus. Cum in Polonia, tū in Germania sine intermissione hortabatur, ut intrepidè Christi causam contra Christi crucis inimicos tuerentur, & qui tepidiores erant, eos vere Panico timore correptos esse dictitabat, quòd id vnum tantum laborare viderentur, ne panem, ne census, ne redditus amitterent, quocunque tandem loco res religionis versaretur. Puerorum hoc esse proprium referebat, qui latronibus domum fodientibus & preciosa quæque rapientibus & vitæ insidiantibus, non modo non resistunt, verum etiam arrident. ac tum demum vociferari incipiunt, cum eis calathum, systrum, vel aliquid ludicrum abstulerint. Indignum esse cum Augustino memorabat, quod Episcopi huius temporis frequenter nollent dicere. quod teste scriptura possent dicere. timentes videlicet ne loquentibus eis offendantur, qui veritatem non possint capere, & non timentes, ne tacentibus illis, qui veritatem possunt capere, falsitate capiantur. Nec magis verbis hortatus est, quàm exemplo præiuit. Nam cum illo ipso tempore Sigismundus Rex bellum contra

tra Moschos suscepisset, datis ad Hosium litteris precibus illius & sacrificijs, susceptam expeditionem, & vniuersum imminentis belli progressum & diligenter & studiose commendabat. Cui Hosius (o Episcopum natum Ecclesiæ, memorem sui nostris, imitatore inque maiorum) Euangelica planè libertate usus, modò non iisdem verbis, quibus olim Isaacius monachus Valentiniano Imperatori in bellum profecturo, respōdit. Quo vadis Domine mi Rex, quo vadis ? Noli permittere subditos tuos contra Deum rebellare, & ipse faciet contra te bella cessare. Ille est, qui barbaros in te concitauit : nam & tu subditos tuos Deo rebelles, quia non reprehisti, concitasti. Noli existimare, euerio in tuo imperio Christi Regno, Regnum tuum stare posse diutius. Immo verò metuo, ne flagellum iræ Dei sit ille ipse, contra quem bellum suscepisti, & erit tibi certè valdè durum contra stimulum calcitrare. Alteri quoque cuidam Principi in faciem restitit, non minori libertate, cum ad alendos milites ex bonis Ecclesiarum & Monasteriorum ingentem auri & argenti vim contrahere decreuisset. Maiores, inquit, nostri ad bellum profecturi, bona sua & possessiones Ecclesijs & monasterijs relinquebant, vti in prælio caderent, facultatibus eorum, Christi sacerdotes potirentur, si redirent incolumes ad bonorum suorum possessionem reuerterentur. Vix au-

tem esse auditum, vt qui sua bona pijs locis assignauerant, in prælio succumberent, sed victores vt plurimum euadebant. Alio quoque tempore, cum auctoritate Pontificis quidam expeditionum & negotiorum administer abuteretur, & errori suo voluntatem Pōtificis obtenderet dicens, Papam omnia posse. Sed non potest (ait Hosius) plusquā Deus. de Deo autem scriptum. legimus, quod non Deus volens iniquitatem tu es. Itaque nec Pontifex iniquitatem velle debet, etiam si omnia possit.

CAPVT VI.

Moliebantur interim in Polonia hæretici, nescio quæ separationis consilia inter Regem Sigismundum & Reginam Catherinā, Ferdinādi filiam, quæ si ad finem perduxissent, magnam vniuerso Regno, & Christianæ religioni securim inflixissent. Sed adest semper Ecclesiæ suæ Deus: qui Hosium excitauit, vt istorum conatibus obuiam eundum esse existimaret; & Regni senatores primò, deinde ipsum quoque Regem, ad commune hoc quasi incendium extinguendum inflammaret, qua de re in eam sententiā alicubi scripsit. Totus perhorresco, cum, quæ consilia capiantur, & quæ sint hominum cogitationes, audio, quæ nō alio spectare videntur, quàm ad euertendas, quas hic habet fortunas maiestas Regia, ad existi-

ma-

mationem illius, quin & Regni totius salutem
labefactandam & conuellendam, denique ad
multorum animas, tam facientium, quàm con-
sentientium in profundum barathri demergen-
das. Non credo, quod ullus fuerit à sæculo
pestilētior hæreticus, quàm impius ille Bernar-
dinus Occhinus, qui, num etiā Deus esset, aut
num vlla rerum humanarum cura tangeretur
in dubium ausus fuit reuocare. Huius tamen
hominis nefarij consilij in patria nostra locus
dari dicitur: quæ si, quod absit, progressum ha-
berent: etiam elementa cōtra nos insurgerent,
nec tam atrox facinus ferre possent. Totum or-
bem concitaremus contra nos, & opinione no-
stra celerior, certissimus Regni totius interitus
sequeretur. Quamobrem, quantum Regiæ ma-
iestatis Regnique totius salutem conseruatam
cuperent tantum eniterentur, vt his pestilen-
tissimis consilijs obuiam iri queat, quo totus or-
bis intelligat, quæ sparsa sunt, esse vanissima,
nec vlla de re minus in Polonia, quam de hoc
tam execrando flagitio cogitatum fuisse. Regiæ
quoque maiestati diligenter supplicauit, vt na-
scentis mali initia opprimeret, nec aures vllò
pacto præberet eorum turbulentis consilijs,
qui Reges & Regna perdere non dubitant, vt
fidem Catholicam simul euertant. Tanti facio,
ait, ad eūdem Regem scribens, & fortunarū &
animæ præsertim Vestræ maiestatis salutē, vt
mihi salus illius mea ipsius salute charior non
sit.

fit. neque dubitauerim de gratia apud M. V. quin & de corporis mei salute prius in dubium venire, quam ut aliquid eorum prætermittam, quæ ad salutem V. M. conseruandam pertinere putarem. Nosse me iam debet M. V. quandoquidem totis iam annis fere 40 Maiestati Vestræ, simul & D. Parenti illius ita seruiui, fidem ut illi meam & integritatem satis probasse videar. Fumos istos, quibus multorum oculi perstringuntur, ambiui nunquā; quod scit ipsa. M. V. immo ut ad alios transferentur petui, quod ipsum & Romæ feci ante annos. 12. Et quamuis totos 15. annos in aula Maiestatis Vestræ diuique parentis illius fuerm versatus, nunquam tamen aulicè loqui, vel scribere didici; nec tam priuatis meis rationibus, quod hominis cati & aulici esse uidetur, quàm publicis cauendum & consulendum putau. Facilius autem Episcopus, cum per 22. annos ab aula abessem, ac totus sacris libris euoluendis, quibus nihil est cum illa commune, immeritus fuisset, longius ab ea scribendi consuetudine, & ab his moribus, quos aula requirit, tui re morus. Quo maiore venia dignus esse videor, si solita mea simplicitate, apud M. V. in scribendo & dicendo vtor. Non contra te, o Rex, scripsi, quod scripsi. Pro te saluteque tua scribo, quicquid scribo. Memento, o Rex, per quem regnas: memento, cuius minister es: memento, pro quo gladium portas: memento rationem tibi reddendā esse,

esse & cogitationum, & actionū tuarū omnium:
non solum autem tuarum, sed & eorum, quos
regendos suscepisti populorum, coram illo ius-
tissimo viuorum & mortuorum iudice Chri-
sto. Non poteris tibi dicere, nolens feci: ignorās
feci, coactus feci. Ecce ego, quamuis indignus
tamen sacerdos & Episcopus tibi anuncio, hoc
quod agitur, quod tibi suggeritur, ad id com-
paratum, & institutum esse; vt religio pri-
mum, deinde Regnum quoque hoc tuum euer-
tatur: quibus euersis quid de te futurum sit,
cogita. Non enim subtrahet personam cuius-
que Deus, qui est vere omnium dominator,
nec verebitur magnitudinem cuiusque, quo-
niam pusillum, & magnum ipse fecit, & æ-
qualiter est illi cura de omnibus, fortiori-
bus autem, fortior instat cruciatio. Quamo-
brem, quod olim in simili negotio M. V. re-
spondit omnibus regni consiliarijs; quid impe-
dit, quominus & nunc clanculariis istis con-
siliarijs respondeat? Quid prodest homini, si
mundum vniuersum lucretur, animæ vero suæ
detrimentum patiatur? aut, quam dabit homo
commutationem per animam suam? Non tanti ti-
bi fuerat Regium diadema, non regni tam
ampli, tam copiosi, non tam adiunctarum illi
terrarum imperium, vt eorum amittendorū
metu faceres, quod facere te salua fide, religio-
neque tua, non posse putares. In eadem plane
te quoque nunc esse sententia, palam omnibus
osten-

ostende. Non admittit ratio fidei Christiane al-
legationem necessitatis. Nulla est necessitas
delinquendi, vbi vna est necessitas non delin-
quēdi. Fortior enim est vnus Deus, quàm mille
millia legionum diabolorum & hæreticorum
omnium. Ponant illi contra cœlum castra, or-
dinent contra te acies, tu semper habebis cō-
militonem Deum. Malo, Serenissime Rex, scri-
bere salutaria, quam blanda, malo vera, quam
grata. Et fideli Senatore atque seruitore, &
adulatore atq; assentatore, me Rex meus nū-
quam vtetur: cum hæc duo simul consistere
nequeant. Quod olim scripsi, idem etiam nunc
dico. Si, quod pro sua misericordia, p̄ocul
Deus auertat, de sublimi Ecclesiæ turri laben-
tem Regem Dominum & benefactorem meū
viderem, etiam si certa mihi mors esset oppe-
tenda, Christo tamē robur mihi suppeditante,
corpore meo ruentem excipere, & illius inte-
ritu salutē eius redimere nihil haritarē. Qua-
mobrem te quoque supplex oro, Domine Iesu
Christe, Saluator & redēptor noster, per acer-
bissimam & ignominiosissimā crucem tuam, &
gloriosam resurrectionem tuam, auerte pestē
hanc a nobis, & libera nos ab hac tanta igno-
minia, & a grauissimis Diaboli tentationibus.
Dissipa consiliu Achitofel. In te semper a pue-
ro meā spem & fiduciam habeo collocatam,
nec vnquam ea sum frustratus, nec nunc me
frustratum iri confido. Exaudi preces seruorū
tuorum

tuorum & miserere nobis. Et est ad extremum
consecutus id, quod optabat Hosius, & pij om-
nes desiderabant. Nam illa separationis con-
silia, in spongiam, quod aiunt, incubuerunt.
Eodem ferè tempore, in ciuitate Craccouien.
officinam nequitiae, & omnium blasphemiarũ
diuersorium, in domo, quam materna lingua
Brog, Latina aceruum dixeris, incredibili im-
portunitate & audacia vsi heretici, in honorem
dei sui Caluini, & semidei Beza, instruxerunt; in
qua Christum mendacij arguerent, qui dixit
accepto pane, Hoc est corpus meum: et acce-
pto calice, Hic est sanguis meus: & magistros
suos sacramentarios adorarent: qui dicere ausi
sunt, Non est verum, quod dici veritas, Hoc est
corpus meum, Hic est sanguis meus. Quae res,
quantum dolorem Hosij animo attulerit, ex
Epistolis quas ea de re multas, ad Regem, Epi-
scopos, nuncios, Palatinos, ceterosque cum au-
toritate viros conscripsit, & ad reprimendam
haereticorum audaciam inflamauit, petere quili-
que potest. Ad regem certe Sigismundum his
eũ verbis vsũ esse legimus. Ego nullis, o Rex,
laboribus, neque vigilijs parco, dum inservire
V.M. Regniue commodis & tranquillitati cũ
aliquo fructu, contendo. Sed me conantem id
facere, nemo magis impedit, quã ipsa M. V.
Quid igitur faciã? Nisi demoliri soloque æqua-
ri abominationem illam, templum illud Bies-
fouij, hoc est, Sathanæ fabricatum (Bies enim
lingua

lingua nostra Diabolum significat) iusserit , quandoquidem rumor ea de re , magis atque magis percrebrescit , vix in conspectum hominum audebo prodire. Quę enim nota V. M. maior inuri potuit , quę Regno maior infamia adferri , quam vt totus mundus videat , quod in primaria Regni ciuitate , conuiuente M. V. Biessoyia vviarka , hoc est Sathanę vel Bezę fidicula propagatur ? Biessoyij templum fabricatur ? Bies pro Deo colatur ? nec est quisquam qui prohibeat , nec est vlla potestas in terris , quę tã effrenatam hæreticorum audaciam coerceat . Stupenda res est , quod ita Diabolus metuitur , quod ita Deus contemnitur , & pro nihilo ducitur . Supplex oro . M. V. per viscera misericordię Dei , ne ferat abominationem istam , ne dicatur illud , quod illi populo ab Elia dictum esse legimus . Vsquequo claudicatis in duas partes ? si Dominus est Deus , sequimini eum . Si autem Baal , sequimini eum . Si Christus Deus vobis est , sequimini eum , credite illi dicenti . Hoc est corpus meum . Sin autem Antichristus Geneueñ Deus est , sequimini eum , & prophetis eius credite dicentibus , Non est verum quod dicit veritas , Hoc est corpus meum . Quàm longe distat cœlum à terra , tã longe distat Christi corpus ab hostia consecrata . hæc enim fuit vox istius Biesij , cui templum ædificatur Craccouię in illo conuentu , quę Regina Gallię Posiacci celebravit : quam cum audiret ho-

mo

mo quidam Christianus, Quomodo credat, inquit, Bies iste, Christum esse in Eucharistia, cum ne in cœlo quidem esse Deum credat? Et hic est ille deus Bies cui nunc temp'um Cracouix fabricatur. Certe, o Rex, duos Deos, ut coli patiaris in civitate tua, cum primis horrenda & abominanda res est. Non est Deus nisi vnus, non est fides, nisi vna, nec Ecclesia est nisi vna. Si feres duos Deos, cito videbis duos reges, cito videbis totius Regni interitū, Vnus est solus & verus Deus. Deus patrum nostrorum, Deus patrum nostrorum. Cui vero tēplum Cracouix ædificatur, Antichristus est, non Christus. Et ut Regem magis etiam permoueret, ad facinus audendum pro Christo, ex Theodoretō, Sozomeno, & Metaphrastē exempla collegit, vbi Gainas trux quidam Scythia, & Arrianus, ab Imperatore Arcadio vnū ex sacris templis suæ Lectæ dari postulauit: quod tamen Imperator negauerit, & quā fortiter Gainæ conatibus diuinus ille Chrysostomus restiterit. Addidit etiam marginales, ut vocant, notationes, in quibus illius temporis Gainam ostendit esse, Palatinum Cracouicē hæreticum; Regem autem, ut Arcadius esse voluit, admonet, & Ioannem Chrysostomum desiderari deplorat. Theodosij verò contra hæreticos legem, quā Ioannes coram Arcadio producebat, Sigismundi primi Regis legem esse memorabat, anno Domini 1524.

Cracc.

Cracc. latam, qua pro officio Christiani Principis subditis suis in Regno cæterisque dominis constitutis præcipit, ut eam ipsam religionem à Patribus ordinatam, ac per sanctam Romanam Ecclesiam directam, atque à maioribus nostris per manus traditâ, ac per se denique gentes suas multo sanguine & clarissimis victorijs (gratia Deo) hætenus defensam tenerent, atque a labe hæretica his temporibus in vicinia emergente, integram & immaculatam conseruarent. Solebat autem in his curis, cum earum mole & varietate premeretur, sæpe dicere. Quod vita priuata nil esset felicius, & inter alia præclara Gregorij magni Pont. dicta illud quoque omni laude & dignum iudicabat, quod Romanus Pont. vocari cœperit seruus seruorum Dei. Quanto enim quis in altiori gradu dignitatis constitutus esset, hoc plurimum commodis & vtilitatibus seruire consulereque teneretur. Nam in domo iusti viuents ex fide, & adhuc ab illa cœlesti ciuitate peregrinantis, etiam qui imperant, sicut ait Aug. seruiunt eis, quibus videntur imperare. neque enim dominandi cupiditate imperant, sed officio consulendi, nec principandi superbia, sed providendi misericordia. Et scripsit etiam Cardinali Comendono, cum priuatam adhuc vitam ageret. in hæc verba; Beatus es, cui tantum oculi datur, ut & legendis libris, & absentibus etiam amicis per litteras salutandis vacare possis. Inuideo tibi

tibi beatum istud ocium tuum, quo tu isthic tranquilla mente teneris, nec mihi ynquam crebrius in mentem venit Horatianum illud carmen; Beatus qui procul negocijs &c. quē hoc tempore quo versor in istis fluctibus negotiorum, ex quibus vtinam emergere aliquando liceat. Crede mihi, quod me magna iam cœpissarietas huius fabulæ, quam nūc ago, nec aliud magis cupio, quā, vt ad illius catastrophē quā cellerrimē peruenire liceat, ac vtinā rebus ex animi sententia confectis, prius oues meas visendi mihi potestas concedatur, quā ad Concilium venire sit necesse.

CAPITULUM VII.

Tantum autē hoc studium, tam ardentem Regiæ salutis & dignitatis conseruandæ voluntatem, non viuenti solum & regnanti declarauit, sed mortuo quoque quantam salutis eius sempiternæ curam gereret, luculentissimis argumentis comprobauit. Cum enim, de transitu illius ad beatorum sedes nuncium, accepisset, animo planē moderato, sed oculis, dolorem internum ostendentibus; Rex, ait, meus & benefactor meus mortuus est. Sit nomen Domini benedictum. Sit nomen Domini benedictum. Tibi Domine, Regis & benefactoris mei animam, & orbatæ patriæ rationes, valde commendo. Non secundum peccata nostra

nostra facias nobis, neque secundum iniquitates nostras retribuas nobis. Piorum quoque vota & orationes Deo amabilium sacerdotum & religiosorum virorum undique colligebat, ut continuis precibus, & sacrificijs, defuncti Regis animam, diuinę misericordię commendarent, & copiosis eleemosynis per Monasteria & Hospitalia pauperum distributis, iter in cœlestem patriam benefactori suo patefacere contendebat, nec solum Sublaci, ubi tum temporis menses æstiuos ducebat, verumetiam in isto quoque Ecclesiastici Imperij domicilio, in hac orbis terrarum luce, solemnes & Regia magnificentia dignas, regio plane apparatu, celebritate, pompa, laudatione, trophœis, imaginibus ornatas, exequias in Ecclesia Sancti Laurentij in Damaso instruxit, quas præsentia sua ferè 40. S. R. E. Cardinales, multique alij viri Principes cohonestarunt & 112. mendicos, pullis vestibus donatos, tum tria ferè pauperum millia, quibus viritum pecuniam distribuendâ curabat, ad preces tantò ardentius pro defuncti Regis anima, ad Dominum effundendas incitabat. Sermōnem præterea de laudibus Regis à Resciò, pro concione recitatum conscripsit, vobis ne prorsus vllam grati & acceptorum beneficiorum memoris animi significationem prætermitteret. Erat enim huius quoque officij, sicut cæterarum virtutum obseruantissimus, & solebat apud se eorum amicos, affines, nepotes

res, cognatos, alere, rationesque eorum cupi-
 diſſime promouere, a quibus olim aliquod, vel
 minimum beneficium accēpiſſet, vt Macicio-
 uios, Tomicios, Choinios, Sereniſſimæ quoq;
 & pientiſſimæ Reginæ Poloniæ, Annæ Iagiel-
 loniæ, negocia, cum propter defuncti fratris
 merita; tum propter eiufdem in ſe liberalitatē,
 quæ in Regno Neapolitano, propter ademptā
 per miniſtros Catholici Regis hæreditarē ma-
 ſternam, Bareñ videlicet & Roſaneñ Principa-
 tum, tanto ſtudio, tanto ſeruore, tanta conten-
 tione, cum apud S. Sedem Apoſtolicam, tum
 apud Sereniſſimum Catholicum Regem Phi-
 lippum promouebat, vt nihil vnquam viderim
 ardentius. Prorſus enim omnes grati, & me-
 moris hominis partes, vultu, fronte, oculis, ſer-
 mone, ſcriptione, prædicatione, cumulatiſſi-
 mē, expleuit. Et nobis in hoc quoque ſe valde
 imitandum præbuit.

CAPVT VIII.

Q Vanta autem deinceps ſollicitudine, quo
 conatu laborauerit interregni tēpore, vt
 in locum defuncti, Catholicus, Chriſtianus, &
 Orthodoxus Rex eligeretur, vel, vt ipſe ſolebat
 dicere, poſteaquā Domino viſum eſſet, innoua-
 re dies noſtros, & ad aliam familiam Regni
 Poloniæ coronam transferre, vt innouaret, ſi-
 cut a principio. Quis poſſet curā illam, & ſol-
 litudinem, quis orationes, lachrymas, ſuſpi-
 ria,

ria, studia, consilia, animique contentione pro illius dignitate memorare? Quo maioribus periculis obnoxias esse videbat in patria sua Catholicæ religionis rationes, quam hæretici, omnibus suis copijs & opibus, oppugnandam & opprimendam susceperant: quo plus illis Interregni tempore, quod libebat, licebat, quod licebat audebant, quod audebant, impune ferebant, hoc ille minus in humano præsidio totam spem, & fiduciam suam in Dei misericordia, & miserationibus eius multis, nimis collocandam putabat. Et cum illoquoque tempore ad specum S. Benedicti Sublacensem, æstus euitandi causasecessisset, solitudinis illius beneficio usus, & dies & noctes sæpe integras, in oratione Dei, & in excogitandis rationibus placandæ iræ diuinæ consumebat, tum etiam in eruendis, & suggerendis salutaribus consilijs, cum ipsi omnium communi Patri, & Pastori Gregorio xiiij. Pontifici vigilantissimo, tum etiam Regni Poloniæ consiliarijs, Rescio quoque suo eo ipso in loco maxime auctor esse cœpit, ut Deo per sacerdotium consecraretur, & oblato incruento sacrificio, patriæ quoque suæ rationes. Diuinæ misericordiæ commendare non cessaret: quod cum aliquandiu, ob maiestatem muneris, & suam in rebus, & functionibus Ecclesiasticis infantiam detrectaret, darique sibi abundi facultatem peteret, in aliquo secessu, ab aulicæ turba remoto, sacerdotem agere prius disce-

discerēt, quā illotis, vt aiunt manibus, ad obeū
da munera sacerdotij accederet. Vix tandem
post aliquot dierum cōtentionem per illos ad-
mirabiles & doctissimos viros, re & veritate
Doctōres Theologos (faciebant enim quod
docebant) Nicolaum Sanderum Anglum, & Ia-
cobum Paez Hispanum Societatis Iesu, pau-
corum dierum inducias, ad sese recolligendum
impetravit; ita omnis mora visa longa Hostio
fuit; vt quāplurimos in eū ordinem cooptaret:
in quo possint Deo Patri misericordiarū eius
corpus & sanguinem offerre, cui nil negare cō-
suevit, & per quem solitus est nobis donare
omnia. Illas autem supplicationes, Letanias
vocamus, quas in omnibus Urbis Ecclesijs, pro
felici Regis electione impetranda, piissimus
Pōtifex instituerat, Deus bone, qua animi prē-
sentia, quo seruire, quanta spiritus vehemen-
tia quotidie recitabat? Vidimus orationis
cursum lachrymis in terram defluentibus in-
terruptum. Vidimus genas madentes, ad extre-
mum etiam vidimus tantarum lacrymarū, vē-
lut quendam partū consecutum. Electus enim
erat communi omnium Regni ordinum con-
sensu & volūtate, verē Christianus Catholicus
& Orthodoxus Rex Henricus Dux Andegaue-
nus, Caroli ix. Galliarum Regis Christianissi-
mi frater, qui praelia Domini a teneris annis
praeliari didicerat, multisque iam erat victorijs
& triumphis de Christi Regis que sui perduelli-

bus Hugonotis reportatis, per orbem Christianum illustratus, & illo ipso electionis tempore Rocellam hæreticorū asylum, & omnium perditorum receptaculum, ferro et armis oppugnabat. A quo cum in Polonia quoque sibi metuerent hæretici, ne Christi Regnique statuta debita in eos executioni mandare vellet, ad alias condiciones, quæ Regi electo cum Regno simul offerebantur, ut pelli perfidiaq. suæ consulerent eam quoque adiunxerunt, quamvis toto repugnante ordine Ecclesiastico, & multis alijs Catholicis & nobilissimis equitibus, ut iuramento interposito promitteret, quod pacem inter dissidentes de religione esset conservaturus (hæc enim sunt, propria confederationis verba) neque propter diuersitatem fidei aut mutationem in templis sanguinem effusus, aut poenis affecturus, siue confiscatione bonorum, ademptione honoris, carceribus, & exilio etiam si quis hoc ipsum prætextu decreti, aut aliquo iudiciali processu, attentare vellet. Quæ hæreticorum contentione, cum ex amicorū litteris Hosius cognouisset, nullum non mouit lapidem, nil prorsus intentatum reliquit, ut nefariam istam conspirationem, aduersus Dominum & aduersus Christum eius factam, & omnem illius progressum impediret. Legat qui vellet epistolas, ea de re, & copiose & eleganter scriptas, & eiusdem Confœderationis excussione & de quatuor in ea considerandis, Zeli pe-

ne

ne incredibilem, & consilij abundantiam, ve-
reque Episcopale curâ & sollicitudinem, in om-
nibus illis scriptis perspiciet. Ac profectus ipse
quoque in Gallias fuisset nascenti malo obui-
aturus, si id illi facere per ingrauescentem æta-
tem licuisset Sed non potuit tamen se contine-
re, quin Rescium suum mitteret, qui post factâ
gratulationem electo Regi supplicaret, vt sui
maiorumque suorum Regû Christianissimorû
similis esse vellet, nec vllis se vel precibus, vel
minis, vel contentionibus adduci pateretur, vt
iuramento interposito promitteret, quod in Re-
gno Poloniæ, præter fidē Catholicā, Romanā,
aliā quamcumq; perfidiā impune tollerare vel-
let. Multo atrocius esse dicebat hoc, quod isti
petūt, quàm quod olim petebat Herodias sal-
tatrix. Illa petebat caput Ioan. Baptistæ, quo
nō surrexit maior inter natos mulierum, à pro-
prio corpore separari; isti vero saltatores, ex
vna perfidia in aliam saltitantes, Christi cor-
pus, cuius corrigiam calciamenti soluere ipse
Ioannes dignum se non esse confitetur, in mul-
tas & minutissimas partes diffecari, & iuramen-
to præterea Regio sibi cauere cupiūt, nullā per
eum vnquam medicinam adhibitam iri, vt re-
integrari possit: & qui gladius, quod sceptrū
ad eos coercendos, qui vnitatem Christi cor-
poris Ecclesiæ diuidunt, à Deo datus est, eum
illi eripere conātur, vt liberum vnicuique fiat,
quascunque fiduculas velit quotidie eudere, ex

vna saltare in aliam; sacerdotium, sacrificium
 & omnem cultum; quo Deus agnoscitur, ab-
 rogare, Sanctissimā Trinitatē impune blasphemare.
 Machometi perfidiā amplecti, Dei; filiū
 Christum esse negare. Admonebat, ait, S. ille
 Rex & Propheta eos, qui cū summa potestate
 versantur. Et nunc Reges intelligite, erudi-
 mini qui iudicatis terram. Seruite Domino in ti-
 more. Nunc isti saltatores, diuersam cantilenā
 Regibus suis occinunt. Non intelligite, aiunt,
 nec erudiimini, qui iudicatis terram, non ser-
 uite Domino in timore. Tunc enim Reges ser-
 uiunt Domino in timore, quando ea quæ con-
 tra iussa Domini fiunt, religiosa seueritate pro-
 hibent. Aliter enim seruit potestas, quia homo
 est, aliter quia & Rex est. Quatenus homo est,
 seruit viuendo fideliter, quatenus autem Rex
 est seruit leges iusta præcipientes, & contraria
 prohibentes, conuenienti rigore sanciendo
 & pridem sancitas executioni mandando, si-
 cut seruauit Ezechias Rex Niniuitarum, Da-
 rius, Nabuchodonosor, & alij. In hoc ergo
 seruiunt Reges Domino, quatenus sunt Re-
 ges, cum ea faciunt ad seruiendum illi, quæ
 non possunt facere, nisi Reges. Et tamen isti
 contra expressum Dei verbum, quod quotidie
 iactitant, volunt cogere Regem suum, vt ne
 Domino seruiat in timore. Cumque proprium
 sit Regis potestatē Regiam ad cultum Dei ma-
 xime dilatandum famulam facere, isti contem-
 dunt

duñt, vt eam famulam faciat ad minuendum
Dei cultum, & ad omnem pietatem propul-
sandam. Nulla Regis virtus est magis propria,
quàm iustitia, qua suum cuique tribuitur. At
quæ potest esse iustitia, quando permittit, vt
vero Deo, creatori, tollantur homines, cuius
creaturæ sunt, & subdantur immundis dæmo-
nibus, vt in eos libere grassari queanti? Existi-
matū olim in Germania quoque fuisse, quod
pax esset inter dissidentes de religione statim
securura, post initum fœdus illud Sinalcaldicū;
sed quæ bella, quàm minime bella, quam hor-
rendæ clades, loco pacis consecutæ sint, euen-
tus ostendit. In ipsa quoque Gallia, quid tot
tam multæ paces tantaque conniuentia pro-
fuerit, ad comprimendam hæreticorum auda-
ciam, domestica exempla docuerunt. Non sic
maiores nostri, cum vicina nobis Boemia ab
Ecclesiæ corpore se segregasset. Fœdus enim
ipsi quoque inter se apud nouam ciuitatem
Korczijn inierunt, non vt errores Bòhemorū
reciperent & impunè tenerent, sed vt eos pro-
pulsarent, & si quis recepisset, contra eum in-
surgerent & punirent. Nec est quod quisquā
speret, pacem vllam inter dissidentes esse posse,
nisi prius tollatur dissidium. Isti autem contra
ipsam quoque rerum naturam contendunt, vt
durante dissidio pax seruetur. Quamobrem
suadere se Maiestatī suæ, pro fidelis subditi &
consiliarij, & pro Episcopi quoque & Cardi-
nalis

nalis officio, & rogare, vt obturet aures suas
ad hæreticorum importunas petitiones, & eis
nulla circuitione vsa respondeat: se nescire
Deum nisi vnum, nec fidem scire nisi vnā.
Quicquid est extra vnā fidem, non fidem,
sed perfidiam esse. Perfidiam vt approbet, se
nunquam facturā, rē videlicet & persona suā,
& anteacla vita, & Christianissimis suis maior-
ibus, auis, proauis, atauis, abauis, indignā. Hoc
autē curā sibi futurum, vt quicumque se diui-
serunt à Christi corpore Ecclesia, & varijs
atque peregrinis doctrinis adhæserūt, eos in-
struendos curaret in spiritu lenitatis, & in eam
à qua deflexerunt viam reuocandos, ab ijs,
quorum id proprium est munus, Episcopis &
sacerdotibus. Nullum præter solius Dei meritū
præ se ferat: eo se prohiberi dicat, quominus
eorum iniquis postulationibus loci quicquam
det. Poterit etiam polliceri, quod cogitet om-
ni lenitate clementiaque uti: modo ne velint
ea abuti. Nullam seditiā præ seferat, sed neq;
lentitudinem. Sic felicius & quietius eis popu-
lis imperabit, à quibus cum hac ipsa spe ele-
ctus Rex esset, vt maiorum fidem fartam te-
ctam conseruaret, Regiaque sua potentia tue-
retur atque defenderet.

CAPVT IX.

HÆc & alia multa eius generis consilia
& per litteras & per Relsium, electo
Regi

Regi Henrico proponebat. Christianissimo quoque fratri eius Carolo IX. Galliarum Regi & Reginae matri Catherinae supplicabat, ut ne tantum facinus designari paterentur. Ceteros quoque Galliae Principes urgere, mone-
re, rogare, obtestari non cessabat, ut in idem studium incumberent, & Regem electum ab eo iuramento auerterent, quod ab illo exigebant haeretici. Idem summo suo studio conatuique laborabant duo amplissimi, & sapientissimi viri Gregorij xiiij. ad praedictos Galliae & Poloniae Reges Nuncij, Antonius Maria Salviatus & Vincentius Motis regalis Episcopus, qui postea in sacrum S.R.E. Cardinalium Collegium ab eodem Pont. cooptati, Ecclesiae Dei plurimum afferunt & utilitatis & ornamenti. Sed cum plerisque Galliae principibus visum nihilominus esset, ad adeundam pacificam Regni Poloniae possessionem vehementer expedire, ut aliquid haereticorum furoribus clamoribus, quae concederetur, & quam tantopere cupiebat pereundi licentiam, ea illis autoritate Regia tribueretur, dici non potest, quantum vicissim dolorem ex ea re Hosius acceperit, quem etiam datis ad Regem in haec verba, & ad alios etiam multos utriusque Regni Principes litteris testatus est. Quid scribam, aut quomodo nescio, sed nec loqui scio. Quod factum est probare non possum. Itaque cum ipse nec scribere iam nec loqui scio, eius qui per excellentiam quandam

dam à Græcis Theologus dicitur, viri doctissimi sanctissimique Epistolam ad Nectarium Constantinopolitanum M. V. mitto, quam, ut sibi legi iubeat supplex oro. Nam, quod ego, si præsens adessem disturus fuisset, diceret hoc vir ille sanctissimus atq; doctissimus. Ego nil aliud habeo quod dicam, quam peccatum esse grauer. Hoc me consolatur, quod non Herodem Regem habemus, qui quod impie promissit, maiore cum scelere adimpleuit, sed eum quem ad Regem David accessurum, quam proxime spectamus. Iurauit & ille se Nabal occisurum, cum quadam etiam execratione, sed magna cum laude sua, quod incautè iurauit, non præstitit. Supplex M. V. peto. sicut peccando Petrum est secuta, sic & pro peccato suo satisfaciendo Petrum imitetur. Misit etiam illi descriptum locum Augustini, qui sic habet. Peccasti, quod defendis te, loquendo. Loqui vis? patere, audire, cede diuinis vocibus, ne turberis & amplius vulnereris. Commissum est, ne defendatur: in confessionem veniat, non in defensionem. Adhibes te defensorem peccati tui, vinceris. Quis enim es, ut te defendas? Idoneus es ad accusandum te, noli dicere, aut nil feci, aut, quid magnum feci, aut, fecerunt & alij. Si faciendo peccatum, nihil te dicis deliquisse; nil eris, nil accipies. Paratus est Deus dare indulgentiam, noli opponere obicem defensionis, sed aperire finem confessionis. Quæ omnia, tantum abest,

ut optimi Principis animum offenderent, ut da-
vis ad Hosium exitinere, cum in Poloniam pro-
ficisceretur litteris, in oppido Isenacho, pro libe-
ra admonitione, ex optimo, ut ait, animo profe-
cta, & Epistola Gregorij missa gratias egerit: &
his præterea verbis in illa ipsa Epistola, utere-
tur. Quod si Domino bene iuvante, ea me ob-
servantia nobilitas Polona colet, quæ hæcenus
Reges suos persecuta est, non despero fore,
quin in vitæ meæ & religionis rationem intuens
malit Principis sui, ad exemplum veræ & an-
tiquæ pietatis, laudem retinere, quâ novis quo-
tidie opinionum fluctibus misere exagitari &
obruï. Ac fuisset proculdubio id etiam conse-
cutum, nisi cum mors Caroli Regis fratris ex
Polonia in Gallias recurrere compulisset. Sed
& ipse Rex Carolus, fateri publice coram Re-
gni sui Principibus non dubitavit, se pridem de
Hosij Cardinalis sanctitate, & eruditionis præ-
stantia constanti omnium sermone celebrata
cognovisse, multamque gratiam laudatissimis
eius lucubrationibus debere, quod earum le-
ctio, multo plures in Regno suo, in fide Ca-
tholica retinuerit, & errantes ad viam reduxe-
rit, quam hæc arma uniuersa, & terrores belli-
ci, quibus eos oppugnabat. Regina quoque
mater nobis audiens testata est, quod ele-
ctione filij sui in Regem Poloniæ sanctissimis
Hosij precibus & orationibus acceptam fere-
bat; cuius omnia vota & studia ad hunc finem,
spe-

spectasse non ignorabat, vt patriæ suæ charissæ Regem Catholicū & orthodoxū à Domino impetraret. Sed & ipse Rex electus Regni Poloniæ accessionē tāto sibi gratiorem accidisse testatus est, quod cum Regno Hosium tantum Episcopum, antiquis illis patribus annumerandum nactus esset, cuius etiam consilijs niti vellet, & orationibus & sacrificijs eius se Regnumque suum diligentissime commendabat, quin & hoc etiam per litteras, & per Rescriptum postulabat, vt omnem administrandi regni rationem exactissime perscriberet, ac de iuuanda præsertim religione, salutaria consilia suggereret, quod etiam Hosius fecit diligentissime, proposito Sigismundi I. Regis exemplo, qui Regnum Poloniæ per 40. annos, iuste, clementer, sapienter, & moderatè gubernabat, & heroum virtutibus & exemplis ad imitandum abundabat. Sed hæc omnia cōsilia vt diximus immatura Caroli IX. mors perturbauit. Cum enim non totos quinque menses in Regno Poloniæ vixisset, ad hæreditarium Galliæ Regnum magnis itineribus recurrit.

C A P I T U L U M X.

E Adem planè libertate, eodemque animo & consilio ad Christum apertè confitendum, ad eandem Romanam Apostolica voce laudatam

datam constanter retinendam, & tuendam atque ad omnia separationis consilia fugienda; hæresesq; extirpandas, & Maximilianū. II. Rom. Imperatorem, cum ad capeſſanda Regni Polonia gubernacula vocatus eſſet, & Stephanum Barthorem Regem Polonia hortari monereque non ceſſabat: cui in quadam epiſtola ſic loquitur. Quid ei dato iuramento promiſeris, per quem capiti tuo Regni corona tuit impoſita, teneſ, o Rex, proculdubio memoria. Sed nec illud oblitus es, quo ſacramēto fidē tuā obſtringeris, quod eſſes Regni Conſtitutiones inuiolatas ſeruaturus: in quibus ne qua fierent Conuenticula, qualia nunc ſibi licere volunt hæretici, neue quas hæreſes impunē profiteri liceret, piē religioleque ſancitum eſt. An autem tu pugnātia iurares? an ex eodem ore calidum & frigidum efflares? an aliud ſtans aliud ſedens promitteres? Non cadit hoc in iſtam tuam omnibus teſtatam pietatem, grauitatem, conſtantiā. Mihi quidem certum hoc eſt, & indubitatum, nō aliud tibi propoſitum fuiſſe, cum iuxta præſcriptam formulam iurares, quam vt exterminaris ex Regno tuo hæreſibus, quę pacem perturbant, quę bella ſuſcitant, pacem ſolidam, & perpetuam conſtitueres, & ſeruares: quod etiā vt facias, exigit à te Deus ipſe, qui ſecūdam intentionem iurantis, non recipientis, iuramenta iudicat: qui propterea voluit vnum te tot myriadibus hominū in Regno præceſſe, vt ſeruares
vni.

vnitatem Spiritus in vinculo pacis; hoc à te supplices quoque precantur omnes pii quotquot in fidem, potestatemque tuam se contulerunt. Hactenus Hosius. Ac vtinam patriæ nostræ religiosissimus, ille, & gloriosissimus Rex Stephanus Princeps & benefactor meus clementissimus imperare, quam diutissime potuisset, frenos furoris sine dubio Christi perduellibus iniecisset: cum præsertim omnia prius mansuetissima consilia pertentaerit, vt armatum contra Catholicos animum deponerent, Cæterum is ad beatorum sedes hoc ipso fere tēpore euocatus est, quo nostra hæc, Romæ in lucem hominum edebātur. Rex omnium sæculorum memoria & prædicatione dignissimus. Omnium plane Regiarum & hæroicarum virtutum laudibus, & exemplis ad imitandum abundans. In Ecclesia Dei plusquam sacerdos. In Republica plusquam Rex. In exercitu plusquam Imperator. In acie plusquam miles. In iudicio plusquam Iuris consultus. In dicendis sententijs plusquam Senator. In aduersis ferendis plusquam vir. In publica tuenda libertate plusquam Ciuis. In amicitijs colendis plusquam amicus. In conuiuio plusquam familiaris. In venenatione plusquam Leo. Digni fortasse non fuimus, qui his laudibus cumulatam Regem & Dominum ad multos adhuc annos haberemus. Det illi Dominus successorem quem optamus, acerinum Catholicæ veritatis

is propugnatores. Nostra autem ad Hosium
nostrum reuertatur oratio.

CAPVT X I

A Gebat interim Hosius annum ætatis 70.
quo visum est sapientissimo Pontifici
Gregorio XIII ad vtilitatem Ecclesiæ Catho-
licæ valde pertinere, vt in ligandis & solu-
endis pœnitentium peccatorum conscientijs, Ho-
sio administro vteretur. Quamobrem munus
ad illum Maioris Pœnitentiarij detulit eo tem-
pore, quo menses æstiuos, & ardorem cæli Ro-
mani apud specum S. Benedicti Sublaceñ Ab-
batia, sicut olim Basilus Seleucię apud S. Te-
cle templum declinare consueuerat: nec minus
quicquã, quam istius dignitatis accessione ex-
pectabat. Quam etsi renuebat initio constan-
tissimè, victus tamen non minus constanti vo-
luntate Pontificis, deliberand saltem spacium
concedi sibi postulabat, vt sedens, sicut salua-
tor præcipit, computaret sumptus ad huius mu-
neris amplitudinem, cum vtilitate proximorũ
sustinendam necessarios; tum vt vires quoque
suas examinaret, vtrum posset peccata populi,
concoquere, quæ plusquã cæteros sacerdotes
& Cõfessores comedere, vt ait, scriptura, Maio-
rem Pœnitentiarium oporteret. Verum ad ex-
tremum cedere tandem coactus est Christi Vi-
cario, qui huius sui consilij hanc præcipuam

rationem fuisse testabatur corā aliquot S. R. E. Cardinalibus, quodd ei rectē committi posse, peccatorum alienorum curam iudicabat, qui proprijs peccatis & infirmitatibus quā minimū grauaretur. In quo etiā munere administrādo tantam adhibuit charitatem, lenitatē, celeritatem, facilitatem, vt nulla alia potestas desideraretur ab his, quorum conscientijs salutare medicinas adhibebat. Cū in Basilica S. Petri ad audiendas Confessiones, cum alijs Pœnitentiarijs & Confessoribus assidebat, Deus bone, qui concursus hominum? quæ reuerentia cani illius venerandique capitis? quæ deuotio videbatur in populo? tanquam vnū ex antiquis Patribus annumerandum virum, intuebantur, & capita sub virgam eius Pœnitentialem, vt vocant, cum omni deuotione submittentes peccatorum veniam implorabant. Et quoniā in annum sanctum, quem Iubilæum vocant, huius muneris administratio inciderat, quo magna vis hominum, ex diuersis mundi partibus, ad sanctorum Apostolorum limina confluebat, post spirituales consolationes, magnā quoque ex Hosij præsentia & aspectu consolationem capiebant, cū illa ætate, dignitate, pietate, eruditione, illa gloria, & celebritate virum, Christi in terris Vicario, in resignanda porta sancta, vt vocant, quod quinto & vigesimo anno summa religione & incredibili caritominia maiores nostri confici voluerunt, ceteriq;

aliiq;

illius anni & temporis officijs adiutorem & ministrum adesse videbant. Et auditum est hoc à viris fide dignis, quòd in quibusdam Galliae prouincijs cum pro contione, & in scholis, & in eruditorum congressu, Hosij scripta citari commendarique audirent, existimabant virum hunc, ante 300. vel circiter annos vixisse: què, cum postea superstitem cognouissent, Romam, vt eum viderent, plerique etiam cum incommodo rei familiaris aduenerunt, quorum etiam aliqui summi beneficij loco officium hoc accipiebant, cum illis ad osculandas Hosij manus aditum patefaciebamus. Hieronymus quoque Oforius, tanti nominis & doctrinæ Episcopus, cum ex Lusitania Romam aduenisset, nullo puncto temporis interposito, Hosium ante omnes alios accessit, ac ab eo ad Pontificis pedes osculandos deduci voluit: idque in summi beneficij loco magnaue suæ felicitatis parte reputauit, nobisque audientibus tantum sibi ab Hosio honorem habitum esse gloriatus est. Abbates quoque & Definidores Capituli Generalis Cisterciensis famę celebritate, quæ Galliam vniuersam peruagata erat, permoti, cum ipsi quoque vitam Hosij ad publicam totius Ecclesiæ vtilitatem pertinere intelligerent, in suo Capitulo Generali Cisterciensi, communi omnium consensu decreuerunt, vt in toto ordine per vniuersum orbem disperso, pro vita Hosij orationes haberentur, & eum præterea,

propter innumera in ipsorum Ordinem merita & singularem amicitiam, quæ illi cum laudatissimo illo Cardinale Clareuallensi Hieronymo, maiorum suorum, & sanctissimi Patris Bernardi Clareuallensis imitatore fidelissimo & integerrimo intercedebat, ad participationem, ut aiunt, communionem, associationem, omnium bonorum, spiritualium Missarum, Vigiliarum etc. admiserunt. Sed & in ipsa Vrbe omnium, ut ait ille, gnara & nihil reticente non defuerunt, qui pileolo Hosij, cuiusdam, furibundi hominis capiti imposito, vim mali propulsatam existimabant. Scio aliud aquam quam in sacrificio missæ manus abluebat, ad mitigandos articulorum dolores adhibuisse. Penè autem innumeri fuerunt, ex Germanis, Polonis, Anglis, Sclavis, qui summi muneris loco habebant, siquid secum ex rebus, quæ in usu Hosio fuerunt, ut biretum, pileolum, libellos, & id genus, in patriam asportare potuerunt, alij manus tantum eius characterem, in libellis sibi charissimis habere voluerunt. Tanta per orbem Christianum erat Hosiani nominis celebritas, ut si cognomen hoc à maioribus suis non accepisset, id ipse sibi tanta sua virtute integritateque peperisset. Quamobrem sæpe etiam à viris Catholicæ religionis studiosis & coram & per litteras rogabatur, ut in hac quoque ultima ætatis suæ parte plures adhuc libros velut Cygneas quasdam cantiones, ad
vtri-

utilitatem Ecclesiæ Dei, & confusionem hæreticorum conscriberet, verum ille memor, quod sapientia admonet, Fili, caue multos componas libros, & ore tuo properes, sicut in omnibus antea actæ vitæ studiis, sic in hac quocumque parte virus illud virtutum, inanem gloriâ, maxima sibi cura esse fugiendam putavit. Nā quod ad publicam utilitatem attineret, cuius causa, nullum vnquam laborem sibi defugiendum esse existimabat, nil à se præterea excogitari posse dicebat, ad defensionem Catholicæ veritatis, quod in libris iam editis, nō produxisset in mediū. Et fuerunt ipso vivente bis & trigies, in variis orbis Christiani locis impressi. Romæ, Parisijs, Lugduni, Antuerpiæ: aliquoties Colonia, Louanij, Moguntia, Craccovia, Venetiis: in Gallicam etiam, Italicam, Germanicam, Anglicam & Polonicam linguam translatus: ut tanto commodius & efficacius in animos omnium gentium & nationum, salutaris Ecclesiæ doctrina penetraret. In Armenicam quoque linguam, traductos fuisse, ex sermone doctiss. & integerr. Cardinalis Sirleti, accepimus: ita ut mihi sæpe venerit in mentem, existimare, quod istos tam utiles & salutares libros, sicut olim de quodā Gregorii Thaumaturgi scripto creditū est, mater ipsa Dei virgo Maria Hosio dictauerit, vel quod de suo Basilio scriptum Theologus reliquit, in pixide Spiritus sancti calāmun suum scribens intinxerit.

xerit. Quocumque te verteris, quodcumque le-
 geris, statim occurrit, quod lectorem in admi-
 rationem raperet, nisi inter paria legeretur,
 Nunquam à veritatis regula, nunquam a tra-
 mite Catholicæ fidei aberravit, & existima-
 tum est hac quoque tempestate nostra in Se-
 ptétrionalibus illis partibus, quod olim in O-
 riente de Gregorio Nazianzeno Rufinus Pre-
 sbyter existimatū esse memorat. Quod non es-
 set rectæ fidei, quicumque in fidei regula cum
 Hosio non concordaret, idque nos etiam a Gui-
 lielmo Lindano Episcopo Ruremundēsi, viro
 doctrinæ & pietate laudibus cumulado, &
 nunc Christi causa exulanti, (Episcopatu enim
 suo ab hæreticis spoliatus est, vir quem in ani-
 pla fortuna & dignitatis gradibus stare oport-
 tebat;) audiuius, quod in Germania nefas
 esse Catholicis videatur in rebus religionis
 Hosii sententiæ refragari. Audiuius etiam
 a viris fide dignis, quod Hosii libris, propter
 admirabilē vtilitatem quam legentibus adfe-
 rūt sic erat insensus Cōdeus ille Christi Regis-
 que sui nobilissimus perduellis, vt 600. simul
 exemplaria, a quodam Bibliopola Parisiensī
 emeret, & statim in platea vulcano corrigē-
 da traderet: ipsi quoque authori par exitium
 est comminatus, modo nō iisdem verbis vsus,
 quibus olim Arrianum hæreticum de D. Hie-
 ronymo, cuius imaginem in templo Syōngla-
dio transuerberauerat, vsum esse legimus. Ita fe-
 cissēm

ceissem si te viuum tenuissem. Non solum autem authoritatis pondere, & vtilitatis vbertate, Hosij scripta cumulata sunt: sed tanta quoque verborum facultate lenitate, gratia, elegantia abundant, vt implectum esse in eo videatur quod dicit scriptura. De ore prudētis procedit mel, dulcedo mellis est sub lingua eius. Et alio loco. Doctrina prudentum facilis. Et vir praterea quidam doctus, integer scelerisque purus, saepe in hac vrbe solitus sit dicere. Quod diffusa esset gratia in calamo eius; ita vt in oratione quidem alter Meletius, quasi mel Atticum, in actione vero & conseruatione, id quod vocabatur Hosius, id est sanctus appareret. Sed istam orationis puritatem, vitæ castitas precipue faciebat; vitæ castitatem orationis puritas commendabat. Nam in hac quoque parte Hosius se nobis præbuit imitandum. Ab infantia namque domum suam in eo constituerat castitas, & continentia radices fixerat in profundis. Virum se esse nisi per patientiam laboris & dolorum contemptionem ignorabat. Carnem habere, nisi cum moriturum se meminerat, nesciebat: immò paucis antè mortem annis, ex quadam occasione, confitentem ac Deo gratias agentem audiuius, quod illius magna misericordia & Angelorum eius fidelissimæ custodia, & incemeratę Virginis Marię precibus factum esset, vt integritatem corporis sui conseruaret, nec vllam vnquam mulierem cognouisset, quo

tempore hoc etiam addiderat: Ego a teneris annis mundum istum, & vanitates eius fugiebam, sed me semper nihilominus mundus sequebatur.

CAP. VII. XII.

Cum autem in reliqua vita mitissimus esset, & in omni suauitate humanitatis versari per iucunde soleret, ita ut exandescerentem, ne nos quidem vnquam, qui in illius intimis eramus per 20. annos viderimus. Idque etiam epistola quadam sua testatur vir notissimæ pietatis, verbo & opere potēs, & in nos suauiter effusus Alphonsus Salmeronus, vnus ex illius sociis atque discipulis, qui primus Pauli & Ioannis Apostoli præcepta secutus, fideles Dei in societatem filii eius Domini nostri Iesu Christi conuocauit, totque tam pios tam doctos, tam utiles, tam necessario tempore filios & defensores, Ecclesiæ Dei peperit, Patris Ignatii Logiolar. Sic enim ait; Hoc sane testare possum, ex quo per bonitatem tuam, quæ summa est, licuit mihi iucundissima consuetudine tua uti, nunquam te vel subitatum, vlloue exandescentiæ motu perturbatum, cognoscere potuisses, etiam si causæ non deessent, quæ animum tuum, ut vel aliorum multorum merito irritarent, & commouerent. His, inquam, moribus, ea lenitate, tantaque animi moderatione cum præditus

prædictus fuerit Hosius, visus ille tamen nonnullis est in defendenda religionis causa, & in hæreticorum studiis & consiliis oppugnandis asperior; nec est vnquam in eo, ex vlla alia causa, maior animi commotio depræhensa, quàm, cum videbat hæreticis licere quod libebat, audere quod licebat, nec esse, qui eorum animos audacia & impudentia præfidentes refrenaret. Verùm Christi charitas, cuius facibus vehementer vrebatur, in hominis corde cum Propheta loquebatur. Clama, ne cesses, sicut tuba exalta vocem tuam, & annuncia populo meo scelera eius. Facultates, ait Ecclesiasticus, & virtutes exaltans cor, & super omnia timor Domini. Et ipsum quoque Dauidem, laudi sibi dæcere meminerat, quod odientes Dominum oderat, & contra inimicos eius tabescebat. Perfecto, ait, odio oderam illos, & inimici facti sunt mihi. Quamobrem etiam gloriosus ille Christi Confessor Cyrillus Alexandrinus diuinum sacerdotem & omni laude dignum putat, cum apud Deum, tum apud homines, si non patitur quæquam contra Diuinam nugari gloriam, sed omnino tales, pro summis hostibus ducere studeat. Nouerunt qui hoc igne, charitatis fideique zelo inflammati aliquando tuerunt. Modus in eo est optimus, modum nescire. Nā quoniam in vita hominis fides in Deum sanctissimā esse putat, quomodo, quæso, potest eum æquanimiter tollerare, qui fidem ex animis hominum

num tollere , Ecclesiam eius scindere , ministros oppugnare , opprimere , obtruncare , templa spoliare ausus sit? Pudorem , & pudicitiam qui colit , non potest æquo animo istorum quotidiana adulteria , sacrilegia , stupra , incestus , meretriciamque disciplinam aspicere . Qui proximorum iniurijs , Regnorum , & Rerum publicarum , vastationibus doleat , quomodo potest in istos Imperiorum eversores , istos belli civilis vultus , istas fauces , per quas non Dominica , sicut falso iactitant , sed Lapitarum cœnæ , & conuiuia transeunt , quorum consilia & studia omnia his duobus verbis exprimi dicebat. Hosius , Sursum Deorsum , non commoueri? Qui Romanum Pontificis , & Episcoporum est sacerdotum iura , dignitatem , autoritatem , libertatem , sanctam apud omnes haberi vult , is Episcopo , Catholico , Cardinali , Maiori Pœnitentiario non plus etiam quàm inimicus esse debeat , cum ad istum ordinem euerterendum , ad tollendam Ecclesiastici Imperij maiestatem , opprobria , conuitia , verbera , tormenta , cruces , supplicia , fixa parataque recordetur . Sciebat ille vir Dei , nunquàm esse tutius irasci & excandescere quàm , cum in amore nimio veritatis , & in reiectione nimia falsitatis aliquis irascitur , & excandescit . Nam qui , sicut aureum illud os præclare scriptum reliquit , non satiatur amore er-

ga Iesum , is nec vnquam satiabitur pugna
aduersus eos suscepta , qui Iesum oderunt. Et
Gregorius Nazianzenus : Nequaquam eum
feruorem damnare debemus , absque quo
nil fieri præclare , siue pietatem , siue vir-
tutes cæteras , spectes , potest . Et charis-
simus ille Gregorij vitæ studiorumue comes
Basilius scribens ad Satrapam Hæreticum .
In alijs modesti sumus , ait , & omnibus re-
liquis humiliores . Vbi vero Dei negotium
periclitatur , cunctis alijs contemptis , ad
Deum solum respicimus . Gladij , bestiar , vn-
gues , carnem diffecantes , potius delitiæ nobis
sunt , quàm tormenta . Ideo iniuria affice , mi-
nare , & omnia quæ volueris perage , ac pote-
state frui : sed & Rex audiat , nunquam adi-
get , aut efficiet , vt ad stipulemur impietati .

Quamuis non homines Hosius , sed hominum
errores persequebatur , & quo magis odio pro-
sequebatur errores , hoc magis diligebat ho-
mines , hoc magis ab erroribus exemptos cu-
piebat . Immo vitam ipsam pro salute pro-
ximi posuisset , si percussor adfuisset . Et
monebatur etiam hic in Vrbe aliquando à
quibusdam delicatulis , ne tam sæpe , tam a-
criter , tam liberè , Reges terræ , cæterosque
quicum potestate versabantur , ad Christum
apertè confitendum , & ad tollendas hæreses
hortaretur. Cramben bis positam esse mortife-
ram,

ram, & in aures Principum ea quę profunt cõ-
silia, ita nihilominus esse mittēda, vt etiam de-
lectent. Quibus ille, modo nō illa ipsa Chryso-
stomi verba respōdit, quibus eum in simili cau-
sa, & accusatione, vsum esse legimus. Me, ait,
melius est audacem à vobis, immitem, & inso-
lentem putari, quam quae Deo placent vos nō
facere. Tamdiu enim eadem dicere debeo, quā-
diu vos eadem peccabitis; quandiu veritatem
oppugnari, vnitatem scindi, Ecclesiam diuidi,
Deum in ordinem cogi patiēmini. Remedia an-
te vultis quā vicia desinere? Ego vero magis
etiam quia recusatis in hac contentione perse-
uerabo. Etiam inuitis profutura dicere non de-
sinam. Sterilis ager, vt aliquando seminanti
respondeat, quotidiana manu agricolæ vexan-
dus est. Malo mihi agri fertilitatem, quā meā
illi diligentiam & curam de esse. Forte vnum
ex tam multis aliquando verbum reliquorum
iacturam sarciet; fortē in animum audientis,
non in aures tantum descendet. Ac scripsit etiā
ad Othonem Truchesium Cardinalem in hęc
verba: Scio mihi zelum quendam inconfidera-
tum adscribi. Quem zelum habuerint alij qui
ante me munus hoc legationis obierūt, nescio.
Fieri potest, quod fuerit eorum zelus confide-
rator. Sed quorsum tamen res perducta sit in
his terris, per zelum hunc nimis consideratum,
nil opus est me scribere, cum res ipsa loquatur.
Si nondum rebus in hunc mundum exagitatis,
cre-

crefcente adhuc isto hæresis malo, nec ita, ut
nunc inueterato, paulo maiori zelo res acta fuisset, alius nunc esset terrarum istarum status. Sed hæc, ut insipiens loquor, Quæso, ut ferat insipientiam hanc meam æquo animo. Lenitatis laudem alijs non inuideo, sed nec ego sum tam asper, ut nonnulli existimant; nisi, quod fateor, ubi graui aliqua iniuria Christum affici video, ibi nonnunquam exardesco: neque tamen ita, ut modestiæ fines prætergrediar. Et certè, qui negocia religionis frigide agit mihi, non ex animo agere videtur. Et in alia quadam Epistola, ad Borromæum Cardinalem. Adscribitur mihi zelus quidam inconsideratus. Sed video quod aliorum zelus nimis cōsideratus eo rem perduxisse videtur, ut iam vix decima pars Catholicorum in his terris supersit. Mihi videtur illud esse verissimum, qui timidè petit, docet negare. Si quæ alia, tum Christi præcipue causa zelo agi vult, non valde considerato: qui dum nimis est consideratus, non valde proficit. Quamquam si quis est in me zelus, certè consideratior est, quam Christi causa, quam ago, postulare videtur. Nam & ego sum homo, & humani à me nihil alienum esse puto. Quæ cæteros homines, eadē & me nonnunquam mouent. Nec illud ignoro siqui religioni, ergo motus essent excitati, quod primus ego fortassis essem qui certum in discrimen vitæ vocarer. Quamuis autem pro fide Christique Ecclesia, si sal-

uus illius, morte mea representari possit, eodem Christo, vires mihi suppeditate, non inuius mortem etiam ipsam oppeterem; tamen ut ipse accersam mihi periculum, & ea consilia sequar, quæ mihi certum essent interitum allatura, nondum ita sum perfectus, ut id facere in animum inducere queam. Deinde vero, quamuis me parum ingeniosum esse libenter profiteor, non adeo tamen sum omni prorsus ingenio destitutus, ut non intelligam, si cuius magni Principis est animus nimis obfirmatus in sua sententia, quod nil apud eum profici possit, si quis durius agat, & non in spiritu potius lenitatis instruere conetur, quodque paulatim esset de sua sententia deducendus.

CAPUT. XIII.

Solebat autem eius quoque rei meminisse, quod cum illam Sancti Andreæ orationem (cui Ecclesia Varmiësis dicata est) inter quotidianas precum & orationum Ecclesiasticarum commemorationes recitaret, O bona crux diu desiderata, & concupiscenti animo præparata, ad subeundum aliquod eiusmodi pro Christo supplicium vehementius inflammabatur, sperareque se dicebat in Dei misericordia,

cordia, quòd tantam sibi gratiam concederet, ut si necessitas fidei Christianæ postularet, omnem vim & acerbitem & ipsam etiam mortem, patienter toleraret: adeò ut existimari possit, passus esse, quicquid pati potuit; nec illum martyrio, sed illi Martyrium & persecutorem defuisse. Verum ita Domino visum est, ut lento potius & longo, quam violento martyrio consummaretur: ut esset in orbe Christiano qui quam diutissime verbum veritatis, apud Reges terræ, summa cum libertate loqueretur, Quòd fides non est nisi una, & quicquid extra unam fidem est, non fides, sed perfidia est. Quod doctrinam veritatis posuit Dominus in Cathedra unitatis. Quod quisquis cum Romana Ecclesia & cum Xysto Pontifice in fidei doctrina non concordat, Christianus non est. Quamvis autem patria nostra tyrannum nullum (Deo sit gratia) tulerit, qui Holium martyrij desiderio flagrantem vexandum lacerandumque susciperet, inuenit ille tamen rationem, ne martyrij præmium, & meritum apud Deum amitteret. Solebat enim corpus suum, satis alioquin imbecillum, quoties oculos hominum effugere poterat, non uirgis solum & flagellis, sed nodosis etiam funibus, aut ferratis cingulis, acutisque & pungentibus spinis, vel quidquid eiusmodi ad manum veniebat, usque ad sanguinem in terram quandoque defluentem, lacerare: ut ista sese ratione, ad omnes

nes acerbitates, atque ad res ad patiendum, tollerandumque difficiles, fortiter & animose Christi causa perferendas exerceret. Ad extremum etiam cum ipse sibi non fideret, nimisque videretur infirmitati corporis sui indulgere, adhibere, præterea percussorem consueuerat, cuius ministerio, ad ultimam vsque vitæ suæ diem in castigando corpore utebatur, illius instar prophetae, qui socio olim suo dixit, percutem &c. Sed reliqua nobis in hoc genere cuius ipsi *ἀντίπαυρος καὶ σωτήρ*, exitimus, silentio tegenda veniunt. Virgas autem & nodosos funes ferratosque cingulos inter sua *κακία* semper allernabat, atque ad omnem occasionem expedita habebat.

CAPIT. VII.

Vixit autem annos septuaginta sex æquali ferè semper vsus valetudine: quos certe in tantis, vt diximus, curis & laboribus vixisse multum est. Sed verbum Domini mutari non potest, qui suo nobis digito scriptum reliquit; Honora patrem tuum & matrem tuam, vt sis longæuus super terram. Et Ecclesiasticus ait, qui deliquit in cōspectu Domini, incidet in manus medici. Valetudinem ille suā, bene ad ætatem adolescentiæ, & securam menti, quæ est quasi iuge conuiuium, non medicinarum præsidij tribuebat. Et sapientia quoque dixit: Qui odit

aue-

auaritiā, longi fient dies eius. Nunquā enim in animum eius, aut amor nummi, aut auaritiæ sordes inuaserunt. Etiam in hac propē iam acta ætatis suæ parte (quæ ei uicio plerumque succumbere consueuisse existimatur) usque ad extremum diem uitæ, hilaris semper dator, & propterea etiam Deo dilectus exitit. Qui domesticas illas impensas, egentium greges, liberalitatem in Collegia, monasteria, Hospitalia, in uiros doctos, scriptores, concionatores, quorum egestatem in Gallia, Germania, Flandria, Polonia, missa pecunia subleuabat, & in librorum suppellectilem, diligentius cum animo suo reputare voluerit, non poterit profecto non mirari, quomodo tam exigui census quos habebat, ad explendos tantos sumptus sufficere poterant. Sed illi adhuc necessaria sufficiebant; quia ad superflua & minimè necessaria, nullam eorum partem conuertebat: qua de re sic alicubi scripsit, doctissimus ille Theologus & Christi exul Nicolaus Sanderus. Nam ut de solis Anglis loquar, quis Romani venit ex vlla orbis parte, qui domum Hosij, non experiatur hospitium suum? Habent ibi locū suum Presbyteri, habent illustres, habent & milites, denique fratres etiam minores: etiam minimi, Hosij hospitalissimi Cardinalis nomē non minus diligūt, quā honorant. Germani, Angli, Bohemi, Vngari, Sclauī, Mosci, in domum Hosij, tanquam ad commune miseriarū,

perfugiū confluebant: neminē à cōspectu atq. à colloquio reiecit, sed cū portas domus & ingressum scalarū obsedissent, pro veteri sua cōsuetudine, audiebat singulos placidissime, libellos supplices ex omniū manibus ipse excipiebat; nec vnquam quenquā supplicante indonatū admittebat: immò sæpe verbis placidissimis, exilium, egestatē, nuditatē, & alia incōmoda, quibus se oppressos queritābantur, consolatus est. Sæpe etiam Resciū illis ostendens; Nolite, inquit, istū in Regnū cēlorū intromittere, si vos malē expe-
dierit. Innuens eos (sicut olim ad suos quoque familiares solitus erat dicere S. Oddo Abbas Cluniacē) paradisi esse ianitores, & coeli ostiarios, & propterea in honore habendos. Si quando autem solito pauciores conuenisse videbat, culpā omnē in suos referebat; quasi minus placidē minusue liberaliter veniētes acciperent, aut etiā domus suę aditu prohiberēt. Trecētos aliquando Moschos & Ruthenos Turcarū captiuos, per aliquot dies in domo eius, mēsa & prædio exceptos vidimus: cū in patriam suā post insignē illā & memorabilem Turcarum cladē, apud Naupactū à classe Christiana factā libertate donati, per urbem reuerterentur: quorum plerosq; etiā in fidei negocijs instruēdos curabat: & ad verū ac legitimū Patriarchā Cōstant. qui tum erat Scipio Card. de Pisis mittebat, ut hūc potius pro pastore Patriarcha; suo, quā illū quē se Constantinopoli vidisse & salutasse

gloriabatur agnosceret, ac ab eo benedictionē acciperent. Viatico quoq; singulos, vt poterat, subleuabat, ac vt à Pontifice quoq; subleuaretur; sæpe laborabat. Inueniebat eñ animus eius materiā liberalitatis, etiā in angustiiis paupertatis. Nō raro enim & hoc in Hosij domo accidebat, vt ad explēdas omniū indigentū necessitates pecunia deficeret, quod cū illi pecuniarum administri denūtiarēt; nō defecit vnquā, aiebat, apud me pro pauperibus Christi pecunia, neq; deficiet. Vēdite vasa, aut vestē aliquā, aut quidpiā ex domestica suppellectili distrahite, & pauperū necessitatibus sine mora succurrite, nec vnquā patimini pauperē indonatū ex domo mea recedere. Quā rem, cū aliquādo cognouisset, vir amixi excelsi iudicijq. maturitate laudatus, Christophorus Madrucus Cardinalis Tridentinus manu sua propria, in hęc illi verba ex oppido suo Soriano scripsit. Vix possū ex quo animo ferre, quod optimus Orthodoxę religionis patres & de Apostolica sede adeo bene meritus, cogatur propter rē angustā domi, ab Vrbe secedere, & cū illa veneranda canicie, versari in locis, quæ vix hyemali tēpore florida inuētus possit perferre, & pati donec penē ab vltima Thyle, & ab Herculeis colūnis remediū adferatur. O tēpora, o mores, Doleo ego mirū in modū, quod ea pręstare nō possū, quę gestiret animus adimplere; & q̄ sanctitas & eruditio tāta mereretur. Quod autē habeo, hoc Ill. D. V. offero ex corde

humiles has meas casas, & dimidium panem
 mearum qualiumcumque fortunarum. Non
 solum autem verbis obtulit, sed re, quod ob-
 tulit, praestitit, missa ad usum Hosij non
 contemnenda pecunia. Non ab simile offi-
 cij genus praestitit vir & natalium splendo-
 re & animi magnitudine excelsissimus Aloy-
 sius Cardinalis Estensis, & patruus eius Hip-
 polytus Card. Ferrariensis. Omnium au-
 tem liberalissime necessitatibus Hosij succur-
 rere consueverat, pientissimus Pontifex Gre-
 gorius xij. qui nonnunquam semotis arbitris
 in cubiculo suo, oblata sponte sua magna pe-
 cunia, summa cum benevolentiae paternique
 animi significatione, onustum a conspectu suo
 dimittebat, ut illi exercendae liberalitatis in ege-
 nos & inopes, quorum greges in illius domo
 videbantur, materiam ministraret.

C A P V T XV.

DE Polonis autem nostris quid dicam?
 quos paterno prorsus affectu & beneuo-
 lencia tanquam filios charissimos diligebat. Et
 cum ad officium Episcopi hospitalitatis quoque
 virtutem pertinere meminisset, valdeque de-
 corum esse, patere domos illustrium virorum, il-
 lustribus hospitibus, volebat ut ijs praecipue
 domus quoque sua apertissima & perhospitalis
 esset. Quamobrem saepe Regum & Principum
 ministros

ministros Romā vementes, sepè priuatos quoque nobiles & amicos, sæpè etiam egestate oppressos, & patronis testoque destitutos, domo hospitio, mensa, per multos aliquando menses excipiebat: consilio, auxilio, studio, te, opera quoscūque poterat, magna cū alacritate adiuuabat. Et cū essent Interregni tempore, quod mortē Sigismundi Augusti Regis Polonię consecutum est, tūm etiam propter grassantem in Lombardia pestem, omnia ferè itinera clausa, ita vt nec litteræ, nec pecuniæ, ex Polonia in Italiam importari possent, & multi Poloni nobiles in summa pecunię necessitate versarētur, vt illorū egestati succurreret, liberalitate sua, partem necessariæ suppellectilis, pro pignore tradere, & quam potuit pecuniam corradere maluit, quā eorum necessitatibus deesse: menstruumque, subsidium singulis assignabat, etiam si ipse quoque in eadem planctuui veheretur, & ijsdem infortunijs esset, quibus reliqui Poloni, expositus. Peregrinos autem & mendicos in domum suam recipiebat, faciens ex ea, sicut iubet Chrysostomus, Xenodochiū: segregās cellulam, statuēs lectulum, mensam, lucernam, tanquam Christum ipsum in ca recepturus esset: & alios præterea non paucos alebat quotidie. Aliquando simul omnes eadē mensa excipiebat, iuxta illud Tobię, Panem tuum cum egentibus & esurientibus comedere; & de vestimentis tuis nudos tege: & piā illā

& veterem maiorum nostrorum cantilenam;
de intemerata Virgine Maria, Bogu Rodzica
nuncupatam, canentes magna num animi sui
voluptate, & dulcissimis lacrymis audiebat.
Anno verò sancto, ad quatuor vrbis stationū.
Ecclesias deducebat: sanctissimam Euchari-
stiam manibus suis distribuebat; sanctorum re-
liquias, sepulchra, martyria, specus, cæmeteria,
vt viderent, procurabat: singulorum etiam vi-
ctorias & triumphos recitari iubebat, multos in
patriam redeuntes, vestibus, omnes viatico do-
nabat: litterisque patentibus commendabat.
Et cum à nonnullis admoneretur, vt domestice
quoque necessitatis rationem duceret, ac par-
cius aliquanto seminare; nescire se dicebat,
quantum indigenti & mendico satis esset, sed
scire, quantum præstare Christi patrimonij di-
spensatorem oporteret. Omnibus dandam es-
se eleemosynam dicebat, ne Christo negaretur.
Aegrotantes etiam sæpe per alios, quos-
dam etiam in Hospitali Consolationis nuncu-
pato, decumbentes ipse visitabat: & consolanti-
um officioungebatur. Solebat enim ægro-
tantium quoque singularem curam gerere.
Si qui domi suæ decumbebant, quotidie vi-
sitare, assidere, consolari, hortari ad pacien-
tiam. Non satis habuit remedia suppeditare:
sollicitus adfuit, ad suspecta tempora occur-
rit, nullum illi ægrotantis ministerium fasti-
dio fuit. In tanta turba negociorum, præci-
pua

quam curam de ægrotantis valetudine se n-
 per habuit. Sæpe etiam exemplo Sancti Do-
 minici ad ægrotantem cum hoc nuncio mitte-
 bat. Abi, & dic me iussisse, ne deinceps feбри-
citet, ac facta dictis nonnunquam respondisse.
 Cum autem & hoc quoque Clementis D. Pe-
 tri successoris præceptum meminisset; vt Epi-
 scopus ne sit *μονόφαγος*, nunquam solus ad men-
 sam & cibum assedit. Maluit aliquando ultra
 horam solitam refectionem differre, dum ali-
 quem conuiuiam inueniret, quàm buccellam
 panis solus comedere: quàm se quoque nun-
 quam solum comedisse patientissimus ille Iob
 gloriatur. In mensa autem lectio sacra sem-
 per habebatur; qua finita, de scripturæ locis, de
 Patrum sententijs, de Catholicorum scriptis,
 de hæreticorum imposturis, sine vlla satietate
 loquebatur: de negocijs sæcularibus, alios po-
 tius loquētes audire cōsueuerat, memor illius,
 quòd in ore sæculariū nuge, nuge sint, in ore sa-
 cerdotū & Episcoporū blasphemix. Cum enim
 os suū consecrasset Euangelio, nugis illud & o-
 ciosis sermonibus aperire, sacrilegiū iudicabat.
 Vanitatē enim esse ab Augustino didicerat, mū-
 dana ista etiā nota profiteri, pietatē autem Deo
 cōfiteri: cū in istis sæcularibus ociosisq. sermo-
 nibus sæpe eueniat, vt aliquis etiā nolens, pro-
 brū castis, labē integris, infamiā bonis inferat.
 Nūquā ex vlla sciētia gloriā, nunquā stolculos
 carpebat. Quid ætas, quid dignitas, quid graui-

tas, quid honos postulabat, semper cogitabat. Nunquam honori, nunquam existimationi cuiusquam detrahi, nunquam cuique obloqui patiebatur: & si quis parum accurate loqueretur, nec irridebat, nec rep̃hendebat, sed tacebat, quoad per silentium eius pudore prohibente ipse conticescebat. Panes, ut vocant Pontificios, inter assidentes conuiuas diuidebat; memor eius, quod scribit Gregorius; Quamuis parua sint, quæ offerantur, pro magna tamen benedictione semper suscipienda sunt, quæ ex Petri patrimonio veniunt. Si quos aliquando nobiles, Polonos præsertim, odijs certare audiebat, statim ad cõcordiam & fraternam reconciliationem reuocabat: & eos qui in patriam ex Vrbe reuertebantur, cum sua quisque studia & officia & paratã inseruiendi voluntatem proponeret, & si quid imperare vellet abeunti, quæreret; exemplum sanctissimi martyris Cypriani imitatus, qui ex Africa in Italiam nauigantes, ut Ecclesiæ Catholicæ radicem & matricem agnoscerent; ipse quoque, Nil aliud, dicebat, à vobis maiore studio, magisque ex animo contendo, quam ut in fide Christiana, Catholica, Romana constanter permaneat, & quos potestis Christo lucrificare contendatis. Dicite istis qui se diuiserunt, quòd fides non est nisi vna, & hæc vna non est nisi Romana. Quos autem sciebat parentes vel affines habere hereticos, ab ijs Chyrogaphum
exige.

exigebat, quo promittebant, quòd nullis maiorum suorum, vel minis, vel precibus deterreri se paterentur, ab auita, Christiana, Catholica, Romana, fidei & religionis confessione. In rebus ad Rempub. pertinentibus, si quid erat illi statuendum, nunquam ingenio iudicioque suo præsidebat. Sed cum sciret plus oculos videre, quam oculum, plus in alieno negotio, quam in suo, libenter, ut in morbo Medici, in tempestate rectoris, in lite Aduocati, sic in explicando difficiliore Reip. negotio, intelligentium virorum iudicia perquirebat: nec eum vnquam profiteri puduit, nescire, quod nesciebat: quod in ista dignitate, grauitate, auctoritate, eruditione virò, valde miratus est vir doctissimus, Michael Medina Hispanus Theologus, ex ordine sancti Francisci, quo Hosius familiariter utebatur.

CAPVT XVI.

Officium Diuinum siue horas Canonicas semper solus genibus flexis distinctè & articulatim, cum poterat in Ecclesia, vel in secretori saltem cubiculo, semotis arbitris, clausoque ostio, deuotissimè recitabat. Missæ sacrificium semper in Ecclesia vel dicebat, vel audiebat. Solebat autem ipse omnibus festiuis diebus dicere, Etsi quando per inualectudinem
domo

domo prodire non poterat, ab audienda missa per aliquot dies abstinere, quam in ædibus priuatis tanta mysteria celebrare maluit. Pridie autem eiusdem diei, quo missæ sacrificium celebrare decreuerat, tribus tantum panis buccellis sese recreabat, vsque ad sexagesimum ætatis suæ annum. Deinceps enim cibo paulo copiosiore, coactus est fractas ætate laboribusq; vires reficere. Ante missam nullis vnquam negocijs operam dare volebat. Soli meditationi vacabat, reliquis omnibus curis & cogitationibus ab animo suo procul explosis. Quamobrem in ipso sæpe diluculo, qualecunque tandem cælum esset, ad Ecclesiam accedere, consueuerat. Cui aliquando medicus. malus, inquit, aer est, nocebit. ille vero. Sed Deus, ait, bonus est, iuuabit. Porro in offerendo Sacratissimo missæ sacrificio, tam erat fixo in Deum animo, vt aliquando generalis Confessionis loco, priuatam cōfessionem, cum peccatorū suorum enumeratione (plus enim semper volebat cælare virtutes, quam vitia) recitare fuerit aggressus: nec aliter illa mysteria peragebat, quam si Christum Dominū corā cerneret pati & crucifigi. Alio quoque tempore, cum id quadam feria sexta ratio valetudinis postularet, monuit eum medicus, vt ouis recentioribus vesceretur, quod essent, valde salubria & delicata. Ille vero memor, quid in simili casu Palæmon responderit Pachemio. Quo meliora sunt ait, & delicatiora,

rationa, hoc minus hodiernæ diei conueniunt. Christum ista die passum esse: se nolle delicias consecretari. Orationes suas cum priuatas, tum publicam mensæ benedictionē, vbicunque poterat, in Orientem versus faciebat, ad paradysum, velut ad antiquam patriam, vnde primus omnium parens Adam exciderat, respiciens, eoque redire gestiens. In omni motu gestu, incessu, ad dexteram se partem conuertebat, sicut de beato Simone memoratur; vt quantum ad oues, ad dexteram Iudicis collocandas aggregari cuperet; non solum in animi studijs, sed etiam in omni corporis motu & habitu declararet. In cæteris quoque priuatæ vitæ studijs, & cura corporis, veteris pietatis & simplicitatis imaginem referrebat: quam in eo sunt præcipui quique viri vehementer admirati, hoc præsertim temporæ & moribus & verbis nimis fortasse perpolito. Sed hoc quoque ad perfectionem viri accedere debuit; vt esset prudens sicut serpens, simplex, vt columba; moribus simplex, doctrina multiplex: vt bona sine fuco faceret, mala sine offensione fugeret. Magnifica Urbis opera, & sepultas Romanæ potentia reliquias, superbasque ruinas, nunquam visus est, nisi quis fortè transeunti ostendisset (sicut olim in eadem Vrbe Ammonius cum Athanasio fecisse memorantur) curiose perlustrare. Basilicam Sanctorum Apostolorum. Petri

Petri & Pauli, præcipuo quodam studio frequentissimè visitabat, & omnes, cum Reipub. Christianæ, tum proximorum, tum pias quoque necessitates, ad venerandos B. Apostolorum cineres, ad beata illa tantorum Apostolorum limina, Domino commendabat.

CAPUT XVII.

A Romana Nobilitate valde colebatur, quæ non parvam ex illius præsentia, & immortalibus in Ecclesiam Romanam meritis voluptatem capiebat. Vulgus hominum cum quadam admiratione sanctitatis & integritatis, vota passim facere audiebatur, ut in Ecclesia Dei videre liceret multos Hosij similes, qui tot, tam præclaris ad imitandum exemplis, abundarent: nisi quod non æque poterat illam morum suauitatem, comitatem, affabilitatem, degustare, propterea quod Hosius linguæ Italicæ usum & consuetudinem ita promptam & expeditam non habuit, ut ad explicandam animi sui sententiam, verbis commo dis uti posset. Maluit enim in hac fere iâ acta ætate sua. Latine loquendi consuetudinem perpetuò retinere, quâ linguâ senio confectam, sub ferula & præceptore, inusitatis vocabulis & oris inflexionibus, imbueri, non pertinacia vlla, sicut alibi de se testatur Socrates, aut contemptu ductus, sed quod ad tuendam

dam existimationem suam : & sicut fidei , ita
Latinae quoque linguae principatum conser-
uandum , hoc quoque pertinere existimabat ,
vt ne illa aetate , grauitate , illo etiam nomine
quod nactus erat , siue id verum esset , siue fal-
sum , auram popularem , & vulgarium homi-
num plausus seclari velle videretur . Quam-
uis solebat etiam aliquando per iocum ad
quosdam patricios Romanos (inter quos fa-
miliarissime utebatur viro pio grauitatisque
& consilii pleno , D. Virgilio Crescentio) di-
cere ; Quod ego Romana lingua vtor ea , qua
vos totum orbem Imperio vestro subegistis ;
non ea qua deinceps subiecti estis . Subiectio-
nis argumentum esse certissimum , linguam vi-
ctoris discere . Viros doctos & pios quos & fa-
ma , ex scriptis , ex sermonibus hominum cogno-
uerat , omnibus officijs complectebatur ; om-
nium sibi voluntates conciliare contendebat ;
omnium se precibus & orationibus commen-
dabat : ad consilium , ad colloquium , ad men-
sam , ad consuetudinem suam adhibebat . Quo
factum est , vt innumeri pene scriptores Eccle-
siastici , religionis Catholicae defensores , libros
suos Hosio examinandos corrigendosque of-
ferrent , atque dedicarent : sicut olim Origeni
dedicabant , ob excellentem & peruagatam san-
ctitatis & eruditionis opinionem : quos etiam
semper omnes ordine , a capite ad calcem , par-
tim ipse per se solitus erat legere , partim legen-
tes

tes audire; ac velut apes sollicita, optima quæq;
 ex singulis excerpere. Siue curru, siue lectica, si-
 ue naui veheretur, siue domi, siue fortis dege-
 ret, nullū vnquā tēpus elabi sibi passus est, quo
 minus perpetuā operā bonorū auctorū lectio-
 ni nauaret. Vidimus his ꝑculis nostris, cum ex
 Concilio Trident. ad pascendas oues suas, sum-
 ma, vt dictum est, & asperrima hyeme, mulo
 quodā vestitus properaret, ne temporis iacturā
 faceret, ministros suos, quos à pedibus habe-
 bat (Stafieri vocantur) medio sepè itinere, ad
 lectionem adhibuisse. Alio quoque tempore,
 Vistulam tempestate conturbatam piscatoris
 scapha traiiciens, Rescio quendam librum le-
 genti timiditatem exprobauit, quod fluctuan-
 te nauicula, & iam etiam aquas sorbente, per-
 cussus, ab incepta lectione aliquantum desti-
 tisset. Et ad Comitia Regni, quadrigarum cur-
 ru proficiscens, cum Andreas Tricelius iuuenis
 omnibus pietatis artibus deditus, curru prope-
 rante legeret, nescio quo casu, currus euersus
 omnes in terram simul cum Hosio excussit, nec
 dum erat è puluere venerandus senex suble-
 uatus, cum Tricensium. Quodlibeta in pulue-
 re vestigantē appellans, Tu neis quidem peri-
 culis admonitus, tēporiperda esse desinis? Per-
 ge, quæ cœpisti legere, ne cum periculo valetu-
 dinis, tēporis etiā iacturā faciamus: & aliquot
 etiam auctoris vltima verba quæ cadens audie-
 rat, recitauit. Sic ille horas suas auarissimè ser-
 uabat.

vabat. Nec certè etià his extremis vitæ diebus,
de studio feruoreque legendi quicquã remisit.
Nã sex illos Tomos de vita & rebus gestis San-
ctorum, à Surio Carthusiano digestos, summa-
cum diligentia & attentione, iterum atque ite-
rum legit, & D. Bonauenturæ opuscula, & Ian-
senij Paraphrases à capite ad calcem percurrit:
Osorij verò laudatissimi Albargiorum Episco-
pi, Paraphrasim in Elaïam sic adamauerat, vt
eam plus triginta vicibus perdisigenterlegerit:
cùm istum præcipue Prophetam, Augustino vt
legeret, commendatum ab Ambrosio fuisse me-
minisset. Et alium eiusdem Osorij libellũ, quẽ
De vera sapientia inscripsit, pridie eius, quo ex
hac luce migravit, diei, magna cum voluptate
legi sibi iussit. Memoria quoque quæcunque
voluit, ex omnibus libris tenuit: quam tantum
abest, vt ætas ingrauescens eriperet, vt nobis
audientibus sæpe multos, & Homeri Græcos,
& Vergilij Latinos versus, & ex Platone, Ari-
stotele, Cicerone, multa recitaret, quæ ante 30.
vel 40. annos memoriæ mandauerat. Hoc etiã
ab illius fratre Ioanne Hosio accepimus quod
oculorum aciem ab ipsa vsque infantia valde
obtusam & habetem habebat, ita vt nil penitus
posset eminus legere: sed ad ipsos oculos appli-
care librum oportebat. Ætate vero proceden-
te, quo diligentius, quoque frequentius lecti-
tabat, eo visum acutiorem aquirebat: qua-
lem etiam ad extremam vsque ætatem con-
serua-

seruauit. Solebat autē his vltimis vitæ suę diebus, immortales agere Deo gratias, quod aliquem tamen in patria sua laborum & contentionum earum fructum videret, quos cum Orthodoxis Episcopis, & sacerdotibus, veri verbi Dei verissimis & certissimis interpretibus, & ministris, pro pace Ecclesię Dei sustinebat. Hæreticorum enim in persequenda fide Christiana minor audacia, Catholicorum autem in ea conseruanda & propaganda maior quotidie firmitas & constantia videbatur. Quam enim Lutherani perfidiam in patriam inuectam oculis ipse suis viderat, ante annos plus minus quadraginta, eandem vicissim ad interitum inclinatam, peneque etiam explosam, illis ipsis oculis aspexit. Sexcentos vno quodam anno viros Nobiles Ecclesię Dei reconciliatos, ex Patribus Societatis Iesu cognouerat. Iuuenum autem & adolescentum multa millia, ex equestri tantum ordine censebantur: qui ab eadem Societate, vera fide cæterisque pietatis artibus instructi, alijs vicissim multis, plerique etiam parentibus & propinquis suis, duces & auctores extiterunt, Orthodoxę amplectendę veritatis. Incredibile est quantam capiebat voluptatem, cum videret, Laskos, Firleios, Zborouios, Dzyalinios, kotkeuicios, Tomicios, Sapias, & alios multos magnarum & Illustrium familiarum viros: cum Ostrouienses & Slucenses, & Olicz Nielueque Duces, Scilmaticorum & hæreticorum

eorum liberos, Ecclesiæ Catholicæ vnitatem
amplexos, Synagogas Antichristi à propriis pa-
rentibus excitatas euertisse, ministros impieta-
tis eiecisse, eiec̃tos Christi sacerdotes restituis-
se; templa, sacra, aras refecisse, redditus attribuif-
se. Collegia quoque Societatis Iesu, magnis
sumptibus & impensis suscitasse. Tenere quo-
que lachrymas optimus ille Cardinalis non po-
tuit, cū illustrissimos fratres Raziuilos, Olicæ
Duces, cū Albertum Laskij Palatinum; Si-
radiensem, cū Dzialinios, Lasocios, Varšoui-
tios, ad B. Apostolorum limina prostratos, Ro-
mani quoque Pontificis Christi Vicarij, pedes
humiliter & demissè exosculantes intueretur, in
ea Vrbe, quam prius canepcius & angue ode-
rant, quamque nouam Babylonem & certissi-
mam Antichristi sedem existimabant. Rosas
ex spinis natas & ex tribulis ficus collectas di-
cebat. Illustrissimum autem Principem Geor-
gium Radziuilum nunc S. R. E. Cardinalem &
Episcopum Vilnensem, singulari quodam amo-
re & honore prosequabatur; quod parētum &
præceptorum de religione errores non solum
reliquerit, sed animum præterea ad Ordinem
Ecclesiasticum adiecerit: in quo sustinendo ita
se per Dei gratiā adhibet, pietate, liberalitate,
vigilantia, nullum vt veri pastoris officium, aut
boni & fidelis serui Dei munus prætermittere
videatur, quod non exequendum susciperet.
Eadem plane voluntate propendebat in Ioan-
nem

nem ; Demetrium Solicomium : nunc Archiepiscopum Leopolicnem laudatissimum , qui & ipse ex Schola Melanchtonis Vittenbergenſi profectus , cum in Hoſij libros incidisset , veritatisque lucem aspexisset , ex Saulo Paulus , & ex persecutore factus est Apostolus , decies tantundem , quantum nocere poterat , singulari suo ingenio , & eloquenti elegancia , scribendique facultate , Ecclesiæ Dei prodesse commodareque contendit . Longum esset singulorum nomina recensere , qui palam & aperte fatebantur , se ex Hoſij libris , & lucubrationibus , aut etiam ex sermone & conuersatione domestica , viam veritatis agnouisse .

CAPIT. XVIII.

SCRIPTURAE verba exactissimè recitabat , nec vnquam ea , vel in scribendo vel in loquendo , alijs quàm in veteri & nouo Testamento habebantur , verbis , magnum illum Spiridionem imitatus , efferre voluit ; dicens eam se habere pro pulcherrimis & elegantissimis flosculis : vt de eo quoque rectè dici possit , quod de suo Nepotiano Hieronymus , aurum calcans scædulas confectabatur , & assidua lectione , meditatione , scriptione , pectus suum bibliothecam Christi-
se.

fecerat. Fratres, nepotes, consanguineos,
& domesticos suos, quorum etiam curam
habere iubet Paulus, ita, ut suos olim Di-
nus Augustinus cui præcipuo quodam stu-
dio deditus erat, tractabat: non, ut diuitias
haberent, luxuriæ ministras, sed, ut non ege-
rent: ut habentes victum & amictum his con-
tenti essent. Quorum causam cum apud il-
lum sæpius ageremus, & præsertim nepo-
tum, qui nati ad omnem laudem videban-
tur, ut eorum rationes auctas & locupleta-
tas veller. Timeant Dominum, inquit, &
custodiant mandata eius, & nihil eis deerit.
Volunt esse potentes in sæculo, volunt esse
gloriosi, volunt esse diuites, timeant Domi-
num, & custodiant mandata eius. Beatus
enim vir qui timet dominum, potens in terra
semen eius, gloria & diuitiæ in domo eius;
immo vero cum iam esset cœlestem illam
in domum ingraturus, atque rogaretur a no-
bis, ut nepotum rationes Gregorio Ponti-
fici commendaret, non aliter eos commen-
dare voluit, quam suos olim filios Athe-
nienensibus Socrates commendabat: si videli-
cet eadem quæ ipse studia vitæ, & officia
sectarentur. Et quoniam Levitarum Ordini
præceptum esse meminerat à Domino, In
terra eorum nil possidebitis, nec habebitis
partem inter eos, ego pars & hæreditas tua,
in medio filiorum Israel; nullam quoque

T a ipse

ipſe partem in terra, nullos agros, nullas poſſeſſiones, nulla vt vocant bona immobilia, ab eo tempore habere voluit propria, quo ſe Chriſto per ſacerdotium conſecrauit. Nam & patrimonium ſuum fratri ſuo Ioanni reliſignauit, & Eccleſiæ tantum redditibus contentus eſſe voluit & ijs ſic uſus eſt, vt magis audiret ſuos eſſe, quàm ſentiret. In teſtamento quoque, non fratres aut nepotes, ſed Chriſtum & ſeruos eius, exigue ſuppelleſtilis, quam reliſcturus erat, hæredem ſcripſit: in hoc quoque Sanctiſſimi Patris Chryſoſtomi conſilium imitatus, qui iubet Chriſtum cohæredem filijs, nepotibusque relinquere: quippe ingens eſt gloria morientis Episcopi, magis amare Chriſti pauperes, quàm quosuis terrenales nepotes. Libet autem verba propria teſtamenti iſto quoque loco ſcribere, cum ſint plena pietatis, & animum oſtendant amore diuini nominis vehementer inflammatum; Cū crebro auribus meis inſonet præclara ſapientis illa vox, Nescit homo finem ſuum; ſed ſicut piſces hamo capiuntur, & aues laqueo comprehenduntur, ſic rapiuntur homines: nec vnquam illorum verborum obliuiſci poſſim, quibus nos monet ipſa ſapientia, parati ſemper, vt ſimus, & vigilemus quia neſcitis inquit, diem neque horam. Quare quoad & mentis, & corporis viribus non eſſe videor deſtitutus, vt meæ domui diſponerem, & ea quæ ſunt nouiſſima prouiderem, faciendum eſſe du-

xi,

xi. Quocirca facultate mihi per Pium Quintū Pontificem concessa, meam ultimam voluntatem continens, hoc testamentum condo, facio, & ordino, in hunc qui sequitur modum. In primis profiteor, & prae me tero, testatum etiam omnibus esse cupio, quocunq; tempore Deus de statione vitæ huius me decedere iusserit, quòd non nisi in Christi nominis, & Catholicæ fidei confessione decedere cogito: eius, inquam fidei, quæ nō quinquaginta his annis nata; sed ab ipsius fundatissimis Apostolorum sedibus, in hodiernum vsque diem, succedentibus sibi Episcopis, secundum seriem successionis, & populorum consensione firmatam, nobis est per manus tradita: eius fidei quam puer didici, quā à Beata Matre, deinde & à nutrice mea, cum ipso quodammodo lacte suxi: quam postea iustis auctam incrementis professus, orbi testatā feci, quam ex omnibus mundi partibus, in vnū congregati patres, frequenti numero, nec pietate minus, quam doctrina præstantes, in sacro Concilio Tridentino, cui quamuis indignus Pij. III. Pontificis nomine, cum alijs Legatis. S. R. E. Cardinalibus præsedī, vnanimi consensu receperunt, & approbauerunt, denique per longam Pontificum Romanorum successionē, sibi per manus traditam, sequitur Pius quoq; V. Pontifex qui nunc in eius Cathedra sedens, eandem cum illo fidei doctrinam profiteretur. Quā etiam ob causam, quod aliquando queri-

dam,

dam, è Sanctis patribus dixisse recordor, cum
ad Romanum Pontificem Damasum verba fa-
ceret: Nō noui Vitalem, Meletium respuo, Pau-
linum ignoro: quicumque tecum non colligit,
spargit: hoc est, qui Christi non est, Antichristi
est. Hoc ego totidem verbis, mutatis hæretico-
rum nominibus, ad successorem Damasi, qui
nunc præsidet Ecclesiæ Catholicæ dico. Non
noui Lutherum, Caluinum respuo, Seruetum
ignoro. Quicumque tecum, Pie Pontifex, non
colligit, spargit: qui Christi non est, Anti-
christi est. Qui Papista non est, Sathanista
est. Nullum itaque primum nisi Christum se-
quens, tuæ beatitudini, id est Cathedræ Petri,
communione consocior. Super hanc Petram
Ecclesiam ædificatam esse scio. Cui si quis iun-
gitur meus est. Huic igitur adhærere, nec vn-
quam ab ea quoad spiritus hos reget artus, et
uelli me velle clara voce pronuncio. Ac se-
cundum illud quo Christiani censemur om-
nes, nullum vel gloriosius, vel salutare magis
nomen mihi tribui posse persuasum habeo,
quam si Papista vocer. Si quid autem à me
vel dictum, vel scriptum est aliquando, quod
cum huius Cathedræ doctrina non consentiat,
(quod certè sciens & prudens feci nunquam)
id pro non dicto & pro non scripto haberi vo-
lo. Quin si deinceps etiam grauiore morbo
corruptus dicerem tale quid, id errori mentis
potius adscribi velim, quàm quod ex animi
mei

mei sententia profectum esse iudicetur. Hæc enim est vltima mea voluntas, quam Dei fretus auxilio mutabo nunquam; quod sicut per omne vitæ meæ tempus ab Ecclesia Catholica me non disiunxi, sic nec moriens ab ea, vel eius doctrina disijungi cupio: ac non in ea modò, verum & pro ea, si res ita postulauerit, mori me paratum offero. Non meis vllis viribus confusus, quas infirmas esse scio, verum Dei misericordia fretus, quod qui dedit promptam hanc voluntatem, si conferenda fuerit ad rem aliquando, dabit etiam facultatem. Hac solenni facta protestatione quòd & viuere, & mori cogito in Ecclesiæ gremio: in qua sola spiritum veritatis, extra eā vero spiritum vertiginis, erroris, mendacij, in qua sola remissionem peccatorum, extra eā verò spem salutis nullā esse, mihi certū est, & indubitātū: quandoquidē in illius fide permāsi semper, nec ab ea me disiunxi, vel etiā deinceps sum disijuncturus vnquā. Tāto maiore cū fiducia accedo, ad gratiæ tuæ thronū, qui pater es misericordiarū, & Deus totius consolationis, vt misericordiam cōsequar, & gratiā in tuis oculis inueniā. Quocūq. tēpore depositū tuū repetere, a me tibi visum fuerit, in manus tuas commendo spiritū meū, quem si tu cōtempleris, qualis ipse est ex te, fateor quod non est dignus, qui tub oculos tuæ Maiestatis veniat, cū sit omni sorde plenus. Caterum si filij tui sanguinem, quo lotus &

emundatus est, si cruciatus inlpxeris, quos
 longe tulit acerbissimos pro peccatis nostris
 vt nos tibi redderet acceptabiles, digni certè
 sunt illi, propter quos tanto pretio redemptū,
 facias eum participem gloriæ tuæ sempiternæ.
 Noli Pater clementissime, noli respicere in fa-
 ciem meam: quin auerte potius à peccatis meis
 faciem tuâ; & ò protector noster, aspice Deus:
 respice Deus in faciē Christi tui; respice in faciē
 dilecti filij tui, pro peccatis meis in cruce pen-
 dentis, & morietis, & in eorū remissionē de sau-
 cio latere copiosum sanguinem profudentis,
 Cōfiteor tibi, Pater, quod graua sunt peccata
 mea, quibus iram tuam promerui. Sed vtinam
 appendas ea, Domine, in statera, & quam pro
 me calamitatem pertulit innocens filius tuus,
 certe multo grauior apparebit hæc, & magis
 digna, propter quam effundas in me misericor-
 diam tuam, quàm illa sint, vt propterea conti-
 neas in ira tua miserationes tuas. Indignus
 ego sum, quem oculis Maiestatis tuæ aspicias,
 verū interea dignissimus est ille, propter
 cuius passionis & mortis meritum, non modo
 respicias me, verum & corones. Quamobrem
 venio ad te, pater clementissime, venio ad te,
 nullis meis, sed multis filij tui Domini & re-
 dēptoris mei Iesu Christi meritis onustus: qui
 cum pretiosa morte sua, non modo pro meis,
 verum etiam pro totius mundi peccatis, abun-
 de tibi satisfecerit, huius mortis meritū, in quo

solo mea spem, & fiduciam omnem habeo defixam, adfero ad te: hæc est iustitia mea, satisfactio mea, redemptio & propitiatio mea. Meritum meum, est mors Domini mei. Non sum inops meriti, quamdiu miserationum Dominus non defuerit. Et si multæ sunt misericordiæ Dñi mei, multus & ego sum in meritis meis. Quanto potentior ille ad saluandum, tantum sum ego securior. Vides igitur, clementissime Pater, quibus meritis onustus ad te veniam, ijs nimirum quibus negare nihil potes. Quamobrem quocunque tempore repetere tibi visum fuerit, accipe pater cœlestis, accipe spiritum meum, non corruptibilibus auro & argento, sed pretioso filij tui sanguine redemptum. In hoc pretium respice: propter hoc pretium esse me dignum pronuncia, quem inter oues tuas a dextris colloques, & vna cum alijs electis tuis exoptatam illam vocem exaudire facias, Venite benedicti patris mei, possidete paratum vobis Regnum à constitutione mundi. Quod ut consequi possim B. Mariæ Virginis, & Sanctorum qui vel in cælo cum Christo iam triumphant, vel in hac lachrymarum valle nobiscum adhuc militant, precibus adiuuari peto. Spiritu meo, Patri meo cœlesti commendato, quod cumfero corpus mortis huius, unde prodijt munda dari terræ volo. Si cum in mea Dicecesi fuero, me contigerit æternam illam in donum ex huius vite diuersorio migrare, Braunspergæ sepeliatur

tur in templo Societatis Iesu. sin autem extra
 Dicoecelium, in eo quod proximū templum fue-
 rit, modo sit Catholicum absque pompa, sed
 non absque iustis tamen Ecclesiæ cæremoni-
 jis terræ mandetur. Vestiantur pauperes: de-
 tur Eleemosyna, etiam simul & sacerdotibus
 qui prosequuti funus fuerint. Quoniam ve-
 ro, quod habui patrimonium eo pridem
 D. Joanni Hosio fratri meo natu grandiori
 cecidi, quam cessionem etiam nunc ratam ha-
 beo, nullum ut mihi supersit iam, quàm
 Christi patrimonium, quicquid ex illo pe-
 nes me est, quod valde exiguum est, non al-
 ios eius heredes instituendos duxi, quàm N.
 & N. Hos etiam ut in precibus sacrificijs &
 suis mei memores esse velint rogo, quo pos-
 sim in extremo die meo propitium habere
 Deum, supplices misericordiam eius implo-
 rent. Huc utque verba testamenti. Hanc au-
 tem suam in Deum & in pauperes eius pieta-
 tem, non scripto solum & calamo, sed re &
 veritate testatus est. Templum enim patroni
 sui Sancti Stanislai Martyris, & Episcopi Crac-
 couiensis & illi contiguum Hospitale nationis
 Polonicæ, apud Sanctū Salvatorem ad Taber-
 nas obscuras, ipse primus in vrbe non paruo
 suo sumptu instituit, & à fundamentis exædifi-
 care cœpit: ut haberent nationis nostræ pere-
 grini, quod per tot sæcula non habebant, vbi
 caput suum, ad Beatorum Apostolorum Mi-
 mina

mīna venientes reclinarent, quod tamen morte praeventus perficere non potuit, Deo occasionem istam Principum nostrorum pietati reseruante, Stephano Regi gloriosissimo, & coniugi eius Annæ Jagelloniæ Reginae pietissimæ, pauperum Christi fautori liberalissimæ, qui progressum inchoati Hospitalis, piis eleemosynis subleuare summa cum voluntate non desinunt. Sed de morte Hosij, uel potius de transitu ex morte a uitam, sequens iam nostra oratio, quam recenti re & dolore nostro statim post illius dormitionem, ad Ioannem Hosium fratrem eius, in Prussiam miseramus, indicabit.

C A P I T U L U M XIX.

Menses aliquot intercesserant, ex quo cœperat ualde languidè ualere, & a-lui fluxu paulo uehementiori laborare. Nunquam tamen adduci potuit, ut plusculum aliquid otio, quietibusque cæteris, & uitæ commoditatibus indulgeret, sed in suscepta propositaque sententia constantissime perseverabat: nec de studio, lectione, scriptione, cæterisque pietatis exercitijs quidquam remittebat; sed omnem animi sui contentionem (sicut ij solent qui ad metam instituti cursus accelerant) magis atque magis ad omnem

nem pietatis meditationem incitauit. Cum
autem in omni vita sua, dies ieiuniorum ab
Ecclesia institutos religiosissime castissime-
que seruasset; ne in hac quidem decursa ætate
sua, sententiæ suæ constantiam voluit immuta-
re. Quamobrem & superiorem Quadragesi-
mam, summa cum animi alacritate, in summa
abstinētia, & in vsu Quadragesimalium cibo-
rum transegit: nec potuit vllis aut medicorum,
aut quorumcunque tandem precibus, & co-
hortationibus expugnari, vt, quos illi vocant,
cibis vteretur salubrioribus. Immo verò soli-
tis erat dicere, propterea se ieiuniorum dies ab
Ecclesia institutos diligentissime seruare con-
sueuissē, quod veller esse longæuus super ter-
ram. Scriptum esse memorabat; Honora patrē
tuum & matrem tuam, vt sis longæuus super
terram. Pater, inquit, meus; est Deus in cælis.
Mater mea, est Ecclesia in terris. Ille præcipit
vt ieiunem, ita præcipit, vt his, vel illis diebus,
& isto vel illo tempore ieiunem. Vtrumque li-
bentissimè audio, certamque spem concipio fu-
turum, vt obedientiæ meæ fructum hunc refe-
ram, vt sim longæuus, sicut mihi scriptura pro-
mittit, super terram. Ab illo itaque tempore,
nescio tamen an ex eadem causa, cœperunt vi-
res stomachi ætate, laboribus, fatigati, paulo
etiam vehementius relaxari, ita vt longè quam
ante, minus vel cibum appeteret, vel acceptū
concoquere, aut retinere diutius posset. Paulo
post

post autem, diarrhææ quoque morbo correptus est, qui nunquam postea constitit: cuius ille tamen molestiam semper tulit moderatissime, nisi quod plerumque à studijs rerum diuinarum, & à pietatis officijs retardabatur, ita ut nesciret, sicut ille dixit, quando esset cum galea domo sua prodeundum. Sic igitur cum esset valetudine valde dubia & incerta, magis atque magis per aliquot menses ventris illa fluxione debilitabatur. Ac monebatur quidem a nobis ut antequam cælum Romanum ignibus vehemterioribus, quibus solebat vim penè totam satis languiduli corporis exhaurire, inflammaretur, ab vrbe rusticatum secederet, valetudini operam daret, seque Christianæ Reipublicæ quæ adhuc ope tam secundi pectoris indigebat conseruaret. Sed is a perpetuo suo instituto reuocari non potuit, ut antè festum Beatissimorum Apostolorum Petri & Pauli, quorum venerandi cineres in vrbe requiescunt, quos ille in summo semper cultu venerationeque habuit, Roma pedem efferret; maluitque subire valetudinis suæ periculum, quam honori tantorum Apostolorum, in hoc ipso loco deesse, in quo profuso pro Christi fide sanguine, Deo suo spiritum reddiderunt: quem illis ad iij. Calendis Iulij Vrbs Roma simul cum orbe reliquo vniuerso, solet summa cum cæremonia celebritateque exhibere. Sic igitur ad V. Idus Iulij, quæ fuit feria sexta, dies commemorandæ pas-

passioni Dominicæ destinata, ipse quoque ad subeundam passionem suam Capranicam versus ex vrbe discessit: vbi cum per octo integros dies commodissimè valuisset: an quod in aerè paulo frigidiusculum, ex calidissimo ardentiq; celo Romano venisset, an ex alia quapiam causa incertum; magis tamen atque magis ventris profluvio cœpit laborare, ita vt aliquândo quindecim & sexdecim vicibus vno die secedere cogeretur. Quæ res illi & cibi appetentiam ademit, & curiū somni impediuit, & omnes in vniuersum vires corporis vehementer exhauisit & extenuauit. Sed inuidium illud animi robur & inflammatum erga res diuinas studiū, nulla corporis incommoda frangere potuerūt. Nam cū illi per omne vitæ suæ tempus fuisset hoc in more positum, vt in Ecclesijs ad honorē Dei, & Sanctorū eius consecratis, Missæ sacrificium vel offerret, vel offerentē sacerdotē aspiceret, à veteri suo instituto, ne in illa quidē tāta corporis debilitate, & languore, sibi putauit esse recedēdū. Quamobrē, & si vix pedibus posset consistere; ad Ecclesiam tamen sensim pedetentimque singulis diebus accedebat, in qua ad tremendum Missæ sacrificiū, Christianā Rempub. se, suaque omnia, Diuinæ primū bonitati, deinde Sanctorū precibus, & intercessionibus, deuotissimè commendabat. Sed hanc illi facultatem morbi quoq; vehementia paulo post abstulit, ita vt non posset, nec etiam tutū esset,

esset, extra priuatos parietes pedem efferre: que-
res, & si maximum illi sensum doloris adlere-
bat, illud tamen lōgè grauissimū accidit, quod
per aliquot dies ab audiendo Missæ sacrificio
coactus est abstinere; tum quod nullus certus
esset ad res diuinas in illa domo locus destina-
tus, tum quod Ecclesiasticorum Canonum au-
thoritas, & ipsius quoque concilij Tridentini,
in quo personam Legati Apostolici, magna cū
dignitate sustinuit, sanctiones prohiberent; vt
ne paterentur Episcopi in priuatis domibus, at-
que omnino extra Ecclesiam, & ad Diuinum
tantum cultum dedicata Oratoria, sanctū hoc
sacrificium, à quibuscunque tandem peragi.
Sed statim succurrit piissimo eius desiderio di-
uina misericordia. Cū enim de inualetudi-
ne tam laudati Cardinalis Episcopus Nepeli-
nus nuncium accepisset, vt virum Dei visitaret
Capranicam accutrit, & celebrandi faculta-
tem in priuato cubiculo, id ipsum ab illo peten-
te summa cum humilitate Cardinali, libentis-
simo animo concessit. Neque tamen adduci,
vel medicorum consilijs, vel precibus nostris,
passus est; vt languens & exhaustum, atque
deficiens corpusculum in lectulo contineret;
sed in aliud nihilominus offerendo sacrificio
cubiculum destinatum, ita vt poterat secede-
bat, in quo genibus flexis, & manibus in cælum
elevatoris, vini lachrymarum profundens, Domi-
ni misericordiam, tota mentis animique con-
ten-

tentione implorabat. Accidit autem, vt a quodam ex suis moneretur, vt in sella potius sedes, quam in genua prouolutus, & in pectus incumbens offerentem Sacerdotē aspiceret. Cui paulo & præter morem suum concitatus respondit. Ne me iam facias delicatulum. Sic par est, vt ego quem debeo cultum & reuerentiam Deo meo exhibeam. Sed neque hoc passus est, vt sacrificio durante flabello quisquā ventum excitaret, refrigerandi gratia. Cum ad cibum sumendum esset illi accedendum, non ad refectiōnem, sed tanquam ad pœnam se vocari dicebat, ac sæpè coram medicis de suo patre familias (stomachum autem intelligebat) questus est, quod perperam munere suo fungeretur, & alimenta quæ reliquorum membrorum sustentandorum gratia recipiebat, non in membra corporis diuideret, sed in lecessum emitteret. Contendebant maiorem in modum medicum, vt intra unius cubiculi parietes perpetuo se contineret; & cibum decumbens in lectulosumeret. Sed ne id quidem efficere potuerunt. Conati quoque sumus & nos illi persuadere, vt in eodem lectulo, diuinum Missæ sacrificiū audiret. Sed is nobis cum quadam ignorantie & incogitantis consilij exprobratione minime conuenire. respondit, vt ad cibum sumendum è lectulo surgeret, ad Deum laudandum, prostratus in lectulo iaceret. Et quoniam summa debilitas omnia corporis membra magis atq;
ma-

magis enervabat, operæ pretium iudicabant medici, ut subinde cibo reficeretur, quem ut bene mane sumeret, quoties à nobis rogabatur, suam ille vicissim infœlicitatem deplorabat, quod in sua, inquit tam numerosa familia nemo inueniretur, qui ad recitandas preces, vel ad Missæ sacrificium audiendum adhortaretur, aut ad debitas Deo laudes tribuendas inuiteret; sed omnes, quasi conspiratione facta, cibum istum corporalem obtruderent; seq; vellet facere helluonem, & in eo summam recuperandæ valetudinis esse constitutam existimarent. Se verò spem suam omnem, non in medicorum artificio, nec in Galeni præceptis, nec phasianorum, & perdicum cadaueribus, sed in gratia Dei eiusque infinita misericordia reponere: cui si visum esset vitam longiorem concedere, potius id esset à spirituali cibo, qui in sacrosancto Missæ sacrificio proponebatur, quàm à quibusvis carnalibus epulis expectandum. Sic ergo aliquando contigit, dum Canonicas preces recitat, dum Missæ sacrificium audit, dum consuetas suas uestes in illo sanguore corporis induit, dum in secessum it, atque redit, ut ad meridiem vsque & ultra prædium extraheretur. Cæterum. S. D. N. Gregorius Pontifex. xiii. cum intellexisset, diuinum hunc virum, quem in ipso adhuc Concilio Tridentino in summa semper veneratione habuit, & cum esset Pontifex designatus, omnibus humanitatis

officijs semper prosequutus est, Maiorisque
Poenitentiarij munere exornauit, in tantam cor-
poris imbecillitatem incidisse; misit è vestigio
Georgium Ticinium Camerarium suum, qui
suo nomine paternam illi benedictionem im-
partiretur: vtque suum illud acre & intentum
studium cæteris occupationibus relictis, ad
tuendam valetudinem conuerteret, quàm dili-
gentissime exhortaretur: ante omnia vero, vt
Romam primo quoque tēpore rediret, in qua
maiores esset habiturus rerum necessariorum
abundantiam; nec vllius medicinæ facultas,
aut medicorum industria esset illi defutura: se
quoque nullam occasionem esse prætermis-
sum, qua posset quocunque tandem officij at-
que pietatis genere afflictam hanc eius valetu-
dinem subleuare. Hoc tam benigno Pontificis
nuncio, atque ista plane paterna sollicitudine
fuit non parum recreatus Cardinalis: sed cum
deiectas esse & prostratas prorsus omnes cor-
poris sui vires intelligeret, nullam sibi faculta-
tem relictam esse respondit, vt ex eo in quo ma-
nebat loco, pedem posset efferre: cum & ipsum
anni tempus, quo minus ad urbem accedere
liceret, & sanos & infirmos vehementer detē-
rere conuenisse. Quod ad reliquas commodi-
tates, & metus, & medicinarum opportunitates
atunet, se in media plane vrbe versari. Nam Il-
lustrissimus D. Cardinalis Farnesius (quem in
omni sermone suo summa cum honoris præfa-
tione,

tionē, & patriæ & valetudinis suæ protectore, appellare cōsueuerat) ex Caprarola sua, in qua ipse quoque menses æstiuos duceret, omnia ad victum, & ad valetudinem curandam necessaria, & abundantissime, & copiosissime animo planè libentissimo suppeditabat: immo & sui quoque medici operam & industriam, ad studium recuperandæ valetudinis conuertit. Erat enim & extra urbem, & in ipsa quoque urbe præstantissimorum ac doctissimorum quorūcunque virorum de tuenda conseruandaque tam salutaris Ecclesiæ Dei viri valetudine, maxima quædam sollicitudo; ita vt passim, non solum vota publica per urbis Ecclesias, viri conseruandæ religionis Catholicæ studio insinuatim fierent, sed etiam operas suas, & rem & fortunas libentissimo animo offerrent, dummodo posset hæc tam solida Ecclesiæ Dei columna ab imminente casu, prolapsioneque liberari. Inter hos autem Regni Poloniæ, patriæque nostræ Viceprotector Illustrissimus Cardinalis Sabellus, vir prudentiæ, humanitatis, & grauitatis laudibus abundans, cum à multis annis pietatem innocentissimi Cardinalis adamasset, illique omnibus in rebus gratificari semper contendisset, studiaque sua & officia vultu & verbis sæpe significasset, hoc præcipue, tam necessario tempore, admirabilem curam, & sollicitudinem omnibus officijs præstandis re & veritate declarauit. Ac mo-

do non singulis horis, & momentis de afflicta Cardinalis valetudine laboravit, & quaecunq; tandem ad eam restituendam, necessaria praefidia, summa voluntate, pleno amicissimi desiderij animo suppeditavit: cui se hoc nomine plurimum debere, semel & iterum Cardinalis in auribus nostris testatus est. Interim ex Vrbe quoq; venit officij causa, Illustrissimus D. Vincentius Laureus Episcopus Montis regalis, pietatis & prudentiae laudibus abundans, qui summa cum dignitate, & vtilitate Ecclesiae Dei apud Henricum & Stephanum Poloniae Reges, Nuncij Apostolici munus, per annos aliquot sustinuit, & non ita pridem est a laudatissimo Pontifice Gregorio in sacrum. S. R. E. Cardinalium Collegium cooptatus: quē cum in cubiculum introduxissem, incredibile est, quanto cum gaudio vir Diuinus exceperit. Sublatis enim in caelum manibus; Aduenisti, inquit, desiderabilis: cuius ego praesentiam vix optare, nedum expectare, in hoc anni tempore potuissem. Is ergo cum illum esset aliquandiu consolatus, & ad sustinendam morbi molestiam, in omni patientia admoneret. Cardinalis ex alto suspiria ducens, oculorum acie, in caelum conueria: Paratus sum, ait, & non sum turbatus. Fiat voluntas Domini: fiat voluntas domini. Coepitque de suo patrefamilias conquiri, quod mala secum fide ageret, & alimenta quae in sustentationem reliquorum membrorum distribuere

buere debebat, sinè vllò fructu, sed nō sine maximo cruciatu subinde foras emitteret; & multa alia cūm de sua valetudine, deque grauioribus negotijs, tum de sua quoque firma in Deū fiducia valde confidenter, & amanter, summa cum animi sui præsentia, & fortitudine, coram Episcopo prudentiæ, pietatisque nomine laudato, & veteri amicitia familiaritateq; sibi coniunctissimo, commemorabat. Accidit autem, vt pedem eius dexterum, grauissimū quidam & acerbissimus dolor inuaderet: qualem in vita sua nunquam senserat: qui nullo momento temporis intermisso, quod vnum adhuc, illi remanebat, omnium laborum & sollicitudinum perfugium, somni quoque facultatem perturbabat, nec vllum prorsus ocij & quietis beneficium concedebat. Cui remouendo cū esset à medicis remedium excogitatum, nec vllam tamen adferret doloris leuationem, in summis illis angustijs, facta Pij V. Pontificis honorificentissima mentione, frequentius inclamabat. Auges Domine dolorem, auge & patientiam. Tū & illa Psalmistæ verba sæpius iterata proferrebat. Si iniquitates obseruaueris Domine, Domine quis sustinebit? Iram tuam, Domine, & flagella quis sustinebit? Tum & illud Non secundum iniquitates nostras retribuas nobis, &cæt. Et cū esset affecto pedi paulò feruentior adhibita medicina; Iamne me, inquit, vt S. Laurentium vstulatis? Nondum eius dies, fe-

stus aduenit, & vstionem sentio: & vtinam dignus inueniar, qui cum illo pro Christo ignes omnes & vstiones pari constantia perferam. Cum autem vis doloris, nequidquam remitteret, significauit medicis, vtrum forte expediret, afflictum & dolentem vel etiam vtrumque potius pedem abscindere, & reliquum vniuersum corpus seruare. Sperare se in Dei misericordia, quod etiam claudus, ad Regni celestis possessionem perueniret. Interim preces suas ad Dominum effundere non cessabat.

Quamuis enim dolor cruris, somni facultatem omnem ademisset, sæpè tamen tanquam dormiturus ad parietem se conuertit, vt liberius nobis è cubiculo secedentibus, Domini imploraret misericordiam. Illud autem sæpissimè decantabat. O crux aue spes vnica. O crux aue spes vnica. Et intentis in cælum oculis, signo Sanctissimæ Trinitatis, pro veteri more suo, tribus coniunctis digitis, ad significandum. S. Trinitatis mysterium, subinde se muniebat. Cū autem videret morbi yehementiam, omnes medicorum artes eludere, cum quadam animi hilaritate, medicinarum (quas semper coniecturas appellabat) imbecillitatem & inanitatem arguebat. Medicis autem culpam omnem, non medicinarum imbecillitati, sed humorum acerbitati tribuentibus, & meliorem valetudinem promittentibus dicebat. Vos me semper consolamini, omniaque meliora promittitis, & be-

ne facitis : hoc enim à vobis requirit officium vestrum. Sed video quòd operas vestras frustra consumitis. Sanate, si potestis morbum septuaginta sex annorum, & facile reliqua omnia incommoda, & affectiones corporis amovebitis. Non est quod deinceps tanto studio de valetudine mea laboretis. Iam enim tempus resolutionis meæ instat. Immo vero quantas maximas animus meus capere potest, Deo & saluatori meo Iesu Christo, ago & habeo gratias, quòd non ullis meis meritis, sed per summam & infinitam misericordiam suam, ad eū ætatis annū peruenire me voluerit, ad quē peruenit sanctissimus & doctissimus ille Doctor Ecclesiæ, quē ego præceteris omnibus, in vita mea colui, & imitari quātū potui conatus sum, D. Augustinus, qui & ipse in septuagesimo sexto anno ætatis suæ, sanctam suam animam Deo saluatori suo reddidit. Quis scit an hanc mihi præterea gratiam impetrabit, vt ego quoque animam meam non solum eodem, quò ille ætatis anno, sed etiam eodem, quo ille die, Iesu Christo Deo & saluatori meo restituam. Sed nihil aliud volo, quàm quod tu vis domine. Fiat voluntas tua; fiat voluntas tua. Paratus sum & nō sum turbatus. Paratus sum & non sum turbatus. Spero; certè, quòd mihi sanctus ille Doctor, in occursum veniet, & animam discipuli sui Deo meo, cui semper seruire cōnatus sum in veritate, repræsentabit. Has ego plane diuina

nas voces, cum sæpius ingeminari audirem, manum eius sacram deosculatus, lachrymantibus oculis. Bono, inquam, animo esto, Illustrissime: melius per Dei gratiam habebis. Non solum diem Diui Augustini sacrum, sed multos præterea annos, ad vtilitatem Ecclesiæ, & nostram consolationem superuiues. Ille vero manum capiti meo imponens (lachrymis ista scribuntur Hosi vir innocentissime) Charissime frater, inquit, ego te semper amaui, charumque præcæteris habui: rogo te, noli mihi adulari. Ego sentio quòd me calor naturalis pedetentim deficit. Tange pedes meos id ipsum iudicabis. Ego verò. Quidquid tandem futurum est, Illustrissime Domine, bono esto animo. Non minus tu rectè potes illis verbis te consolari, quibus seipsum olim consolatus est, ex hoc mundo in cælestem patriam migraturus Arsenius. Nam & tu septuaginta & amplius annis Deo seruiisti. Non potest mala, tibi mors accidere, qui bonā vitā vixisti. Ad hæc verba mea subridēs Cardinalis; O quā, ait, labilē habes memoriā. Non Arsenius fuit tu verba recitas, sed Hilarion, cuius vitā descripsit D. Hieronymus. Et quoniā instabat festū D. Marthæ, quæ saluatore nostrū Hospitio gratissimo excepisse legitur; & ego, inquit, cum Martha, Deū meū sub tectū meum excipere, hoc ipso die decreui. Itaque die D. Marthæ sacro, cum horas canonicas deuotissimè genibus flexis absoluisset, Missam

Missam attentissime audiuit, iunctis semper, & in cælum eleuatis manibus. Cumque tempus sumendæ Eucharistiæ aduenisset, remotis omnibus puluillis, in nudam humum antè altare se proiecit; confessionem dixit, lachrymis & singultibus interruptam, & tandem (quod mihi perpetuæ laudi, gloriæque duco) sacratissimū Corpus, & Sanguinem Domini, ex pollutissimis, & peccatorum sceditate contaminatis manibus meis suscepit. Sic igitur lassus, & vix spiritum ducens, ad reficiendum corpusculum accessit. Sed cum illi vis morbi, & ardor tebriculæ, quam tum primum deprehenderant medici, omnem prorsus cibi appetentiam ademisset, vix quidquā, idque inuitus, & renitens, degustare potuit. Quamobrem iussit me ad mensam suam accumbere, si forte, inquit, te comedente, mihi quoque solita redeat, cibi, potusque appetentia. Quoties autem à nobis, vt aliquid amplius sumeret, admonebatur, etiam hoc iam illud offerrebatur, respondit. Cum olim pro continentia virtute Dominum deprecaretur Diuus Augustinus, dicebat ille: Domine da quod iubes, & iube quod vis. Sic & ego vobis omnibus possum respondere. Date vt possim facere, quod iubetis: & iubere, quod vultis. Intus existens prohibet extraneū. Quod si foras artificio medicorum posset euocari, & somni beneficium, & appetentiam cibi nullo negotio recuperaré. Quoties autē intempesta nocte,

nocte, aut continuatis vicibus, ad se medicum familiarem accersebat, summa cum animi sui humilitate factum suum excusabat. Parcite, inquit, mihi rogo vos, quod vobis hanc molestiam affero: necessitas id me ut faciam cogit: certe non libenter id facio. Pridie igitur eius diei, quo sanctam suam animam Deo creatori suo reddidit, an vellet domui suae disponere, privatim ex eo trementibus omnino labris, non sine maximo metu offensionis perquisiui. Sed is placidissimo presentissimoque animo mihi respondit, quod in ea cogitatione versaretur, ut domui suae disponderet: & cetera quidem omnia, in animo suo disposuisse dicebat, sed in deligendis deputandisque Exequutoribus, non possum, ait, exitum consilii mei inuenire. Hoc opus, hic labor est. Scio quam diversum exitum habuerunt, multorum extremæ voluntates. Illo ergo ipso die Testamentum conscripsit? & tenuissimæ hæreditatis, quam in hoc mundo relinquebat, dispositionem absoluit, suoque signo obsignatam, in manus Petri. Martij Vulcanij, Notarij publici cõsignauit. Quoniam autem urgebatur à me, ut quod cœperat, sine intermissione absolueret, cum nullam illi mentis partem, aut iudicii facultatem vis morborum ademisset, ilico me in maximo metu versari subolsit, ne iam imminente nocte spiritum exhalaret. Quamobrem ne timeas, ait, ista ego nocte non moriar: sed cras per Dei gratiam reliqua

reliqua expediremus. Assistebat illi continuo. R. P. Oliuerius Societatis Iesu, quem in vita sua semper habuit charissimum, & spiritualibus admonitionibus, ad mortem constanter perferendam adhortabatur. Eum ille fixis semper oculis, maximaque animi præsentia intensissimè audiebat; & ad singula quæ requirebantur, ab eo, respondebat. Is quoque ut tum de Exequutoribus testamenti, tum de loco sepulturæ suam sententiam diceret, lenissimè & prudensissimè admonebat. Sed Cardinalis memor Apostolici sermonis; Si nos iudicaremus, a Domino non iudicemur: cum suam conscientiam, in omnibus vitæ rationibus, summa cura & studio moderari consueuisset; in hac quoque extrema vitæ fabula, maxima cum deuotione, animique præsentia, totius antea vitæ suæ generalem Confessionem præmittendam esse existimauit, De cæteris autem rebus se deliberaturum respondit: quod etiam fecit: suamque postea sententiam imposita fide silentij, tum de exequutoribus designatis, tum de cæteris negocijs eidem. P. Oliuero aperuit, & ita se iā profunda nocte, ad quietem composuit. Sed vanus erat illius conatus. Auferebat enim vis doloris, & egestiones continuæ, somni facultatem. Quamobrem totam illam noctem assistentibus, & orantibus, & lugentibus nobis, in summa molestia egit. Et subinde ex alto suspensio ducens. Si iniquitates, ait, obseruaueris Domine,

exi

mine,

mine, Domine quis sustinebit? Domine quis sustinebit? Nec vlllo momento temporis animū à futuræ vitæ contemplatione, atque à fundendis orationibus auertit. Sed horam septimam, quæ fuerat, ad celebrandum Missæ sacrificium assignata, sollicitè, cupidissimeque expectabat. Quæ cū immineret, vt primum me ad lectulum assistentem aspexit; Vos, inquit, heri sic me cum egistis, tanquam hac nocte mori debuissetem. Cæterum negare nō possum, quòd me valde sentio debilem, ita, vt vix mihi sola respirandi facultas supersit. Quamobrem cuperem os meum, modico vino, vel etiam aqua, abluere, vt me paululum refocillem, & siccitatem oris, quam sentio, detergam. Sed quia Sanctissimū Christi Saluatoris mei, corpus & sanguinem hora septima suscipere decreui, religio mihi est aliquid in os immittere, ne videar ieiunij obseruationem, quam sacri canones præcipiunt, intemperantia quadam vicius violasse. Cuperem itaque, ait, (erat enim tenerrimæ conscientia, & abstinentiæ admirabilis, nec vnquā se quidquam scire præter Christum, & hunc crucifixum gloriabatur, & si quid sciebat, id ipsum scire se non putabat: sed illud in corde perpetuo conseruabat, Beatus homo qui semper est pauidus, qui vero mentis est duræ, corruet in malum) ex P. Oliuero cognoscere, vtrū antè sumptionem Sacratissimi cibi, liceat mihi taleem oris siccitatem, quam sentio abluere.

Ego

Ego vero. P. Oliuerium, hora noctis fere quinta conueni: qui sententiam in ea re mihi suam aperuit. Cum autem ablutionem illâ Cardinali porrexissem, tanta cautione in os immisit, ut ne vel guttam quidem vnicam, passus sit paulo profundius descendere. Quod ubi factum est, cœpit cum D. Thoma Tretero, matutinas horas de B. Maria Virgine ad Niues, cum maxima vocis, laterumque contentione, cumque lachrymis & suspirijs, deuotissime recitare. Vbi verò ad præclarum illum, & diuinum D. Ambrosij & Augustini hymnum ventum est, ne quidquam renitentibus nostris, languentia & effœta membra in terram voluit prosternere, & genibus flexis, totam illam gratiarû actionem deuotissime recitare. Accersit postea medicum, & excusatione maximæ necessitatis identidem præmissa, de noctis incommoditatibus, deque vitio ventris, & gutturi questus est, quod somnum in oculis suis non viderit, atque acetbissimos cruris dolores egestionumq; molestias pertulerit. Quibus, inquit, malis posteaquam nullum, potest remedium inueniri, ego ad alium medicum longè Galeno vestro præstantiorem properabo: qui medicinas habet istis vestris suauiores, dulciores, amantiores: quas qui semel degustauerit, nulla vnquam incommoda, nullam deinceps mortem, in semipiternum tempus sentiet. Sed mirum est, quantum sunt in hoc paruo tempore, omnia in me

immu-

immutata, quàm factus sum ad omnia inutilis. Nihil aliud facio, quàm ingero & egero. Iam & scribendi & legendi, & de Repub. cogitandi facultatem omnem amisi. Sit pro omnibus nomen Domini benedictum in sæcula. Nunc meum bene valere, est non pessime valere.

C A P V T X X.

H Ora tandem septima P. Oliuerius, ad celebrandum missæ sacrificium accelsit, quem ubi Cardinalis aspexit, ex lectulo suo surgere, & pro sua perpetua consuetudine, ante ipsum altare, in medio cubiculo genuflectere voluit. Nos vero ne faceret, neue se in hoc suo summo languore, in apertum discrimen obijceret, magnopere rogabamus: & omni diligentia cauebamus, ne quod tentare videbatur, etiam inuitis, & reluctancibus nobis in terram se ex lectulo proijceret. Quæ res illi valdè grauem, & acerbum sentium doloris adferebat. Quamobrem semel & iterum manibus me suis a lectulo, cui assidebam remouebat, dicens lingua nostra materna, Odstep, Pokuso. Discede a me tentator: meque quem debeo cultum & reuerentiam Deo & Saluatori meo exhibere permitte. Ego vero me à lectulo paululum sciunsi. Caterù ille remoto præsidio, nulla ratione potuit languens, & effatum corpusculum a culcitra iubleuare. Cœpit tamen pedes

pedes suos in terram pedecentim demittere, quos cum alius quidam familiaris eius Piaro-
uius, in lectulum reponeret, zelo maximo Di-
uini honoris inflammatus, manibus cum a
lectulo conatus est remouere. Dimitte me, in-
quiens, dimitte me, vt supplicis in morem, de-
bitum Deo meo honorem, in terra prostratus
exhibeam. At cum aduenisset tempus Eucha-
ristiæ sumendæ, nullis precibus, nulloque no-
stro conatu retineri potuit, in illo suo summo
languore, quominus è lectulo in terram se de-
mitteret, & quantum poterat demissè humili-
terque Dominum venientem in domum suam
reciperet. Absoluta tandem peccatorum suo-
rum confessione, pectus suum sine intermis-
sione verberans, & cum Centurione lacrymis
fleatibusque perfusam, ac interruptam oratione
fundens, Domine non sum dignus, &c. signoq;
se Crucis muniens, panem illum Angelorum
sacratissimum accepit, & in lectulum se tan-
dem reponi passus est; quod reliquum erat Mis-
sæ, summa cum attentione audiens. Absoluto
Missæ sacrificio, parum aliquid cibi, refectionis
gratia accepit. Deinde Sacramentum sacræ ex-
tremæ unctionis impartiri sibi petiit: quod
extremum officium peractente Curato, vt ego
manibus meis hec indignus, tanto illi viro, im-
partirer, ad perpetuum meum erga ipsum cul-
tum, & obseruantiam proprie pertinere putauit.
Ipse vero inuicto quodam animi robore, sa-
crain

f. 19.

crum illud oleum aspiciens, & ad eas quæ recitabantur ex Sacerdotali Romano orationes accuratissimè respondens, apertumque pectus ostendens, quale semper in omni vita sua gerebat, seque quantum poterat, in omnes partes reuoluens, & membra ad suscipiendam sacram illam armaturam offerens, summa cum attentione, maximaque cæremonia, Sacramentum illud extremæ vnctionis, deuotissime suscepit. Deinde cum paululum à labore respirasset, oculos ad vniuersam familiam conuertit: quam cum in terra prostratam, orationesque fundentem, & plangore maximo, lamentationeque (non teneo lachrymas Hositanto fratre dignissime) cubiculum complentem aspexisset, cum omni humilitate ab omnibus in vniuersum condonari sibi petiuit, si quenquam vnquam in aliqua re offendisset: seque vicissim omnium erroribus veniã ex animo impertiri professus est, à quocumque tandem læsus aliquando esset. Ad extremum etiam sacra sua manu, altius, vt poterat, eleuata, ternis vicibus eiulanti familiæ benedixit, dicens; Dominus vos benedicat: Dominus vos custodiat: Dominus vos ab omni malo conseruet. Amen. Ite in pace. Qui tum fuerit eiulatus omnium, quæ profusio lachrymarum, qui singultus & gemitus, si adhuc in oculis meis lachrymæ, quas plurimas in illius temporis commemoratione, & in his meis acerbitatibus effundo, aruissent; coram oculis

oculis tuis quantum calamo, & atramēto possem repræsentare contenderem. Nemo non gemuit, nemo non arsit dolore, in illius viri occasu quem immortalem si fieri potuisset, omnes esse cupiebant. Sed vidit omnium lachrymas cordium inspector Deus: & Angeli eius cadentes in tanti viri morte guttas numerarunt. Planè fecerunt omnes planctum magnum super ipsum, sicut olim super Stephanum viri timorati fecisse leguntur. Accepta benedictione, sacram eius manum, omnes ex ordine sumus deosculati. His omnibus ad eum modum peractis, ad orationem se conuertit, & Primam, Tertiam, Sextam, vt vocant, cum Thoma Tretero, deuotissime, attentissimeque recitauit; subinde Virginis gloriosæ, & intemeratæ Deigenitricis Mariæ, intercessionem implorans, vt sibi viâ ad perpetuas Niues, & sempiterni temporis refrigerium, orationibus suis patefaceret. Cum autem ad Nonam ventum esset, sufficit, inquit, iam non dicemus Nonam, nisi fortassè cum Angelis in cælo. Postea me accersito, de quibusdam adhuc rebus, animo præsentissimo mîhi data dedit, & iter alia, vt opera Diui Augustini, cuius in omni vita sua semper fuit studiosissimus, Thomæ Tretero familiari dilecto cederent, ordinauit, ea vero quæ Thomas habebat, Zolcinio assignauit. Quoniam autem Episcopus Nepefinus triduanas per omnem diœcesim suâ supplicationes, pro salute salutaris Ec-

clesiæ Dei viri indixerat, accidit vt hoc ipso tē-
poris momento penes palatium transirent ad
Ecclesiam Beatæ Virginis, puellæ quædam vir-
gines, non pauca, cantantes Litanias, & valetu-
dinem Cardinalis castissimis labijs Domino
commendantes. Quarum vocem cū audiuis-
set, quæsiuit quænam essent ista Cantica. Ego
verò dixi, quòd Episcopus publicas supplica-
tiones instituisset, & quòd voces quas audiret,
erant voces castissimarum ac Deo amabilium
virginū, pro salute & incolumitate sua Deo, &
gloriosissimæ Virgini Mariæ supplicantium. Il-
le verò vehementer exhilaratus, eleuatis in cæ-
lū manibus; magnas, ait, ago gratias Episcopo,
& istis virginibus, & omnibus, qui pro me mi-
sererrimo peccatore sollicitudinem istā capiūt.
Scio quòd magnum pondus habere apud Do-
minum castissimarum virginum, & innocen-
tium puerorum orationes consueuerunt. Sed
nihil aliud ego volo, quàm quod tu vis Domi-
ne. Fiat voluntas tua. Ne momēto quidem tē-
poris viuere cupio, vltra quod constituit mihi
Dominus. Paratum cor meum. Paratum cor
meum. Iussit deinde Dominicæ passionis hi-
storiam legi: in qua cum ventum esset ad eum
locum, vbi Petrus Apostolus Christum negas-
se perhibetur. & P. Oliuerius Domini erga ip-
sum misericordiam, & ignoscendi facilitatem,
tum & hoc quoque pluribus verbis commē-
morasset, quòd Cardinalis nunquam per Dei
gra-

gratiam Christum negasset, nec vnquam de nomine eius erubuisset, sed apertè potius coram hominibus, & coram omni Ecclesia malignantium, & vbiunque id officij ratio, & incredibile animas Christo lucrificandi desiderium requirebat, confessus: hæreticos præterea, quòd Christum negassent, in omnibus dictis & scriptis suis constanter & intrepide persequutus esset. Eleuatis in cælum vir diuinus manibus, alta voce lachrymantibus oculis dixit; Christe fili Dei viui, tu scis quod ego te, nomenque tuū non negaui. Tuum enim hoc esse beneficium lubens agnosco, agoque tibi hoc nomine summas gratias. Absit à me, absit ab animo meo, vt te negare vnquam voluerim. Quoties autē fiebat nominis Iesu commemoratio, toties lauguentem atque deficientem dexteram, ad caput attolens, pileolum de nitentibus comis, in honorem huius sacratissimi nominis deponebat. Cū alapæ mentio facta est, os ipse quoque suum, eleuata manu verberauit. Vbi vero flagella, & spinea corona commemoratur, & P. Oliuerius acerbitatem illius doloris, quem Saluator noster pertulit, ob oculos poneret, atque ad fortiter ferendam mortem & quidquid tandem Dominus permisisset adhortaretur, Cardinalis respondit. Fortiter & constanter, fortiter & constanter. Cū autem ad illa verba ventum esset, vbi Dominus emisisse spiritū legitur, ad parietem capite paululum

conuerso, alta voce, ita vt ab omnibus exaudiretur, Dominicam orationē, & Angelicam salutationem, articulatim, distincteque recitauit. O crux aue spes vnica. O crux aue spes vnica. Tum & illud; Per passionem tuam Christe salua nos. Tum & illud; Iesu Christe fili Dei viui, miserere mei. Tum & illud, quod in omni vita sua, in ore, atque in animo suo perpetuo habuit; Mane nobiscum Domine, mane nobiscum Domine. Crucifixi præterea imaginem sic amplexabatur, sic in manibus habebat, sic clauorum vestigia osculabatur, vt plane ostenderet, quàm ardentibus erga Deum fuerit in omni vita sua charitatis ignibus inflammatus. Iussit postea ad se nepotes suos, quos charissimos habebat accersiri, quibus ad lectulum prostratis, & lachrymas profundentibus, sacra sua manu in caput Domini Stanislai Hosij de Bezden filij tui charissimi imposita, sanctam suam benedictionem omnibus impertiuit. Tandem autem orationibus, quæ legebantur à P. Oliuero intentus, & signo sanctissimæ Crucis petus suum frequenter muniens, atque ad pleraque etiam respondens, cum aliquoties illa saluatoris verba deuotissime iterasset. In manus tuas commendo spiritum meum, Iesu quoque salutare nomen inuocasset, percontanti que patri Oliuero, num quæ legebantur omnia intelligeret, bis ac ter respondit, Intelligo, intelligo, intelligo: postquam prorsus omnia, quæ

quæ pro animæ commendatione præcepit Ecclesia lecta, perfecta que fuissent, illo ipso Beata Virginis Mariæ festo, quod in Nonas Augusti incidit, hora nona, qua spiritum suum Dominus in cruce emisisse legitur, plenus dierum, & gratiæ Dei, plenus omni sapientia & intellectu, in senectute bona, quietissimè & placidissimè obdormiuit in Domino. Quæ sequuta sunt, concursus videlicet plorantium, ac quasi quandam tempestatem publicarum querelarum, exequias, conciones, laudationes, oscula quæ sanctis illis manibus dabantur, contactus vt vocant rosariorum, & incolarum (ò felices Capranicas) deferendo corpore contentiones, non calamo & atramento, sed lachrymis tibi scriberem si legere posses. Hoc vnum addo, quòd in huius tam sancti, & in omne tempus laudati Cardinalis transitu, re ipsa cognoui, pretiosam esse mortem Sanctorum in conspectu Domini. Tum & illud verissimum esse deprehendi, quod à quodam S. Patre dictum est, Nō potest malè mori, qui bene vixerit. Planè enim fuit vitæ exitus, anteaclis vitæ studijs cōsentaneus. Sed plura non possum in hoc meo incredibili, & vix vnquam consolabili dolore. Nam & oculos meos ista commemoratio fletu debilitauit, & manum dolore impediuit, iustius vt ego possem, quam ille Tragicus, exclamare.

O Lux semper funesta mihi

X

3

Tem

Tempore ab illo lux est tenebris

Inuisa magis.

Et alius quidam.

Diuidor haud aliter quam si mea membra relinquam

Et pars abrumpi corpore meo visa est.

Ac vtinam, vtinam, inquam, vita mea, vitam illius redimere potuisssem, sicut olim David vitam subditorum, filij sui vita, Deo optionem proponente, redemit. Nec Respub. Christiana tanto præsidio, tam necessario tempore caruisset, nec ego vitam hanc viuerem, omni morte diuorem. Mihi enim sine Hosio viuere, est sine sole, & sine vita viuere. Hæc me spes sola solatur, quam etiam optimi quique, & intelligentissimi uiri, in hac Vrbe conceperunt, quod Hosius in beatorum sedes translatus, uitæ coronam accepit: cum ob immensam, & infinitā Dei misericordiam, in qua semper, omne salutis suæ firmamentum collocare consueuerat, tum ob vitam in timore Domini, & in custodia mandatorum eius, ab ipsis vsque incunabulis, ad vltimum vitæ diem, fideliter, ac religiose actam, laboresque pro Ecclesia Christi magno cum fructu, vtilitateque susceptos: tū vero etiam quòd si quam illius splendori labeulam humanæ conditionis infirmitas aspersit, sicut ante dies aliquot apud Illustrissimum Dominum Cardinalem Pelucum Archiepiscopum Senonensem, in Signatura, vt vocant, Officij, S. Pænitentiaræ (cuius ille curam Vrba-

nos

nos calores fugiente Hosio sustinere quotânis consueuerat, quemque sibi Hosius dari successorem cupiebat) viri virtutis & sapientiæ laudibus celeberrimi, Martinus ab Aspilcueta Doctor Nauarrus, & Franciscus Toletus Societatis Iesu & S. Officij Theologus, præsentem me retulerunt: ac idem ante multa sæcula, plerisque alijs sanctissimis & laudatissimis viris, ex Ecclesiasticis annalibus accidisse memorarunt: quem in vniuerso vitæ cursu totis septuaginta sex annis, nunquam in corpore suo, scelerat, acerbissimus ille ac prope intolerabilis cruris dolor absterfit atque expiauit: vt ne quæ, sicut ait Paulus, ligna, fœnum, stipulæ remanerent, quæ possent ingressum illius in æterna tabernacula, in trāsitu flammei verlatilisque gladij remorari. Sepultus est nona Augusti, ita, vt volebat in Ecclesia sua titulari S. Mariæ in Transtiberim, in quo olim loco fons olei effluxisse in Natiuitate Saluatoris nostri memoratur, ad dexterā partem altaris maioris, sub imagine Assumptionis gloriosissimæ Virginis Mariæ, Moisaico opere olim facta, adhibitis consuetis Ecclesiæ Catholicæ cæremonijs; præsentibus & communē Reipub. Christianæ calamitatē deplorantibus, optimis quibuscunque & doctissimis viris, qui tantū hunc Cardinalem immortalē si fieri potuisset, omnes esse cupiebāt. Funebrē orationem, & Hosij pietate & sua in eum obseruantia dignissimam, habuit eiusdem Eccle-

sia Canonicus Thomas noster Treterus . Vultus hominum nil aliud habet magis in ore, quacumque nos vertimus, quam; Mortuus est magnus vir, sanctus vir, doctus vir, verus doctor Ecclesie, vera columna . Pauperes autem cum vno Hosio, omnia se amisisse arbitrantur Deus & pater Domini nostri Iesu Christi, qui potest ex lapidibus suscitare filios Abraham, ipse suscitare in Ecclesia sua dignetur Hosio similes quamplurimos, Catholicae veritatis acerrimos propugnatores: quorum opera perfectum videamus, vt ne sit amplius in orbe Christiano Iudas, & Israel, Roboam & Hieroboam, Hierusalem, & Samaria: sed sit vniuersa terra vnus labij, & sermonum eorundem. Sit multitudinis credentium, cor vnum & omnia vna. Sit vnum ouile, & vnus pastor. Amen.



ORATIO. THOMAE TERTII.

Habita, in exequijs eiusdem D. Cardinalis Hosij, in Basilica S. Mariæ Transtiberim, Die xiiij. Aug.

M. D. LXXIX.



Vis dabit capiti meo aquam, & oculis meis fontem lachrymarum, & plorabo: nō, vt Hieremias ait, vulneratos populi mei, nec vt Iesus miseriam Hierusalem: sed plorabo sanctitatem, misericordiam, innocentiam, castitatem: plorabo omnes pariter in vnius morte defecisse virtutes? Ecce enim vir innocens, cum quo de vtero matris suæ egressa est pietas, & à diebus infantiae suæ creuit miseratio: qui nunquā in vanitate, sed coram Domino ambulauit in veritate & in corde perfecto, oculis omnium vestrum, Auditores, expositus, viam vniuersæ carnis ingressus est. Neque tamen lugendus est nobis ille, qui celestem illam in domum migravit, sed nobis impatientius est dolendum, qui talem videre desijmus. Cuius quidem doloris, vt tanto iustiore vos habere causam intelligatis, quantò grauius damnum est quod nimirum, faciendum mihi putavi, vt quasi quantoque

toq; viro Ecclesia Dei sit orbata breuibus ostēderē; & quantū ad animarū spiritualē profectū pijs omnibus eius ad cælestē gloriam transitus consolationis adferre possit, oratione cōmemorare, quod dum facio, vt mihi benignas aures prębeatis oro. Possē autē hic & generis & piissimorum eius parentū mentionē facere, vnde nō obscure discerētis, quod verē de vtero matris egressa est secū pietas; sed ad ea quę sunt eius propria, huicque loco muneri, & dignitati, in qua spiritum suū Dño reddidit, ac vestrę expectationi magis consentanea, cursum orationis in eā cōuertere malo. Ac primā quidē illā etatē suā innoctissime semper egit, quando quidē in eo domū sibi constituerat castitas, & continentia radices fixerat in profundis. Et virum & iuuenem se esse nisi per patientiam laboris ignorabat. Vtebatur lectiōe pro requie, & ludos omnes, & otiiū cane peius & angue fugiens, orationibus & studijs intendebat. Ceterum cū ex Italia, vbi partim Patauī, partim Bononię, litteris diligentem operam dederat, in Poloniā rediisset, sicut olim in Samsonem, ita quoque in illum irruit spiritus Domini, vt dilaceraret leonem rugientem Diabolum, qui per nefandas Hæreses, vineam Domini in patria sua vastare cœperat. Quamobrem totam animi contentionem ad oppugnandos & persequendos Hæreticos conuertit: & cū esset singularē innocentię, pietatisque laudē apud omnes in patria

tria sua consequutus, vitæ suæ exemplo cœpit
vniuersos viâ veritatis docere. Postea verò ad
munus Episcopale à Paulo Tertio Pontifice
Maximo vocatus, totum se, tanquam potesta-
tem habens, huic vni cogitationi immerfit, vt
ab ouili suo rabiem hæreticam areret, & reli-
quis etiam Regni vulneribus mederetur. Par-
tim igitur consilijs, partim admonitionibus,
partim scribendis concionibus, quæ per Præ-
dicatores vbique populis annunciarẽtur, par-
tim libris Catholicis subministrandis, partim
& alendis educandis in fide Catholica Hæreti-
corum liberis, veluti communis patriæ Pater,
pro omnium salute cōuersioneque tota animi
cōtentione laborauit. Quæ res adeo illi succes-
sit, vt si Hæreticos spectes, nullus eorum reper-
tus sit, qui Hosium Episcopũ, errorũ suorũ ini-
micum non senserit; ñ Catholicos consideres,
nulla sit Orbis Christiani pars, ad quam labo-
rũ & Scriptorũ illius fama nõ peruenierit, adeo
vt propter gratiã, elegantiam, & quod maius
est, spiritum intus loquentẽ, ex Latina in Gal-
licã, Germanicam, Polonã, Anglicam, Scoticã,
& quemadmodũ à magni nominis viro quodã
nuper accepimus, in Armenam etiã linguã di-
uinæ lucubrationes eius traductę fuerint. Talis
igitur tantiq; viri fama cōmotus Paulus Quar-
tus Pont. ne lucerna hæc veluti sub modio ab-
scondita diutius lateret, super candelabũ eam
constituendã, ac æternis suis litteris Hosii Epi-

iscopum, è diœcesi sua ad Urbem hanc totius Orbis theatrum euocandum curauit: de modo rationeque restaurandę religionis consilia cum illo cōmunicauit, in magnoque, quoad vixit, semper honore habuit. A successore tandem Pauli, Pio Quarto ad Imperatorem Ferdinandum Nuntius designatus, ita se illo in munere gessit, vt præclaris eius virtutibus incitatus Pōtifex, facere non potuerit, quin eum absentem & diu multumque reluctātem primo Cardinalem postea etiam Legatum ad Sacrum Oecumenicum Tridentinum Concilium crearet; in quo præter singularem, prudentię, eruditionis, ac pietatis laudem, Sanctę Sedis Apostolicę dignitatem ita sustinuit, vt Sancti illi Patres ex diuersis totius Orbis nationibus, auctore Spiritu sancto congregati, planè diuinas tanti viri dotes, & incredibilem propagandi cultus Diuini zelum, admirari satis non potuerint. Foris apud eum non mansit peregrinus, Ostium eius viatori patuit, ardor Charitatis omnibus. Absoluto demum Concilio in Patriam reuersus, quò in celsiori honoris & dignitatis gradu se constitutum videbat, hoc maiore studio ad Diuini honoris rationes in ea propagandas ferebatur. Quamobrem quantum apud Sigismundum Augustum Regem gratia, quantum apud Senatores reliquosque Regni ordines auctoritate valuit, tātum contendebat & elaborabat, vt quę in Sacrosancto illo Cōcilio sanctę pie-
que

que cōstituta fuerant, ea in patria sua exequutioni mandarentur, leuem sumptuum & laborum, in prouecta iam ætate rationem ducens, dummodo pietas & religio perditorum hominum temeritate atque audacia profligata, rursum introduceretur. Primus ille fuit in vniuerso Poloniæ Regno, qui Patribus Societatis Iesu in partes illas euocatis, morum disciplinam collapsam in clero restituere, ac vt inuentus in litteris & Dei timore diligenter institueretur, perficere conatus est: cuius consilij sui eum fructum vidit, vt & alij itidem antistites, exemplo ipsius incitati collegia eiusdem Societatis erigerent, ex quibus ad Ecclesiæ Dei rationes, in regionibus Hæretica labe infectis promouendas, plurimum emolumenti redundat. In Senatu Regio quoties suo loco sententiam diceret, ad eum finem omnia retorquebat, vt Sathanae Synagogis euersis, Christianam religionem auctam & propagatam in patria sua videre posset. Inde tot admonitiones, tot consilia, à Spiritu sancto profecta, tot vias ad animarum perditorum salutem recuperandam adiuuentas Regi Senatoribusque non magis viua voce, quam per Diuinas plane epistolas suas suppeditare nunquam destitit: vt vel ex hoc vno quilibet facile intelligere posset, nihil eum vnquam prætermittere solitum, quod & ad pastoris vigilantissimi & ad Senatoris prudentissimi, patrisque patriæ amanatissimi munus pertineret.

tineret. Animum ad durissima queq; pro Christiana religione toleranda ita semper præsentem & planè inuidum adferebat, vt nec potentiorum Hæreticorum minas vnquam extimesceret, nec à dicendi libertate sibi temperandum esse existimaret, etiam si gratia Principum excidendum esset, si quando Christi & religionis causa ageretur. Hinc sæpius dicere solebat, se votis ardentibus id semper à Deo exposcere, quoties Beati Andrea, qui patronus Varmiensis Ecclesiæ est, in Horis Canonis Commemorationem faceret, eam, vt illi constantiam animique fortitudinem largiretur, quo pro Sacrosancta fide extrema queque pati, quin & Crucem ipsam perterre, si id Ecclesiæ proficuū esset, illi concederet. Decimus iam annus agitur, ex quo ad hanc almam vrbe grauissimis quibusdā de causis aduenerat. In qua qualem pietatis, prudentiæ, sanctæ conuersationis, & vitæ innocenter actæ odorem sparserit, norunt omnes: præcæteris autē Sanctissimus Dominus Noster Gregorius xiii. Pontifex Maximus: qui prudentissimus meritorum, cuiusque estimator cum ad eū virum Maioris Pœnitentiarij munus detulisset, id se eo consilio, facere affirmavit, vt de peccatis alienis iudicandi ei potissimum potestate tribueret, qui propriorū peccatorū minimum haberet. O Magnū Maximi Pontificis de Magno Cardinali testimonium: quod ætas futura admirabitur; Ecclesia vniuersa

uersa semper cōprobabit. Sed non huius loci neq. tēporis esset omnia recensere, quæ de præclaris eius virtutibus rectè dici possent : Quāobré ad hoc iā nostra cōuertitur oratio, quod omnium actionum illius veluti summam quādam complectitur. Nam cum verè dictum sit; Non posse eum malè mori qui rectè vixerit; sanctissimam Hosij Cardinalis conuersationē, nihil magis comprobare posse videtur, quàm mors sancta, vt quæ ad veram illam, & nullis vnquā temporū seculis circumscriptā vitā, adiutū illi patetecerit. Nā ex eo tempore quo humanæ conditionis infirmitatē ratione comprehendere cœpit, cū artē rectè moriendi discere nunquā intermisisset, id cōsequutus est, vt quod magis per decliue senectutis iter, ad mortalis istius vitæ terminū appropinquabat, hoc feruentius bonis operibus sanctisq; virtutū exercitijs insistere nō cessaret: adeò vt corpusculo, vigilijs, orationibus, ieiunijs & magnis pro ecclesia Dei susceptis laboribus exhausto, feruor spiritus nō modò in dies sed in horas ac momēta penè singula magis atq; magis in eo cresceret. Nullā diē intermittere solebat, qua mēte ad Deū eleuata, paratū se esse nō diceret hac vita mortali excedere, quādo Diuinæ Maiestati illius placitū esset; vt voluntatē hanc suā sacrificij cuiusdā loco quotidie Deo offerens, voluntarij quodāmodo Martyrij coronam sibi contexere videretur. Creuerat iā in tantū imbecillitas corporis,

ate

ætate diuturnoque languore conquassata, vt
 cubiculo tuto exire non posset. Quamobrem
 die quæ festum Diuæ Marthæ Christi hospitæ.
 præcedebat, cum se peccatorem & indignum
 pronûciasset, velle tamen, quod olim Martha,
 se etiam cras facere dixit, vt Christum creato-
 rem & redemptorem suum hospitio exciperet.
 Postridie itaque facta Sacerdoti Confessione,
 postquam sacrificio Missæ, corpore debilis in-
 genua tamen prouolutus, attētissime interfuis-
 set, Sanctissimum Eucharistiæ Sacramentum,
 cum maxima humilitate, gemitu, ac lacryma-
 rum effusione deuotissime suscepit. Diebus
 quatuor sequentibus Missam itidem & Offi-
 cium Horarum Canonicarum recitatum, ma-
 gna cum attentione audiuit. Tandem Pridie fe-
 sti S. Mariæ ad Nives, cum iam tempus resolu-
 tionis suæ instare intelligeret, & totū se Diui-
 næ voluntati submisisset, denuo iterum Con-
 fessionis sacramento se expiauit, ad diem sequē-
 tem tam Sacrosanctam Communionē, quàm
 Extremam vnctionem differendo, indicās qui-
 busdam ē suis, quod extimescere videbantur,
 se nocte illa non moriturum. Postridie, exple-
 to Horarum Canonicarum officio, quo tem-
 pore manus in cælum frequentissimē extende-
 bat, Missam audiuit, Viatico Sacrosanctæ cō-
 munionis maxima cum reuerentia, & humili-
 tate se communicans, familiæ vniuersæ iam de
 hoc mundo cælestem illam in domum migra-
 turus

turus plane paterno affectu benedixit . Sacramentum Extreme vnctionis, ad lucem contra Spiritus malignos se præparās, suscepit, gratias Diuinæ Maiestati agens quod ad Septuagesimum sextum ætatis suæ annum attingere illū voluerit, quo Sanctus Ecclesiæ Doct̃or Augustinus, quem præceteris maximè admirabatur & colebat, ex hoc sæculo quondam migrauerat. Longū esset enumerare suspiria, lachrymas, gemitus, orationes quas ad Deū ardenti corde iugiter emittebat . Singulari veneratione quadam, viuificæ Crucis trophæum , quod sibi offerri voluit, prosequabatur, Spiritum suum Domino commendando, deuotissime loca vulnerrum Domini Iesu exosculando, & illud quod Ecclesia concinit, O crux aue spes vnica, sæpius ingeminando. Lektionem Passionis Dominicæ secundum Ioannem, cum sibi legi præcepisset, quoties Sacrosanctum nomen saluatoris nostri Iesu nominari audiuiſſet, toties pileolo è capite deposito, aut cum iam præ debilitate non posset saltem leuiter tacto, creatori suo honorem debitum exhibere conatus est: & tan dē hora nona, qua Dominus in Cruce pro salute generis humani spiritum emisit, vir sanctus itidem cum se aliquoties Crucis signo communiuisset, animam Christo redemptori, omnibus suis inspectantibus & ad lectulū genu prostratis, placidissime fœlicissimeque tradidit. Sic die Beatissimæ Virginis, quam singulari deuotio-

ne semper prosequeretur, Transfigurationis Domini festum præcedente, ipse quoque transfiguratus, de morte ad vitam, de valle lachrymarum ad montem totius lætitiæ & foelicitatis transiit, corporeisque vinculis exutus, claritatem vultus Dei intuetur, in qua veræ beatitudinis suauitas & æternæ delectationis dulcedo est reposita. Habetis iam, Auditores, breuem tam Sancti Cardinalis Pastorisque Vigilantissimi, quem *δαβελκότων*, non immerito appellare possumus, vitæ summæ, in quo cū summa in Deum pietas, in proximos Charitas, in omnibus autem eius actionibus prudens simplicitas, & simplex prudentia eluceat, dubitandum non est, cum in beatorum Sedes receptū Iesu Christi conspectu dulcissimo perflui, quē semper amauit, in quem credidit, quem palam confessus est, quem ad extremum vsque hactenū semper in corde, semper in ore habuit; ut eum non tam orationibus nostris quàm nos potius precibus illius apud Deum adiuuari posse, verisimiliter credendum sit. Effugit enim iam iustus hic de angustia seculi huius in maligno positi, de fructu laborum suorum repletur bonis, & iuxta opera manuum suarum retribuitur ei. Seminanti iustitiam merces fidelis reddita est, & requies eternitatis iam data est ei. Commendemus ergo nos, fratres, orationibus eius, & vicissim commendemus ipsum orationibus nostris, quarum præsidio si iam non indiget, orationes

tionem nostram cum maximo fructu in sinum nostrum reuertentur . Antè omnia verò denuis operam , vt iisdem vestigijs insistamus quibus ille , eo què cupimus iam peruenit . Frustra namque Sanctorum labores, conatus, & merita commemoramus, si ea factis representare non curamus . Inde potius augetur supplicium, vnde sperabamus meritum . Non enim absque causa Diuina misericordia, in hac nocte mundi huius tam conspicuum lumen accenderat, sed, vt ad viam salutis possent venire qui cupiunt, & excusationem non possint inuenire qui negligunt . Felix igitur terra, quæ talem genuit; sed felicior quæ talem Domino reddidit . Sit sanctificata quæ dedit; sit benedicta, quæ sacrum thesaurum in se recepit . Magis nunc in cordibus hominum loquetur vita absentis, quam vox præsentis, magis exempla perficient, quam verba . Oremus, vt ille orauit; ieiunemus, vt ille ieiunauit: facultates nostras distribuamus in pauperes, vt ille distribuit; castigemus corpus nostrum, vt ille castigauit; perseueremus in bonis operibus, vt ille perseuerauit . Certum est quod eiusdem gloriæ possessionem ad ibimus, quam ille adiit . Quod nobis cōtingat gratia & misericordia D. N. Iesu Christi, qui cum Deo Patre & Spiritu sancto viuunt & regnant in secula seculorum . Amen.

EDICTATO
 STEPHANO PRIMO
 POLONIÆ REGI
 POTENTISS.

Magno Duci Lithuaniae, Ruffiæ,
 Prussiae, Massouiae, Samogi-
 riæ, Liunionæ, &c. Tran-
 syluanie Principi,
 D.D. clemen-
 tissimo.

STANISLAVS RESCIVS
*Presbyter, Seruitutem & orationes
 suas commendat.*



ET si multa & illustria diuinæ
 bonitatis & misericordiæ in pa-
 triam nostram extent argumen-
 ta, quæ in omni rerum & tem-
 porum varietate ab ipsis adhuc
 orientis Regni Poloniæ tempo-
 ribus eluxerunt: nullum tamen hoc vno maius,
 nullum ad muniendam viam salutis efficacius
 commemorari potest, quàm quòd ab eo tem-
 pore, quo Christi recepit Euangelium per sex-
 centos ferè continuos annos, nunquam se pas-
 sa est in aliud quoduis Euangelium transferri:
 sed

sed quam semel ab vna Sancta Catholica Apostolica Romana Ecclesia fidem didicerat, eam semper & animo, & voluntate summa, magna cum pietatis & constantiæ laude conseruauit: etiam, non defuerint in cæteris orbis Christiani partibus hæretici, qui doctrinæ suæ fœditate maiorum quoque nostrorum animos simplicis veritatis amicos inquinare, ac de statu mentis, deque gradu constantiæ dimouere conabantur. Iconomachorum hæresis, quæ sanctorum imagines ex omni rerum natura cum puluisculo, quod aiunt, tollendas susceperat, cum sese Imperatorum fascibus & securibus contra Ecclesiam Dei armauisset, non solum Asiam, unde videtur initium accepisse, verum & alias nonnullas Orbis Christiani prouincias inquinasse memoratur. Berengarij perfidia, qui præsentiam Christi corporis & sanguinis in Eucharistia negare ausus est, erroris sui maculis Galliâ aspersit: Bogomilorum impietas, quæ S. Trinitatem & sacræ scripturæ libros in ordinem cogere nitabatur, longè lateque pestem suam euomit. Petrobrusiani & Henriciani incredibili audacia vsi, omnia diuina humanaque iura sursum deorsum miscuisse turbasseque referuntur. Albingenses, Lollardi, Flagellantes, errores suos multorum animis afflauerunt. Viclefistæ magnam Angliæ partem fœdissima doctrina contaminauerunt. Ad extremum etiam Valdenses, Hussitæ, Piccardi, Rocchefani vicinam nobis

Bohemiā, à via veritatis abstraxerunt, & in pestiferas sectas mirandum & miserandum in modum dissectas, distraxerunt. Factum est tamen singulari Dei misericordia, vt patria nostra, virginem se cassam exhiberet Christo: nec ullius hominis verbum pro Dei verbo reciperet: nec ab ea fidei regula discederet, quam initio ab Apostolicis viris, orthodoxis Episcopis, & doctoribus, Deoque amabilissimis martyribus Adalberto Gnesnensi & Stanislao Cracouiensi veris verbi Dei ministris & dispensatoribus acceperat. Imo verò quod omni laude & prædicatione dignissimum statuo: vt omnem in Regnum aditum omnibus pestibus maiores nostri, optimi illi & sapientissimi viri præcluderent, publico omnium Regni ordinum consensu & approbatione sanciuerunt: vt si quis hæreticales errores (hæc enim ipsa sunt sanctissimæ legis verba) facere vel promouere vellet, contra talem siue tales cuiuscunq; status, gradus, præminentie fuissent, & in eorum destructionem consurgere deberent, nec pro eis loqui vellēt aliquod verbū, sed eos & eorum quemlibet talem punire vellent, & promitterent. Plus aliquid addam. Regnum Bohemiæ semel & iterum ad Reges Poloniae delatum refutare maluerunt, quam in eos imperium obtinere, qui suaue Christi iugum per vicarium suū Romanum Pontificem & ecclesiam suam gubernantis excusserunt. Existimabāt enim difficile esse,
eos

eos in potestate continere, qui in sua potestate non essent, vel ut proprijs Regum nostrorum verbis utamur, religionem sibi esse iudicabant apud hereticos regnare. Quo factum etiam esse puto (solet enim Deus in vera conseruanda religione constantiam immortalibus beneficijs cumulatè compensare) ut Regnum quod à minimis inijs sumpserat exordium, amplissima- rum Prouinciarum accessione locupletatum, in tantam hanc, quam videmus, amplitudinem & maiestatem excreuerit, ut à palude Mœotica siue Ponto Euxino, ad mare vsque Balticum pertingat, & vicissim à Borystene vsq; ad Ode- ræ littora extendatur: ijs præterea sit legibus descriptum, ijs moribus constitutum, ut non esse pertimescendum videatur, si modo officij sui religionem tueri conseruareque voluerit, ne status illius vel diuini iudicij seueritate per- uertatur, vel Regia potentia opprimatur, vel optimatum diuisione scindatur, vel hostium ar- mis euertatur, vel populari confusione pertur- betur. Nam & sacerdotem habet, à quo de co- dendi veri Dei ratione instruitur: & Regem ha- bet, ne multorum imperio distractum, dilace- retur: & senatum habet ne Rex inconsiderate ruat, vel aliquid in subiectos sibi populos fu- renter & temere moliatur: & equites habet, ne quis impune pestem & exitium in capita ciuiū machinetur: & populum habet ne vitæ præsi- dijs & commoditatibus destituatur. Sacerdos-

ostendit quibus vestigijs ad beatorum sedes eundū sit : Rex à suo eminenti solio prospicit, vt ius cuique suum seruetur : Senator consilia, suggerit, vt idipsum iuste prudēter & moderatē exequatur. Eques armatus hastas & gladios tenet, vt quādo iussus fuerit, Regijs conatibus obsistentes reprimat: Populus prouidet, vt ne quid ijs qui in speculis Reipub. positi, pro Dei gloria patriæque salute, excubant, ad vitæ conseruationem deficiat. Quam Reipub. faciē maiores illi nostri optimo consilio vsi, in omni societatis humanæ moderatione tribus illis Re-rumpub. generibus anteponendam esse putarunt, eamque in patria sua constitutam vetustateque corroboratam nobis tradiderunt, atque commiserunt: vnde consecutum hoc quod esse videmus, vt si qui fuerunt qui patriæ nostrę pacem & tranquillitatem armis suis vexandam atque perturbandam putauerunt, illi re & veritate experirentur, quam difficile sit statum ita constitutæ Reip. peruertere: quamque Polonis essent omnia ad frangendos inimicorum impetus expedita. Moschorum apud Orsam octoginta millia non magna nostrorum manu vno die profligata legimus. Scytarum belluinam illam feritatem, qui soli propemodum olim contra Romanorum potentiam id ausi sunt, quod reliquarum nationum fugisset, & reformidasset audacia, magnis tamen & memorabilibus prælijs aliquoties repressam, apud

Oczakouiam & Wisneucciam ingenti clade accepta, magnopere diminutam accepimus. Turcarum autem arma quis hoc tempore non reformidanda putet? experti tamen ii quique sunt magno suo in commodo, cum in Valachia, tum in Russia, neminem posse patriæ nostræ exitium, sine suo exitio machinari, vel sicut quidam de Romanis scriptum reliquit, nil esse difficilius, quam armati Poloni latus fodere: adeo, ut Machometes Turcarum Rex à Casimiro III. & Baiazetes à Ioanne Alberto Poloniae nostræ Regibus, amplissimis oblati muneribus, pacem & amicitiam petere cogerentur. De Gruncualdēsi victoria, quo loco quinquaginta millia rebellium Crucigerorum vno die maiorum nostrorum armis ceciderunt, non est huius loci & temporis memorare. Equidem si maiores illi nostri laudis & gloriæ paulo fuissent cupidiores, quàm pacis & libertatis conservandæ studiosiores (quibus rebus Romana Resp. in tantam olim amplitudinem excreuisse memoratur) quacunque impetum tulissent, victorias & triumphos reportassent: sed tua fortiter tueri, quàm contra Christi præceptu aliena appetere maluerunt; summam scilicet felicitatem, existimantes (sicut magnum illū Ioannem à Lasko Archiepiscopū Gnesnensem Lauredano Venetorum Duci respondisse legimus) si non transcensis finibus alienis, sua fortiter tueri, cæterisque nationibus contra barbarorum

rum irruptiones pro fide & Repub. Christiana
præsidio esse liceret.

Has itaque victorias, hanc reip. faciē, hæc pa-
cis belliq; consilia quid nobis aliud peperit nō
video, quā cōstans & perpetua laus integræ &
incorruptę fidei Christ. conseruatę. Sed maiore
etiam diuinæ bonitatis & misericordię magni-
tudinem animaduerte. Cum sathanas in vicina
nobis Germania Lutherum Anti christi præcur-
forem, in signe illud Dei omnipotentis odium,
(& si homines odissent quos oportet, etiam
omnium hominum) ab interis suscitasset, vt pa-
cē Ecclesię Catholicę perturbaret, & omnia di-
uina humanaque iura sursum deorsum ageret:
visumq; etiā esset iusto, sed tamen nobis occul-
to Dei iudicio, patriæ quoque nostrę constan-
tiam, & soliditatē per Lutheranos Pseudopro-
phetas pertentare, vtrū essemus maiorū nostro-
rum similes, an alicuius hominis nil sibi non ar-
rogantis, nil cæteris non detrahentis amorem,
eius amorī anteponeremus: neq; defuissent, qui
Christianā maiorū fide reprobata, Lutheranam
perfidiam (ò turpē notā temporum nostrorū)
sequi, quam in suscepta propositaq; sententia
permanere maluerūt: omnia vicissim benignis-
simus ille pater remedia præparauit, quibus ho-
mines amentes, & in omnibus vitę cōsilijs præ-
cipites, ad mentē officiumq; reuocaret, nec vl-
lius medicinæ facultatē patriæ quoque nostræ
deesse passus est, quā cæteris omnibus Regnis
&

& imperijs quoties in similes laqueos inciderāt
vt ex illis eriperentur, adhibere cōsueuerat. Ma-
gnis olim erroribus Chaldeorū populi tenebā-
tur, cū rerum causas ad motū syderum, non
autē ad Dei potentiā & voluntatē referebant,
sed misericors Dominus ferre non potuit, vt in
errore turpissimo consummarentur. Suscitauit
enim oportunissimo tēpore admirabilē illum
Patriarcham Abrahamum, qui fuit illis quasi
via rectæ fidei, creatoris omnipotentiam osten-
dens, & à cultu & veneratione rerū creatarum
auertens. Ægyptij mirū in domum erant præ-
stigatorū artibus & incantationibus de statu
mentis deturbati, sed Dominus amicū suū ma-
gnū illum Moysen exhibuit, qui dæmonum
fraudes detegeret: & Domini potentiā & gloriā
per verba & miracula prædicaret. Israelitarum
rationes valde erant in aliquo tēpore contur-
bata, nullū enim certū magistrarum habebant
cuius impetio tenerētur, ecce subito Samuel di-
uinus affulsit, qui magnū præsidū inclinatis re-
bus attulit, & sub vnus imperium Dei manda-
to subiunxit. Achab ille Rex impius Deū patrū
suorum dereliquit, & diuinum cultum manufa-
ctis simulachris adhibuit: sed Dominus Eliam
Thesbiten suscitauit, qui Regis impotentiam
frangeret: atq; ad vnus veri Dei cultum reuo-
caret. Posterioribus autem seculis, cū Arrius,
Eunomius, Macedonius, Donatus, Pelagius, &
alii Ecclesiæ Catholicæ desertores nouis exco-
gitatis

gitatis artibus scripturas ex scripturis, legem ex
 lege, Euāgelium ex Euangelio, verba Christi ex
 verbis Christi impugnare, atq; ad eundē illum
 infidelitatis perfidiæque scopulum, ad quem
 initio omnia semper sua studia atque consilia
 Sathanas referebat: vt diceret impius in corde
 suo, non est Deus, etiam electos si fieri potuis-
 set perducere atque allidere conarentur: susci-
 tauit iterum Dominus admirabiles illos Or-
 thodoxæ veritatis defensores, sanctitatis & eru-
 ditionis laudibus celeberrimos, Athanasium,
 Basilium, Gregorium, Ambrosium, Augusti-
 num, Leonem, Damascenum, & alios, vt Theo-
 logus loquitur. τοῖς τοῖς καὶ τοῖς τοῖς καὶ τοῖς καὶ τοῖς, qui
 hæreticorum melle litos gladios, fraudesque
 sub specioso verbi Dei titulo occultatas dete-
 xerunt, Sathanæque consilijs vsque ad sangui-
 nem restiterūt. Sed & his postremis Reip. Chri-
 stianæ temporibus, cum primus omnium Lu-
 therus, in gremio Deo sacratæ virginis, mentē
 metumque deposuisset: eumque authorem se-
 cuti, Philippus, Oecolampadius, Brentius, Cal-
 uinus, Seruetus, Bucerus, Osiāder, Lismaninus,
 Fricius, Ochynus, Gregorius, Laskus, Verge-
 rius, & alia busta religionū & Rerumpub. om-
 nium, pacem Ecclesiæ perturbare, suaque ziza-
 nia in agro dominico superfeminare cœpissent:
 Deus bone quot in Ecclesia Dei sydera, quot
 doctores, quot Martyres, quot confessores,
 ὅσοι μάρτυρες quod aunt, in omnibus orbis parti-
 bus

bus eluxerunt, qui sese contra pestes illas pro Ecclesia Dei murum opposuerunt, & impetus aduersariorum ad euerfionem Christianæ religionis incitatos, inuidto prorsus animo mortisque & periculorum contemptore represserunt. Habuit Germania (vt ex multis paucos aliquos referamus) magnos illos & admirabiles Echios, Pflugios, Sônios, Surios, Cochleos, Staphylos, Vicelios, Lindanos, Canisios, Heselios, Tapperos, &c. Habuit Italia Caietanos, Catharinos, Contarenos, Campegius, Sadoletos, Pighios, Lipomanos, Picos, Pios, &c. Habuit, Gallia, Danesios, Pamelios, Espenseos, Demochares, Sanctios, Vigoreos. Habuit Hispania, Sotos, Alphōfos, Canos, Medinas, Fontidonios, Torrenses, Viguerios, &c. Habuit Anglia, Polos, Roffenses, Moros, Arboreos, Sandersos, Hardingos, Stapletonos, Alanos, Coppos. Habuit Lulitania, Oforios, Payuas, Casalios, Forerios. Habuit & habet adhuc per Dei gratiā nostra quoq; Polonia suos Hosios, Cromeros. Orichouios, Patricios, Scargas, Varfouicios, Vvargoutios, Gorscios, Socolouios, Herbestos, Solicouios, Pouodouios, Bialobrzezscios, Kochanouios, (omnes enim omniū prouinciarum viros præstantissimos oratione persequi longioris subseclij negotium esse statuo) qui ciues suos ab accipienda peste nunquam auertere desierunt, ac ne nunc etiam desinunt: nil vt aliud expectare iam debeamus, quam vt hæc.

hæreticorum studia & contentiones cum exitum accipiant quem optamus; & quæ acceperunt ij, qui eos in simili audacia & impietate præcesserunt, quorum memoriâ cum sonitu, ut ait scriptura, perijsse videmus & gaudemus. Quis illâ Ariomantiarû potentiâ non reformidasset, cum in perniciê Orthodoxę fidei, cruces & æquuleos fixisset? cum igne, flamma, ferro, supplicio, exilio, eos omnes persequendos & euertendos suscepisset, quicumque cum orthodoxis patribus sentire, ab Arj verò perfidia dissentire voluissent? Orbis ipse, sicut ait Hieronymus, Arrianû se factum esse mirabatur. Quid autê ad extremum consecutum est? Vicit Christus, victus, est Arrius. Vicit veritas, occidit falsitas. Mentita est iniquitas sibi. Arrius Antichristus omnium vbique votis & sententijs condénatur. Athanasius autem, Basilus, Gregorius, & alij per quos locutus est Christus verissimis iustissimisq; laudibus in toto orbe Christiano celebrantur. Leo quoq; Imperator sacris imaginibus earumq; cultoribus bellum nefarium intulit; successor eius Cōstantinus Copronymus simili amentia incitatus, vim totâ suæ potestatis ad earum euerسیونē adhibuit. Deiectæ fuerunt Christi, & sanctorû eius imagines, deletę, combustę, cōtritę: in plerisq; locis sublata earû memoria putabatur. Qui verò cū Ecclesiâ Dei sentiebant, imaginû defensores, de suis sedibus deturbati, in exiliū acti, mille pœnis, mil-

le

le mortibus obiecti sunt : nemo non putabat, cultum imaginum in sempiternum tempus perijisse. Quid autē euenit? Vicit Ecclesia, victa est Iconomachi perfidia. Leo dānatus est: & Germanus, Epiphanius, Damascenus & alij multi Dei iudicio & orbis Christiani testimonio probatus est. Idem est hoc tempore qui fuit maiorum nostrorum Deus, æque bonus, æque misericors, æque salutem animarum nostrarum faciens, idem quoq; est exitus expectādus earum pestium, quæ nunc magnam, pro dolor, Orbis Christiani partem infecerunt. Habet enim ista quoque nostra ætas suos, vt iam diximus, Athanasios, Ambrosios, Basilios, Gregorios, Iuones, Lantfrancos, Bedas, Thomas, Giselbertos, quibus secundas partes post sanctos illos patres solum tantū tēpus tribuit: qui siue per vitā, siue per mortē, vt ait Paulus defendere Ecclesiam Dei nō verentur, quibus viuere Christus est, & mori lucrū. Imo verò (quo nomine tibi Christe immortales agimus gratias) habet Cōstātinus, non habet Iulianos: Martianos, non habet Cōpronimos: habet Tyberios, non habet Zenones, habet Theodosios, non habet Theophilos, qui loci vocationisque suæ memores seruiunt Domino in timore, leges quas non possunt facere nisi Reges, iusta præcipientes, & contraria prohibētes, cōueniēti rigore sanciendo, quibus det Dominus tātū velle, quantū in Christi causa uelle debēt, tantū possent quantum volent.

Cūm

Cum itaque inter alios præclaros & eruditos viros, quos Ecclesiæ Dei patria nostra charissima peperit, Hosium quoq; vt diximus, velut sydus quoddam ad illuminandos cæteros, atque ad viam veritatis ostendendâ, in hanc lucem produxisset, nil in omni vita diuino illi viro fuit antiquius, quam vt ciues suos in maiorum fide cæterisque pietatis officijs verbo & exemplo contineret: Lutheranæque perfidiæ labem ab ingressu charissimæ patriæ prohiberet. Quamobrè curas suas omnes & cogitationes in hoc vno studio, & conatu defixas ante omnia habebat, vt eâ religionis faciem in Regno videret, quam antè natam Lutheri perfidiam viderat, cum idem sciperent omnes, eandem charitatem haberent: vnanimis idipsum sentientes: nec vlli essent vel Lutherani vel Caluiniiani, sed omnes & essent & dicerentur Christiani. Hoc in omnibus vitæ studijs & consilijs laborauit, hoc vnum vt assequeretur contendit, præ huius rei desiderio cætera omnia posteriora duxit: ita vt maiore conatu, pro salute animæ suæ laborare non potuerit, quàm pro salute proximorum toto vitæ suæ tempore laborauit. Nunquam cum suscepti negocij pertæsum est. Suam salutem, suam existimationem, in ea re agi putabat: vt ne quisquam à via veritatis aberraret: neque tamen verbo magis & calamo, quam re, & opere, & veritate laborauit: memor illius quod Saluator ait: Qui fecerit &

docue-

docuerit, magnus vocabitur in Regno calorum. Faciebat enim quod docebat, ac omnia tempora & momenta, omnes vitæ rationes tanta cum integritatis & innocentiae laude transigebat, nemo ut cum diem viderit, quo cuiusquam interesset Hosium mori: vicissim autem nemo Christianus, nemo Catholicus esset, qui se modo eum esse meminisset, qui Hosium immortalem si fieri potuisset, esse noluisset. Habebat enim verè Abrahamicus ille senex, pectus suum omnium virtutum laudibus instructissimum, velut quoddam Spiritus sancti domicilium. Habebat intimis medullis inclusam Petri fidem, Pauli charitatem, Joannis integritatem, Augustini doctrinam, Basilij gravitatem, Athanasij zelum, Chrysostomi eloquentiam, Ambrosij libertatem, Gregorij vigilantiam, Hieronymi severitatem in seipsum exercebat. In conversatione & consuetudine hominum, Meletium, in contemptu vitæ Martyrijque desiderio Cyprianum referebat, (neque enim mihi pertimescendum video, ne sanctissimi illi ac beatissimi viri inuideant, si iisdem quibus ipsi abundabant laudibus hic illorum imitator honoretur) didicit quod docuerunt, fecit quod iusserunt, secutus est quo præcesserunt. Quamobrè etià factus ad extremum erat, velut arca quædam virtutibus abundans, ex qua in Orbem vniuersum pietatis exempla emanabant. Erat velut manus quædam, cathedram vnitatis in

qua posuit Dominus doctrinam veritatis ostendens. Erat velut vox clamantis in Orbe Christiano; Non est fides nisi una, & quicquid est extra unā fidem non fides, sed perfidia est. Erat quasi tuba, vastum in omnium auribus clangorem fundens, quod quisquis cum Romana Ecclesia in fidei doctrina non concordat, Christianus non est. Erat velut petra quædam ad sustinendos hæreticorum impetus opposita, ut in eius constantia & soliditate palam omnibus fieret; quod Sacerdos Dei Evangelium tenens, & præcepta Dei custodiens occidi potest, vinci non potest.

Quoties hæretici Lutheranae perfidiae fœditatem, quam Cōfessionem Augustanam (Christiana enim non erat, & ab ipsis Lutheranis, Polnischer Stiffel, hoc est, ocrea Polonica, siue cothurnus utrique pedi aptus vocabatur) dici voluerunt, interposito Comitiorum decreto, in patriam nostram introducere contenderunt, qua audacia, quo conatu, quibus artibus, quibus terroribus, ut id perficeret laborauerunt? Sed obstitit eorū conatibus Christi minister Hosius, vicit Christus, victus est Antichristus. Factæ sunt plagæ illorū sagittæ paruulorū. Quoties Lutherani & Calviniani aduersarios suos, sed tamen filios suos, Trideistas & Anabaptistas ex omnibus Regni Poloniae finibus exterminare, suam autem perfidiam tolerari, vel potius canonizari (hoc etenim verbo uti consueverat

uerat Hofius) voluerunt, sed obstitit eorum conatibus Hofius. Vicit Christus, victus est Antichristus: Quoties nationale quoddam concilium congregari, in eoque de vniuersalis Concilij Tridentini decretis disputari, & omnes Orthodoxę fidei articulos in dubium reuocare conati sunt; & nouam præterea quandam fiduciam ex omni Regni ordinum sententia scribi promulgarique voluerunt? Sed obstitit eorum conatibus Hofius. Quoties in Regijs ciuitatibus templa Deo sacrata, vt in ijs Deo suo Luthero, & Caluino sacra facerent appetuerunt? sed obstitit eorum conatibus Hofius. Quoties Calviniani quidam Synagonistę, Theodori Bexę Symmistę, Regni religionisque statum perturbare, & sicut in Gallia, sic in Polonia sursum deorsum miscere imaque summis paria facere contenderunt? Sed obstitit eorum conatibus Hofius. Vicit Christus, victus est Antichristus. Quoties Principi nefaria quædam separationis consilia suggererunt, quibus perfectum iri sperabant, vt Ecclesię Catholicę nuncium remitteret, & illius capiti Romano Põtifici diceret, Non seruiam, sed post Deos alienos ambula-bo? Sed obstitit eorum conatibus Hofius. Vicit Christus, victus est Antichristus. O Episcopum natum Ecclesię, memorem sui nominis, imitatoremq; maiorum.

Equidem ita sentio, quod nisi pulcherrimũ, hoc, *rod ógic* cognomen à maioribus suis hæredita-

ditarium accepisset, id ipse sibi posterisque suis, virtutis suae præstantia peperisset: Neque enim unquam vitæ suæ splendorem, vlla turpitudinis macula asperfit, nullo suscepto facinore laudum suarum gloriam inquinavit, nullas tenebras nominis sui claritati offudit. Summa erat in homine pietas, incredibilis sapientia, pene diuina eruditio, inusitata clementia, charitas in omnem proximum tanta, maiorem vt materna viscera, erga proprios filios ferre posse non viderentur, tantus denique in omni varietate temporum rerum omnium modus, vt à primis illis, & puerilibus annis, per varios dignitatis, & honorum gradus ad summum illum, ad quem peruenerat authoritatis apicem ascendens (quis enim ei viro honor non debitus tribui poterat?) ad extremam vsque senectutem intactus (sicut ait ille) à sibili peruenisse videretur. Deinde verò, quam laudem in numerum rerum admirabilium sacrae Scripturae auctoritas referendam existimauit, post aurum etiā non abiit, nec speravit in pecuniae thesauris. Quo magis etiam illud de misericordia Dei nobis pollicemur, posteaquam illi visum est, ad accipiendam Regni coelestis possessionem, virum illum admirabilem, ex istius corporis domicilio euocare, quod ipsae quoque beatorum animae latantur, quod nouus iste Christi confessor confessorum in coelis numerum auxerit. Latantur (sicut de Basilio quoque suo scriptum reliquit Nazianzenus)

hominem ad se consimilem moribus venisse, athletam athletæ: coronatum coronati, animo castum, corde puri: præconem sermonis, ministri sermonis: in quorum etiam societate longe maiore, quam cum in carne viveret contentione Deum precari nunquam interiret, ut nesit amplius inter nos Iuda & Israel, Roboã, & Hieroboam, Hierusalem & Samaria. Ipsi quoque Deiparæ virgini supplicabit, & sacratissimis illis Apostolorum Principibus Petro & Paulo, ad quorum hic cineres cordis suis sanguinem, per lachrymas ex oculis defluentes cõmuni Regi & Domino, pro Orbe Christiano offerebat, Adalbertum quoque Gnesnensem, & Stanislaum Cracouiensem Episcopum patriæ suæ Patronos, & Aduocatos exorabit, ut infirmitatem humanam orationum suarũ præsidij dignam putent, & pro ea fide, quam in Orbe Christiano plantauerunt, pro Ecclesijs quas constituerunt, pro populis quos verbo veritatis genuerunt, pro quibus cathenas gesta uerunt, mortem sustinuerunt, laborare, apud cœlestem Regem non desinant: quo dignetur auferre ex cordibus hominũ cor lapideum, & dare cor carneum, ut sit multitudinis credentium cor vnum, & anima vna, ut sit vnus pastor, & vnum ouile.

Non vereor autem ne me quisquam existimet diuturnæ consuetudinis, quæ mihi cū Hossio intercessit, & eius beneuolentiæ, qua me ad

extremum vsque vitæ suæ diem prosequutus est, dulcedine delinitum, hæc quæ dico omnia libentius, quàm verius prædicare: cum ita communis, ita cōstans, ita perpetua sit omnium de Hosij nostri pietate opinio, vt etsi præcipuum meum, erga illum studium esse deberet, pene ramen æqualiter cum cæteris versari videatur. Hoc enim in omnibus pene libris, & litteris summorum, & doctissimorum virorum, qui nostra hac tempestate floruerūt, obseruauī, quod magna sit inter omnes in omnibus Orbis partibus de Hosij præstantia consensus. Alij vocant Ecclesiæ columnam, alij malleum hæreticorum, alij ornamentum Collegij Cardinalium, alij Polonicum Patriarcham, alij senem vere Abrahamicum, alij Magnum Hosium, alij Prælatum probatissimum, alij nostri temporis Augustinum, alij alterum Poloniae Stanislaum, nouum Bessarionem, huius sæculi Hosium, Melchisedechicum Sacerdotem, nunquā satis laudatum Ecclesiæ defensorem, rectæ fidei custodem uigilantissimum: Orbis miraculum, Patrem patratum: Romani Senatus ornamentum, Apostolicæ Sedis propugnaculum, Christi fortissimum Athletam, Phœnicem Cardinalium, Curiae Romanæ splendorem, formidabilem hæreticis aduersarium, senem suauis loquentem: alij synceræ pietatis magistrum, Dei interpretem, alteram Pauli manum, alij alijs laudibus celebrant, & vsque ad sidera tollunt

sunt, omnes vno eodemque ore sanctitatis & eruditionis testimonium perhibent, & antiquæ pietatis imaginem appellant: idque etiam in auribus omnium gentium, ac nationum cantare prædicareque non dubitant: & docti in bibliothecis; & indocti in circulis; & magistri in scholis, & antistites in sacris, & prædicatores in cathedris, & in versibus Poetæ, & in montibus Eremitæ, & in Orbe terrarum vniuersum genus Christianorum: hoc enim summis, & præcipuis viris euenturum, apud Daniele legimus. Qui docti fuerint, fulgebunt quasi splendor firmamenti, & qui ad iustitiam erudiens multos, quasi stellæ in perpetuas æternitates.

Ad libros autem eius quod attinet, tam est omnium laudibus peruulgata, & percelebrata Hosianarum lucubrationum vtilitas, vt quod olim de quodam Gregorij Thaumaturgi scripto creditum est, id multi de Hosij quoque nostri libris existimare non dubitent: quod eos ipsa mater Dei virgo Maria scribenti dictauerit: vel quod de Basilio suo, Theologus scriptum reliquit, in pixide Spiritus sancti calamum suum scribens intixerit: ne alia contra nostri temporis hæreticos scribendi materia scriptoribus ullis relicta, post Hosium esse videatur. Neque etiam dubitauit vir quidam eruditus Germanos suos admonere: vt Hosij Christianæ Catholicæ fidei confessio, in omnibus templis, & Cathedris ab omnibus Parrochis populo prælegeretur, &

iterum acque iterum repeteretur, cum vix quisquam isto, ut ait, sæculo plenius, vtilius, apertius, magis etiā ordinate, totū corpus doctrinæ Christianæ, totamq; illius vim & rationē complexus esse, nec efficacius Lutheri errores, & aliarum sectarum vanitates refutasse, videatur. Ita ut merito possit, propter admirabilem vitæ sanctitatem & diuinam pene eruditionem, rerumque maximarum vsum, & experientiam, nō pro qualibet Ecclesiæ Dei columna, sed pro altero huius temporis Augustino reputari. Cuius rei illud quoque maximum argumentum esse statuo: quod ipso etiam auctore vivente bis & trigesies in præcipuis Christiani orbis urbibus, Latina, Germanica, Gallica, Flandrica, lingua omnes Hosij libri typis excussi, in Polonicam etiam & Italicam translati videbantur, & fortasse etiā in Armenicam, sicut ex sermone viri cuiusdam in hac vrbe Illustrissimi accepimus. Romæ, Parisijs, Venetijs, Lugduni, Antuerpiæ, Colonæ, Moguntiæ, Dillingæ, Cracoviæ, Vienne, tam facile per manus hominum distrahebantur, tam avidè à doctis & indoctis legebantur, & asseruabantur: quin & hoc ex Episcopo Ruremundano Guilhelmo Lindano, viro in Ecclesia Dei notissimæ pietatis & doctrinæ, in vrbe cum esset audiui mus: quod sicut olim de Basilio, ita nunc in quibudam Germaniæ Academicis de Hosio existiment, nefas esse in fidei doctrina ab illius sententia discedere. Ipsi quoq;

Lu.

Lutherani Catholicam fidem, Hosien Glau-
ben hoc est, Hosianam fidem, & ipsum Hosium.
Polnischen Gott hoc est, Deum Polonorum, si-
cut olim Hunni Theothimum Scytarum Epi-
scopum, propter summam eius virtutem, Deū
Romanorum vocare non dubitauerunt. Tam
magnus erat in orbe Christiano Hosius, tam
Hosij laudibus & gloriæ orbis angustus vide-
batur. Quo magis dolendum est, tantum illud
præsidium, quod in illius vita doctrina, pieta-
te, sapientia positum videbatur tam necessario
Ecclesiæ Catholicæ patriæque nostræ tempo-
re defecisse: quem immortalem si fieri potuis-
set, esse oportebat: cum præsertim hostes Ec-
clesiæ pacem adhuc Ecclesiæ perturbare non
desinant: necdum & receptui canant: sed licet
se se legum vinculis & armorum periculo per-
quandam confœderationem liberatos esse glo-
rientur, armatum tamen contra Catholicos ge-
runt animum, & in hoc vno studio curas adhuc
& cogitationes suas consumant, vt à Christo in
Bethlehem nato, ad Antichristū Illebiensem vel
Geneuensem vel nescio quē alium quampluri-
mos conuertant; nisi quod hæc ciactura deplo-
rari potest, corrigi non potest. Nos enim, vt ait
scriptura, ibimus ad illum, ille autem non re-
uertetur ad nos. Deinde vero scitum est illud
Paulini.

Impia nam pietas animam lugere beatam.

Gaudentemque Deo flere nocens amor est

Et

Et satis ille quidem & ætati vixisse videtur, & gloriæ, & si rerum gestarum magnitudinem respexerimus, nunquam viuere desinet. Quando diu literæ sacræ latinique sermonis consuetudo & eloquendi elegantia, in orbe Christiano manserit, Hosij Cardinalis nomen optimis & doctissimis viris annumerabitur, nec ullam vetustatem collecta per eum sanctitatis fama pertimescet. Nos autem quod attinet, si ad vota, studiaque singulorum atque ad præsentem Reipublicam oculos vertimus, certum & indubitatum est, quod quodocunque tandem obijisset, parum vixisset. Nunquam enim foecundissimi illius pectoris opera non potuisset, non esse Ecclesiæ Dei valde necessaria.

Hic itaque homo Dei (magna videlicet orthodoxæ veritatis tuba) cum ex istius corporis domicilio migraturus esset, neque se Ecclesiæ Dei, causa quicquam adhuc præstitisse putaret, nisi illius rationibus, etiam e sepulchro succurrere conaretur, Lucubrationum suarum quæ adhuc in thesauris eius latitabant, me hæredem, cum cætera omnia refutarem, testamento suo constituit: vt si quid in illis esset, quod intelligentium iudiciis in hac vrbe, quæ semper habitata est altrix doctissimorum virorum, probaretur, quod gloriam Dei propagare, quod hæreticorum audaciam frangere, quod infirmorum tepiditatem inflammare posset videretur, edendi &

di & imprimendi facultatem & copiam permitterem, sin minus inter mea *κεφάλαια* reponerem.

Ego vero cum intelligentium iudicia cognouissem, nil prius & antiquius habui, quam ut ea sub tuo, Stephane Rex potentissime, nomine & tutela, & patrocinio, in lucem hominum euulganda susciperem. Multæ enim & magnæ causæ erant, quæ mihi huius consilij & cogitationis initium attulerunt. Nam & in eo regno lucem hanc primum, tam præclarus hic author aspexit, cuius tu nunc gubernacula, iuste, prudenter, fortiter, & temperate moderaris, & eius Regni causa præcipue curas istas & cogitationes, & vigilias, & labores sustinuit: & in eo Regno ad vnitatem Ecclesiæ præcipue reuocando vehementius laborauit: quod etiam ipse, quæ erat modestia, pluribus in locis confessus est, cum ea quæ scripsit, Tarentinis, sicut ait ille, & Consentinis, hoc est, Polonis, Lithuanis, & Pruthenis, non autem Romanis; e scripsisse memoraret: ut existimare debeas tibi hæc omnia scripta ab Hosio fuisse, cum ad antecessorem tuum Regem Sigismundum pro eius Regni salute scripta sunt, cuius tibi rationes, ut eas partim consilio, partim etiam armis tuis sanares, summa Dei bonitas & misericordia commendauit. Deinde vero non desunt adhuc, pro dolor, in Regno tuo homines Deo rebelles, falsitatis erroribus implicati, qui hoc genus

veritatis antidoto vehementer indigent.

Cum itaq; Ioanni à Lasko visum esset, probare se non posse sui similibus (quod Ecclesiæ rebellis, & hæreticus esset) nisi Hosio quoque Ecclesiæ defensori se inimicum esse declararet, aureum illum de expresso Dei verbo libellum, quæ tantas vtilitates peperisse videbat, & dolebat, scripto quodam suo refellendū refutandūque suscepit: in quo suā quondā fiduciam, quā etiam oppressum Dei verbum (o vim veritatis incredibilem) vocare voluit, Orthodoxæ fidei repugnantem, pro puro, puto, et expresso Dei verbo, cum ipsi Regi Sigismundo tum subiectis eius imperio populis, hauriendam propinabat: Cæteris enim in rebus Caluini doctrinam sequebatur, in doctrina vero de Eucharistia Suiſticam (hoc enim verbo vti cōsueuerat Hosius) hoc est suam propriam, et priuatam sui capitis opinionem, non iam poetica vel pictoria (vt ait Tertullianus) sed tertia quadam hæretica licentia vsus, in medium adferebat. Nec alium finem propositum habuisse videbatur, quam vt in patria nostra ex hoc eius labore & contentione, aut legum, aut hominum interitus sequeretur. Sed vere dixit S. ille Pater Augustinus, Felix est cor acutum ad veritatem, infelix contra veritatem. Veritas enim falsitatem, non falsitas debet oppugnare veritatem. Accidit igitur Laskij libello quod suo tempore nescio cuius hæretici libello accidisse in platea cuiusdam mariti-

mi oppidi idem Augustinus memorat. Nam & Laski libellus in platea trauitimi oppidi Braunbergensis, quod Episcopo Varmienti subiectū est, à quodā prætereunte inuentus, ad Hosium Episcopum deportatus erat:quem ille cum legisset, etiam si nullum id temporis hereticum scriptorem uidisset, qui maiore auctoritate nil diceret, memor tamen illius quod à quodam patre scriptum legerat: Hæretici scriptis suis firmos quidem fatigant, infirmos capiunt, medios cum scrupulo dimittunt: tum ut illam Augustini reprehensionem effugeret, qui de sui temporis Episcopis scribens queritur, quod sæpe noluisent dicere, quod teste scriptura poterant dicere; timentes uidelicet, ne loquentibus illis, qui ueritatem non potest capere offendatur; & non timentes, ne tacentibus illis, qui ueritatem posset capere falsitate capiat: Hæc inquam cum animo reputans nullo momento temporis interposito, cum pestem illam in lucem hominum prodiisse putaret, etiā si ternis Pauli III. litteris, Concilii congregandi causa, ex Episcopatu suo euocatus, iter in urbem adornaret, confutationem tamen Lascianarum Fabularum ipse quoque est aggressus: ut si quispiam ex illarum lectione, in qua auctor ramos loquacissimi erroris expandere uoluisse uidebatur, incommodi accepisset, Catholicæ ueritatis antidoto sanaretur: ac illud etiam palam omnibus faceret, quam nihil sit
cor

cor acutum & lingua expolita, nisi à Domino gressus hominis dirigantur. Cæterum Laskus non ita multo post antequam librum suum typis edendum curasset, è rebus humanis exemptus est, & Hosius qui uirtutes suas potius quàm uitia celare didicerat, ab editione libri sui abstinendum sibi quoque esse existimauit, ne cum laruis (sicut aliquando dicebat) pugnare, uel aerem uerberare uelle uideretur.

Hunc itaque Hosij de oppresso Dei uerbo libellū nos ad te Rex inuicte mittimus, ex quo magis etiam liquide perspicies, quod hæretici scripturas habere possunt, Biblia habere possunt, Euangelium habere possunt, verum autē scripturarum intellectum, verum Euāgelij sensum, quia extra Ecclesiam sunt, habere nō possunt. Licet Euangelij verba in ore & in lingua prompta habeant, licet disputent, diuidant, argumenta faciant, patrum & Conciliorum dicta & auctoritates adferant, mendaces sunt, lupi sunt, hostes Christi sunt, quamdiu se se ad Ecclesiam, quæ corpus eius est, nō adiungunt. Sicut enim ait Tertullianus, si quis in tibiam flauerit, non propterea tibiam hominem fecerit, quamuis de anima sua flauerit, ita non statim verum & expressum Dei verbum fecerit, quicquid aliquis ex scriptura in medium attulerit, nisi id ipsum cum Cathedra vnitatis concordauerit. Cathedram autem vnitatis, sicut in alijs, sic in hoc quoque præsentī libello aliā
else

esse non posse ostendit Hosius, quam eam quæ
 & in capite Orbis vrbe Roma, cuius fidē Apo-
 stolica voce laudatam esse scimus, in qua per-
 petuo (vt eiuidem auctoris verbis vtamur) con-
 seruata eam fuisse, quæ est ab Apostolis tra-
 ditionem refert Irenæus, cui totam doctrinam.
 Apostolos vna cum sanguine profudisse asse-
 rit Tertullianus: ad quam accessum habere per-
 fidiam nunquam potuisse testatur Cyprianus:
 quam ita semper incorruptæ patrum doctrinæ,
 fuisse tenacem, vt quoties Romana fides dice-
 retur, Catholica intelligeretur, ex ijs quæ scri-
 pserunt Ambrosius & Hieronymus didicimus:
 in qua semper Apostolicæ Cathedræ viguisse
 principatum narrat Augustinus: quam hæreti-
 cisætoris semper expertem permansisse, nec
 vnquam in ea qui contrarium sentiret sedisse,
 quin potius Apostolicam gratiam inuiolatam
 custodiuisse, testatur Theodoretus: ad quam
 propterea de fidei causis iam inde ab ipsis Apo-
 stolorum temporibus nunquam non relatum
 fuisse, asserit Bernardus, quod ibi potissimum
 damna fidei sarcita iri spes foret, vbi fides non
 posset sentire defectum: cuius morem mul-
 tas gentes propterea imitatos esse in sacris
 rebus scriplit Lantfrancus: quod tanti ma-
 gisterii ex apice Apostolico primordiis cla-
 ret, & nulla per orbem Ecclesia æque vt Ro-
 mana ab omni fece hæreseon cunctis retro
 temporibus pura permansit. Sed non est
 iusti-

instituti nostri fusius ea de re disserere.

Cum autem in Episcoporum vigilantia plurimum sit præsidii collocatum, vt homines istā vnitatis Cathedram & cognoscant, & audiant, visum quoque est intelligentibus viris, vt exempla curæ vigilantiaque pastoralis gregis Dominici pastoribus ad imitandum proponerentur, quæ mirabiliter in omnibus Hosii Ecclesiasticis actis & gestis elucescunt: quanta fide, charitate, lenitate, seueritate, clementia, patientia, præditos eos esse oporteat, qui homines erroribus implicatos, à studiis iniquitatis ad viam veritatis reuocare conebuntur. Quæ omnia Hosius Cyprianum & Augustinum imitatus, summa fide propterea perscribebat, vt de ijs qui conuersi videbantur iuxta Pauli præceptū congauderent omnia membra, de ijs autem qui nihilominus obstinati veritati repugnabant, compaterentur reliqua membra; & sicut Dominus præcipit, vt eos qui voci pastoris suis obedire noluerunt Ecclesiæ denunciaret. Ecclesia vero iuxta potestatem à Deo sibi traditam conuenientia remedia morbis egrotantiū adhiberet, vt non solum, sicut ait Augustinus, tenebras erroris, vox prædicantis expellat, verum etiam malæ conscientia vincula vis timoris abrumpat. Si enim errantes docerentur tantū, & non etiam terrentur, vetustate consuetudinis obdurati, ad capeßendam viam salutis pigrius mouerentur. Vicissim autem si tantum terre-

terrerentur, & non etiam docerentur, improba quasi dominatione premi viderentur.

Quod autē ad Ecclesiasticas Auctoris Epistolas attinet, quarum bonam partem hoc tempore in lucem hominū mittimus, equidē puto futurum, vt lectorem non solum iuuent, verū etiā delectet. Sunt enim plene zeli, plene pietatis, plene Evangelicę libertatis, Apostolicis plane consilijs & sententijs abundantes. Nā quod Paulus Timotheo suo præcipit dicens: Tu vero vigila, in omnibus labora, opus fac Evangelistę, ministerium tuum imple. Et iterum: Clama neccesses, insta oportune, importune, argue, increpa: id Hosius noster per Epistolas suas re & veritate cumulatissime expleuisse existimatur: quibus enim ille vigilijs, quibus laboribus pepercit? quod tempus sine lectione transmissit? quas litteras sine doctrina & adhortatione scripsit? Nullius vnquam magnitudinem & potentiam pertimuit, nullius sibi falces & secures reformidandas esse in causa Christi putauit, vicissim autem nullius vnquam tenuitatem vel contempnit vel neglexit. Totum Orbem Christianum suas oues esse reputabat, pro omnium salute æquę laborabat, omnibus se debitorem sentiebat, Catholicos in fide confirmabat, hæreticos docebat, medios cōfouebat, omnes diligebat. Reges docebat, quomodo seruire deberent Domino in timore. Subditis ostendebat nullius mortalis pertimescendam esse poten-

tiam, quæ ab vna sancta Catholica Ecclesia quempiam abducere attentaret. Omnia molitus est, in omnia se vertit. Iam se submittit, vt pontem in cælum faciat properantibus: iam se erigit, vt se murum opponat persequentibus; iam (quod Paulus præcipit) mutat vocem suâ; iam sicut gallina expandit alas suas. Conatus hæreticorum, nemo acrius, nemo feruentius, nemo apertius, apud Reges terræ in omnibus Orbis Christiani partibus sine vllis dissimulationis inuolucris oppugnauit, studia & consilia Catholicorum nemo diligentius fouit, promouit, excitauit: nemo familiarius rationem fidei suæ omni poscenti exposuit, nemo Lutheranae perfidiæ fœditatem, progressionem, diuisionem, vanitatem, simplicis veritatis amicis planius atque simplicius exposuit. Quæ omnia cū ex magna parte pro Regni tui, vt diximus, salute, cum apud antecessorem tuum Sigismundum, tum apud Regni tui Senatores & Equites per Epistolas suas molitus sit, tibi quoq; præceteris, o Rex, conuenire videtur, tam laudati Senatoris & Episcopi plena maturitatis consilia cognoscere, illumque quasi adhuc in illo grauitissimo Regni tui Senatu sententias ex intima sapientiæ arte venientes proferentem cogitare. Porro quæ de conspiratione potius, quam confœderatione hæreticorum, in illius excusatione, & de quatuor in ea cōsiderandis scripsit, neminem tali ingenio futurum puto, quin ea

verissima esse & proprie ad hoc tuum munus Regium pertinere, atque ad auertendum à ciuium tuorum capitibus nefariæ conspirationis periculum sit existimaturus. Huc accedit, quod sicut medici salutaris alicuius medicinæ amaritudinem mellis dulcedine temperant, sic futurum existimo, ut ipsi quoque hæretici, quos in Regno tuo sicut ægros suos medici, dolentibus adhuc oculis aspicias, tanto auidius erroris sui medicinam in Hofij libris propositam accipiant, quanto manifestius illam tui nominis dulcedine & gratia tinctam atque delibutam viderint.

Atque vtinam possem sermones quoque Hofij, quos eius propria manu in Euangelia conscriptos, Latina, Germanica, Polonica lingua in thesauris adhuc meis teneo, in istorum librorum comitatu ad te mittere. Sed aliquod adhuc tempus in ijs in ordinem cogēdis ac describendis ponendum mihi esse video: nec demittam istam curam, suscipiam etiam omnem actionem, quam video verbi Dei ministris fore gratissimam.

Diuinitus autem, ò Rex, factum esse puto, ut in ea tempora lucubrationum istarum editio inciderit, in quibus tu maximis & memorabilibus victorijs & triumphis, de coniurato Lazzini simul & Polonici nominis hoste Moscho reportatis, in Regnum hoc tuum reuerteris. Nam sicut olim Abrahamo à quinque Regum

cede reuertenti Melchitedech sacerdos Dei altissimi gratulabundus occurrit. Sicut Moyſes poſt cedem Madianitarum Phineæ victoriam reportanti obuiam prodijt: ſicut mulieres ex vrbibus Iſrael congregatæ, Dauidem Goliati cede nobilitatum, cum omnibus lætitiæ ſignis exceperunt: ſicut Iſaphat poſt deletos Ammonitas & Moabitas cum Pſalterijs & Cytharis occuriſſe memorantur. Sic Hoſius quoque alter quaſi Melchitedech ſacerdos Dei altissimi obuiam tibi in his ſuis lucubrationibus occurreret, teque è prælio reuertentem cum omnibus gaudij lætitiæque ſignis excipiet, ac eadem illa vota tua quoque cauſa concipiet, eademque te benediſtione proſequetur. Puta cū tibi quoque dicere, Benediſtus Stephanus Deo excelſo, & benediſtus Deus excelſus, quo protegente hoſtes in manibus tuis ſunt. Et ſicut olim trecenti illi viri Gedeoni victori lætiſſimis vocibus acclamauerunt: Domino & Gedeoni: Gladius Domini & Gedeonis. Ita quoque tibi Hoſium acclamare exiſtimabis, Domino & Stephano Regi, Gladius Domini & Stephani Regis, neq; dubites quin magnum ſit pondus hæc illius oratio habitura. Fuit enim ille cum adhuc in carne viueret his tuis laudibus, & virtutibus ad te omni officio colendum non vulgari illo modo, ſed præcipuo quodam ſtudio, quod ſummis ac de Rep. Chriſtiana bene meritis Principibus deberetur vehementius inflammatus: idque tibi

com-

comprobare etiam conatus est, cum de eo sermone cognouisset, quem habuisti, cum quodā ex his, qui ne quid habere commune cum Christo videantur, Euangelici potius quam Christiani dici malunt, quod genus hominū Esaias Propheta viros illusores vocat, sic enim ait: Quo magis mihi desideratum hoc accidit, ut vestra Maiestas tam aperte Christum contemteretur, etiam eo tempore quo contra Christi suosque rebelles multorum eius generis hominum opera uti necesse habebat, hoc maiore illius exarshi desiderio propter tam fortem & imperterritum animum, quod nulla v'sa circuitione testata publice est. Se non nisi vnum Deum & eum patrum nostrorum Deum agnoscere, solum illum in Regno terrisque subiectis coli, nec in societatem eius vllum Belial admittere velle. Quamobrem credibile non est, quanto fuerim studio videndæ Vestræ Maiestatis inflammatus, ut me tenere non possem, quin exclamarem cum illo sancto Rege & Propheta: Quis mihi dabit pennas, sicut columbæ, & volabo? nisi quod ego non sicut columbæ, sed sicut aquilæ pennas, cuius velocitatem in scripturis prædicari memini, dari mihi cupiebam, usque adeo mihi fuit omnis mora longa, qua non aduolarem ad Maiestatem Vestram, quæ tam Christianum illius pectus non exosculare, qua tantum animi robur in Christi fide contra Christi perduelles tuenda & conseruan-

da non illi gratularer. Hoc tibi certo persuadere potest Maiestas Vestra, quod si per ingrauescentem hanc ætatem meam, & imbecilles vires licuisset, nihil fecissem libentius, & ardētius quam, vt in viam primo quoque tempore me darem, ac ad vultum illius contemplandum semota quauis cunctatione me conferrem. Sic ille Cardinalis sapientissimus, qui in omni re verissimum certissimumque pulchritudinis iudicium assecutus existimabatur, erga tuam pietatem, & istum qui in te eminet zelum propagandæ fidei Christianæ fuit inflammatus; quæ etiam magis semper in te est, quam istos fascēs & ista quæ geris Regia sceptrā admiratus. Neque enim tu, o virorum fortissime, vel minore in Deum fiducia, cum ad auctorem Deum victoriæ tuæ gloriam referas (sicut ex tuis Suirensibus edictis, & litteris quas ista quoque vrbs laudibus suis vehementer comprobauit, apparet) vel minus fortiter, qui spiculis tuis totam pene Moschouiam scrutatus es: vel minus fœliciter, qui res tam magnas tanta celeritate, nō toto adhuc triennio à suscepto bello, minimo tuo incommodo consecisti, neque deteriore causa, quam olim Gedeon, prælia Domini contra hostem Domini coniuratum Ecclesiæ Catholicæ aduersarium præliaris.

Qui ex patria nostra in has oras veniunt, tuam erga Deum pietatem, erga S. Sedem Apostolicam obseruantiam, erga Dei ministros, &

Sacer-

Sacerdotes humanitatem, & liberalitatem, satis prædicare nequeunt. Hæreticorum errores qui diuinam Regiamque simul auctoritatem, & potestatem, & leges, & iudicia, & pœnā ita contempserunt; nil vt eos delectare videatur, quod aut per naturam fas sit, aut per leges, liceat, & animo, & voluntate summa detestari te perhibent; nec vllius medicinæ facultatem prætermittere, vt saluis hominibus errores eorum interire queant. Quamobrem etiam in arce Polocensi, quam ante triennium è Moschi manibus Herculeæ claua tua, vel potius feruentissimis orationibus extorsisti, quas ad Deum tota illa nocte expugnationem præcedente, apud tuum illud militare stragulum effudisti. Collegium Societatis Iesu, cuius hodie laus est in Euangelio, omnibus vitæ præsidij instructum Regia plane animoque tuo digna liberalitate erexisti, vt sit quasi quædam ara fortitudinis, sempiternumque victoriæ tuæ monumētum, in quo tenera subditorum tuorum ætas in recta fide imbueretur, & ij qui Græcorum erroribus implicati aut Hæretica perfidia contaminati sunt, tanto facilius lucē veritatis aspicerent, quanto illam sæpius doctissimi viri oculis eorum offerrent: tibi que etiam leuissimum illud carmen sempiternis sæculorum oculis occinerent, Domino & Stephano Regi. Gladius Domini & Stephani Regis. Et nunc etiam de Rigenfi ciuitate, atque adeo de totius Germaniæ

niæ salute, quæ extra Ecclesiam nulla est, quæ consilia, quas cogitationes suscipias, ex Soli-
couij Secretarij tui pietate dignissimi litteris
abunde cognoui. Nil hic dicam de Transylua-
nico tuo collegio, cuius opera sit vt errores gra-
uissimos, in quos de religione inciderant illius
Prouinciæ populi quotidie recognoscant, & ad
Ecclesiam Dei cupidissime reuertantur. Nil di-
cam de tua in optimarum artium professores
& Theologos singulari propensione, quos ma-
ximis tuis sumptibus, ex intima Italia in Regnū
tuum euocare amplis propositis præmijs con-
tendisti. Toletum dico, Belarminum, Aquariū,
Muretum, Fuluium Vrsinum, Flaminium, Sigo-
nium, Petrum de Valentia, & alia Orbis Chri-
stiani lumina. Nil de priuatis tuis orationibus,
lectionibus, studijs, in quibus Christianā eius-
dē Hosij fidei Catholicæ Cōfessionem & Cæ-
saris quoque commētaria esse præcipua volui-
sti memorabo, quod solum si Moschus cognouisset, statim illi ex manibus arma cecidissent,
multū enim tibi animi, multum virium access-
sisse sensisset, eo solo nomine, quod Cæsarem
imitari in laudibus bellicis decreuisti. Quamo-
brem te etiam vir quidam Ecclesiæ Dei valde
salutaris, Homerum imitatus, *μὲθ' αὐτοῦ παρὼν*
ἔγραψε τὸ ἔργον, ad Hosium Cardinalem scribens
appellauit. Aditus ad tuam Maiestatem esse per-
hibet minime prouinciales. Facilis es in audiē-
do, lenis in ducernendo, in satisfaciendo dili-
gens,

gens, in iure dicendo summa & æquabilis seueritas adhibetur: neque enim pateris, vt leges patriæ aranearum telis persimiles habeantur, in quas si Musca inciderit teneatur, si vespa, telam laceret & auolet. Si quid tractandum est differs, si quid expediendum acceleras. Aures tuæ patent querelis omnium, nullius inopiam Regia tua vis exclusam, delectus in familiaribus peracutus & diligens. Aula tuæ grauis & constans disciplina: nec enim in illam otiosis & inertibus, sed aut librorum, aut armorum studiosis, & amatoribus patet accessus. Ministros qui vias omnes pecuniæ norunt, non in tuis intimis reputas. Scis enim tales omnia vicissim pecuniæ causa facere consueuisse, & quod omni laude prædicationeque dignum statuo, cum ceteros omnes potestatis tuæ magnitudine vincas, vincis etiam artificio beneuolentiæ colligendæ, nec quicquam ad tuam Regniue tui salutem & dignitatem amore & beneuolentia ciuium tuorum anteponendum existimas. Times timeri, scis amorem amore, arma armis irritari. In summa sic te in tanta tua potestate adhibes, nulla vt alia potestas ab his quibus præes desideretur. Omnes enim tuos ad laudē impetus recensere, nec industrię meę, nec istius temporis officium esse statuo, nec etiam pertimescendum video, ne laurea ea gloriæ tuæ rebus abs te fortiter, & præclare, & celeriter gestis acquisita amittat aliquo tēpore viriditate.

Seq

Sed vide, quam suauiter omnia disponit Dominus, quamque egregie extrema cum primis contexat. Tu non erubescis eum coram hominibus confiteri, ille te vicissim non solum coram patre suo cælesti, sed etiam in oculis omnium gentium, & nationum confitetur. Tu ut animas diabolica fraude deceptas Christo lucrifacias, nullos tibi labores, nullos sumptus, nullas vitæ contentiones defugiendas existimasti: Ille ut tibi materiam pietatis exercendæ subministraret, potentissimarum prouinciarum accessione te locupletauit. Bonum est, o Rex, confiteri Domino: bonus est enim Dominus Deus noster. Magnus est Dominus Deus noster, & magna virtus eius. Hic est, qui te tam fortem, tam sapientem Regem patriæ nostræ obtulit, hic est, qui cum suo nostroque hosti pene omnia ad perniciem Lithuanix patere videret, subito te vnum excitauit, qui nos omni metu periculoque liberares, hic est qui te puerum literis, iuuenem armis, virum consilio instruxit. Hic est qui tuum hostem Principem otio inimicum, pacem metuentem (de quo tu recte poteras illud Homeri dicere,

Εχθιστος δ' ἐμὲ ἔτι πάντες ὄλυμπον ἔχουσιν.

Αὐτὸς γὰρ τοὺς ἔρις πρὸς ἡμᾶς, πλεῖστοί τε, μαχαιτε.)

in manus tuas tradidit, ac istis tot tam præclaris, & memorabilibus victorijs, & triumphis nomen tuum, ad vniuersæ posteritatis memoriam propagauit, nulla ut iam videatur esse Or-
bis

bis Christiani ora, sedes, locus, quo non tuæ fortitudinis fama peruaserit. Quid ergo? Dicam quod olim Augustinus Bonifacio: Christianus es, cor habes, Deum times, tu ipse considera quæ uolo dicere. Pugnarunt quoque cum Moſcho alij ante te Poloniæ noſtræ Reges, ſed poſt illorum pugnas pugnauiſimus, poſt tuas pugnas vicimus. Illi fecerunt, tu bellum ſuſtul- ſti. Statim enim ut in Regem Polonię à Senato- rio, pariter & equeſtri ordine maiorum more in campis, longe lateque patentibus, ſole iſto, Vi- ſtulaque inſpectante, inter equitum peditum- que copias, inter haſtas & gladios, inter clan- gores tubarum, tympanorumque ſonicus, & tormentorum exploſiones (quibus rebus Mar- cij illi fortiſſimique equites, magis etiam incen- debantur, ut Regem ſibi Martium querendum eligendumque putarent) in hoc inquam tali fremitu, ſtrepituque armorum, cum electus Rex eſſes, nullam tu quoque moram interpo- nendam exiſtimaviſti, quin cum honorem, quem tibi arma dederant, omnibus viciffim caſtris & armis conſeruares. Quamobrem in aciem ar- matus, illico prodiſti, hoſtisq; tui animum, im- manitate barbarum, varietate leuiſſimum, per- fidia periculoſiſſimum domuiſti, & quod in pa- tria noſtra nullus à multis annis miles viderat, tu tergum illius non ſolum viduiſti, ſed etiam calcauiſti: fortaiſſis autem ideo ſuperioribus ali- quot annis tergum fugientis non viduiſimus, ut

tu, Rex potentissime, in hoc tuo felicissimo tempore, cum bene parato nostrisque etiam armis instructo hoste non solum fortius pugnares, sed tanto etiam gloriosius vinceret, scædamque illam barbarissimi Principis crudelitatem, imbutosque sanguine gladios vitæ libertatique civium tuorum imminentes, ab vniuersæ patriæ membris & visceribus auerteres. Nemo adhuc contra te in aciem prodijisse dicitur, qui non tuis laudibus & triumphis adderetur. Ter tuos milites in mediam pene Moschouiam immisisti, ter victores ex hostili terra reduxisti: & si quos paucos casus aliquis abstulit, plus ex illis gloriæ, quam sanguinis emanauit: hoc enim quoque ista tua fortitudine, ac vigilantia, quæ cæteris omnibus emines, perfecisse te perhibent: ut milites tui tanquam si tu esses ita sint: nec eos vel metus belli stupefaciat, vel lassitudo exhauriat, vel hostium legiones terreant, vel impedimenta viarum defatigent, vel cœli intemperies, vel hyemis asperitas, vel niuium altitudo, à susceptis consilijs deterreat. Acutis sunt auribus ad præcepta, promptis oculis ad signa, expeditis manibus ad opera. Dare vulnera paratissimi sunt, accipere uero tardissimi. irati pugnant, receptui signum, aut reuocationem a belio audire non queunt. Sperant semper optima, pati vel difficillima malunt, quàm cedere: nec potest vllius auctoritate tantus ille ardor extingui, longe ut eos rectius ἀθανάτους,
hoc

hoc est, immortales, quorum olim apud Persas decem millia fuisse legimus, quos vinci posse non putabant, si quis in te fastus esset, appellare posses. Quo factum etiam est, ut quot bella suscepisti; tot iam tuas victorias & triumphos numeremus: tantumque patriæ nostræ scuto tuo, quantum Duna, Vielica, vel Polota, alueo suo, quantum sylvæ densitatē, quantum montes altitudine, præsidij attulisti: ita ut si amnes exaruiscent si sylvæ deflagrassent, si montes subsedissent, non naturæ præsidij, sed virtute tua Lithuaniam tutam, munitamque haberemus.

Iam minæ sævi cecidere ferri,

Iam silet murmur graue classicorum,

Iam tacet stridor Litui strepentis,

Alta pax nostro renocata Regno est.

Quod autem in summa laude ponendum est, cum alij victores captarum urbium & provinciarum aut prædas appetant, aut ruinas; tu in his tuis victorijs & triumphis sic te adhibes, ut severitatē abditam, clementiam autē expositam habeas: neque adeo magnum existimes, ea quæ & naturam, & conditionem habent, ut vinci possint, vincere, verum in victoria animi imperum cohibere, iracundiam refrenare, captas urbes, quas victoriæ conditione delere potuisti, clementiæ tuæ iudicio conseruare, viros virtute præstantes, non modo extollere iacentes, sed etiam libertate donare, ac beneficijs cumula-

mulare, hanc tu veram victoriam esse reputas; quod certe nihil aliud est, quam inuictum esse, quam ipsam victoriam vincere. Sic tuam virtutem hostes, misericordiam victi, fidem & prudentiam ceteri omnes perspexerunt. Ex quo illud etiam consecutum existimât, ut armis tuis subactæ provinciæ doleant, tardius se in tuam potestatem peruenisse: nil enim illis aliud præter inferendæ iniuriæ licentiam eripis. Rem novam dico. In felicitatis parte ponunt, vinci: victoriam tuam vitam suam, salutem suam existimant: libenter in tuam potestatem veniunt, quæ in sua potestate esse, nec villo iracundiæ impetu de statu mentis dimoueri consueuisse cognouerunt: & hoc tuum, tam iustum, tam temperans, tam moderatum imperium, patrocinium potius vitæ fortunarumque suarum, quam imperium esse existimant. E quidem est quod sibi hostis tuus gratuletur, se in tam pium, Christianum, Catholicum, & Orthodoxum *ἀνταγωνιστήν* incidisse. Nam si pari perfidia cupiditate, immanitate, in subiectas illi provincias impressionem fecisses, quam tuam Lithuaniam annis superioribus aggressus ipse est, ne sperare quidem illi principatum, sed ne vitam quidem optare licuisset. Verum tu in Ecclesiæ Catholicæ schola didicisti, quod Regem non deceat esse diuitem aliorum iacturis, locupletem aliorum calamitatibus, immortalem inimicorum funeribus, nec esse quicquam Christiano Principe indignius

gnus lassa crudelitate. Incendij enim ac ruinæ simile est, multos sine causa furenter occidere, vicissim autem nullum ornamentum Principis fastigio dignius esse posse, quam illam coronâ, ob defensam patriam ciuesque seruatos: Nisi quod ego hoc tempore de tuis laudibus, apud te Regem Homericò ingenio & carmine dignissimum, non possum omnia, quæ mihi in mētem veniunt, singillatim recensere, quæ tui illi Patricij, Socolouij, Varseuicij orationibus & Panegyricis suis λόγῳ plane *βουσις*, quales in Regibus Parysatis illa requirebat, ita persecuti sunt, vt non dubitem ipsum te qui fecisti rerum abs te gestarum magnitudinem admiratū esse cum legeres: quæ & si magnæ sunt maiores tamen adhuc à tua sapientia, iustitia, fortitudine, animique moderatione expectamus; nos præsertim qui vocamur ecclesiastici, quibus ad bene de tota re Ecclesiastica sperandum quasi signum quoddam sustulisti, pristinaque vitæ & pacis, & tranquillitatis vsus & consuetudinem, hæreticorum audacia pene interclusam, aperuisti, quo nomine quàm sumus magis obstricti, atque obligati esse tibi non possumus: atque vtinam maiora possemus, quando quidem maiora nos abs te accepturos esse confidimus. Maiora enim, ait ille, populus semper à summo exigit. Verum interim Deum Patrem misericordiarum, & totius consolationis deprecari nunquam intermitteremus, quod olim Chri
stia.

stianos, pro suis Imperatoribus precatos esse
 legimus, vt tibi det Dominus Imperiū securū,
 donū tutam, exercitus fortes, senatū fidelem,
 populum probum, Regnum quietum, vitam
 prolixam (te enim esse prolixissime regnaturū,
 ipsa quoque tui corporis forma & statura ad
 eam quam geris dignitatem accommodata de-
 signat) idque nos à Diuina clementia tanto fa-
 cilius impetraturos esse confidimus, quanto
 maiore conatu in id studium & antea semper
 & nunc in Liuonia tua incūbis, vt in omnibus
 provincijs imperio tuo subiectis sit omnium
 credentium cor vnum & anima vna ἀγαθὴν ἀν-
 δρῶν ἔργον, ait Constantinus: τῇ πίσει τῶν ἀρχέων
 συζῆν. Et Leo ad Theodosium: Defendite, ait, in-
 concussum Ecclesiæ statum, vt & vestrum Chri-
 sti dextera defendatur imperium, scientes im-
 perij vestri viribus profuturum, quicquid Ca-
 tholicæ libertati benignè fuerit dispositione
 collatum. Equidem, serenissime Rex, in omni-
 bus istis hæreticorum studijs & cōtentionibus
 nil aliud, quam a regum aut hominum inte-
 ritus ostenditur. Non potest enim fieri, vt fal-
 sitas non persequatur veritatem: cum enim hæ-
 retici sint vniuersis erroribus amici, non pos-
 sunt nisi solis esse nō errantibus inimici. Qua-
 mobrem optimum est notis vitijs impedin-
 ta prospicere, quod te & studiose & libenter
 facere latamur & gaudemus, ne postea sero
 medicina paretur. Hæresis enim ruinis similli-
 ma

ma esse perhibetur, quæ super id quod mole sua oppressere franguntur. Sed oppressionem Deus omnipotens à patriæ nostræ capite auertet, te præsertim Rege vigilantissimo ad illius gubernationem assidente; quo non modo victore, sed etiam viuo, & florens, & incolumis patria nostra esse posset. Pests autem istius exitium quæ multorum animos inquinauit, cum à Dei misericordia, qui neminem vult perire, sed vult omnes ad agnitionem veritatis peruenire, tum etiam ab ijs quæ in te elucescunt, quæque in Regno tuo comparas, pietatis præfidijs expectamus & speramus. In te enim vnum atque tuum nomen tota se apud nos conuertit religio Christiana.

Te permisto

Matrona minor maiorque choro

Colit & reserat venienti tibi,

Templa sacerdos, tibi nexilibus

Turba coronis redimita venit,

Tibi grandæui lassique senes.

Compote voto reddunt grates.

Libantque manu vina trementi.

Qua de re ego nolo hoc tempore pluribus, ne panegyricum in Epistolam includere velle videar: quin & ipsius Epistolæ longitudinem excusare deberem: nisi eam vereretur excusando magis etiam facere prolixior: cum præsertim ad eos, quos tibi offero libros, pro tua in Rempub. Christianam pietate, & in Ho-

si memoriam singulari beneuolentia, te & animum & oculos conuertisse videre mihi videor. Quod superest me & hos posthumos Hosij Cardinalis foetus Regiae tuae clementiae & protectioni qua summa possum animi mei submissione etiam atque etiam diligenter ac studiose commendo: & licet indignus, tamen sacerdos cum ad altare Domini stetero precari nunquam intermittam: ut tu Domine mi Rex sapiens sis sicut habet sapientiam Angelus Dei, & intelligas omnia super terram, utque tibi Dominus det aetatem quam mereris, & conseruet animum quem dedit, Amen. Datum Romae. Calendis Septembr. Anno Domini Millesimo Quingentesimo, Octuagesimo secundo,

REVERENDO ET RELIGIOSO

Patri F. Rogerio Gyrard, in Theologia Magistro, Priori apud
S. Augustinum Parisijs,

S. P.

EGO vero nunquam dubitavi fore, ut ea quæ coram in vrbe tecum egeram, & animo & voluntate summa cum redires in Galliam exquereres: sed magis etiam auxit meam de te totoq; isto negotio expectationem hominis tibi amicissimi P. Ioannis Bapt. Fereneti oratio, ex qua mirificam vim tui desiderij liquidissimè perspexi: atque eo etiam tibi nomine & ago & habeo gratias: nec equidem adhuc moleste fero quod aliter quàm optabamus consilia nostra ceciderint. Facile enim ut puto intermissione operæ nostro adhuc studio diligentiaque præstabis. Quod verò laudatissimi Cardinalis Hosij memoriam omni tibi officio atque pietate prosequendam existimas, facis tu quidem id, quod faciunt, qui se Catholicos & Orthodoxos esse meminerunt, ut acerrimum Orthodoxæ fidei propugnatorem: vel ut Gregorij xij. Pont. Max. pleno maturitatis & iudicij testimonio utar, Columnam illam Ecclesiæ, or-

naumentum Collegij Cārdinalium, Curiaē Ro-
manæ splendorem, isto tuo cultu & veneratio-
ne complectare. Sed ego tamen hoc tibi nomi-
ne volo debere plurimum, atque, vt te in su-
scepta propositaque sententia magis etiam at-
que magis confirmem, mitto ad te earum rerū
commentariolum, quæ in illius viri ad beato-
rum sedes migratione acciderunt: ex cuius le-
ctione perspicias, quā consentientes exitus
anteactæ vitæ studijs, verè Abrahamicus ille
senex, & quasi alter Isidorus Pelosiota. *ὡρε/τε
λογικῶς. καὶ λέγε παρηκῶς* acceperit, quamque
etiam fuerit sanctissimo & doctissimo Patri &
præceptori vestro D. Augustino deditus, in
cuius precibus tantum opis, tantum ad salutē
consequendam præsidij collocabar. Benedi-
ctus Deus, qui nobis in hac prope deposita
Reip. Christianæ parte in his communibus mi-
serijs, & ærumnis, videre tamen dederit supe-
riorum sæculorum fœlicitatem, & opera san-
ctorum, quæ summa cum admiratione in ec-
clesiasticis Annalibus legebamus, his nostris
oculis aspicere, his manibus contrectare con-
cesserit. Magnis enim profecto (non verebor
enim veram & Hosio meque dignam vocem
edere) Magnus ille Hosius.

Religionis Athlas, vox, & manus altera Pauli

Mors Lutheri, cœli ianitor, Orbis amor.

Religionis Christianæ luctibus atq; funeribus
subuenisse existimatur. Sed me reprimo, ne tu
mihi

mihi illud *ἐδόξεν παραλθῶν. μή κ' ἐπ' ἡπὶ πάλιν.* Sit no-
 men Domini sempiternis sæculorum ætatibus
 benedictum. Ei commentariolo Odam lugu-
 brem & epistolam plenam querimoniarū do-
 loris nostri indicem adiunxi, vt te quoque ad
 societatem molestiæ meæ adiungam, mihi que
 nonnullam leuationem adferam. Omnis enim
 acerbitas tanto esse tolerabilior consuevit,
 quanto inter plures diuiditur, sicut onus quod
 multorum humeris & viribus sustinetur. Lon-
 gior esse nolo. Huic enim qui me cruciat dolo-
 ri prolexi magis gemitus & fletus quam pro-
 lixæ Epistolę debentur. Bene vale, & nos quod
 facis, ama, nec amare desine. Datum Romæ. 3.
 Februarij Anno M. D. LXXXII.

Stanislaus Rescius S. Pœniten. sigillator

IO ANNI CANONICO

Martini Cromeri Episcopi Varm.

Cancellario Stan. Rescius

S. Peniten. sigillator.

S. P.



Vod à morte sanctissimi & omnium sæculorum memoria & prædicatione dignissimi Cardinalis Hosij domini & patroni mei beneficentissimi, nullas ad te litteras dederim, in causa fuit infinita quædam vis lachrymarum & dolorû, quæ me omnibus acerbitatibus interclusum tenuerunt, ac omni facultate dicendi scribendique spoliarunt, statumque illum nostrum & æquabilem vitæ rationumque cursum conturbauerunt atque confecerunt. Etsi enim in amissionem tam salutaris viri, non ego solus, sed orbis Christianus vniuersus incredibilem iacturâ fecerit : me tamen vnum hæc ruina oppressisse præcipue videtur, qui à teneris annis in illius pene sinu, & gremio educatus, eiusque exemplis & institutis instructus, ac incredibilibus beneficijis cumulatus, in tantam ad extremum orbitatem incidi, omnibusque vitæ præsidij & iucunditatibus ita subito despoliatus sum, vt
vitam

vitam quoque ipsam non ob aliud mihi relicta
existimem, quam ut præbeat sensum materiã-
que malis. Quomodo enim quæso te hæc mi-
hi vita vitalis aut iucunda esse potest, cum ei
vitam ademptam videam, qui multis vitam da-
re solebat: ei vitam ademptam videam, qui
multos à morte ac à peste ad vitam salutemq;
sempiternam reuocabat: ei vitam ademptam
videam, qui solus propemodum rectè vita uti
sciebat? Quibus, inquam, oculis hanc tantam
Ecclesiæ solitudinem, tam excellenti (sicut de
suo Basilio ait Theologus) gloria detonsæ ac
spoliatæ atque huiusmodi corona excussæ aspi-
ciemus? Bellum Hæreticorum imminet, & qui
ducem se præbeat nobis non est. Laborat infir-
mitatibus Ecclesia, & medicum non inueni-
mus. Tempus consilij est, & consilium dare so-
litus abiit. Helias assumptus est, & Hælisæus
non est relictus. O calamitatem intolerabilem
cuius exitus non apparet. O noctem acerbissi-
mam, quæ lucis ortum non expectat: o infœli-
ces tenebras quæ solem non sperant. Amisit Ec-
clesia dei confessorem, Religio propugnato-
rem, hæresis euerforem, patria senatorem, anti-
quitas conseruatorem, nouitas depulsorem, po-
pulus doctorem, docti præceptorem, pietas tu-
torem, impietas persequutorem, Pastores ex-
plum, impostores aduersarium, veritas domi-
cilium, falsitas inimicum, orbis vniuersus in tã-
tis tenebris lumen clarissimum amisit. Et inte-

rea, sicut ait ille, fax nusquā. Christus dormit? Misereor tui ò Dei Ecclesia, ac tui quoque patria mea dulcissima, quod in hoc valde necessario tempore, in his communibus miserijs & ærumnis, in hac tanta rerum omnium conuersione, in hoc religionis naufragio, in istis Regnorum & Rerumpub. excidijs, tam certum calamitatum omnium perfugium, rerum agendarum regulam, nauarchum peritissimum, columnam solidissimam, virtutum omnium domicilium, ex istius vitæ statione, & ex omni hominū consuetudine emiseris. At tibi vicissim ò magne homo dei & fidelis serue, & mysteriorum dispensator, & arca virtutibus abundans (ignosce mihi diuina anima & nunc & antea maxime veneranda: facit enim me in tuis laudibus longiorem non loquacitas mea, sed merita tua & meum incredibile in te studium)

Non ego adulatū (crede mihi) venio ne collige bilē

Sit mihi lætitiā fas aperire meam:

Tibi inquam, o vir Dei.

Clare fide, præclare actu, clarissime fructu

Qui meritis titulum nominis æqui paras,
 quo verborum honore Regni cœlestis possessionem & coronas, & triumphos gratulabor? Si mihi linguæ centum & ora centum essent, nec tuam fœlicitatem, nec illius patriæ dignitatem vllius orationis vbertate assequi atque explicare possem. Latantur proculdubio ipse quoque beatorum animæ, quod tu nouns Christi confessor

fessor, confessorum in cœlis numerum auxeris.
 Latantur ad se moribus consimilem venisse,
 athletam athletæ, coronatum coronati, animo
 castum corde puri, præconem sermonis, mini-
 stri sermonis. Nos autem quod attinet, si ad vo-
 ta singulorum respicimus, quando cumq. tan-
 dem obiisses, parum vixisses, si ad res gestas fa-
 tis diu vixisti, si ad memoriam operum, semper
 viues. Is enim erat innocentissimæ vitæ tuæ
 splendor, ea verborum & eruditionis vberitas,
 tantum præterea iuuandi proximi desiderium,
 tam ardens de Varinien. Ecclesiæ, atque adeo
 omnium ecclesiarum salute, deque Elbingen-
 sium cōuersione sine vlla vel temporis vel con-
 tentionis remissione sollicitudo, vt nunquā nō
 esset mors tua Christianæ Reip. immatura fu-
 tura. Sed parce tu quoque mihi, frater charissi-
 me, quòd in istarum rerum commemoratio-
 ne, & libenter & studiose hæreo: adhuc enim
 cum Hosio viuere, cum illo mihi loqui videor.
 Præterea vero Hosium laudans, virtutē laudo,
 virtutē laudās, Deum laudo. Interest omnium
 qui virtutem, qui pietatem colunt, scire Ho-
 sium quis fuerit: erat enim maximum & sin-
 gulare viuendi moriendique exemplum nobis
 propositum: ita vt nisi pulcherrimum istud
 τοῦ ὁσίου cognomen à maioribus suis hæredi-
 tarium accepisset, id ipse sibi posterisque
 suis virtutis tuæ præstantia peperisset. Bonus
 inquam

inquam, & perfectus erat doctor Hosius, faciebat quod docebat, ac omnia vitæ suæ tempora & momenta tanta cum innocentia laude transegerat, nullus ut vnquam eum diem viderit, quo cuiusque interesset Hosium mori. Tanta præterea contentione atque doctrina, verborumque & sententiarum vbertate fidem Ecclesiæ Dei cum scriptis in omnes orbis Christi partes feruentissimis illis & admirabilibus Epistolis, tū etiā libris editis propagauit, ut quod olim de Gregorio Taumaturgo, hoc de Hosij quoque nostri lucubrationibus rectè dici posse videatur, quod ea ipsa Dei mater virgo scribenti dicatitauerit: nec alia post illum scribendi contra hæreses materia scriptoribus vllis relicta esse videatur. Quo factum est ut Hosius Orbi Christiano valde magnus esset, Hosij gloria orbis angustus videatur. Cæterorum enim mortes, priuatos, hæc vna communem quandam luctum & dolorem in animis piorum & intelligentium hominum excitauit. Ex quorum ego libris & litteris, 200. fere testimonia magna cum animi mei voluptate collegi, quibus illi, quasi conspiratione facta, totius laudis & gloriæ principatum, cum in cultu pietatis, tum in doctrinæ & eruditionis excellētia attribuūt. Alij columnam Ecclesiæ vocant, alij ornamentum Collegij Cardinaliū. Alij splendorem Curia Romanæ, alij Phænicem Cardinalium, alij Polonicum Patriarcham, alij senem vere Abrahamam.

brahamicum, alij malleum hæreticorum, alij nostri temporis Augustinum, alij alterum Poloniz Stanislauum, nouum Bessarionem, Melchisedechicum sacerdotem, nunquam satis laudatum Ecclesiæ defensorem, rectæ fidei custodem vigilantissimum: Orbis miraculum, patrè patratum, Romani senatus ornamentum, Apostolicæ sedis propugnaculum, Christi fortissimum athletam, formidabilem hæreticorum aduersarium, senem suauiloquentem, alterum Numam, micans Latij lumen. Alij syncerę pietatis magistrum, Dei interpretem, alteram Pauli manum, alij alijs laudibus celebrant, & vsque in sydera tollunt. Omnes vno ore sanctissimum, pientissimum, sapientissimum, doctissimum, integerrimum, antiquæ pietatis imaginem appellant, easque etiam laudes cantare celebrareque adhuc non dubitant & docti in bibliothecis, & indocti in circulis, & magistri in scholis, & Antistites in sacris, & Prædicatores in cathedris, & in versibus Poetæ, & in mōtibz Eremitæ, & in orbe terrarum genus Christianorum. Habebat enim in se reuera Abrahamicus ille senex quo totius orbis oculos in sui admirationem conuerteret, habebat Petri fidē Pauli charitatem, Ioannis integritatem, Augustini doctrinam, Basilij grauitatem, Athanasij zelum, Chrysostomi eloquentiam, Ambrosii libertatem, Gregorij vigilantiam; In seipsum Hieronymi seueritatem exercebat. In conuersatione

fatione & consuetudine hominum Meletium,
 in contemptu vitæ martyrijque desiderio Cy-
 prium referebat, (non enim vereor ne san-
 ctissimi illi viri inuideant, si ijsdem quibus ipsi
 abundabant laudibus, hic illorum discipulus
 & imitator honoretur) didicit quod docuerunt,
 fecit quod iusserunt, sequutus est quo præces-
 serunt & dum illos in omnibus vitæ studijs imi-
 tatur, ipse quoque posteris suis se præbuit imi-
 tandum. Factus enim ad extremum erat velut
 arca quædam virtutibus abundans, ex qua in
 orbem vniuersum totius pietatis exempla ema-
 nabant. Fuit uelut quædam uox clamantis in
 orbe Christiano: Non est fides nisi una, & quic-
 quid extra unam fidem est, non fides, sed perfu-
 dia est. Fuit uelut manus, cathedram unitatis in
 qua Dominus posuit doctrinam ueritatis ostē-
 dens: Fuit uelut tuba uastum in auribus om-
 nium clangorem fundens, quod quisquis cum
 Romana Ecclesia in fidei doctrina non concor-
 dat, Christianus non est: Nisi quod in omnibus
 Hosij laudibus percensendis, non me sed Ho-
 sio laudatore opus esset. Hoc autem excepto,
 quicumque Hosium laudare uoluerit, aut me-
 cum sit, aut me sequatur oportet. Neque mihi
 tamen in hoc officij prædicationisque genere
 pertimescendum esse uideo, ne dulcedine diu-
 turna, quæ mihi cum Hosio intercessit, consue-
 tudinis delinitus, libentius hæc omnia prædi-
 care de illo uidear, quàm uerius, cum ita com-
 munis,

munis, ita constans, ita perpetua, sit omnium
 de illius pietate opinio, ut et si præcipuum esse
 meum erga illum studium debeat, pene tamen
 æqualiter cum cæteris versari videatur. Hisque
 ego interim rebus & cogitationibus in hac or-
 bitate mea pascor, his delector, his perfruo,
 quod amplissimi quique atque optimi viri de
 Hosio nostro opinantur, non secus ac de homi-
 ne è cælo in terram ad salutem Reip. Christia-
 næ delapso, quod nemo bonus, nemo Christia-
 nus est, qui modo se Catholicum esse memi-
 nerit, qui Hosio totius pietatis testimonium &
 eruditionis laudem non admurmuratione ta-
 cita, sed voce & clamore & litteris non perhi-
 beat. Quæ ego omnia, & si de Hosio meo sem-
 per expectavi, hæc optavi, hæc speravi, hæc præ-
 catus sum, hæc eventura prædixi, cum illam vi-
 ræ innocentiam, illam morum suavitatem &
 elegantiam per 20. ferè continuos annos, non
 solum ad exemplum patriæ nostræ totiusque
 ordinis Ecclesiastici, sed etiam memoriam tem-
 piterni temporis, huic nostro seculo donatam
 aspicerem, plura tamen quàm sperabam acci-
 derunt: Sed iterum Veniã abs te peto: *φιλεταῖος*
γὰρ συμφορὰ, Me vero hoc tẽpore loquaciore fa-
 cit amor. Loquacitas autem (sicut ait ille) in ædi-
 ficationem nulla turpis, si quãdo turpis. Non
 est, inquam, reprehẽdenda loquacitas, cum ni-
 mio amore pietatis & nimio odio impietatis.
 plura quàm res postulare videtur, aliquando
 loqui.

loquimur. Sed nec quenquam tali futurum esse ingenio puto, vt omnes Hosij nostri laudes ita possit mādare litteris, vt ea quæ diximus facta non ficta videantur esse. Me quòd attinet, etsi mihi secretarij & familiaris nomen mors illius abstulit, cultum tamen erga illum meum & obseruantiam & diuturnæ consuetudinis ac beneuolentiæ memoriam non ademit. Quominus etiam tantam illam pietatem, tam incredibilem sapientiam ac pene diuinam eruditionem, tam inusitatam clementiam, tam feruentem Charitatem, tam raram humilitatem, tantum denique in maxima potestate rerum omnium modum, tacitus apud te præterire potui. Ad extremum autem te etiam atque etiam peto & quæso, posteaquàm me calamitatis eius acerbitate ita fractum & deiectum esse vides vt non solum animi, sed & vultus & frontis, & oculorum hilaritatem in sempiternum tempus amiserim, ne me vnquam consolationibus tuis suauissimis, orationumq. præsidijs destitutum derelinquas, sed has vitæ nostræ tenebras vel potius istum nostrum carcerem, imo mortem, imo funus & cineres, cùm ad altare domini steteris in sacrificijs tuis illius bonitati cōmendes

*Neue, roga quid agam, si persequar omnia fle bis
Summa satis nostri sit tibi nota mali:*

Nūc enim omnia sole illo meo, illo inquā sole meo Hosio vel potius patriæ nostrę totiusq; orbis Christiani extincto, quasi conspiratione facta

Ita totum planè vitæ rationumque mearum
 cursum ita euerterunt, vt si mecum hoc tempo-
 re esses, non eum profecto videres quem reli-
 queras, non eum quem noras, quem fletus flet-
 tem via Flaminia prosequentem, ad pontem
 Miluium proficiscens dimiseras, ne vestigium
 quidem eius nec simulachrum, sed quandam
 spirantis mortui effigiem videres. Etsi enim ni-
 hil magis in hoc meo calamitoso tempore cu-
 ro, quàm vt ne curem, neue doloris magnitu-
 dine succumbam, nec esse quicquam solitudi-
 ne amicus statuam, omnesque umbras & re-
 cessus appetam, in quibus mihi omnis fere sem-
 per sermo est cum sacris litteris, hæc tamen om-
 nia quocunq; me verto, dolor ex absentia Car-
 dinalis Hosij acceptus interpellat, eum porro
 fletus sequitur, cui repugno quoad possum: sed
 adhuc pares non sumus. Quo magis me quem
 tuis orationibus subleuandum suscipias dignum
 esse putabis. Ego verò idem vicissim tibi impen-
 dam apud venerandos sanctorum Apostolo-
 rum cineres charitatis officium. Quæ geruntur
 in vrbe ex D. Stanislao Hosio, eius de quo agi-
 mus Cardinalis nepote cognosces, cuius ratio-
 nes tibi cæterisque confratribus nostris paulo
 profectò diligentius commendarem, nisi vos
 sponte vestra ad augendam & ornandam illius
 familiæ dignitatem incitatos esse mihi persua-
 derem, quæ nobis tam salutarem Ecclesiæ Dei
 virum, Episcopum plane Ecclesiæ natum, me-
 morem

morem sui nominis, maiorum suorum imitatore tam præclaris ad imitandum exemplis abundantem, vel ut Theologi de Basilio verbo utar *ἡ ἀβελήτων*, velut sydus quoddam ad illuminandos cæteros in hac prope deposita Reip. Christianæ parte produxit. R. D. Martino Cromero, Episcopo nostro Varmien. magno Magni Hosij successori (Basilium & Gregoriū diceres) studia officiaque mea denuntiabis: quem ego virum, propterea nobis relictum puto, ne cum vno Hosio, omnis in patria nostra zelus, omnis pietas, & eruditio, extincta sepultaq. videantur. Deum precor, ut quam diutissime Ecclesiæ Dei commodet. Bene vale & nos quod facis, ama, nec amare desine. Romæ Idib. Decemb. 1579.

DE OBITU MAGNI
STANISLAI HOSII
CARDINALIS.

EIVSDEM
ODE LVGVBRIS.
ECCLESIASTICI. 44.

Laudemus viros gloriosos & parentes nostros in
generatione sua. Multam gloriam fecit Domi-
nus, magnificentia sua, à sæculo.



VIS meo fundet capiti liquorem?
Quis dabit fontem lachrymis sca-
tentem.

Flere dum mortē paro luctuosam,
Præsulis Hosii?

Tigris emittat gemitu strepentes
Vortices, Phison riget ore lato
Mixtus Euphrati, tribus atque fletus
Vnda sit vnus.

His Geon iunctus lachrymosa pandat
Ora, diffusis super arua riuis,
Irriget latos lachrymando campos,

Vistula præceps.

Axis à summo bipatentis Orbe
Depluat, cælum gravidis opertum
Nubibus, cælum pluat è recenti

Flumina rore.

Quid nites Titan? tenebras Polonis
Hæc dies adfert, Hosium iacentem

Cc

Dum

Dum vides, albas piceo quadrigas
Obtegē velo.

Nube sub tetra lateat bicornis
Luna, funebres cieant querelas
Astra, deplorent miserata mortem
Præsulis almi.

Præferant tristes clementia luctus,
Nil sit in cælo vel in orbe latum,
Gaudium mæret, subit ecce virtus,
Fura sepulchri.

Mors Stanislaum fera Varmiensem
Præsulem, terræ columen Polonæ,
Abstulit nobis, rubci nitentem
Laude galeri.

Sed notis tantis quid erat necesse?
Ut semel dicas Hosium, iuuentus
Mille per annos ornatura, notas
Arriget aures.

Surgit è matris gremio futurus
Fulgidum vitæ speculum, futurus
Forma virtutum, celebris futurus
Ætheris astrum.

Surgit ut candens rosei rore ticti.
Surgit ut spargens folijs odorem
Lilium, surgit velut excitatus
Rose hyacinthus.

Matris ex aluo veniendo, semper
Purior vitro, niue vixit alba
Albior, vixit magis & columba
Simplice simplex.

Hic iugo Christi puerile collum

Subdit, & filiam capiens aratri,
Vt decet, sulcat bonitatis aruum

Vomere patris.

Hic nouum seruans hominem, vetustum

Pergit antiquo spoliare Adamo,

Sic nouo tectus sacrosancta Iesu

Membra sub intrat.

Cordis ex agro tribulos reuelit,

Semen irrorat lachrymis, in alta

Mente iactatum, geminas daturum

Tempore fruges.

Spiritu carnem domuit perulcam,

Ocium pellit gelidum labore

Fervido, somno vigili profundum

Pellit ocello.

Totus incumbit precibus beata

Regna suspirans, fluidis in horis

Pectus irrorat lachrymis, iuuentis

Vincit amores.

Non minus cælum precibus fatigat

Quàm pio cultu lachrymis nigrantem

Abluit noctem, Sathoram repellit

Dulcibus odori.

Spe polo pendet, nihil est in Orbe

Quod velit, cœsus super ostra seruans:

Et Liam spoliatus simul & Rachelem

Castus amauit.

Ventre ieiuno famis atra dire

Bella diuincit, superans anhelam

Mox suum dulci meditando IESV

Fel sub aceto.

Rimulam transit velut anguis arctam,
Sub manu Saræ subigit superbam
Agar, ad cursus agit at a fellam

Verbere inertem.

Dina scrutatus monimenta Patrum
Sacra degustat rudimenta IESV
Deditus Marthæ, pia Magdalene

Suscipit acta.

Ille doctores celebrandus inser,
Igne diuini rutilans amoris
Pectus errantium face veritatis

Irradiavit.

Hostis effectus Sathana, repletur
Spiritu Christi, capit arma, cacas
Detegit technas, precibus maligni

Proterit artes.

Omnibus charus superumque Regi,
Nactus est illo tribuente dotes,
Quas ministrator Domini fidelis

Sparsit in omnes.

O quot d' falsis fidei magistris
Saucios, arte vera medicauit?
O quot intactos per amœna IESV

Prata cibauit?

Hic oues pastor vigil è periculis
Liberat multas, licet ore sicco
Acer, huc illuc lupus vsque circum

Cursat ouile.

Laurea fulsit gemina pudoris,
Et bonum famæ retinens odorem,
Carnis & seruans animæ decoram

Virgi.

Virginitatem.

Martyr est, carnem cruciando: virgo
Est, habens pulchræ bonæ castitatis:
Doctior exemplis: calamo, loquela,

Instruit omnes.

Ergo iam lassum latus hic reponit,
Hæc quies illi placuit laborum:
Pulchrior nullus locus est in Orbe

Nobiliorque.

Magne (te nomen decet hoc) Hosi mi.
Magne, sp̃s præstans, fide, amore Christi,
Magne doctrina, minimi clientis

Suscipe dona.

Iamne abis? & nos properans relinquis,
Quos tamen sola regione linquis
Semper adnixa sine fine tecum

Mente futuros.

Iamne abis? sælix tamen & recedens
Semper huc ad nos animo recurre,
Esto nobiscum licet ad paternam

Veneris urbem.

En tuam, Præsul bone, charitatem,
Orbis aut alter, neque mors reuellet.
Corporis vita moriente, vita

Viuet a moris.

Vnde complexi sine fine charum
Pectus hæremus laqueo fideli,
Quaque contendes comites feremur

Mente sequaci.

Quando mortalis fueras, iuuasti
Nos precum semper studio tuarum:

Nunc

Nonne poli ciuis tuæ gentem,

Oro Pólonam.

Patriæ magnus pater es ruenis,

Tu ratem portu laceram reponis,

Hinc licet surgat Boreas fremensque

Hinc ruat Eurus.

Huius imprimis tibi cura Regni

Adsit, & clemens patriæ faueto.

Sit fumes, p. stis que procul. Quiescant

Aspera bella.

Nonne tu nobis monumenta vitæ,

Vita dum terris tua luxit alta

Voce prompsisti? o gregis alme custos

O bone pastor.

Gaudeo mundi iubar vniuersi,

Quod meis vidi toties diebus,

• Illud excellens decus omne dicam

Vrbis an Orbis?

Sint Deo grates, quod amore tanto

Nos tibi astrinxit per operta vincla;

Vis vt internam valeat catenam

Rumpere nulla.

Pro datis magnis tibi, diue pastor,

Seruius quænam poterit rependi?

Nulla compensant precium salutis,

Vota precantur.

Nonque te celsum meritis in altum

Culmen imponit preciosa virtus

Inq, viuendum super vrbe magnis

Turribus addit.

In diem atque horam sine te misellus

208
Nequior fio, vitiorum in omnes
Promior sordes, facilem ruenti

Porrige dextram.

Pande, si Resci est tibi vita cura,
Ut fuit quondam, rutili coruscum
Ætheris callem, sacra pande summi
Oſia regni.

Auribus gratiſ, pater alme, tandem
Quas tibi laudes cecini libenter
Sume, nec ſpernas modulos fideli
Pectore promptos.

Carminis leges amor aureorum
Nominum parui facit, & loquendi
Cura de ſanctis vitioſa non eſt,
Quamlibet infans.

ſcis Deum nunquam potuiſſe ſecti
Vocce peccantum, ſer opem roganti
Dine deſenſor, pia vota IEſuſ

Ocius explet.

Vnicum Gentis decus o Polonæ,
Hæreſum victor venerande, ſalue:
Sis ſalus nobis miſeris, tuamque

Reſpice gentem

Impetra pacem populi, ſalutem
Corporum, vires animæ, benignum
Aerem, gratam pluuiam, quietæ

Commoda vilæ.

Lex Romanorum.

Honoratorū virorū laudes in cōcione memoran
tor, eaſq; ad cantus, & ad tibicinem proſequantor.

EPI.

EPITAPHIVM EIVSDEM

Cardinalis in eius Titulari Eccle-
sia Beatae Mariae Transtibe-
rim, in marmore nigro
litteris aureis in
sculptum.

D O M

STANISLAO. HOSIO. POLONO. S. R. E.
PRESE. CARD. VARMIENSIS EP. MAIOR.
RIPOENIT. VITÆ. SANCTITATE, E-
RVDITIONISET. ELOQVENTIAE.
GLORIA. CELEBER.
CATHOLICAE. FIDEI. ACERR. PROPVGNATORI.
QV. I. CVM. ANTIQVAE. PROBITATIS
ET. EPIS. VIGILANTIAE. PRAESTAN-
TIAM. IN. HVMILITATE. CARITA-
TE. CASTITATE. BENEFICENTIA
EXPRESSISSET. HERET. SECTAS
SCRIPTIS. ET. CONSILIIS. SAPIEN-
TISS. FERVENTER. OPPVGNASSET.
MVLTO. AB. ERRORIB. REVOCASSET
GRAVISSQ. LEGATIONIB. PRO. PA-
CE. ECCLE. DEL. CVM. APVD. CAROL. V.
ET. FERD. CAESS. TVM. PRAECIPVE. IN
S. CONC. TRID. PIL. IV. PONT. NOMINE
FELICISS. PEREVNCTVS. CRIST.
REIPVE. PLVRIMVM. PROEVISSET
OMNIVM. VIRTVTVM. LAVDIB. ET
EXEMPLIS. AD. IMITANDVM. ABVNDANS.
OBDORMIVIT. IN. DOMINO
NONIS. AVG. ANNO. SALVTIS. M. D.
LXXIX. AETATIS. SVAE. LXXVI.

STANISLAVS. PATRVO. ET. STAN.
RESCIVS. PATRONO. BENEFICEN-
TISS. EXECVTORES. ROSS.

